

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

#### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

#### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/

2989 e.50

Digitized by Google

To the Bolleran Library, Feb: 8, 1916, E. 5. Dodger.

# PUBLIUS VIRGILIUS MARO



LONDINI
GULIELMUS PICKERING
1845

BODL, LIBR. -9.FEB. 1913 OXFORD

#### P. VIRGILII MARONIS

#### BUCOLICΩN

LIBER.

#### ECLOGA I.-TITYRUS.

MELIBŒUS. TITYRUS.

MEL TITTRE, tu patulæ recubans sub tegmine fagi Silvestrem tenui musam meditaris avena:

Nos patriæ fines et dulcia linquimus arva;

Nos patriam fugimus: tu, Tityre, lentus in umbra
Formosam resonare doces Amaryllida silvas.

5
TIT. O Melibæe, daus nobis hæc otia fecit:

Namque erit ille mihi semper deus; illius aram

Sæpe tener nostris ab ovilibus imbuet agnus.

Ille meas errare boves, ut cernis, et ipsum

Ludere, quæ vellem, calamo permisit agresti.

10
Mel. Non equidem invideo; miror magis: undique totis

Usque adeo turbatur agris. En, ipse capellas Protenus æger ago; hanc etiam vix, Tityre, duco. Hic inter densas corylos modo namque gemellos, Spem gregis, ah! silice in nudâ connixa reliquit. 15 Sæpe malum hoc nobis, si mens non læva fuisset De cœlo tactas, memini, prædicere quercus; [Sæpe sinistra cavâ prædixit ab ilice cornix.] Sed tamen, iste deus qui sit, da, Tityre, nobis. Tit. Urbem, quam dicunt Romam, Melibæe, putavi Stultus ego huic nostræ similem, quo sæpe solemus Pastores ovium teneros depellere fostus. Sic canibus catulos similes, sic matribus hædos Nôram: sic parvis componere magna solebam.

Verum hæc tantum alias inter caput extulit urbes, 925 Quantum lenta solent inter viburna cupressi. MEL. Et quæ tanta fuit Romam tibi causa videndi? TIT. Libertas: -quæ sera, tamen respexit inertem; Candidior postquam tondenti barba cadebat: Respexit tamen, et longo post tempore venit, Postquam nos Amaryllis habet, Galatea reliquit. Namque (fatebor enim) dum me Galatea tenebat, Nec spes libertatis erat, nec cura peculi. Quamvis multa meis exiret victima septis, Pinguis et ingratæ premeretur caseus urbi, Non unquam gravis ære domum mihi dextra redibat. Mel. Mirabar, quid mœsta dèos, Amarylli, vocares; Cui pendere suâ patereris in arbore poma. Tityrus hinc aberat. Ipsæ te, Tityre, pinus, Ipsi te fontes, ipsa hæc arbusta, vocabant. Tit. Quid facerem? neque servitio me exire licebat, Nec tam præsentes alibi cognoscere divos. Hic illum vidi juvenem, Melibœe, quotannis Bis senos cui nostra dies altaria fumant. Hic mihi responsum primus dedit ille petenti: Pascite, ut antè, boves, pueri; submittite tauros. Mel. Fortunate senex! ergo tua rura manebunt, Et tibi magna satis; quamvis lapis omnia nudus Limosoque palus obducat pascua junco. Non insueta graves tentabunt pabula fœtas; Nec mala vicini pecoris contagia lædent. Fortunate senex! hic, inter flumina nota Et fontes sacros, frigus captabis opacum. Hinc tibi, quæ semper vicino ab limite sepes Hyblæis apibus florem depasta salicti. 55 Sæpe levi somnum suadebit, inire susurro. Hinc altà sub rupe carlet frondator ad auras; Nec tamen interea raucæ, tua cura, palumbes, Nec gemere aëriâ cessabit turtur ab ulmo. Tit. Antè leves ergo pascentur in æthere cervi, 60 Et freta destituent nudos in littore pisces: Antè, pererratis amborum finibus, exsul

Aut Ararim Parthus bibet, aut Germania Tigrim; Quàm nostro illius labatur pectore vultus. Mel. At nos hinc alii sitientes ibimus Afros; crefai Pars Scythiam et rapidum Crets veniemus Oaxem, Et penitus toto divisos orbe Britannos. En, unquam patrios longo post tempore fines, Pauperis et tuguri congestum cespite culmen, Aut. Post aliquot, mea regna videns, mirabor aristas? 70 Impius hæc tam culta novalia miles habebit? Barbarus has segetes? En, quo discordia cives Produxit miseros! en, queis consevimus agros! Insere nunc, Melibœe, piros, pone ordine vites. Ite meæ, felix quondam pecus, ite capellæ! Non ego vos posthac, viridi projectus in antro, statulat at langth Dumosa pendere procul de rupe videbo: Carmina nulla canam; non, me pascente, capellæ, Florentem cytisum et salices carpetis amaras. Tir. Hic tamen hanc mecum poteras requiescere noc-Fronde super viridi; sunt nobis mitia poma, Castaneæ moller, et pressi copia lactis: cheve Et jam summa procul villarum culmina fumant;

#### ECLOGA II.—ALEXIS.

Majoresque cadunt altis de montibus umbræ.

Formosum pastor Corydon ardebat Alexin,
Delicias domini; nec, quid speraret, habebat.
Tantùm inter densas, umbrosa cacumina, fagos
Assiduè veniebat: ibi hec incondita solus
Montibus et silvis studio jactabat inani:

O crudelis Alexi, nihil mea carmina curas?
Nil nostri miserere? mori me denique coges.
Nunc etiam pecudes umbras et frigora captant;
Nunc virides etiam occultant spineta lacertos;
Thestylis et rapido fessis messoribus eestu

VIRGILII BUCOLICA. Allia serpyllumque herbas contundit olentes: At mecum raucis, tua dum vestigia lustro, Sole sub ardenti resonant arbusta cicadis. Nonne fuit satius tristes Amaryllidis iras Atque superba pati fastidia? nonne Menalcan? Quamvis ille niger, quamvis tu candidus esses. O formose puer, nimium ne crede colori: frivet Alba ligustra cadunt, vaccinia nigra leguntur. hupeinth Despectus tibi sum; nec, qui sim, quæris, Alexi; Quam dives pecoris, nivei quam lactis abundans. 20 Mille mese Siculis errant in montibus agnæ: Lac mihi non æstate novum, non frigore defit. Canto, que solitus, si quando armenta vocabat, Amphion Dircetts in Activo Aracyntho. Nec sum adeo informis: nuper me in littore vidi, '25 Cùm placidum ventis staret mare: non ego Daphnin Judice te metuam, si nunquam fallat imago. O tantum libeat mecum tibi sordida rura Atque humiles habitare casas, et figere cervos, Hædorumque gregem viridi compellere hibisco! Mecum una in silvis imitabere Pana canendo. Come Hant to Pan primus calamos cerà conjungere plures Instituit: Pan curat oves oviumque magistros. Nec te pœniteat calamo trivisse labellum: frag. Hæc eadem ut sciret, quid non faciebat Amyntas? 35 Est mihi disparibus septem compacta cicutis Fistula, Damœtas dono mihi quam dedit olim; Et dixit moriens, Te nunc habet ista secundum. Dixit Damœtas; invidit stultus Amyntas. Præterea duo, nec tuta mihi valle reperti, Capreoli, sparsis etiam nunc pellibus albo, with the Bina die siccant ovis ubera; quos tibi servo mante des. Jampridem a me illos abdusere Thestylis orat: Et faciet; quoniam sordent tibi munera nostra. Huc ades, o formose puer: tibi lilia plenis Ecce ferunt Nymphæ calathis; tibi candida Naïs, Pallentes violas et summa papavera carpens, Narcissum et florem jungit bene olentis anethi : bill, fa Borotian Hero, intain near thetes. Hetca. To . Arthin near Achelorn

Ipse ego cana legam tenera lanugine mala, quinces Castaneasque nuces, mea quas Amaryllis amabat : Addam cerea pruna; et honos erit huic quoque pomo; Et vos, o lauri, carpam, et te, proxima myrte; Sic posite quoniam suaves miscetis odores. Rusticus es, Corydon; nec munera curat Alexis; Nec, si muneribus certes, concedat Iolas. Heu, heu, quid volui misero mihi! floribus Austrum, seine eo (Perditus) et liquidis immisi fontibus apros. but ina chin shob Quem fugis, ah demens? habitârunt dî quoque silvas, 60 Dardaniusque Paris. Pallas, quas condidit, arces Ipsa colat: nobis placeant ante omnia silvæ, Torva leæna lupum sequitur; lupus ipse capellam; Florentem cytisum sequitur lasciva capella; Te Corydon, o Alexi: trahit sua quemque voluptas. Adspice, aratra jugo referent suspensa juvenci, 2 from the Leight Et sol crescentes decedens duplicat umbras: Dfonte une Me tamen urit amor; quis enim modus adsit amori? Ah Corydon, Corydon, quæ te dementia cepit! Semiputata tibi frondosa vitis in ulmo est. Quin tu aliquid saltem, potius quorum indiget usus, was rec Viminibus mollique paras detexere junco? Invenies alium, si te hic fastidit, Alexin.

#### ECLOGA III.—PALÆMON.

MENALCAS. DAMŒTAS. PALÆMON.

MEN. Dic mihi, Dameta, cujum pecus? an Melibei?

Dam. Non; verum Ægonis: nuper mihi tradidit
Ægon.

MEN. Infelix o semper, oves, pecus! ipse Neæram Dum fovet, ac, ne me sibi præferat illa, veretur, Hic alienus oves custos bis mulget in horâ;

Et succus pecori, et lac subducitur agnis. DAM. Parcius ista viris tamen objicienda memento. Novimus et qui te, transversa tuentibus hircis, Et quo (sed faciles Nymphæ risere,) sacello. MEN. Tum, credo, cum me arbustum videre Miconis, 40 Atque malâ vites incidere falce novellas. Dam. Aut hicad veteres fagos, cum Daphnidis arcum Fregisti et calamos; quæ tu, perverse Menalca, Dathown Et, cum vidisti puero donata, dolebas: Et, si non aliqua nocuisses, mortuus esses. MEN. Quid domini faciant, audent cum talia fures? Non ego te vidi Damonis, pessime, caprum Excipere insidiis, multum latrante lycisca?

Et cum clamarem, Quo nunc se proripit ille?

Tityre, coge pecus: tu post carecta latebas. DAM. An mihi cantando victus non redderet ille, habata Quem mea carminibus meruisset fistula, caprum? Si nescis, meus ille caper fuit: et mihi Damon Ipse fatebatur; sed feddere posse negabat. Men. Cantando tu illum? aut unquam tibi fistula 🛂 Juncta fuit? non tu in triviis, indocte, solebas Stridenti miserum stipula disperdere carmen? Dam. Vis ergo, internos, quid possituterque, vicissim Experiamur? Ego hanc vituram (ne forte recuses, Bis venit ad mulctram, binos alit ubere fœtus) Depono: tu dic, mecum quo pignore certes. [cum: MEN. De grege non ausim quidquam deponere te-Est mihi namque domi pater, est injusta noverca :

special states

Verum, id quod multo tute ipse fatebere majus, (Insanire libet quoniam tibi,) pocula ponam Fagina, cælatum divini opus Alcimedontis; Lenta quibus torno facili superaddita vilis

Lenta quibus torno facili superaddita) vitis
Diffasos hedera vestit pallente corymbos.
In medio duo signa: Conon, et, quis fuit alter, o conon

Descripsit radio totum qui gentibus orbem; Tempora que messor, que curvus arator haberet? Necdum illis labra admovi, sed condita servo.

Bisque die numerant ambo pecus, alter et hædos.

36+39 on which some curraing chiese hestract the flient was

7 ECLOGA III. DAM. Et nobis idem Alcimedon duo pocula fecit, Et molli circum est ansas amplexus acantho; Orpheaque in medio posuit, silvasque sequentes. Necdum illis labra admovi, sed condita servo. Si ad vitulam spectas, nihil est quod pocula laudes. MEN. Nunquam hodie effugies; veniam quòcunque vocâris. Audiat hæc tantum vel qui venit; ecce, Palæmon. Efficiam, posthac ne quemquam voce lacessas. [ulla; DAM. Quin age, si quid habes; in me mora non erit Nec quemquam fugio: tantum, vicine Palæmon, Sensibus hæc imis (res est non parva) reponas, give augullest at this PAL. Dicite: quandoquidem in molli consedimus

herbā; Et nunc omnis ager, nunc omnis parturit arbos, Nunc frondent silvæ, nunc formosissimus annus. in the treet.

Incipe, Damœta; tu deinde sequère, Menalca. Malternis dicetis; amant alterna Camœnæ. (plena)

DAM. Ab Jove principium, Musee: Jovis omnia) fapud me

MEN. Et me Phœbus amat: Phœbo sua sempendie favoritz Munera sunt, lauri, et suave pubens hyacinthus.

DAM. Malo me Galatea petit, lasciva puella; Janey

Et fugit ad salices, et se cupit antè videri. Notior ut jam sit canibus non Delia nostris.

Dam. Parta meæ Veneri sunt munera; namque notavi Ipse locum, aëriæ quo congessère palumbes.

MEN. Quod potui, puero silvestri ex arbore lecta 70 Aurea mala decem misi; cras altera mittam.

Dam. O quoties, et quæ nobis Galatea locuta est! Partem aliquam, venti, divûm referatis ad aures! MEN. Quid prodest, quod me ipse animo non spernis, Amynta,

Si, dum tu sectaris apros, ego retia servo?

Cum faciam vitula pro frugibus, ipse venito. [flevit ] MEN Phyllida amo ante alias; nam me discedere availa, ai hiel

4 Jefer + opini ( P. I. 329)

Et, Longum, formose, vale, vale, inquit, Iola. DAM. Triste lupus stabulis, maturis frugibus imbres, Arboribus venti, nobis Amaryllidis iræ.

MEN. Dulce satis humor, depulsis arbutus hædis, Lenta salix fœto pecori, mihi solus Amyntas.

DAM. Pollio amat nostram, quamvis est rustica.

Pierides, vitulam lectori pascite vestro. 25 [taurum, MEN. Polio et ipse facit nova carmina: pascite Jam cornu petat, et pedibus qui spargat arenam.

Dam. Qui te, Pollio, amat, veniat quò te quoque

gaudet:

Mella fluant illi, ferat et rubus asper amomum. Men.Qui Bavium non odit, amet tva carmina, Mævi; Atque idem jungat vulpes, et mulgeat hircos.

Dam. Qui legitis flores, et humi nascentia fraga, Frigidus, o pueri fugite binc latet anguis in herba. MEN. Parcite, oves, nimium procedere; non bene ripæ

Creditur: ipse aries etiam nunc vellera siccat. DAM. Tityre, pascentes a flumine reice capellas; Ipse, ubi tempus efit omnes in fonte lavabo. MEN. Cogite oves, pueri; si lac præceperit æstus,

Ut nuper, frustrà pressabimus ubera palmis. DAM. Heu, heu, quam pingui macer est mihi taurus

in ervo! \$2872 Idem amor exitium pecori, pecorisque magistro.

Men. His certè neque amor causa est : vix ossibus hærent.

Nescio quis teneros oculus mihi fascinat agnos.

DAM. Dic, quibus in terris (et eris mihi magnus Apollo,)

Tres pateat cœli spatium, non ampliùs, ulnas. MEN. Dic, quibus in terris inscripti nomina regum Nascantur flores; et Phyllida solus habeto.

PAL. Non nostrum inter vos tantas componere lites : [Et vitulâ tu dignus, et hic; et quisquis amores Aut metuet dulces, aut experietur amaros.] 110 Claudite jam rivos, pueri: sat prata biberant.

Digitized by Google

because it looks from sonante. balled messianie because it looks from to the neturn of the soldings, which is to be heralded by the britte offere shill like in the Child? Be child of Augustus Scribonia-Julia Child of Augustus Scribonia Chil

Sicelides Musse, paullo majora canamus;
Non omnes arbusta juvant humilesque myricæ:
Si canamus silvæs, silvæ sint consule dignæ.

Ultima Cumsei venit jam carminis setas; Magnus ab integro sesciorum nascitur ordo. Jam redit et Virgo, redeunt Saturnia regna; Jam nova progenies cœlo demittitur alto. Tu modo nascenti puero, quo ferrea primum Desinet, ac toto surget gens aurea mundo, Casta, fave, Lucina: tuus jam regnat Apollo. Teque adeo decus hoc sevi, te consule, inibit, Pollio; et incipient magni procedere menses. Te duce, si qua manent, sceleris vestigia nostri Irrita perpetuâ solvent formidine terras. Ille deum vitam accipiet, divisque videbit Permixtos heroas, et ipse videbitur illis;

Ipsæ lacte domum referent distenta capellæ Ubera; nec magnos metuent armenta leones. Ipsa tibi blandos fundent cunabula flores: Occidet et serpens, et fallax herba veneni Occidet; Assyrium vulgo nascetur amomum.

At simul heroum laudes, et facta parentis Jam legere, et quæ sit poteris cognoscere virtus; Molli paullatim flavescet campus aristâ,

Incultisque rubens pendebit sentibus uva;
Et duræ quercus sudabunt roscida mella.
Pauca tamen suberunt priscæ vestigia fraudis,
Quæ tentare Thetin ratibus, quæ cingere muris
Oppida, quæ jubeant telluri infindere sulcos.
Alter erit tum Tiphys, et altera quæ vehat Argo

dereman of the

10

Delectos heroas; erunt etiam altera bella;

Atque iterum ad Trojam magnus mittetur Achilles. Hinc, ubi jam firmata virum te fecerit ætas, Cedet et ipse mari vector; nec nautica pinus Mutabit merces: omnis feret omnia tellus. Non rastros patietur humus, non vinea falcem; Robustus quoque jam tauris juga solvet arator. Nec varios discet mentiri lana colores: & Part 2 22 Ipse sed in pratis aries jam suave rubenti Murice, jam croceo mutabit vellera luto; Sponte suâ sandyx pascentes vestiet agnos.

Talia sæcla, suis dixerunt, currite, fusis Concordes stabili fatorum numine Parcæ. Aggredere o magnos (aderit jam tempus) honores, Cara deum soboles, magnum Jovis incrementum! Adspice convexo nutantem pondere mundum: Terrasque, tractusque maris, cœlumque profundum: Adspice, venturo lætentur ut omnia sæclo. O mihi tam longæ maneat pars ultima vitæ, Spiritus et, quantum sat erit tua dicere facta! Non me carminibus vincet nec Thracius Orpheus, 55 Nec Linus; huic mater quamvis, atque huic pater Orphei Calliopea, Lino formosus Apollo. Pan etiam, Arcadiâ mecum si judice certet, Pan etiam Arcadiâ dicat se judice victum.

Incipe, parve puer, risu cognoscere matrem: Matri longa decem tulerunt fastidia menses. Incipe, parve puer : cui non risêre parentes, Nec deus hunc mensâ, dea nec dignata cubili est.

#### ECLOGA V.—DAPHNIS.

MENALCAS. MOPSUS.

MEN. CUR non, Mopse, boni quoniam convenimus Tu calamos inflare leves, ego dicere versus, Macer Hic corylis mixtas inter considimus ulmos?

Mor. Ťu major; tibi me estæquum parere, Menalca;

Sive sub incertas Zephyris motantibus umbras, Sive antro potius succedimus : adspice, ut antrum Silvestris raris sparsit labrusca racemis. will will branches. MEN. Montibus in nostris solus tibi certet Amyntas. Mor. Quid, si idem certet Phœbum superare canendo? ignes, MEN. Incipe, Mopse, prior: si quos aut Phyllidis Aut Alconis habes laudes, aut jurgia Codri. abuses Incipe: pascentes servabit Tityrus hædos. Mor. Immo have in viridi nuper que cortice fagi Carmina descripsi, et modulans alterna notavi, Share Experiar: tu deinde jubeto, certet Amyntas. MEN. Lenta salix quantum pallenti cedit olivæ, Puniceis humilis quantum saliunca rosetis; Judicio nostro tantum tibi cedit Amyntas. Mop. Sed tu desine plura, puer; successimus antro. Exstinctum Nymphæ crudeli funere Daphnin Flebant: vos coryli testes, et flumina, Nymphis: Cum, complexa sui corpus miserabileonati, Atque deos atque astra vocat crudelia mater. Non ulli pastos illis egêre diebus amnem Frigida, Daphni, boves ad flumina; nulla neque Libavit quadrupes, nec graminis attigit herbam. Daphni, tuum Pœnos etiam ingemuisse leones Interitum, montesque feri silvæque loquuntur. Daphnis et Armenias curru subjungere tigres Instituit; Daphnis thiasos inducere Bacchi, New 200 Et foliis lentas intexere mollibus hastas. Vitis ut arboribus decori est, ut vitibus uvæ, Ut gregibus tauri, segetes ut pinguibus arvis; Tu decus omne tuis. Postquam te fata tulerunt, Ipsa Pales agros, atque ipse reliquit Apollo. Grandia sæpe quibus mandavimus hordea sulcis, Infelix lonum et steriles nascuntur avenæ: Jac Hist. Y. a.f. 13. Pro molli violâ, pro purpureo narcisso, Carduus et spinis surgit paliurus acutis. - Chrut's - thora Spargite humum foliis, inducite fontibus umbras, 40 Pastores: mandat fieri sibi talia Daphnis.

Et tumulum facite, et tumulo superaddite carmen: Daphnis ego in silvis, hinc usque ad sidera notus. Formosi pecoris custos, formosior ipse.

MEN. Tale tuum carmen nobis, divine poeta, Quale sopor fessis in gramine; quale per æstum Dulcis aquæ saliente sitim restinguere rivo. Nec calamis solum æquiparas, sed voce magistrum: Fortunate puer, tu nunc eris alter ab illo. Nos tamen hæc quocumque modo tibi nostra vicissim Dicemus; Daphninque tuum tollemus ad astra; Daphnia ad astra feremus: amavit nos quoque Daphnis.

Mor. An quidquam nobis tali sit munere majus? Et puer ipse fuit cantari dignus; et ista

Jampridem Stimicon laudavit carmina nobis. Men. Candidus insuetum miratur limen Olympia Sub pedibusque videt nubes et sidera Daphnis. Ergo alacris silvas et cætera rura voluptas, Panaque, pastoresque tenet, Dryadasque puellas. Nec lupus insidias pecori, nec retia cervis Ulla dolum meditantur: amat bonus otia Daphnls. Ipsi lætitià voces ad sidera jactant Intonsi montes; ipsee jam carmina rupes, Ipsa sonant arbusta, Deus, deus ille, Menalca! Sis bonus o felixque tuis! en quatuor aras; 65 Ecce duas tibi, Daphni; duas, altaria Phœbo: Pocula bina novo spumantia lacte quotannis, Craterasque duo statuam tibi pinguis olivi: Et multo in primis hilarans convivia Baccho, Ante focum, si frigus erit, si messis, in umbra, Vina novum fundam calathis Ariusia nectar. Cantabunt mihi Damætas et Lyctius Ægon; Saltantes Satyros imitabitur Alphesibœus. Hæc tibi semper erunt, et cum sollemnia vota Reddemus Nymphis, et cum lustrabimos agros. Dum juga montis aper, fluvios dum piscis amabit, Dumque thymo pascentur apes, dum rore cicadæ; Semper honos nomenque tuum laudesque manebunt. Ut Baccho Cererique, tibi sic vota quotannis

Agricolæ facient; damnabis tu quoque votis. Mor. Que tibi, que tali reddam pro carmine dona? Nam neque me tantum venientis sibilus Austri, Nec percussa juvant fluctu tam littora, nec quæ Saxosas inter decurrent flumina valles. MEN. Hâc te nos fragili donabimus ante cicută: sa Hæc nos, Formosum Corydon ardebat Alexin; 2 Heec eadem docuit, Cujum pecus? an Melibai? 313 Elorus

Mor. At tu sume pedum, quod, me quum sæpe though rogaret.

Non tulit Antigenes, (et erat tum dignus amari,) Formosum paribus nodis atque ære, Menalca.

#### ECLOGA VI.—SILENUS.

Prima Syracosio dignata est ludere versu Nostra, nec erubuit silvas habitare, Thalia. Cum canerem reges et prælia, Cynthius aurem Vellit, et admonuit : Pastorem, Tityre, pingues Pascere oportet oves, deductum dicere carmen. Nunc ego (namque super tibi erunt, qui dicere laudes, Vare, tuas cupiant, et tristia condere bella;) Agrestem tenui meditabor arundine musam. Non injussa cano: si quis tamen hæc quoque, si quis Captus amore leget, te nostree, Vare, myricæ, Te nemus omne canet; nec Phœbo gratior ulla est, Quam sibi quæ Vari præscripsit pagina nomen. Pergite, Pierides: - Chromis et Mnasylos in antro Silenum pueri somno vidêre jacentem, Inflatum hesterno cenas, ut semper, Iaccho: 15 Serta procul tantum capiti delapsa jacebant; Et gravis attrità pendebat cantharus ansa. Lande Aggressi, nam sæpe senex spe carminis ambo Luserat, injiciunt ipsis ex vincula sertis. and and and Addit se sociam, timidisque supervenit, Ægle; 20 Ægle, Naïadum pulcherrima; jamque videnti Sanguineis frontem moris et tempora pingit. multerries. VIRGILII BUCOLICA.

Ille dolum ridens, Quo vincula nectitis? inquit. Solvite me, pueri; satis est potuisse videri. Carmina, quæ vultis, cognoscite; carmina vobis, 25 Huic aliud mercedis erit. Simul incipit ipser time to his multim verò in numerum Faunosque ferasque videres Ludere, tum rigidas motare cacumina quercus. Nec tantum Phœbo gaudet Parnassia rupes; Nec tantum Rhodope mirantur et Ismarus Orphea. Namque canebat, uti magnum per inane coacta Semina terrarumque, animæque, marisque, fuissent, Et liquidi simul ignis; ut his exordia primis dement Omnia, et ipse tener mundi concreverit orbis: Tum durare solum, et discludere Nerea ponto Cœperit, et rerum paullatim sumere formas: Jamque novum terræ stupeant lucescere solem, Altius atque cadant submotis nubibus imbres; Incipiant silvæ cum primum surgere, cumque Rara per ignotos errent animalia montes. Hinc lapides Pyrrhæ jactos, Saturnia regna, Caucaseasque refert volucres, furtumque Promethei. His adjungit, Hylan nautæ quo fonte relictum Clamâssent, ut littus, Hyla, Hyla, omne sonaret; Et fortunatam, si nunquam armenta fuissent, Pasiphaen nivei solatur amore juvenci. Ah, virgo infelix, quæ te dementia cepit? Prætides implêrunt falsis mugitibus agros: At non tam turpes pecudum tamen ulla secuta est Concubitus, quamvis collo timuisset aratrum, Et sæpe in levi quæsisset cornua fronte. Ah, virgo infelix, tu nunc ja montibus erras: Ille, latus niveum molli fultus hyacintho, Ilice sub nigra pallentes ruminat herbas; [Nymphæ, Aut aliquam in magno sequitur grege. Claudite, Dicteme Nymphe, nemorum jam claudite saltus; Si quà forte ferant oculis sese obvia nostris Errabunda bovis vestigia: forsitan illum Aut herbâ captum viridi, aut armenta secutum, Perducant aliquæ stabula ad Gortynia vaccæ.

Atalanta. Tum canit Hesperidum miratam mala puellam: Tum Phaëthontiadas musco circumdat amaree Corticis, atque solo proceras erigit alnos. Tum canit, errantem Permessi ad flumina Gallum Aonas in montes ut duxerit una sororum: 65 Utque viro Phœbi chorus assurrexerit omnis; Ut Linus heec illi, divino carmine pastor, Floribus atque apio crines ornatus amaro. Dixerit, Hos tibi dant calamos, en accipe, Musæ, Ascræo quos ante seni; quibus ille solebat Cantando rigidas deducere montibus ornos. His tibi Grynei nemoris dicatur origo: Ne quis sit lucus, quo se plus jactet Apollo. Quid loquar, ut Scyllam Nisi, quam fama secuta est, Candida succinctam latrantibus inguina monstris, 75 & To Dulichias vexâsse rates, et gurgite in alto Ah! timidos nautas canibus lacerasse marinis? Aut, ut mutatos Terei narraverit artus? Quas illi Philomela dapes, quæ dona parârit? Quo cursu deserta petiverit, et quibus antè

Omnia quæ, Phæbo quondam meditante, beatus Audiit Eurotas, jussitque ediscere lauros, Ille canit; pulsæ referunt ad sidera valles: Cogere donec oves stabulis, numerumque referre

Jussit, et invito processit Vesper Olympo.

Infelix sua tecta supervolitaverit alis?

#### ECLOGA VII.—MELIBŒUS.

MELIBŒUS. CORYDON. THYRSIS.

MEL. FORTE sub arguta consederat ilice Daphnis, Compulerantque greges Corydon et Thyrsis in unum; Thyrsis oves, Corydon distentas lacte capellas; Ambo florentes ætatibus, Arcades ambo, Et cantare pares, et respondere parati.

Huc mihi, dum teneras defendo a frigore myrtos, Vir gregis ipse caper deerraverat; atque ego Daphnin Adspicio: ille ubi me contrà videt, Ocius, inquit, Huc ades, o Melibœe; caper tibi salvus, et hædi; Et, si quid cessare potes, requiesce sub umbra.

Huc ipsi potum venient per prata juvenci; Hic virides tenera prætexit arundine ripas Mincius, eque sacra resonant étamina quercu. Quid facerem? neque ego Alcippen nec Phyllida ha-Depulsos a lacte domi quæ clauderet agnos; [bebam, Et certamen erat, Corydon cum Thyrside, magnum. Posthabui tamen illorum mea seria ludo.

Alternis igitur contendere versibus ambo Cæpère: alternos Musæ meminisse volebant.

Hos Corydon, illos referebat in ordine Thyrsis.

Cor. Nymphæ, noster amor, Libethrides, aut mihi

Carmen,
Quale meo Codro, concedite; (proxima Phœbi
Versibus ille facit:) aut, si non possumus omnes,
Hic arguta sacra pendebit fistula pinu. Libe.
THYR. Pastores, hedera crescentem ordate poetam, 25
Arcades, invidia rumpantur ut ilia Codro: Rate
Aut, si ultra placitum laudarit, baccare frontem fortale
Cingite, ne vati noceat mala lingua futuro.

Con. Setosi caput hoc apri tibi, Delia, parvus

Et ramosa Micon vivacis cornua cervi.

Si proprium hoc therit, levi de marmore tota

Si proprium noc urein, ion.

Puniceo stabis suras evincta cothurno. to kin

Thyn. Sinum lactis, et hec te liba, Priape, quotannis o ka

Nunc te marmoreum pro tempore fecimus; at tu, 35

Si fœtura gregem supplevent, aureus esto.

Con. Nerine Galatea, thymo mihi dulcior Hyblæ, Candidior cycnis, hedera formosior alba; Cum primum pasti repetent præsepia taum, stalls Si qua tui Corydonis habet te cera venito.

THYR. Immo ego Sardoïs videar tibi amarior herbis, Horridior <u>rusco</u>, projectâ vilior algâ,

titeher's bream

Si mihi non hæc lux toto jam longior anno est. Ite domum pasti, si quis pudor, ite juvenci. Con. Muscosi fontes, et somno mollior herba, Et quæ vos rarâ viridis tegit arbutus umbrâ, Solstitium pecori defendite; jam venit æstas Torrida, jam læto turgent in palmite gemmæ. THYR. Hic focus, et tædæ pingues; hic plurimus Semper, et assiduà postes fuligine nigri: Hic tantum Boreæ curamus frigora, quantum Aut numerum lupus, aut torrentia flumina ripas. Con. Stant et juniperi et castane firsute; alagge Strata jacent passim sua quæque sub arbore poma; Omnia nunc rident: at, si formosus Alexis Montibus his abeat, videas et flumina sicca. THYR. Aret ager; vitio moriens sitit aëris herba; Liber pampineas invidit collibus umbras. Phyllidis adventu nostræ nemus omne virebit; Jupiter et læto descendet plurimus imbri. free on. Populus Alcide gratissima, vitis Iaccho, Formose myrtus Veneri, sua laurea Phœbo: Phyllis amat corylos; illas dum Phyllis amabit, Nec myrtus vincet corylos, nec laurea Phœbi. THYR. Fraxinus in silvis pulcherrima, pinus in hortis, Populus in fluviis, abies in montibus altis: lanch. Sæpius at si me, Lycida formose, revisas, Fraxinus in silvis cedat tibi, pinus in hortis. Mel. Hæc memini, et victum frustrà contendere Thyrsin. [Ex illo Corydon, Corydon est tempore nobis.]

### Be 3 ECLOGA VIII.—PHARMACEUTRIA.

DAMON. ALPHESIBŒUS.

Pastorum musam Damonis et Alphesibæi, Immemor herbarum quos est mirata juvenca Certantes, quorum stupefactæ carmine lynces, Pollio

Et mutata suos requièrunt flumina cursus; Damonis musam dicemus et Alphesibœi.

Tu mihi, seu magni superas jam saxa Timavi, Sive oram Illyrici legis æquoris; en erit unquam Ille dies, mihi cum liceat tua dicere facta? En erit, ut liceat totum mihi ferre per orbem Sola Sophocleo tua carmina digna cothurno? 10 A te principium, tibi desinet: accipe jussis Carmina cœpta tuis; atque hanc sine tempora circum Inter victrices hederam tibi serpere lauros.

Frigida vix cœlo noctis decesserat umbra, Cùm ros in tenerâ pecori gratissimus herbâ est; Incumbens tereti Damon sic cœpit olivæ:--

Dam. Nascere, præque diem veniens age, Lucifer. Conjugis indigno Nisæ deceptus amore [almum; Dum queror, et divos, quanquam nil testibus illis Profeci, extremâ moriens tamen alloquor horâ. Incipe Mænalios mecum, mea tibia, versus. Mænalus argutumque nemus pinosque loquentes Semper habet; semper pastorum ille audit amores, Panaque, qui primus calamos non passus inertes. Incipe Mænalios mecum, mea tibia, versus. Mopso Nisa datur: quid non speremus amantes? Jungentur jam gryphes equis, ævoque sequenti Cum canibus timidi venient ad pocula damæ. Mopse, novas incide faces: tibi ducitur uxor. Sparge, marite, nuces: tibi deserit Hesperus Œtam. Incipe Mænalios mecum, mea tibia, versus. O digno conjuncta viro! dum despicis omnes, Dumque tibi est odio mea fistula, dumque capellæ, Hirsutumque supercilium, promissaque barba; Nec curare deum credis mortalia quemquam. 35 Incipe Mænalios mecum, mea tibia, versus. Sepibus in nostris parvam te roscida mala (Dux ego vester eram) vidi cum matre legentem : Alter ab undecimo tum me jam ceperat annus; Jam iragines pour ain a contract abstulit error! Jam fragiles poteram a terrà contingere ramos.

Incipe Mænalios mecum, mea tibia, versus.

Digitized by Google

Nunc scio, quid sit Amor: -duris in cotibus illum Aut Tmaros, aut Rhodope, aut extremi Garamantes, Nec generis nostri puerum nec sanguinis, edunt.
Incipe Mænalios mecum, mea tibia, versus. Sævus Amor docuit natorum sanguine matrem Commaculare manus: crudelis tu quoque, mater: Medea. Crudelis mater magis, an puer improbus ille? Improbus ille puer: crudelis tu quoque, mater. 50 Msha Incipe Mænalios mecum, mea tibia, versus. Nunc et oves ultro fugiat lupus; aurea duræ Mala ferant quercus; narcisso floreat alnus; Binguia corticibus sudent electra myricæ; Certent et cycnis ululæ: sit Tityrus Orpheus; Orpheus in silvis, inter delphinas Arion. Incipe Mænalios mecum, mea tibia, versus. Omnia vel medium fiant mare: vivite, silve! Long live the land Præceps aërii specula de montis in undas watch town Deferar: extremum hoc munus morientis habeto. 60 Desine, Mænalios jam desine, tibia, versus, Hæc Damon :--vos, quæ responderit Alphesibæus, Dicite, Pierides; non omnia possumus omnes. Alph. Effer aquam, et molli cinge hæc altaria vittâ; Verbenasque <u>addee</u> pingues et <u>mascula</u> thura; 65 Conjugis ut magicis sanos avertere sacris hand dantis Experiar sensus: nihil hic nisi carmina desunt. Ducite ab urbe domum, mea carmina, ducite Daphnin. Carmina vel cœlo possunt deducere Lunam; Carminibus Circe socios mutavit Ulyxi: 70 Frigidus in pratis cantando rumpitur anguis. Ducite ab urbe domum, mea carmina, ducite Daphnin. Terna tibi hæc primum triplici diversa colore Licia circumdo, terque hæc altaria circum Effigiem duco: numero deus impare gaudet. Ducite ab urbe domum, mea carmina, ducite Daphnin. Necte tribus nodis ternos, Amarylli, colores; Necte, Amarylli, modo; et, Veneris, dic, vincula necto. Ducite ab urbe domum, mea carmina, ducite Daphnin. Limus ut hic durescit, et hæc ut cera liquescit. Uno eollemque igni; sic nostro Daphnis amore.

Sparge molam, et fragiles incende bitumine lauros: Daphnisme malus urit; ego hanc in Daphnide laurum. Ducite ab urbe domum, mea carmina, ducite Daphnin. Talis amor Daphnin, qualis, cum fessa juvencum 85 Per nemora atque altos quærendo bucula lucos Propter aquæ rivum viridi procumbit in ulva, Perdita nec seræ meminit decedere nocti; Talis amor teneat, nec sit mihi cura mederi. Ducite ab urbe domum, mea carmina, ducite Daphnin. Has olim exuvias mihi perfidus ille reliquit, Pignora cara sui; quæ nunc ego limine in ipso, Terra, tibi mando: debent hæc pignora Daphnin. Ducite ab urbe domum, mea carmina, ducite Daphnin. Has herbas, atque hæc Ponto mihi lecta venena, 95 Ipse dedit Mœris: nascuntur plurima Ponto. His ego sæpe lupum fieri, et se condere silvis, Mœrin, sæpe animas imis excire sepulchris, Atque satas aliò vidi traducere messes. Ducite ab urbe domum, mea carmina, ducite Daphnin. Fer cineres, Amarylli, foras, rivoque fluenti, Transque caput, jace; nec respexeris: his ego Daphnin Aggrediar; nihil ille deos, nil carmina curat. Ducite ab urbe domum, mea carmina, ducite Daphnin. Adspice: corripuit tremulis altaria flammis Sponte suâ, dum ferre moror, cinis ipse. Bonum sit! Nescio quid certè est; et Hylax in limine latrat. Credimus? an, qui amant, ipsi sibi somnia fingunt? Parcite, ab urbe venit, jam parcite, carmina, Daphnis.

#### ECLOGA IX.—MŒRIS.

#### LYCIDAS. MŒRIS.

Lyc. Quo te, Mœri, pedes? an, quò via ducit, in urbem?

Mœn. O Lycida, vivi pervenimus: advena nostri, Quod nunquam veriti sumus, ut possessor agelli Diceret, Hæc mea sunt: veteres migrate coloni. Nunc victi, tristes, quoniam Fors omnia versat, Hos illi (quod nec bene vertat!) mittimus hædos.

Lyc. Certè equidem audieram, quà se subducere Incipiunt, mollique jugum demittere clivo, Usque ad aquam, et veteres, jam fracta cacumina, fagos.

Omnia carminibus vestrum servâsse Menalcan. Mœn. Audieras; et fama fuit : sed carmina tantum Nostra valent, Lycida, tela inter Martia, quantum Chaonias dicunt, aquilâ veniente, columbas. Quod nisi me quàcumque novas incidere lites Antè sinistra cavâ monuisset ab ilice cornix; Nec tuus hic Mœris, nec viveret ipse Menalcas.

Lyc. Heu! cadit in quemquam tantum scelus? heu, tua nobis

Penè simul tecum solatia rapta, Menalca! Quis caneret Nymphas? quis humum florentibus herbis Spargeret? aut viridi fontes induceret umbra? Vel quæ sublegi tacitus tibi carmina nuper, Cum te ad delicias ferres, Amaryllida, nostras? Tityre, dum redeo, (brevis est via,) pasce capellas; Et potum pastas age, Tityre; et inter agendum Occursare capro (cornu ferit ille) caveto. Mær. Immo hæc, quæ Varo necdum perfecta cane-Vare, tuum nomen (superet modo Mantua nobis, Mantua væ miseræ nimium vicina Cremonæ!) Cantantes sublime ferent ad sidera cycni. Lrc. Sic tua Cyfneas fugiant examina taxos;

Sic cytiso pastæ distendant ubera vaccæ: Incipe, si quid habes: et me fecère poetam Pierides; sunt et mihi carmina; me quoque dicunt Vatem pastores: sed non ego credulus illis. Nam neque adhuc Vario videor, nec dicere Cinna 35 Digna, sed argutos inter strepere anser olores. MCR. Id quidem ago, et tacitus, Lycida, mecum ipse voluto,

Si valeam meminisse; neque est ignobile carmen:-Huc ades, o Galatea; quis est nam ludus in undis? Hic ver purpureum; varios hic flumina circum

Digitized by Google

Fundit humus flores; hic candida populus antro Imminet, et lentæ texunt umbracula vites. Huc ades: insani feriant sine littora fluctus. Lyc. Quid, quæ te purâ solum sub nocte canentem Audieram? numeros memini, si verba tenerem. MCR. Daphni, quid antiquos signorum suspicis me mitter Ecce <u>Dionai</u> processit Casaris astrum; Astrum, quo segetes gauderent frugibus, et quo Duceret apricis in collibus uva colorem. Insere, Daphni, piros; carpent tua poma nepotes. Omnia fert ætas, animum quoque: sæpe ego longos Cantando puerum memini me condere soles: Nunc oblita mihi tot carmina; vox quoque Mœrin Jam fugit ipsa: lupi Mœrin vidêre priores. Sed tamen ista satis referet tibi sæpe Menalcas. Lvc. Causando nostros in longum ducis amores. Et nunc omne tibi stratum silet æquor; et omnes, Adspice, ventosi ceciderunt murmuris auræ. Hinc adeo media est nobis via; namque sepulchrum Incipit apparere Bianoris: hic, ubi densas Agricolæ stringunt frondes, hic, Mæri, canamus: Hic hædos depone; tamen veniemus in urbem: Aut, si, nox pluviam ne colligat antè, veremur, Cantantes licet usque (minus via lædet) eamus. Cantantes ut eamus, ego hoc te fasce levaborum MCR. Desine plura, puer; et, quod nunc instat, agamus.

Carmina tum melius, cum venerit ipse, canemus.

#### ECLOGA X.—GALLUS.

EXTREMUM hunc, Arethusa, mihi concede laborem. Pauca meo Gallo, sed quæ legat ipsa Lycoris, Carmina sunt dicenda: neget quis carmina Gallo? Sic tibi, cùm fluctus subterlabère Sicanos, Doris amara suam non intermisceat undam.

brackish

Digitized by Google

Incipe: sollicitos Galli dicamus amores, Dum tenera attondent simæ virgulta capellæ. Sauf-nese Non canimus surdis: respondent omnia silvæ. Quæ nemora, aut qui vos saltus habuêre, puellæ Naiades, indigno cum Gallus amore periret? Nam neque Parnassi vobis juga, nam neque Pindi Ulla moram fecere, neque Aonie Aganippe. Jourtain Illum etiam lauri, etiam flevere myrice; Pinifer illum etiam sola sub rupe jacentem Mænalus, et gelidi fleverunt saxa Lyceei. Stant et oves circum: (nostri nec pœnitet illas; Nec te pœniteat pecoris, divine poeta; Et formosus oves ad flumina pavit Adonis.) Venit et unito: tardi venere bubulci; Uvidus hiberna venit de glande Menalcas. Omnes, Undè amor iste, rogant, tibi? Venit Apollo: Galle, quid insanis? inquit: tua cura Lycoris Perque nives alium perque horrida castra secuta est. Venit et agresti capitis Silvanus honore Florentes fe mas et grandia lilia quassans. Pan deus Arcadiæ venit, quem vidimus ipsi Sanguineis ebuli baccis minioque rubentem. Ecquis erit modus? inquit. Amor non talia curat: Nec lacrimis crudelis Amor, nec gramina rivis, Nec cytiso saturantur apes, nec fronde capellæ. Tristis at ille, Tamen cantabitis, Arcades, inquit, Montibus hæc vestris; soli cantare periti O mihi tum quam molliter ossa quiescant, Vestra meos olim si fistula dicat amores!

Atque utinam ex vobis unus, vestrique fuissem Aut custos gregis, aut maturæ vinitor uvæ! Certè, sive mihi Phyllis, sive esset Amyntas, Seu quicunque fulof, (quid tum, si fuscus Amyntas? Et nigræ violæ sunt, et vaccinia nigra:) Lucion Mecum inter salices lenta sub vite jaceret; Serta mihi Phyllis legeret, cantaret Amyntas. Hic gelidi fontes; hic mollia prata, Lycori; Hic nemus; hic ipso tecum consumerer ævo.

nados colores havarefest medicate paco. Me vorantio, cum esmel hant relimi Attrioribus

Nunc insanus amor duri me Martis in armis Tela inter media atque adversos detinet hostes. Tu procul a patriâ (nec sit mihi credere tantum!) Alpinas, ah dura! nives et frigora Rheni Me sine sola vides. Ah te ne frigora lædant! Ah tibi ne teneras glacies secet aspera plantas! Ibo, et, Chalcidico quæ sunt mihi condita versu, Carmina pastoris Siculi modulabor avenâ.

Certum est in silvis inter spelæa ferarum Malle pati, tenerisque meos incidere amores Arboribus: crescent illæ; crescetis, amores. Interea mixtis lustrabo Mænala Nymphis, 55 Aut acres venabor apros; non me ulla vetabunt Frigora Parthenios canibus circumdare saltus. Jam mihi per rupes videor lucosque sonantes Ire: libet Partho torquere Cydonia cornu Spicula: tanquam hæc sint nostri medicina furoris. Aut deus ille malis hominum mitescere discat. Jam neque Hamadryades rursum, nec carmina nobis Ipsa placent; ipsæ rursum concedite silvæ. Non illum nostri possunt mutare labores; Nec si frigoribus mediis Hebrumque bibamus, 65 Sithoniasque nives hiemis subsamus aquosæ, Nec si, cum moriens alta liber aret in ulmo, Æthiopum versemus, oves sub sidere Cancri.

Omnia vincit Amor: et nos cedamus Amori. Hæc sat erit, divæ, vestrym cecinisse poetam. 70 Dum sedet, et gracili fiscellam texit hibisco, Jurital Pierides: vos hæc facietis maxima Gallo; Gallo, cujus amor tantum mihi crescit in horas, Quantum vere novo viridis se subjicit alnus. Surgamus: solet esse gravis cantantibus umbra; 7

Juniperi gravis umbra; nocent et frugibus umbræ. Ite domum saturæ, venit Hesperus, ite, capellæ.

## P. VIRGILII MARONIS GEORGICΩN LIBRI QUATUOR

AD C. C. MÆCENATEM.

#### LIBER PRIMUS.

Quid faciat lætas segetes; quo sidere terram Vertere, Mæcenas, ulmisque adjungere vites, Conveniat; quæ cura boum, qui cultus habendo Sit pecori; apibus quanta experientia parcis; Hinc canere incipiam. Vos, o clarissima mundi Lumina, labentem cœlo quæ ducitis annum, Liber et alma Ceres; vestro si munere tellus Chaoniam pingui glandem mutavit aristâ, Poculaque inventis Acheloïa miscuit uvis; Et vos, agrestům præsentia numina, Fauni, Ferte simul Faunique pedem, Dryadesque puellæ: Munera vestra cano. Tuque o, cui prima frementem Fudit equum magno tellus percussa tridenti, Neptune; et cultor nemorum, cui pinguia Cese Ter centum nivei tondent dumeta juvenci; Ipse nemus linquens patrium, saltusque Lycei, Pan ovium custos, tua si tibi Mænala curæ, Adsis, o Tegezee, favens; olezeque Minerva Inventrix; uncique puer monstrator aratri; Et teneram ab radice ferens, Silvane, cupressum; so Dîque Dezeque omnes, studium quibus arva tueri, Quique novas alitis non ullo semine fruges, Quique satis largum cœlo demittitis imbrem. Tuque adeò, quem mox quæ sint habitura Deorum Concilia incertum est; urbesne invisere, Cæsar, Terrarumque velis curam, et te maximus orbis

Auctorem frugum, tempestatumque potentem, Accipiat, cingens maternâ tempora myrto: An Deus immensi venias maris, ac tua nautæ Numina sola colant; tibi serviat ultima Thule. Teque sibi generum Tethys emat omnibus undis: Anne novum tardis sidus te mensibus addas. Quà locus Erigonen inter Chelasque sequentes Panditur; ipse tibi jam brachia contrahit ardens Scorpios, et cœli justa plus parte relinquit: 35 Quicquid eris (nam te nec sperent Tartara regem, Nec tibi regnandi veniat tam dira cupido, Quamvis Elysios miretur Græcia campos, Nec repetita sequi curet Proserpina matrem:) Da facilem cursum, atque audacibus annue cœptis. Ignarosque viæ mecum miseratus agrestes, Ingredere, et votis jam nunc assuesce vocari. Vere novo, gelidus canis cum montibus humor Liquitur, et Zephyro putris se gleba resolvit; Depresso incipiat jam tum mihi taurus aratro Ingemere, et sulco attritus splendescere vomer. Illa seges demum votis respondet avari Agricolæ, bis quæ solem, bis frigora sensit: Illius immensæ ruperunt horrea messes. At priùs ignotum ferro quam scindimus æquor, Ventos et varium cœli prædiscere morem Cura sit, ac patrios cultusque habitusque locorum; Et quid quæque ferat regio, et quid quæque recuset. Hic segetes, illic veniunt felicius uvæ; Arborei fœtus alibi, atque injussa virescunt Nonne vides, croceos ut Tmolus odores, India mittit ebur, molles sua thura Sabæi; At Chalybes nudi ferrum, virosaque Pontus Castorea, Eliadum palmas Epirus equarum? Continuò has leges, æternaque fædera certis Imposuit natura locis, quo tempore primum Deucalion vacuum lapides jactavit in orbem: Unde homines nati, durum genus. Ergò age, terræ Pingue solum primis extemplò a mensibus anni.

Fortes invertant tauri: glebasque jacentes
Pulverulenta coquat maturis solibus æstas.
At si non fuerit tellus fæcunda, sub ipsum
Arcturum tenui sat erit suspendere sulco:
Illic, officiant lætis ne frugibus herbæ;
Hic, sterilem exiguus ne deserat humor arenam.
Alternis idem tonsas cessare novales,
Et segnem patiere situ durescere campum.
Aut ibi flava seres, mutato sidere, farra,
Unde priùs lætum siliquâ quassante legumen,
Aut tenues fœtus viciæ, tristisque lupini
Sustuleris fragiles calamos, silvamque sonantem.
Urit enim lini campum seges, urit avenæ;
Urunt Lethæo, pērfusa papavera somno.

Sed tamen alternis facilis labor: arida tantum Ne saturare fimo pingui pudeat sola; neve Effœtos cinerem immundum jactare per agros. Sic quoque mutatis requiescunt fœtibus arva; Nec nulla interea est inaratæ gratia terræ. Sæpe etiam steriles incendere profuit agros, Atque levem stipulam crepitantibus urere flammis: Sive inde occultas vires et pabula terræ Pinguia concipiunt; sive illis omne per ignem Excoquitur vitium, atque exudat inutilis humor; Seu plures calor ille vias, et cæca relaxat Spiramenta, novas veniat quà succus in herbas; Seu durat magis, et venas adstringit hiantes, Ne tenues pluviæ, rapidive potentia solis Acrior, aut Borese penetrabile frigus adurat. Multum adeo, rastris glebas qui frangit inertes, Vimineasque trahit crates, juvat arva; neque illum Flava Ceres alto nequicquam spectat Olympo: Et qui, proscisso que suscitat equore terga, Rursus in obliquum verso perrumpit aratro, Exercetque frequens tellurem, atque imperat arvis.

Humida solstitia atque hyemes orate serenas, and Agricolæ: hiberno lætissima pulvere farra, Lætus ager; nullo tantum se Mysia cultu

Jactat, et ipsa suas mirantur Gargara messes. Quid dicam, jacto qui semine cominus arva Insequitur, cumulosque ruit malè pinguis arenæ? 105 Deinde satis fluvium inducit, rivosque sequentes? Et cum exustus ager morientibus æstuat herbis, Ecce supercilio clivosi tramitis undam Elicit: illa cadens raucum per levia murmur Saxa ciet, scatebrisque arentia temperat arva. Quid, qui, ne gravidis procumbat culmus aristis, Luxuriem segetum tenera depascit in herba. Cum primum sulcos æquant sata? quique paludis Collectum humorem bibula deducit arena? Præsertim incertis si mensibus amnis abundans Exit, et obducto latè tenet omnia limo, Unde cavæ tepido sudant humore lacunæ. Nec tamen, heec cum sint hominumque boumque la-Versando terram experti, nihil improbus anser. Strymoniæque grues, et amaris intuba fibris, Officiunt, aut umbra nocet. Pater ipse colendi Haud facilem esse viam voluit; primusque per artem Movit agros, curis acuens mortalia corda; Nec torpere gravi passus sua regna veterno. Ante Jovem nulli subigebant arva coloni; 125 Nec signare quidem, aut partiri limite campum Fas erat; in medium quærebant; ipsaque tellus Omnia liberiùs, nullo poscente, ferebat. Ille malum virus serpentibus addidit atris, Prædarique lupos jussit, pontumque moveri: 130 Mellaque decussit foliis, ignemque removit. Et passim rivis currentia vina repressit: Ut varias usus meditando extunderet artes Paulatim, et sulcis frumenti quæreret herbam; Ut silicis venis abstrusum excuderet ignem. 135 Tunc alnos primum fluvii sensère cavatas; Navita tum stellis numeros et nomina fecit. Pleïadas, Hyadas, claramque Lycaonis Arcton. Tum laqueis captare feras, et fallere visco Inventum, et magnos canibus circumdare saltus. 140

145

Atque alius latum fundâ jam verberat amnem, Alta petens; pelagoque alius trahit humida lina. Tum ferri rigor, atque argutæ lamina serræ, Nam primi cuneis scindebant fissile lignum; Tum variæ venêre artes: labor omnia vincit Improbus, et duris urgens in rebus egestas.

Prima Ceres ferro mortales vertere terram
Instituit; cùm jam glandes atque arbuta sacræ
Deficerent silvæ, et victum Dodona negaret.
Mox et frumentis labor additus; ut mala culmos 150
Esset robigo, segnisque horreret in arvis
Carduus: intereunt segetes; subit aspera silva,
Lappæque tribulique; interque nitentia culta
Infelix lolium et steriles dominantur avenæ.
Quòd nisi et assiduis terram insectabere rastris,
Et sonitu terrebis aves, et ruris opaci
Falce premes umbras, votisque vocaveris imbrem;
Heu, magnum alterius frustra spectabis acervum,
Concussaque famem in silvis solabere quercu.

Dicendum et quæ sint duris agrestibus arma; Queis sine nec potuère seri nec surgere messes: Vomis, et inflexi primum grave robur aratri, Tardaque Eleusinæ matris volventia plaustra, Tribulaque, traheæque, et iniquo pondere rastri; Virgea præterea Celei vilisque supellex, 165 Arbuteæ crates et mystica vannus Iacchi: Omnia quæ multò antè memor provisa repones, Si te digna manet divini gloria ruris. Continuò in sylvis magnà vi flexa domatur In burim, et curvi formam accipit ulmus aratri: Huic a stirpe pedes temo protentus in octo; Binæ aures, duplici aptantur dentalia dorso. Cæditur et tilia antè jugo levis, altaque fagus, Stivaque, quæ currus a tergo torqueat imos; Et suspensa focis explorat robora fumus. 175 Possum multa tibi veterum præcepta referte; Ni refugis, tenuesque piget cognoscere curas. Area cum primis ingenti æquanda cylindro,

Et vertenda manu, et cretâ solidanda tenaci. Ne subeant herbæ, neu pulvere victa fatiscat. 180 Tum variæ illudunt pestes: sæpe exiguus mus Sub terris posuitque domos atque horrea fecit: Aut oculis capti fodère cubilia talpæ; Inventusque cavis bufo, et quæ plurima terræ Monstra ferunt; populatque ingentem farris acervum Curculio, atque inopi metuens formica senectæ. Contemplator item, cum se nux plurima sylvis Induet in florem, et ramos curvabit olentes: Si superant fœtus, pariter frumenta sequentur. Magnaque cum magno veniet tritura calore: 190 At si luxurià foliorum exuberat umbra, Nequicquam pingues palea teret area culmos. Semina vidi equidem multos medicare serentes. Et nitro priùs et nigrà perfundere amurcà; Grandior ut fœtus siliquis fallacibus esset: 195 Et, quamvis igni exiguo, properata maderent, Vidi lecta diu, et multo spectata labore, Degenerare tamen; ni vis humana quotannis Maxima quæque manu legeret: sic omnia fatis In pejus ruere, ac retro sublapsa referri: Non aliter, quam qui adverso vix flumine lembum Remigiis subigit, si brachia fortè remisit, Atque illum in præceps prono rapit alveus amni. Præterea tam sunt Arcturi sidera nobis. Hædorumque dies servandi, et lucidus Anguis; Quam quibus in patriam ventosa per æquora vectis Pontus, et ostriferi fauces tentantur Abydi. Libra die somnique pares ubi fecerit horas, Et medium luci atque umbris jam dividit orbem : Exercete, viri, tauros; serite hordea campis, Usque sub extremum brumæ intractabilis imbrem. Necnon et lini segetem et cereale papaver Tempus humo tegere; et jamdudum incumbere aratris, Dum siccâ tellure licet, dum nubila pendent. Vere fabis satio; tum te quoque, Medica, putres 213

Accipiunt sulci, et milio venit annua cura,

Candidus auratis aperit cum cornibus annum Taurus, et adverso cedens Canis occidit astro. At si triticeam in messem robustaque farra Exercebis humum, solisque instabis aristis: 660 Antè tibi Eöæ Atlantides abscondantur, Gnossiaque ardentis decedat stella Coronæ, Debita quam sulcis committas semina, quamque Invitæ properes anni spem credere terræ. Multi ante occasum Maiæ cœpère; sed illos 225 Expectata seges vanis elusit aristis. Si verò viciamque seres vilemque faselum, Nec Pelusiacæ curam aspernabere lentis; Haud obscura cadens mittet tibi signa Boötes; Incipe, et ad medias sementem extende pruinas. 270

Idcirco certis dimensum partibus orbem Per duodena regit mundi Sol aureus astra. Quinque tenent cœlum zonæ: quarum una corusco Semper Sole rubens, et torrida semper ab igni; Quam circum extremæ dextrâ lævâque trahuntur, 235 Cœruleâ glacie concretæ atque imbribus atris. Has inter mediamque duæ mortalibus ægris Munere concessæ Divûm: via secta per ambas, Obliquus quà se signorum verteret ordo. Mundus ut ad Scythiam Rhipæasque arduus arces Consurgit; premitur Libyæ devexus in Austros. Hic vertex nobis semper sublimis; at illum Sub pedibus Styx atra videt, manesque profundi. Maximus hìc flexu sinuoso elabitur Anguis Circum, perque duas in morem fluminis Arctos, Arctos Oceani metuentes æquore tingi. Illic, ut perhibent, aut intempesta silet nox Semper, et obtentà densantur nocte tenebræ: Aut redit a nobis Aurora, diemque reducit; Nosque ubi primus equis Oriens afflavit anhelis, 250 Illic sera rubens accendit lumina Vesper. Hinc tempestates dubio prædiscere cœlo Possumus, hinc messisque diem tempusque serendi; Et quando infidum remis impellere marmor

Conveniat; quando armatas deducere classes; 255 Aut tempestivam silvis evertere pinum.

.

i,

ij

ì

iŧ

ŧę

200

Nec frustrà signorum obitus speculamur et ortus, Temporibusque parem diversis quatuor annum. Frigidus agricolam si quando continet imber, Multa, forent quæ mox cœlo properanda sereno, 260 Maturare datur: durum procudit arator Vomeris obtusi dentem; cavat arbore lintres; Aut pecori signum aut numeros impressit acervis. Exacuunt alii vallos furcasque bicornes, Atque Amerina parant lentæ retinacula viti. Nunc facilis rubea texatur fiscina virga: Nunc torrete igni fruges, nunc frangite saxo. Quippe etiam festis quædam exercere diebus Fas et jura sinunt : rivos deducere nulla Religio vetuit, segeti prætendere sepem, Insidias avibus moliri, incendere vepres, Balantûmque gregem fluvio mersare salubri. Sæpe oleo tardi costas agitator aselli Vilibus aut onerat pomis: lapidemque revertens Incusum, aut atræ massam picis, urbe reportat.

Ipsa dies alios alio dedit ordine Luna
Felices operum. Quintam fuge: pallidus Orcus,
Eumenidesque satæ; tum partu Terra nefando
Cœumque Iapetumque creat, sævumque Typhoea,
Et conjuratos cœlum rescindere fratres.
Ter sunt conati imponere Pelio Ossam
Scilicet, atque Ossæ frondosum involvere Olympum:
Ter Pater extructos disjecit fulmine montes.
Septima post decimam felix, et ponere vitem,
Et prensos domitare boves, et licia telæ

Addere: nona fugæ melior, contraria furtis.

Multa adeò gelidâ meliùs se nocte dedêre,
Aut cùm Sole novo terras irrorat Eöus.

Nocte leves stipulæ melius, nocte arida prata
Tondentur; noctes lentus non deficit humor.

Et quidam seros hyberni ad luminis ignes
Pervigilat, ferroque faces inspicat acuto:

995

Interea longum cantu solata laborem Arguto conjux percurrit pectine telas; Aut dulcis musti Vulcano decoquit humorem, Et foliis undam tepidi despumat aheni.

At rubicunda Ceres medio succiditur æstu. Et medio tostas æstu terit area fruges. Nudus ara, sere nudus; hyems ignava colono. Frigoribus parto agricolæ plerumque fruuntur, 300 Mutuaque inter se læti convivia curant; Invitat genialis hyems, curasque resolvit: Ceu pressæ cum jam portum tetigêre carinæ, Puppibus et læti nautæ imposuêre coronas. Sed tamen et quernas glandes tum stringere tempus, Et lauri baccas, oleamque, cruentaque myrta: Tunc gruibus pedicas, et retia ponere cervis, Auritosque sequi lepores: tum figere damas, Stupea torquentem Balcaris verbera fundæ; Cùm nix alta jacet, glaciem cùm flumina trudunt.

Quid tempestates autumni et sidera dicam? Atque ubi jam breviorque dies, et mollior æstas, Quæ vigilanda viris? vel cum ruit imbriferum ver, Spicea jam campis cum messis inhorruit, et cum Frumenta in viridi stipulâ lactentia turgent? Sæpe ego, cum flavis messorem induceret arvis Agricola, et fragili jam stringeret hordea culmo, Omnia ventorum concurrere prælia vidi,-Quæ gravidam latè segetem ab radicibus imis Sublimè expulsam eruerent; ita turbine nigro Ferret hyems culmunque levem, stipulasque volantes. Sæpe etiam immensum cœlo venit agmen aquarum, Et fædam glomerant tempestatem imbribus atris Collectæ ex alto nubes: ruit arduus æther. Et pluvià ingenti sata læta, boumque labores 325 Diluit; implentur fossæ, et cava flumina crescunt Cum sonitu, fervetque fretis spirantibus æquor. Ipse Pater, medià nimborum in nocte, coruscà Fulmina molitur dextrâ; quo maxima motu Terra tremit: fugêre feræ; et mortalia corda 330

Per gentes humilis stravit pavor: ille flagranti Aut Atho, aut Rhodopen, aut alta Ceraunia telo Dejicit: ingeminant Austri, et densissimus imber: Nunc nemora ingenti vento, nunc littora plangunt. Hoc metuens, cœli menses et sidera serva: 335 Frigida Saturni sese quò stella receptet; Quos ignis cœli Cyllenius erret in orbes. In primis venerare Deos, atque annua magnæ Sacra refer Cereri, lætis operatus in herbis, Extremæ sub casum hyemis, jam vere sereno. Tunc agni pingues, et tunc mollissima vina; Tunc somni dulces, densæque in montibus umbræ. Cuncta tibi Cererem pubes agrestis adoret: Cui tu lacte favos, et miti dilue Baccho; Terque novas circum felix eat hostia fruges, Omnis quam chorus, et socii comitentur ovantes, Et Cererem clamore vocent in tecta; neque antè Falcem maturis quisquam supponat aristis, Quàm Cereri, torta redimitus tempora quercu, Det motus incompositos, et carmina dicat. 350

ŧŧ,

11

•

Atque hæc ut certis possimus discere signis, Æstusque, pluviasque, et agentes frigora ventos; Ipse Pater statuit, quid menstrua Luna moneret, Quo signo caderent Austri, quid sæpe videntes Agricolæ propiùs stabulis armenta tenerent. 335 Continuò, ventis surgentibus, aut freta ponti Incipiunt agitata tumescere, et aridus altis Montibus audiri fragor; aut resonantia longè Littora misceri, et nemorum increbrescere murmur, Jam sibi tum curvis malè temperat unda carinis, Cùm medio celeres revolant ex æquore mergi, Clamoremque ferunt ad littora; cùmque marinæ In sicco ludunt fulicæ; notasque paludes Descrit, atque altam supra volat ardea nubem. Sæpe etiam stellas, vento impendente, videbis Præcipites cœlo labi, noctisque per umbram Flammarum longos a tergo albescere tractus: Sæpe levem paleam et frondes volitare caducas,

Aut summâ nantes in aquâ colludere plumas. At Borese de parte trucis cum fulminat, et cum 370 Eurique Zephyrique tonat domus, omnia plenia Rura natant fossis; atque omnis navita ponto Humida vela legit:—nunquam imprudentibus imber Aut illum surgentem vallibus imis Aëriæ fugêre grues; aut bucula, cœlum 375 Suspiciens, patulis captavit naribus auras; Aut arguta lacus circumvolitavit hirundo: Et veterem in limo ranæ cecinêre querelam. Sæpius et tectis penetralibus extulit ova Angustum formica terens iter; et bibit ingens 380 Arcus; et e pastu decedens agmine magno Corvorum increpuit densis exercitus alis. Jam varias pelagi volucres, et que Asia circum Dulcibus in stagnis rimantur prata Caÿstri, Certatim largos humeris infundere rores; 385 Nunc caput objectare fretis, nunc currere in undas, Et studio incassum videas gestire lavandi. Tum cornix plenâ pluviam vocat improba voce, Et sola in sicca secum spatiatur arena. Ne nocturna quidem carpentes pensa puellæ 390 Nescivere hyemem: testà cùm ardente viderent Scintillare oleum, et putres concrescere fungos.

Nec minus ex imbri soles, et aperta serena Prospicere, et certis poteris cognoscere signis. Nam neque tum stellis acies obtusa videtur, 395 Nec fratris radiis obnoxia surgere Luna; Tenuia nec lance per cœlum vellera ferri. Non tepidum ad solem pennas in littore pandunt Dilectæ Thetidi halcyones; non ore solutos Immundi meminêre sues jactare maniplos. At nebulæ magls ima petunt, campoque recumbunt; Solis et occasum servans de culmine summo Nequicquam seros exercet noctua cantus. Apparet liquido sublimis in aëre Nisus, Et pro purpureo pænas dat Scylla capillo. 405 Quacunque illa levem fugiens secat æthera pennis,

Ecce inimicus, atrox, magno stridore per auras Insequitur Nisus: quà se fert Nisus ad auras. Illa levem fugiens raptim secat æthera pennis. Tum liquidas corvi presso ter gutture voces 410 Aut quater ingeminant; et sæpe cubilibus altis, Nescio qua præter solitum dulcedine læti. Inter se foliis strepitant: juvat, imbribus actis, Progeniem parvam, dulcesque revisere nidos. Haud equidem credo, quia sit divinitùs illis 415 Ingenium, aut rerum fato prudentia major: Verum, ubi tempestas et cœli mobilis humor Mutavère vias, et Jupiter uvidus Austris Densat, erant quæ rara modò: et, quæ densa, relaxat: Vertuntur species animorum, et pectora motus Nunc alios, alios, dum nubila ventus agebat, Concipiunt: hinc ille avium concentus in agris, Et lætæ pecudes, et ovantes gutture corvi.

Si verò Solem ad rapidum Lunasque sequentes Ordine respicies, nunquam te crastina fallet Hora, neque insidiis noctis capiere serenæ. Luna, revertentes cum primum colligit ignes, Si nigrum obscuro comprenderit aëra cornu. Maximus agricolis pelagoque parabitur imber; At, si virgineum suffuderit ore ruborem, 433 Ventus erit: vento semper rubet aurea Phœbe. Sin ortu quarto (namque is certissimus auctor) Pura, neque obtusis per cœlum cornibus ibit, Totus et ille dies, et qui nascentur ab illo Exactum ad mensem, pluvià ventisque carebunt: 485 Votaque servati solvent in littore nautæ Glauco, et Panopese, et Inoo Melicertse. Sol quoque et exoriens, et cum se condit in undas. Signa dabit: solem certissima signa sequentur. Et que manè refert, et que surgentibus astris. Ille ubi nascentem maculis variaverit ortum Conditus in nubem, medioque refugerit orbe, Suspecti tibi sint imbres; namque urget ab alto Arboribusque satisque Notus, pecorique sinister. Aut ubi sub lucem densa inter nubila sese

Diversi erumpent radii, aut ubi pallida surget Tithoni croceum linquens Aurora cubile; Heu, malè tum mites defendet pampinus uvas, Tam multa in tectis crepitans salit horrida grando. Hoc etiam, emenso cum jam decedet Olympo, Profuerit meminisse magis; nam sæpe videmus Ipsius in vultu varios errare colores. Cœruleus pluviam denunciat, igneus Euros: Sin maculæ incipient rutilo immiscerier igni, Omnia tunc pariter vento nimbisque videbis 455 Fervere. Non illa quisquam me nocte per altum Ire, neque a terrà moneat convellere funem. At si, cum referetque diem, condetque relatum, Lucidus orbis erit, frustra terrebere nimbis, Et claro silvas cernes Aquilone moveri. 450 Denique, quid Vesper serus vehat, unde serenas Ventus agat nubes, quid cogitet humidus Auster, Sol tibi signa dabit:—Solem quis dicere falsum Audeat? ille etiam cœcos instare tumultus Seepe monet, fraudemque et operta tumescere bella. 465 Ille etiam extincto miseratus Cæsare Romam,

Cum caput obscurà nitidum ferrugine texit, Impiaque eternam timuerunt secula noctem: Tempore quanquam illo tellus quoque, et æquora Obscœnique canes, importunæque volucres [pouti, Signa dabant. Quoties Cyclopum effervere in agros Vidimus undantem ruptis fornacibus Ætnam, Flammarumque globos, liquefactaque volvere saxa! Armorum sonitum toto Germania cœlo Audiit: insolitis tremuerunt motibus Alpes. Vox quoque per lucos vulgò exaudita silentes Ingens; et simulacra, modis pallentia miris, Visa sub obscurum noctis; pecudesque locutæ, Infandum! sistunt amnes, terræque dehiscunt; Et mæstum illacrymat templis ebur, æraque sudant. Proluit insano contorquens vortice silvas Fluviorum rex Eridanus, camposque per omnes Cum stabulis armenta tulit: nec tempore eodem Tristibus aut extis fibræ apparere minaces,

Aut puteis manare cruor cessavit; et altè Per noctem resonare lupis ululantibus urbes. Non aliàs cœlo ceciderunt plura sereno Fulgura, nec diri toties arsère cometæ. Ergò inter sese paribus concurrere telis Romanas acies iterum vidère Philippi: Nec fuit indignum Superis, bis sanguine nostro Emathiam et latos Hæmi pinguescere campos. Scilicet et tempus veniet, cùm finibus illis Agricola, incurvo terram molitus aratro, Exesa inveniet scabrà rubigine pila, Aut gravibus rastris galeas pulsabit inanes, Grandiaque effossis mirabitur ossa sepulcris.

490

495

Dii patrii Indigetes, et Romule, Vestaque mater, Quæ Tuscum Tiberim et Romana palatia servas, Hunc saltem everso juvenem succurrere sæclo Ne prohibete! Satis jampridem sanguine nostro Laomedonteæ luimus perjuria Trojæ. Jampridem nobis cœli te regia, Cæsar, Invidet, atque hominum queritur curare triumphos: Quippe ubi fas versum atque nefas; tot bella per orbem; Tam multæ scelerum facies; non ullus aratro Dignus honos; squalent abductis arva colonis; Et curvæ rigidum falces conflantur in ensem. Hinc movet Euphrates, illinc Germania bellum; Vicinæ ruptis inter se legibus urbes 510 Arma ferunt; sævit toto Mars impius orbe: Ut. cum carceribus sese effudere quadrigæ, Addunt in spatia; et, frustra retinacula tendens, Fertur equis auriga, neque audit currus habenas.

## LIBER II.

HACTENUS arvorum cultus, et sidera cœli:
Nunc te, Bacche, canam, necnon silvestria tecum
Virgulta, et prolem tardè crescentis olivæ.
Hub, pater o Lenæe! tuis hic omnia plena

Muneribus; tibi pampineo gravidus autumno Floret ager, spumat plenis vindemia labris. Huc, pater o Lenæe, veni; nudataque musto Tinge novo mecum direptis crura cothurnis.

Principio arboribus varia est natura creandis. Namque aliæ, nullis hominum cogentibus, ipsæ Sponte suà veniunt, camposque et flumina latè Curva tenent : ut molle siler, lentæque genistæ, Populus, et glaucà canentia fronde salicta. Pars autem posito surgunt de semine: ut altæ Castaneæ, nemorumque Jovi quæ maxima frondet Æsculus, atque habitæ Graiis oracula quercus. Pullulat ab radice aliis densissima silva: Ut cerasis, ulmisque; etiam Parnassia laurus Parva sub ingenti matris se subjicit umbrâ. Hos natura modos primum dedit: his genus omne 20 Silvarum fruticumque viret, nemorumque sacrorum. Sunt alii, quos ipse viâ sibi reperit usus. Hic plantas tenero abscindens de corpore matrum Deposuit sulcis; hic stirpes obruit arvo, Quadrifidasque sudes, et acuto robore vallos; Silvarumque aliæ pressos propaginis arcus Expectant, et viva suâ plantaria terrâ. Nil radicis egent aliæ; summumque putator Haud dubitat terræ referens mandare cacumen. Quin et caudicibus sectis (mirabile dictu) Truditur e sicco radix oleagina ligno. Et sæpe alterius ramos impunè videmus Vertere in alterius; mutatamque insita mala Ferre pirum, et prunis lapidosa rubescere coma.

Quare agite o, proprios generatim discite cultus, ss Agricolæ, fructusque feros mollite colendo; Neu segnes jaceant terræ. Juvat Ismara Baccho Conserere, atque oleå magnum vestire Taburnum. Tuque ades, inceptumque unà decurre laborem, O decus, o famæ merito pars maxima nostræ, w Mæcenas, pelagoque volans da vela patenti. Non ego cuncta meis amplecti versibus opto:

Non, mihi si linguæ centum sint, oraque centum, Ferrea vox: ades, et primi lege littoris oram. In manibus terræ: non hic te carmine ficto, Atque per ambages et longa exorsa, tenebo.

Sponte suâ quœ se tollunt in luminis auras, Infœcunda quidem, sed læta et fortia surgunt: Quippe solo natura subest. Tamen hæc quoque si quis Inserat, aut scrobibus mandet mutata subactis, 50 Exuerint silvestrem animum; cultuque frequenti, In quascunque voces artes, haud tarda sequentur. Necnon et sterilis, quæ stirpibus exit ab imis, Hoc faciet, vacuos si sit digesta per agros:
Nunc altæ frondes et rami matris opacant, 55 Crescentique adimunt fœtus, uruntque ferentem.

Jam, quæ seminibus jactis se sustulit arbos, Tarda venit, seris factura nepotibus umbram; Pomaque degenerant, succos oblita priores; Et turpes avibus prædam fert uva racemos. 60 Scilicet omnibus est labor impendendus, et omnis Cogendæ in sulcum, ac multa mercede domandæ. Sed truncis olese meliùs, propagine vites Respondent, solido Paphiæ de robore myrtus. Plantis et duræ coryli nascuntur, et ingens 65 Fraxinus, Herculeæque arbos umbrosa coronæ, Chaonique patris glandes; etiam ardua palma Nascitur, et casus abies visura marinos. Inseritur verò et fœtu nucis arbutus horrida. Et steriles platani malos gessère valentes: 70 Castaneæ fagus, ornusque incanuit albo Flore piri, glandemque sues fregêre sub ulmis.

Nec modus inserere, atque oculos imponere, simplex.

Nam quà se medio trudunt de cortice gemmæ,

Et tenues rumpunt tunicas, angustus in ipso
Fit nodo sinus: huc alienâ ex arbore germen
Includunt, udoque docent inolescere libro.

Aut rursum enodes trunci resecantur, et altè
Finditur in solidum cuneis via; deinde feraces
Plantæ immittuntur: nec longum tempus, et ingens

Exiit ad cœlum ramis felicibus arbos, Miraturque novas frondes, et non sua poma.

Præterea genus haud unum, nec fortibus ulmis, Nec salici, lotoque, nec Idæis cyparissis: Nec pingues unam in faciem nascuntur olivæ, Orchades, et radii, et amarâ pausia baccâ: Pomaque, et Alcinoï silvæ: nec surculus idem Crustumiis, Syriisque piris, gravibusque volemis. Non eadem arboribus pendet vindemia nostris, Quam Methymnæo carpit de palmite Lesbos. Sunt Thasiæ vites, sunt et Mareotides albæ; Pinguibus hæ terris habiles, levioribus illæ: Et passo Psithia utilior; tenuisque Lageos Tentatura pedes olim, vincturaque linguam; Purpureze, precizeque; et quo te carmine dicam, 95 Rhætica? nec cellis ideo contende Falernis. Sunt et Aminææ vites, firmissima vina: Tmolus et assurgit quibus, et rex ipse Phanæus. Argitisque minor, cui non certaverit ulla, Aut tantum fluere, aut totidem durare per annos. 100 Non ego te, Dis et mensis accepta secundis, Transierim, Rhodia, et tumidis, Bumaste, racemis. Sed neque quam multæ species, nec nomina quæ sint, Est numerus; neque enim numero comprendere refert: Quem qui scire velit, Libyci velit æquoris idem Discere quam multæ Zephyro turbentur arenæ; Aut, ubi navigiis violentior incidit Eurus, Nôsse, quot Ionii veniant ad littora fluctus.

Nec verò terræ ferre omnes omnia possunt. Fluminibus salices, crassisque paludibus alni Nascuntur; steriles saxosis montibus orni; Littora myrtetis lætissima; denique apertos Bacchus amat colles, Aquilonem et frigora taxi. Aspice et extremis domitum cultoribus orbem, Eoasque domos Arabum, pictosque Gelonos: Divisæ arboribus patriæ. Sola India nigrum Fert ebenum; solis est thurea virga Sabæis. Quid tibi odorato referam sudantia ligno.

110

Balsamaque, et baccas semper frondentis acanthi? Quid nemora Æthiopum molli canentia lanâ? 120 Velleraque ut foliis depectant tenuia Seres? Aut quos Oceano propior gerit India lucos, Extremi sinus orbis: ubi aëra vincere summum Arboris haud ullæ jactu potnere sagittæ? Et gens illa quidem sumtis non tarda pharetris. 125 Media fert tristes succos tardumque saporem Felicis mali, quo non præsentius ullum, Pocula si quando sævæ infecêre novercæ, [Miscueruntque herbas, et non innoxia verba,] Auxilium venit, ac membris agit atra venena. 130 Ipsa ingens arbos, faciemque simillima lauro; Et, si non alium latè jactaret odorem, Laurus erat: folia haud ullis labentia ventis; Flos ad prima tenax; animas et olentia Medi Ora fovent illo, et senibus medicantur anhelis. 135 Sed neque Medorum, silvæ ditissima, terra, Nec pulcher Ganges, atque auro turbidus Hermus, Laudibus Italiæ certent: non Bactra, neque Indi, Totaque thuriferis Panchaïa pinguis arenis. Heec loca non tauri spirantes naribus ignem 14) Invertere, satis immanis dentibus hydri; Nec galeis densisque virûm seges horruit hastis: Sed gravidæ fruges, et Bacchi Massicus humor Implevêre; tenent oleæque, armentaque læta. Hinc bellator equus campo sese arduus infert; Hinc albi, Clitumne, greges, et maxima taurus Victima, sæpe tuo perfusi flumine sacro, Romanos ad templa Deûm duxêre triumphos. Hic ver assiduum, atque alienis mensibus æstas: Bis gravidæ pecudes, bis pomis utilis arbos. 150 At rabidæ tigres absunt, et sæva leonum Semina; nec miseros fallunt aconita legentes; Nec rapit immensos orbes per humum, neque tanto Squameus in spiram tractu se colligit anguis. Adde tot egregias urbes, operumque laborem : Tot congesta manu præruptis oppida saxis;

Fluminaque antiquos subter labentia muros. An mare, quod suprà, memorem, quodque alluit in-Anne lacus tantos? te, Lari maxime; teque Fluctibus et fremitu assurgens, Benace, marino? 160 An memorem portus, Lucrinoque addita claustra. Atque indignatum magnis stridoribus æquor, Julia quà ponto longè sonat unda refuso, Tyrrhenusque fretis immittitur æstus Avernis? Hæc eadem argenti rivos, ærisque metalla 165 Ostendit venis, atque auro plurima fluxit. Hæc genus acre virûm, Marsos, pubemque Sabellam, Assuetumque malo Ligurem, Volscosque verutos Extulit: heec Decios, Marios, magnosque Camillos, Scipiadas duros bello; et te, maxime Čæsar, Qui nunc extremis Asiæ jam victor in oris Imbellem avertis Romanis arcibus Indum. Salve, magna parens frugum, Saturnia tellus. Magna virûm: tibi res antiquæ laudis et artis Ingredior, sanctos ausus recludere fontes; 175 Ascræumque cano Romana per oppida carmen.

Nunc locus arvorum ingeniis; quæ robora cuique, Quis color, et quæ sit rebus natura ferendis. Difficiles primum terræ, collesque maligni, Tenuis ubi argilla, et dumosis calculus arvis, 180 Palladiâ gaudent silvâ vivacis olivæ. Indicio est, tractu surgens oleaster eodem Plurimus, et strati baccis silvestribus agri. At quæ pinguis humus, dulcique uligine læta, Quique frequens herbis et fertilis ubere campus, 183 Qualem sæpe cavâ montis convalle solemus Despicere: huc summis liquuntur rupibus amnes, Felicemque trahunt limum; quique editus Austro, Et filicem curvis invisam pascit aratris; Hic tibi prævalidas olim multoque fluentes 190 Sufficiet Baccho vites; hic fertilis uvæ, Hic laticis; qualem pateris libamus et auro, Inflavit cum pinguis ebur Tyrrhenus ad aras, Lancibus et pandis fumantia reddimus exta.

Sin armenta magis studium vitulosque tueri,
Aut fœtus ovium, aut urentes culta capellas;
Saltus et saturi petito longinqua Tarenti,
Et qualem infelix amisit Mantua campum,
Pescentem niveos herboso flumine cycnos.
Non liquidi gregibus fontes, non gramina deerunt;
Et quantum longis carpent armenta diebus,
Exiguâ tantum gelidus ros nocte reponet.

Nigra ferè, et presso pinguis sub vomere, terra, Et cui putre solum (namque hoc imitamur arando). Optima frumentis: non ullo ex æquore cernes Plura domum tardis decedere plaustra juvencis; Aut unde iratus silvam devexit arator, Et nemora evertit multos ignava per annos, Antiquasque domos avium cum stirpibus imis Eruit: illæ altum nidis petière relictis: 210 At rudis enituit impulso vomere campus. Nam jejuna quidem clivosi glarea ruris Vix humiles apibus casias, roremque ministrat; Et tophus scaber, et nigris exesa chelydris Creta, negant alios æquè serpentibus agros 215 Dulcem ferre cibum, et curvas præbere latebras. Quæ tenuem exhalat nebulam, fumosque volucres, Et bibit humorem, et, cum vult, ex se ipsa remittit: Quæque suo viridi semper se gramine vestit, Nec scabie et salsà lædit rubigine ferrum: 220 Illa tibi lætis intexet vitibus ulmos: Illa ferax oleo est; illam experiere colendo Et facilem pecori, et patientem vomeris unci. Talem dives arat Capua, et vicina Vesevo Ora jugo, et vacuis Clanius non æquus Acerris.

Nunc, quo quamque modo possis cognoscere, dicam. Rara sit, an supra morem sit densa, requiras; Altera frumentis quoniam favet, altera Baccho; Densa, magis Cereri, rarissima quæque Lyæo: Antè locum capies oculis; altèque jubebis 230 In solido puteum demitti, omnemque repones Rursus humum, et pedibus summas æquabis arenas.

Si deerunt, rarum, pecorique et vitibus almis Aptius, uber erit: sin in sua posse negabunt Ire loca, et scrobibus superabit terra repletis, 235 Spissus ager: glebas cunctantes crassaque terga Expecta, et validis terram proscinde juvencis. Salsa autem tellus, et que perhibetur amara. Frugibus infelix (ea nec mansuescit arando, Nec Baccho genus, aut pomis sua nomina servat) e40 Tale dabit specimen: tu spisso vimine qualos, Colaque prælorum fumosis deripe tectis: Huc ager ille malus, dulcesque a fontibus unde Ad plenum calcentur: aqua eluctabitur omnis Scilicet, et grandes ibunt per vimina guttæ; 215 At sapor indicium faciet manifestus, et ora Tristia tentantûm sensu torquebit amaror. Pinguis item quæ sit tellus, hoc denique pacto Discimus: haud unquam manibus jactata fatiscit, Sed picis in morem ad digitos lentescit habendo. 250 Humida majores herbas alit, ipsaque justo Lætior: ah nimium ne sit mihi fertilis illa. Neu se prævalidam primis ostendat aristis! Quæ gravis est, ipso tacitam se pondere prodit; Quæque levis. Promtum estoculis prædiscere nigram, Et quis cui color. At sceleratum exquirere frigus Difficile est: piceæ tantum, taxique nocentes Interdum, aut hederæ pandunt vestigia nigræ.

His animadversis, terram multo antè memento Excoquere, et magnos scrobibus concidere montes, Antè supinatas Aquiloni ostendere glebas, Quàm lætum infodias vitis genus: optima putri Arva solo: id venti curant, gelidæque pruinæ, Et labefacta movens robustus jugera fossor. At si quos haud ulla viros vigilantia fugit; 265 Antè locum similem exquirunt, ubi prima paretur Arboribus seges, et quo mox digesta feratur; Mutatam ignorent subitò ne semina matrem. Quin etiam cœli regionem in cortice signant: Ut, quo quæque modo steterit, quâ parte calores 270

Austrinos tulerit, quæ terga obverterit axi, Restituant: adeò in teneris consuescere multum est.

Collibus, an plano melius sit ponere vites,
Quære priùs. Si pinguis agros metabere campi,
Densa sere: in denso non segnior ubere Bacchus.
Sin tumulis acclive solum, collesque supinos,
Indulge ordinibus; nec secius omnis in unguem
Arboribus positis secto via limite quadret:
Ut sæpe, ingenti bello cum longa cohortes
Explicuit legio, et campo stetit agmen aperto,
Directæque acies, ac latè fluctuat omnis
Ære renidenti tellus, necdum horrida miscent
Prælia, sed dubius mediis Mars errat in armis.
Omnia sint paribus numeris dimensa viarum;
Non animum modò uti pascat prospectus inanem:
Sed quia non aliter vires dabit omnibus æquas
Terra, neque in vacuum poterunt se extendere rami.

Forsitan et scrobibus quæ sint fastigia quæras. Ausim vel tenui vitem committere sulco. Altiùs ac penitus terræ defigitur arbos; 290 Æsculus in primis, quæ quantùm vertice ad auras Ætherias, tantùm radice in Tartara tendit. Ergò non hyemes illam, non flabra, neque imbres Convellunt; immota manet, multosque nepotes, Multa virûm volvens durando sæcula, vincit. 295 Tum fortes latè ramos et brachia tendens Huc illuc, media ipsa ingentem sustinet umbram.

Neve tibi ad solem vergant vineta cadentem;
Neve inter vites corylum sere; neve flagella
Summa pete, aut summas destringe ex arbore plantas;
(Tantus amor terræ:) neu ferro læde retuso
Semina; neve oleæ silvestres insere truncos.
Nam sæpe incautis pastoribus excidit ignis,
Qui, furtim pingui primum sub cortice tectus,
Robora comprendit, frondesque elapsus in altas sos
Ingentem cælo sonitum dedit; inde secutus
Per ramos victor, perque alta cacumina regnat,
Et totum involvit flammis nemus, et ruit atram

Ad crelum piceâ crassus caligine nubem:
Præsertim si tempestas a vertice silvis
Incubuit, glomeratque ferens incendia ventus.
Hoc ubi, non a stirpe valent, cæsæque reverti
Possunt, atque imâ similes revirescere terrâ':
Infelix superat foliis oleaster amaris.

Nec tibi tam prudens quisquam persuadeat auctor Tellurem Boreà rigidam spirante moveri. Rura gelu tum claudit hyems, nec semine jacto Concretam patitur radicem affigere terræ. Optima vinetis satio est, cum vere rubenti Candida venit avis, longis invisa colubris; Prima vel autumni sub frigora, cùm rapidus Sol Nondum hyemem contingit equis, jam præterit æstas. Ver adeo frondi nemorum, ver utile silvis; Vere tument terræ, et genitalia semina poscunt. Tum pater omnipotens fœcundis imbribus Æther 325 Conjugis in gremium lætæ descendit, et omnes Magnus alit, magno commixtus corpore, fœtus. Avia tum resonant avibus virgulta canoris, Et Venerem certis repetunt armenta diebus. Parturit almus ager; Zephyrique tepentibus auris 330 Laxant arva sinus; superat tener omnibus humor; Inque novos soles audent se germina tutò Credere; nec metuit surgentes pampinus Austros, Aut actum cœlo magnis Aquilonibus imbrem: Sed trudit gemmas, et frondes explicat omnes. 335 Non alios primâ crescentis origine mundi Illuxisse dies, aliumve habuisse tenorem Crediderim: ver illud erat; ver magnus agebat Orbis, et hybernis parcebant flatibus Euri; Cùm primæ lucem pecudes hausêre, virûmque Ferrea progenies duris caput extulit arvis, Immissæque feræ silvis, et sidera cœlo. Nec res hunc teneræ possent perferre laborem, Si non tanta quies iret frigusque caloremque Inter, et exciperet cœli indulgentia terras. Quod superest, quæcumque premes virgulta per Sparge fimo pingui, et multâ memor occule terrâ; Aut lapidem bibulum, aut squalentes infode conchaş. Inter enim labentur aquæ, tenuisque subibit Halitus, atque animos tollent sata; jamque reperti, Qui saxo super atque ingentis pondere testæ, Urgerent: hoc effusos munimen ad imbres; Hoc, ubi hiulca siti findit canis æstifer arva.

Seminibus positis, superest deducere terram
Sæpius ad capita, et duros jactare bidentes;
Aut presso exercere solum sub vomere, et ipsa
Flectere luctantes inter vineta juvencos;
Tum leves calamos, et rasæ hastilia virgæ,
Fraxineasque aptare sudes, furcasque bicornes;
Viribus eniti quarum, et contemnere ventos
Assuescant, summasque sequi tabulata per ulmos.

Ac, dum prima novis adolescit frondibus ætas,
Parcendum teneris; et dum se lætus ad auras
Palmes agit, laxis per purum immissus habenis,
Ipsa acie nondum falcis tentanda; sed uncis
Carpendæ manibus frondes, interque legendæ.
Inde ubi jam validis amplexæ stirpibus ulmos
Exierint, tum stringe comas, tum brachia tonde;
Antè reformidant ferrum: tum denique dura
Exerce imperia, et ramos compesce fluentes.

Texendæ sepes etiam, et pecus omne tenendum est, Præcipuè dum frons tenera imprudensque laborum: Cui, super indignas hyemes solemque potentem, Silvestres uri assiduè capreæque sequaces Illudunt; pascuntur oves, avidæque juvencæ.

Frigora nec tantum canâ concreta pruinâ, Aut gravis incumbens scopulis arentibus æstas, Quantum illi nocuère greges durique venenum Dentis, et admorso signata in stirpe cicatrix.

Non aliam ob culpam Baccho caper omnibus aris Cæditur, et veteres ineunt proscenia ludi, Præmiaque ingeniis pagos et compita circum Thesidæ posuère; atque inter pocula læti Mollibus in pratis unctos salière per utres.

Necnon Ausonii, Trojâ gens missa, coloni
Versibus incomtis ludunt, risuque soluto;
Oraque corticibus sumunt horrenda cavatis:
Et te, Bacche, vocant per carmina læta, tibique
Oscilla ex altâ suspendunt mollia pinu.
Hinc omnis largo pubescit vinea fætu:
Complentur vallesque cavæ saltusque profundi,
Et quocumque Deus circum caput egit honestum.
Ergo rite suum Baccho dicemus honorem
Carminibus patriis, lancesque et liba feremus;
Et ductus cornu stabit sacer hircus ad aram,
Pinguiaque in verubus torrebimus exta colurnis.

Est etiam ille labor curandis vitibus alter, [tannis Cui nunquam exhausti satis est: namque omne quo-Terque quaterque solum scindendum, glebaque versis Æternum frangenda bidentibus; omne levandum 400 Fronde nemus. Redit agricolis labor actus in orbem, Atque in se sua per vestigia volvitur annus. Ac jam olim seras posuit cum vinea frondes, Frigidus et silvis Aquilo decussit honorem; Jam tum acer curas venientem extendit in annum 405 Rusticus, et curvo Saturni dente relictam Persequitur vitem attondens, fingitque putando. Primus humum fodito, primus devecta cremato Sarmenta, et vallos primus sub tecta referto; Postremus metito. Bis vitibus ingruit umbra; 410. Bis segetem densis obducunt sentibus herbæ: Durus uterque labor. Laudato ingentia rura: Exiguum colito. Necnon etiam aspera rusci Vimina per silvam, et ripis fluvialis arundo Cæditur; incultique exercet cura salicti. 415 Jam vinctæ vites, jam falcem arbusta reponunt, Jam canit extremos effœtus vinitor antes: Sollicitanda tamen tellus, pulvisque movendus; Et jam maturis metuendus Jupiter uvis.

Contrà, non ulla est oleis cultura; neque illæ 420 Procurvam expectant falcem, rastrosque tenaces, Cùm semel hæserunt arvis, aurasque tulerunt. Ipsa satis tellus, cùm dente recluditur unco, Sufficit humorem, et gravidas cum vomere fruges: Hoc pinguem et placitam Paci nutritor olivam. 422 Poma quoque, ut primum truncos sensere valentes, Et vires habuere suas, ad sidera raptim Vi proprià nituntur, opisque haud indiga nostres.

Nec minus interea fœtu nemus omne gravescit, Sanguineisque inculta rubent aviaria baccis. Tondentur cytisi: tædas silva alta ministrat, Pascunturque ignes nocturni, et lumina fundunt, Et dubitant homines serere, atque impendere curam? Quid majora sequar? salices, humilesque genistæ, Aut illæ pecori frondem, aut pastoribus umbras Sufficiunt; sepemque satis, et pabula melli. Et juvat undantem buxo spectare Cytorum, Naryciæque picis lucos; juvat arva videre, Non rastris, hominum non ulli obnoxia curæ. Ipsæ Caucaseo steriles in vertice silvæ, Quas animosi Euri assiduè franguntque feruntque, Dant alios aliæ fœtus; dant utile lignum Navigiis pinos, domibus cedrumque cupressosque. Hine radios trivêre rotis, hinc tympana plaustris, Agricolæ, et pandas ratibus posuêre carinas. Viminibus salices fæcundæ, frondibus ulmi; At myrtus validis hastilibus, et bona bello Cornus; Ituræos taxi torquentur in arcus. Nec tiliæ leves, aut torno rasile buxum Non formam accipiunt, ferroque cavantur acuto. 450 Necnon et torrentem undam levis innatat alnus Missa Pado; necnon et apes examina condunt Corticibusque cavis, vitiosæque ilicis alveo. Quid memorandum æquè Baccheïa dona tulerunt? Bacchus et ad culpam causas dedit: ille furentes Centauros leto domuit, Rhætumque, Pholumque, Et magno Hylæum Lapithis cratere minantem.

O fortunatos nimiùm, sua si bona nôrint, Agricolas! quibus ipsa, procul discordibus armis, Fundit humo facilem victum justissima tellus. Si non ingentem foribus domus alta superbis
Manè salutantum totis vomit ædibus undam;
Nec varios inhiant pulchrà testudine postes,
Illusasque auro vestes, Ephyreiaque æra;
Alba neque Assyrio fucatur lana veneno,
Nec casià liquidi corrumpitur usus olivi;
At secura quies, et nescia fallere vita,
Dives opum variarum; at latis otia fundis,
Speluncæ, vivique lacus; at frigida Tempe,
Mugitusque boum, mollesque sub arbore somni
Non absunt. Illic saltus, ac lustra ferarum,
Et patiens operum parvoque assueta juventus,
Sacra Deûm, sanctique patres. Extrema per illos
Justitia excedens terris vestigia fecit.

Me verò primum dulces ante omnia Musæ,
Quarum sacra fero, ingenti perculsus amore,
Accipiant; cœlique vias et sidera monstrent,
Defectus solis varios, lunæque labores;
Unde tremor terris; quâ vi maria alta tumescant
Objicibus ruptis, rursusque in seipsa residant;
Quid tantum Oceano properent se tingere soles
Hyberni; vel quæ tardis mora noctibus obstet,
Sin, has ne possim naturæ accedere partes
Frigidus obstiterit circum præcordia sanguis;
Rura mihi et rigui placeant in vallibus amnes:
Flumina amem silvasque inglorius. O ubi campi,
Spercheusque, et virginibus bacchata Lacænis
Taygeta! o qui me gelidis in vallibus Hæmi
Sistat, et ingenti ramorum protegat umbra!

Felix, qui potuit rerum cognoscere causas,
Atque metus omnes et inexorabile fatum
Subjecit pedibus, strepitumque Acherontis avari!
Fortunatus et ille, Deos qui novit agrestes,
Panaque, Silvanumque senem, Nymphasque sorores!
Illum non populi fasces, non purpura regum
495
Flexit, et infidos agitans discordia fratres;
Aut conjurato descendens Dacus ab Istro;
Non res Romanæ, perituraque regna; neque ille

Aut doluit miserans inopem, aut invidit habenti. Quos rami fructus, quos ipsa volentia rura Sponte tulêre suâ, carpsit: nec ferrea jura, Insanumque forum, aut populi tabularia vidit. Sollicitant alii remis freta ceca, ruuntque In ferrum, penetrant aulas et limina regum; Hic petit excidiis urbem miserosque Penates, Ut gemmâ bibat, et Sarrano indormiat ostro: Condit opes alius, defossoque incubat auro; Hic stupet attonitus rostris; hunc plausus hiantem Per cuneos (geminatus enim plebisque patrumque) Corripuit: gaudent perfusi sanguine fratrum, Exilioque domos et dulcia limina mutant, Atque alio patriam quærunt sub sole jacentem. Agricola incurvo terram dimovit aratro: Hinc anni labor; hinc patriam, parvosque nepotes Sustinet; hinc armenta boum, meritosque juvencos. Nec requies, quin aut pomis exuberet annus, Aut fœtu pecorum, aut Cerealis mergite culmi; Proventuque oneret sulcos, atque horrea vincat. Venit hyems; teritur Sicyonia bacca trapetis; Glande sues læti redeunt : dant arbuta silvæ : Et varios ponit fœtus autumnus; et altè Mitis in apricis coquitur vindemia saxis. Interea dulces pendent circum oscula nati: Casta pudicitiam servat domus; ubera vaccæ Lactea demittunt: pinguesque in gramine læto . 505 Inter se adversis luctantur cornibus hædi. Ipse dies agitat festos; fususque per herbam, Ignis ubi in medio, et socii cratera coronant, Te libans, Lenœe, vocat; pecorisque magistris Velocis jaculi certamina ponit in ulmo, Corporaque agresti nudant prædura palæstrå. Hanc olim veteres vitam coluêre Sabini, Hanc Remus et frater: sic fortis Etruria crevit: Scilicet et rerum facta est pulcherrima Roma, Septemque una sibi muro circumdedit arces. Ante etiam sceptrum Dictæi regis, et antè

Impia qu'àm cæsis gens est epulata juvencis, Aureus hanc vitam in terris Saturnus agebat. Necdum etiam audierant inflari classica, necdum Impositos duris crepitare incudibus enses.

Sed nos immensum spatiis confecimus æquor,

Et jam tempus equûm fumantia solvere colla.

## LIBER III.

TE quoque, magna Pales, et te, memorande, canemus, Pastor ab Amphryso; vos, silvæ, amnesque Lycæi. Cetera, que vacuas tenuissent carmina mentes. Omnia jam vulgata. Quis aut Eurysthea durum, Aut illaudati nescit Busiridis aras? Cui non dictus Hylas puer, et Latonia Delos? Hippodameque, humeroque Pelops insignis eburno, Acer equis? Tentanda via est, quâ me quoque possim Tollere humo, victorque virûm volitare per ora. Primus ego in patriam mecum, modò vita supersit, 10 Aonio rediens deducam vertice Musas: Primus Idumæas referam tibi, Mantua, palmas; Et viridi in campo templum de marmore ponam, Propter aquam, tardis ingens ubi flexibus errat Mincius, et tenerà prætexit arundine ripas. In medio mihi Cæsar erit, templumque tenebit. Illi victor ego, et Tyrio conspectus in ostro, Centum quadrijugos agitabo ad flumina currus. Cuncta mihi, Alpheum linquens lucosque Molorchi, Cursibus et crudo decernet Græcia cæstu. Ipse, caput tonsee foliis ornatus olivee. Dona feram. Jam nunc solemnes ducere pompas Ad delubra juvat, cæsosque videre juvencos; Vel scena ut versis discedat frontibus, utque Purpurea intexti tollant aulæa Britanni. ln foribus pugnam ex auro solidoque elephanto Gangaridum faciam, victorisque arma Quirini; Atque hic undantem bello, magnumque fluentem

Nilum, ac navali surgentes ære columnas. Addam urbes Asiæ domitas, pulsumque Niphaten, 30 Fidentemque fugå Parthum versisque sagittis, Et duo rapta manu diverso ex hoste tropæa, Bisque triumphatas utroque ab littore gentes. Stabunt et Parii lapides, spirantia signa, Assaraci proles, demisseque ab Jove gentis Nomina, Trosque parens, et Trojæ Cynthius auctor. Invidia infelix Furias amnemque severum Cocyti metuet, tortosque Ixionis angues, Immanemque rotam, et non exsuperabile saxum.

Interea Dryadum silvas saltusque sequamur Intactos, tua, Mæcenas, haud mollia jussa. Te sine nil altum mens inchoat: en age, segnes Rumpe moras: vocat ingenti clamore Cithæron, Taygetique canes, domitrixque Epidaurus equorum; Et vox assensu nemorum ingeminata remugit. Mox tamen ardentes accingar dicere pugnas Cæsaris, et nomen famå tot ferre per annos, Tithoni primâ quot abest ab origine Cæsar.

Seu quis, Olympiacæ miratus præmia palmæ, Pascit equos; seu quis fortes ad aratra juvencos; so Corpora præcipuè matrum legat. Optima torvæ Forma bovis, cui turpe caput, cui plurima cervix, Et crurum tenus a mento palearia pendent. Tum longo nullus lateri modus: omnia magna; Pes etiam, et camuris hirtæ sub cornibus aures. Nec mihi displiceat maculis insignis et albo, Aut juga detrectans, interdumque aspera cornu, Et faciem tauro propior; quæque ardua tota, Et gradiens imâ verrit vestigia caudâ.

Ætas Lucinam justosque pati Hymenæos 60 Desinit ante decem, post quatuor incipit annos: Cetera nec fœturæ habilis, nec fortis aratris. Interea, superat gregibus dum læta juventus, Solve mares; mitte in Venerem pecuaria primus, Atque aliam ex alia generando suffice prolem. Optima quæque dies miseris mortalibus ævi

55

Prima fugit; subeunt morbi, tristisque senectus; Et labor, et duræ rapit inclementia mortis.

Semper erunt, quarum mutari corpora malis;

Semper enim refice; ac, ne pòst amissa requiras, 70

Anteveni; et sobolem armento sortire quotannis.

Necnon et pecori est idem delectus equino. Tu modò, quos in spem statues submittere gentis, Præcipuum jam inde a teneris impende laborem, Continuò pecoris generosi pullus in arvis Altius ingreditur, et mollia crura reponit : Primus et ire viam, et fluvios tentare minaces Audet, et ignoto sese committere ponti; Nec vanos horret strepitus. Illi ardua cervix, Argutumque caput, brevis alvus, obesaque terga; 20 Luxuriatque toris animosum pectus; honesti Spadices, glaucique; color deterrimus albis. Et gilvo: tum, si qua sonum procul arma dedêre, Stare loco nescit, micat auribus, et tremit artus, Collectumque fremens volvit sub naribus ignem: 85 Densa juba, et dextro jactata recumbit in armo. At duplex agitur per lumbos spina; cavatque Tellurem, et solido graviter sonat ungula cornu. Talis Amyclæi domitus Pollucis habenis Cyllarus, et, quorum Graii meminêre poëtæ, 90 Martis equi bijuges, et magni currus Achillis. Talis et ipse jubam cervice effudit equinâ Conjugis adventu pernix Saturnus, et altum Pelion hinnitu fugiens implevit acuto. annis Hunc quoque, ubi aut morbo gravis, aut jam segnior Deficit, abde domo; nec turpi ignosce senectæ. Frigidus in Venerem senior, frustraque laborem Ingratum trahit; et, si quando ad prælia ventum est, Ut quondam in stipulis magnus sine viribus ignis, Incassum furit. Ergò animos ævumque notabis 100 Præcipuè: hinc alias artes, prolemque parentum, Et quis cuique dolor victo, que gloria palme. Nonne vides? cum præcipiti certamine campum Corripuère, ruuntque effusi carcere currus;

Cùm spes arrectæ juvenum, exultantiaque haurit 105 Corda pavor pulsans; illi instant verbere torto, Et proni dant lora: volat vi fervidus axis: Jamque humiles, jamque elati sublime videntur Aëra per vacuum ferri, atque assurgere in auras. Nec mora, nec requies: at fulvæ nimbus arenæ 110 Tollitur; humescunt spumis flatuque sequentûm: Tantus amor laudum, tantæ est victoria curæ!

Primus Erichthonius currus et quatuor ausus Jungere equos, rapidusque rotis insistere victor. Fræna Pelethronii Lapithæ, gyrosque dedêre, 115 Impositi dorso, atque equitem docuêre sub armis Insultare solo, et gressus glomerare superbos. Æquus uterque labor; æquè juvenemque magistri Exquirunt, calidumque animis, et cursibus acrem: Quamvis sæpe fugà versos ille egerit hostes, 120 Et patriam Epirum referat, fortesque Mycenas; Neptunique ipså deducat origine gentem.

His animadversis, instant sub tempus; et omnes Impendunt curas, denso distendere pingui, Quem legère ducem et pecori dixère maritum: Pubentesque secant herbas, fluviosque ministrant, Farraque; ne blando nequeat superesse labori, Invalidique patrum referant jejunia nati. Ipsa autem macie tenuant armenta volentes: Atque ubi concubitus primos jam nota voluptas Sollicitat, frondesque negant, et fontibus arcent; Sæpe etiam cursu quatiunt, et sole fatigant; Cum graviter tunsis gemit area frugibus, et cum Surgentem ad Zephyrum paleæ jactantur inanes. Hoc faciunt, nimio ne luxu obtusior usus 135 Sit genitali arvo, et sulcos oblimet inertes; Sed rapiat sitiens Venerem, interiùsque recondat.

Rursus cura patrum cadere, et succedere matrum Incipit. Exactis gravidæ cum mensibus errant, Non illas gravibus quisquam juga ducere plaustris, Non saltu superare viam sit passus, et acri Carpere prata fuga fluviosque innare rapaces.

Saltibus in vacuis pascant, et plena secundum .Flumina: muscus ubi, et viridissima gramine ripa; Speluncæque tegant, et saxea procubet umbra.

Est lucos Silari circa, ilicibusque virentem
Plurimus Alburnum volitans, cui nomen asilo
Romanum est, astrum Graii vertere vocantes;
Asper, acerba sonans: quo tota exterrita silvis
Diffugiunt armenta; furit mugitibus æther
Concussus, silvæque, et sicci ripa Tanagri.
Hoc quondam monstro horribiles exercuit iras
Inachiæ Juno pestem meditata juvencæ.
Hunc quoque (nam mediis fervoribus acrior instat)
Arcebis gravido pecori; armentaque pasces
Sole recens orto, aut noctem ducentibus astris.

Post partum, cura in vitulos traducitur omnis: Continuòque notas et nomina gentis inurunt; Et quos aut pecori malint submittere habendo, Aut aris servare sacros, aut seindere terram, 160 Et campum horrentem fractis invertere glebis: Cetera pascuntur virides armenta per herbas. Tu quos ad studium atque usum formabis agrestem, Jam vitulos hortare, viamque insiste domandi, Dum faciles animi juvenum, dum mobilis estas. Ac primum laxos tenui de vimine circlos Cervici subnecte: dehinc, ubi libera colla Servitio assuerint, ipsis e torquibus aptos Junge pares, et coge gradum conferre juvencos. Atque illis jam sæpe rotæ ducantur inanes 170 Per terram, et summo vestigia pulvere signent. Post valido nitens sub pondere faginus axis Instrepat, et junctos temo trahat æreus orbes. Interea pubi indomitæ non gramina tantum, Nec vescas salicum frondes, ulvamque palustrem; Sed frumenta manu carpes sata: nec tibi fœtæ, More patrum, nivea implebunt mulctralia vaccæ: Sed tota in dulces consument ubera natos.

Sin ad bella magis studium, turmasque feroces, Aut Alphea rotis prælabi flumina Pisæ, 180

Et Jovis in luco currus agitare volantes; Primus equi labor est, animos atque arma videre Bellantum, lituosque pati, tractuque gementem Ferre rotam, et stabulo frænos audire sonantes: Tum magis atque magis blandis gaudere magistri 185 Laudibus, et plausæ sonitum cervicis amare. Atque heec jam primò depulsus ab ubere matris Audiat, inque vicem det mollibus ora capistris Invalidus, etiamque tremens, etiam inscius ævi. At, tribus exactis, ubi quarta accesserit æstas, Carpere mox gyrum incipiat, gradibusque sonare Compositis; sinuetque alterna volumina crurum; Sitque laboranti similis: tum cursibus auras Provocet, ac per aperta volans, ceu liber habenis, Æquora, vix summâ vestigia ponat arenâ. Qualis hyperboreis Aquilo, cum densus ab oris Incubuit, Scythiæque hyemes atque arida differt Nubila; tum segetes altæ campique natantes Lenibus horrescunt flabris, summæque sonorem Dant silvæ, longique urgent ad littora fluctus; Ille volat, simul arva fugâ, simul æquora verrens. Hic vel ad Elei metas et maxima campi Sudabit spatia, et spumas aget ore cruentas; Belgica vel molli meliùs feret esseda collo. Tum demum crassâ magnum farragine corpus Crescere jam domitis sinito: namque ante domandum Ingentes tollent animos; prensique negabunt Verbera lenta pati, et duris parere lupatis.

Sed non ulla magis vires industria firmat,
Quam Venerem et cœci stimulos avertere amoris;
Sive boum, sive est cui gratior usus equorum.
Atque ideo tauros procul atque in sola relegant
Pascua, post montem oppositum, et trans flumina
Aut intùs clausos satura ad præsepia servant. [lata;
Carpit enim vires paulatim, uritque videndo
Pœmina; nec nemorum patitur meminisse, nec herbæ.
Dulcibus illa quidem illecebris, et sæpe superbos
Cornibus inter se subigit decernere amantes.

Pascitur in magnâ silvâ formosa juvenca: Illi alternantes multà vi prælia miscent 220 Vulneribus crebris; lavit ater corpora sanguis; Versaque in obnixos urgentur cornua vasto Cum gemitu; reboant silvæque et longus Olympus. Nec mos bellantes unà stabulare: sed alter Victus abit, longèque ignotis exulat oris, 225 Multa gemens ignominiam, plagasque superbi Victoris, tum quos amisit inultus amores; Et stabula aspectans regnis excessit avitis. Ergò omni cura vires exercet, et inter Dura jacet pernox instrato saxa cubili, Frondibus hirsutis et carice pastus acutâ; Et tentat sese, atque irasci in cornua discit Arboris obnixus trunco, ventosque lacessit · Ictibus, et sparsà ad pugnam proludit arenà. Post, ubi collectum robur viresque receptæ, Signa movet, precepsque oblitum fertur in hostem: Fluctus ut in medio cœpit cum albescere ponto, Longiùs ex altoque sinum trahit; utque volutus Ad terras, immanè sonat per saxa, nec ipso Monte minor procumbit; at ima exæstuat unda 240 Vorticibus, nigramque altè subjectat arenam.

Omne adeo genus in terris hominumque ferarumque, Et genus æquoreum, pecudes, pictæque volucres, In furias ignemque ruunt: amor omnibus idem. Tempore non alio catulorum oblita leæna Sævior erravit campis: nec funera vulgò Tam multa informes ursi stragemque dedère Per silvas: tum sævus aper, tum pessima tigris: Heu! malè tum Libyæ solis erratur in agris. Nonne vides, ut tota tremor pertentet equorum Corpora, si tantum notas odor attulit auras? Ac neque eos jam fræna virûm, neque verbera sæva, Non scopuli, rupesque cavæ, atque objecta retardant Flumina, correptos undâ torquentia montes. Ipse ruit, dentesque Sabellicus exacuit sus, 255 Et pede prosubigit terram, fricat arbore costas,

Atque hinc atque illinc humeros ad vulnera durat. Quid juvenis, magnum cui versat in ossibus ignem Durus amor? nempe abruptis turbata procellis Nocte natat cœcà serus freta: quem super ingens 260 Porta tonat coli, et scopulis illisa reclamant Æquora: nec miseri possunt revocare parentes, Nec moritura super crudeli funere virgo. Quid lynces Bacchi varise, et genus acre luporum, Atque canum? quid, quæ imbelles dant prælia cervi? Scilicet ante omnes furor est insignis equarum: Et mentem Venus ipsa dedit, quo tempore Glauci Potniades malis membra absumsere quadrigæ. Illas ducit amor trans Gargara, transque sonantem Ascanium; superant montes, et flumina tranant. 270 Continuòque avidis ubi subdita flamma medullis, (Vere magis, quia vere calor redit ossibus) illæ, Ore omnes versee in Zephyrum, stant rupibus altis, Exceptantque leves auras: et sæpe sine ullis Conjugiis, vento gravidæ (mirabile dictu) Saxa per et scopulos et depressas convalles Diffugiunt; non, Eure, tuos, neque Solis ad ortus, In Boream, Caurumque, aut unde nigerrimus Auster Nascitur, et pluvio contristat frigore cœlum. Hic demum, hippomanes vero quod nomine dicant Pastores, lentum destillat ab inquine virus: Hippomanes, quod sæpe malæ legère novereze, Miscueruntque herbas, et non innoxia verba.

Sed fugit interea, fugit irreparabile tempus,
Singula dum capti circumvectamur amore.

Hoc satis armentis: superat para altera curee,
Lanigeros agitare greges, hirtasque capellas:
Hic labor; hinc laudem fortes sperate coloni.
Nec sum animi dubius, verbis ea vincere magnum
Quam sit, et angustis hunc addere rebus honorem.

290
Sed me Parnassi deserta per ardua dulcis
Raptat amor: juvat ire jugis, qua nulla priorum
Castaliam molli devertitur orbita clivo:

unc, veneranda Pales, magno nunc ore sonandum.

Incipiens, stabulis edico in mollibus herbam Carpere oves, dum mox frondosa reducitur æstas: Et multâ duram stipulâ filicumque maniplis Sternere subter humum, glacies ne frigida lædat Molle pecus, scabiemque ferat, turpesque podagras. Pòst, hinc digressus, jubeo frondentia capris Arbuta sufficere, et fluvios præbere recentes; Et stabula a ventis hyberno opponere soli. Ad medium conversa diem: cum frigidus olim Jam cadit, extremoque irrorat Aquarius anno. Hæ quoque non cura nobis leviore tuendæ. 305 Nec minor usus erit: quamvis Milesia magno Vellera mutentur, Tyrios incocta rubores. Densior hinc soboles, hinc largi copia lactis. Quam magis exhausto spumaverit ubere mulctra; Læta magis pressis manabunt flumina mammis. Nec minus interea barbas incanaque menta Cinyphii tondent hirci, setasque comantes; Usum in castrorum, et miseris velamina nautis. Pascuntur verò silvas, et summa Lycæi, Horrentesque rubos, et amantes ardua dumos. 315 Atque ipsæ memores redeunt in tecta, suosque Ducunt, et gravido superant vix ubere limen. Ergò omni studio glaciem ventosque nivales, Quò minus est illis curæ mortalis egestas, Avertes; victumque feres et virgea lætus Pabula; nec totà claudes fœnilia brumâ. At verò, Zephyris cùm læta vocantibus æstas In saltus utrumque gregem atque in pascua mittet, Luciferi primo cum sidere frigida rura Carpamus, dum manè novum, dum gramina canent, Et ros in tenera pecori gratissimus herba. Inde, ubi quarta sitim cœli collegerit hora, Et cantu querulæ rumpent arbusta cicadæ, Ad puteos, aut alta greges ad stagna jubeto Currentem ilignis potare canalibus undam: Æstibus at mediis umbrosam exquirere vallem, Sicubi magna Jovis antiquo robore quercus

Ingentes tendat ramos, aut sicubi nigrum Ilicibus crebris sacrà nemus accubet umbrà; Tum tenues dare rursus aquas, et pascere rursus Solis ad occasum: cùm frigidus aëra Vesper Temperat, et saltus reficit jam roscida Luna, Littoraque alcyonen resonant, acalanthida dumi,

Quid tibi pastores Libyæ, quid pascua versu
Prosequar, et raris habitata mapalia tectis?
Sæpe diem noctemque, et totum ex ordine mensem
Pascitur, itque pecus longa in deserta sine ullis
Hospitiis: tantum campi jacet. Omnia secum
Armentarius Afer agit, tectumque, laremque, [tram:
Armaque, Amyclæumque canem, Cressamque phareNon secus ac patriis acer Romanus in armis
Injusto sub fasce viam cum carpit, et hosti
Ante expectatum positis stat in agmine castris.

At non, quà Scythiæ gentes, Mæoticaque unda. Turbidus et torquens flaventes Ister arenas: Quaque redit medium Rhodope porrecta sub axem. Illic clausa tenent stabulis armenta; neque ullæ Aut herbæ campo apparent, aut arbore frondes; Sed jacet aggeribus niveis informis, et alto Terra gelu latè, septemque assurgit in ulnas: 355 Semper hyems, semper spirantes frigora Cauri. Tum Sol pallentes haud unquam discutit umbras; Nec cum invectus equis altum petit æthera, nec cum Præcipitem Oceani rubro lavit æquore currum. Concrescunt subitæ currenti in flumine crustæ: Undaque jam tergo ferratos sustinet orbes, Puppibus illa priùs patulis, nunc hospita plaustris: Æraque dissiliunt vulgo, vestesque rigescunt Indutæ, cæduntque securibus humida vina, Et totæ solidam in glaciem vertere lacunæ, 365 Stiriaque impexis induruit horrida barbis. Interea toto non secius aëre ningit: Intereunt pecudes; stant circumfusa pruinis Corpora magna boum: confertoque agmine cervi Torpent mole novâ, et summis vix cornibus extant.

Hos non immissis canibus, non cassibus ullis,
Puniceæve agitant pavidos formidine pennæ:
Sed frustrà oppositum trudentes pectore montem
Cominus obtruncant ferro, graviterque rudentes
Cædunt, et magno læti clamore reportant.
Ipsi in defossis specubus secura sub altâ
Otia agunt terrâ; congestaque robora, totasque
Advolvère focis ulmos, ignique dedère.
Hic noctem ludo ducunt, et pocula læti
Fermento atque acidis imitantur vitea sorbis.
Talis Hyperboreo septem subjecta trioni
Gens effræna virûm Rhipæo tunditur Euro;
Et pecudum fulvis velantur corpora setis.

Si tibi lanicium curæ, primum aspera silva, Lappæque tribulique absint; fuge pabula læta: 385 Continuòque greges villis lege mollibus albos. Illum autem, quamvis aries sit candidus ipse, Nigra subest udo tantum cui lingua palato, Rejice, ne maculis infuscet vellera pullis Nascentûm; plenoque alium circumspice campo. 390 Munere sic niveo lanæ, si credere dignum est, Pan Deus Arcadiæ captam te, Luna, fefellit, In nemora alta vocans: nec tu aspernata vocantem. At cui lactis amor, cytisum, lotosque frequentes Ipse manu, salsasque ferat præsepibus herbas. Hinc et amant fluvios magis, ac magis ubera tendunt, Et salis occultum referunt in lacte saporem. Multi jam excretos prohibent a matribus hædos, Primaque ferratis præfigunt ora capistris. Quod surgente die mulsère horisque diurnis, Nocte premunt: quod jam tenebris et sole cadente, Sub lucem exportans calathis adit oppida pastor; Aut parco sale contingunt, hyemique reponunt.

Nec tibi cura canum fuerit postrema: sed unà Veloces Spartæ catulos, acremque Molossum
Pasce sero pingui: nunquam custodibus illis
Nocturnum stabulis furem, incursusque luporum,

Aut impacatos a tergo horrebis Iberos.

Sæpe etiam cursu timidos agitabis onagros; Et canibus leporem, canibus venabere damas: Sæpe volutabris pulsos silvestribus apros Latratu turbabis agens; montesque per altos Ingentem clamore premes ad retia cervum.

Disce et odoratam stabulis accendere cedrum. Galbaneoque agitare graves nidore chelydros. Sæpe sub immotis præsepibus aut mala tactu Vipera delituit, cœlumque exterrita fugit; Aut tecto assuetus coluber succedere et umbræ, Pestis acerba boum; pecorique aspergere virus, Fovit humum: cape saxa manu, cape robora. pastor. Tollentemque minas et sibila colla tumentem Dejice: jamque fugâ timidum caput abdidit altè. Cum medii nexus extremæque agmina caudæ Solvuntur, tardosque trahit sinus ultimus orbes. Est etiam ille malus Calabris in saltibus anguis. 425 Squamea convolvens sublato pectore terga, Atque notis longam maculosus grandibus alvum: Qui, dum amnes ulli rumpuntur fontibus, et dum Vere madent udo terræ ac pluvialibus Austris. Stagna colit; ripisque habitans hic piscibus atram 430 Improbus ingluviem ranisque loquacibus explet. Postquam exhausta palus, terræque ardore dehiscunt. Exilit in siccum, et flammantia lumina torquens Sævit agris, asperque siti, atque exterritus æstu. Ne mihi tum molles sub dio carpere somnos, Neu dorso nemoris libeat jacuisse per herbas, Cum positis novus exuviis, nitidusque juventa, Volvitur, aut catulos tectis aut ova relinquens, Arduus ad solem et linguis micat ore trisulcis.

Morborum quoque te causas et signa docebo. Turpis oves tentat scabies, ubi frigidus imber Altiùs ad vivum persedit, et horrida cano Bruma gelu; vel cum tonsis illotus adhæsit Sudor, et hirsuti secuerunt corpora vepres. Dulcibus idcirco fluviis pecus omne magistri Perfundunt; udisque aries in gurgite villis

Mersatur, missusque secundo defluit amni: Aut tonsum tristi contingunt corpus amurcâ, Et spumas miscent argenti, vivaque sulphura, Ideasque pices, et pingues unguine ceras, Scillamque, elleborosque graves, nigrumque bitumen. Non tamen ulla magis præsens fortuna laborum est, Quam si quis ferro potuit rescindere summum Ulceris os: alitur vitium, vivitque tegendo; Dum medicas adhibere manus ad vulnera pastor 455 Abnegat, et meliora Deos sedet omina poscens. Quin etiam ima dolor balantûm lapsus ad ossa Cùm furit, atque artus depascitur arida febris, Profuit incensos æstus avertere, et inter Ima ferire pedis salientem sanguine venam: Bisaltæ quo more solent, acerque Gelonus, Cùm fugit in Rhodopen, atque in deserta Getarum, Et lac concretum cum sanguine potat equino.

Quam procul aut molli succedere sæpius umbræ Videris, aut summas carpentem ignavius herbas, 465 Extremamque sequi, aut medio procumbere campo Pascentem, et seræ solam decedere nocti: Continuò ferro culpam compesce, priusquam Dira per incautum serpant contagia vulgus. Non tam creber, agens hyemem, ruit æquore turbo, Quam multæ pecudum pestes: nec singula morbi Corpora corripiunt; sed tota æstiva repentè, Spemque, gregemque simul, cunctamque ab origine Tum sciat, aërias Alpes et Norica si quis [gentem. Castella in tumulis, et Iapydis arva Timavi, Nunc quoque post tanto videat, desertaque regna Pastorum, et longè saltus latèque vacantes. Hic quondam morbo cœli miseranda coorta est Tempestas, totoque autumni incanduit æstu, Et genus omne neci pecudum dedit, omne ferarum, Corrupitque lacus, infecit pabula tabo. Nec via mortis erat simplex, sed ubi ignea venis Omnibus acta sitis miseros adduxerat artus: Rursus abundabat fluidus liquor, omniaque in se

Ossa minutatim morbo collapsa trahebat. Sæpe in honore Deam medio stans hostia ad aram, Lanea dum niveâ circumdatur infula vittâ. Inter cunctantes cecidit moribunda ministros. Aut si quam ferro mactaverat antè sacerdos, Inde neque impositis ardent altaria fibris, Nec responsa potest consultus reddere vates; Ac vix suppositi tinguntur sanguine cultri, Summaque jejuna sanie infuscatur arena. Hinc lætis vituli vulgò moriuntur in herbis, Et dulces animas plena ad præsepia reddunt. Hinc canibus blandis rabies venit, et quatit ægros Tussis anhela sues, ac faucibus angit obesis. Labitur infelix, studiorum atque immemor herbæ, Victor equus, fontesque avertitur, et pede terram Crebra ferit: demissæ aures: incertus ibidem 500 Sudor, et ille quidem morituris frigidus; aret Pellis, et ad tactum tractanti dura resistit. Hæc ante exitium primis dant signa diebus: Sin in processu cœpit crudescere morbus, Tum verò ardentes oculi, atque attractus ab alto 505 Spiritus interdum gemitu gravis; imaque longo Ilia singultu tendunt: it naribus ater Sanguis, et obsessas fauces premit aspera lingua. Profuit inserto latices infundere cornu Lenæos: ea visa salus morientibus una. 510 Mox erat hoc ipsum exitio, furiisque refecti Ardebant; ipsique suos, jam morte sub ægrâ, (Di meliora piis, erroremque hostibus illum!) Discissos nudis laniabant dentibus artus.

Ecce autem duro fumans sub vomere taurus
Concidit, et mixtum spumis vomit ore cruorem,
Extremosque ciet gemitus: it tristis arator,
Mœrentem abjungens fraternâ morte juvencum,
Atque opere in medio defixa reliquit aratra.
Non umbræ altorum nemorum, non mollia possunt
Prata movere animum, non qui per saxa volutus
Purior electro campum petit amnis: at ima

Solvuntur latera, atque oculos stupor urget inertes, Ad terramque fluit devexo pondere cervix. Quid labor, aut benefacta juvant? quid vomere terras Invertisse graves? atqui non Massica Bacchi Munera, non illis epulæ nocuêre repôstæ; Frondibus et victu pascuntur simplicis herbæ: Pocula sunt fontes liquidi, atque exercita cursu Flumina; nec somnos abrumpit cura salubres.

Tempore non alio dicunt regionibus illis Quæsitas ad sacra boves Junonis, et uris Imparibus ductos alta ad donaria currus. Ergò ægrè rastris terram rimantur, et ipsis Unguibus infodiunt fruges, montesque per altos Contentà cervice trahunt stridentia plaustra. Non lupus insidias explorat ovilia circum, Nec gregibus nocturnus obambulat; acrior illum Cura domat: timidi damæ cervique fugaces Nunc interque canes et circum tecta vagantur. Jam maris immensi prolem, et genus omne natantum, Littore in extremo, ceu naufraga corpora, fluctus Proluit: insolite fugient in flumina phoce. Interit et curvis frustrà defensa latebris Vipera, et attoniti squamis astantibus hydri. 545 Ipsis est aër avibus non æquus, et illæ Præcipites alta vitam sub nube relinquunt. Præterea nec jam mutari pabula refert, Quæsitæque nocent artes: cessère magistri, Phillyrides Chiron, Amythaoniusque Melampus. 550 Sævit et in lucem Stygiis emissa tenebris Pallida Tisiphone, morbos agit antè metumque, Inque dies avidum surgens caput altius effert. Balatu pecorum, et crebris mugitibus, amnes Arentesque sonant ripæ, collesque supini. Jamque catervatim dat stragem, atque aggerat ipsis In stabulis turpi dilapsa cadavera tabo: Donec humo tegere, ac foveis abscondere discunt. Nam neque erat coriis usus; nec viscera quisquam Aut undis abolere potest, aut vincere flammâ:

Nec tondere quidem morbo illuvieque peresa Vellera, nec telas possunt attipgere putres. Verùm etiam invisos si quis tentârat amictus; Ardentes papulæ, atque immundus olentia sudor Membra sequebatur; nec longo deinde moranti Tempore contactos artus sacer ignis edebat.

## LIBER IV.

PROTENUS aërii mellis cœlestia dona
Exequar: hanc etiam, Mæcenas, aspice partem.
Admiranda tibi levium spectacula rerum,
Magnanimosque duces, totiusque ordine gentis
Mores, et studia, et populos, et prælia dicam.
In tenui labor; at tenuis non gloria, si quem
Numina læva sinunt, auditque vocatus Apollo.
Principio sedes apibus statioque petenda,
Quò neque sit ventis aditus (nam pabula venti
Ferre domum prohibent), neque oves hædique petulci
Floribus insultent, aut errans bucula campo
Decutiat rorem, et surgentes atterat herbas.

Decutiat rorem, et surgentes atterat herbas. Absint et picti squalentia terga lacerti Pinguibus a stabulis, meropesque, aliæque volucres. Et manibus Procne pectus signata cruentis. Omnia nam latè vastant, ipsasque volantes Ore ferunt dulcem nidis immitibus escam. At liquidi fontes, et stagna virentia musco Adsint, et tenuis fugiens per gramina rivus; Palmaque vestibulum, aut ingens oleaster inumbret: Ut, cum prima novi ducent examina reges Vere suo, ludetque favis emissa juventus, Vicina invitet decedere ripa calori, Obviague hospitiis teneat frondentibus arbos. In medium, seu stabit iners, seu profluet humor, Transversas salices et grandia conjice saxa: Pontibus ut crebris possint consistere, et alas Pandere ad æstivum solem: si fortè morantes

Sparserit, aut præceps Neptuno immerserit Eurus. Hæc circum casiæ virides, et olentia latè s Serpylla, et graviter spirantis copia thymbræ Floreat, irriguumque bibant violaria fontem.

Ipsa autem, seu corticibus tibi suta cavatis, Seu lento fuerint alvearia vimine texta, Angustos habeant aditus: nam frigore mella Cogit hyems, eademque calor liquefacta remittit: Utraque vis apibus pariter metuenda; neque illæ Nequicquam in tectis certatim tenuia cerâ Spiramenta linunt, fucoque et floribus oras Explent, collectumque hæc ipsa ad munera gluten 40 Et visco et Phrygiæ servant pice lentius Idæ. Seepe etiam effossis (si vera est fama) latebris Sub terrâ fovêre larem, penitusque repertæ Pumicibusque cavis, exesseque arboris antro. Tu tamen et levi rimosa cubilia limo Unge fovens circum, et raras superinjice frondes. Neu propiùs tectis taxum sine, neve rubentes Ure foco cancros; altee neu crede paludi; Aut ubi odor cœni gravis, aut ubi concava pulsu Saxa sonant, vocisque offensa resultat imago.

Quod superest, ubi pulsam hyemem Sol aureus egit Sub terras, cœlumque æstivâ luce reclusit, Illæ continuò saltus silvasque peragrant, Purpureosque metunt flores, et flumina libant Summa leves. Hinc nescio qua dulcedine lætæ Progeniem nidosque fovent; hinc arte recentes Excudunt ceras, et mella tenacia fingunt. Hinc ubi jam emissum caveis ad sidera cœli Nare per æstatem liquidam suspexeris agmen, Obscuramque trahi vento mirabere nubem, 60 Contemplator; aquas dulces et frondea semper Tecta petunt: huc tu jussos asperge sapores, Trita melisphylla, et cerinthæ ignobile gramen; Tinnitusque cie, et Matris quate cymbala circum. Ipsæ consident medicatis sedibus; ipsæ 65 Intima more suo sese in cunabula condent.

Sin autem ad pugnam exierint (nam sæpe duobus Regibus incessit magno discordia motu, Continuòque animos vulgi, et trepidantia bello Corda licet longè præsciscere; namque morantes 70 Martius ille æris rauci canor increpat, et vox Auditur fractos sonitus imitata tubarum:) Tum trepidæ inter se coëunt, pennisque coruscant, Spiculaque exacuunt rostris, aptantque lacertos, Et circa regem atque ipsa ad prætoria densæ Miscentur, magnisque vocant clamoribus hostem. Ergò, ubi ver nactæ sudum, camposque patentes, Erumpunt portis; concurritur; æthere in alto Fit sonitus; magnum mixtæ glomerantur in orbem, Præcipitesque cadunt: non densior aëre grando, so Nec de concussâ tantum pluit ilice glandis. Ipsi per medias acies, insignibus alis, Ingentes animos angusto in pectore versant; Usque adeo obnixi non cedere, dum gravis aut hos. Aut hos, versa fugâ victor dare terga subegit. Hi motus animorum, atque heec certamina tanta, Pulveris exigui jactu compressa quiescent.

Verum ubi ductores acie revocaveris ambos. Deterior qui visus, eum, ne prodigus obsit, Dede neci; melior vacuà sine regnet in aulà. 90 Alter erit maculis auro squalentibus ardens: Nam duo sunt genera; hic melior, insignis et ore, Et rutilis clarus squamis; ille horridus alter Desidiâ, latamque trahens inglorius alvum. Ut binæ regum facies, ita corpora plebis: Namque aliæ turpes horrent, ceu pulvere ab alto Cum venit, et terram sicco spuit ore viator Aridus; elucent aliæ, et fulgore coruscant, Ardentes auro, et paribus lita corpora guttis. Heec potior soboles: hinc coeli tempore certo Dulcia mella premes; nec tantum dulcia, quantum Et liquida, et durum Bacchi domitura saporem.

At cum incerta volant cœloque examina ludunt, Contemnuntque favos, et frigida tecta relinquunt, Instabiles animos ludo prohibebis inani.

Nec magnus prohibere labor; tu regibus alas

Eripe: non illis quisquam cunctantibus altum

Ire iter, aut castris audebit vellere signa.

Invitent croceis halantes floribus horti;

Et custos furum atque avium, cum falce salignâ, 110

Hellespontiaci servet tutela Priapi.

Ipse, thymum pinosque ferens de montibus altis,

Tecta serat latè circum, cui talia curæ;

Ipse labore manum duro terat; ipse feraces

Figat humo plantas, et amicos irriget imbres.

Atque equidem, extremo ni jam sub fine laborum Vela traham, et terris festinem advertere proram, Forsitan et pingues hortos quæ cura colendi Ornaret, canerem, biferique rosaria Pæsti; Quoque modo potis gauderent intyba rivis, 120 Et virides apio ripæ, tortusque per herbam Cresceret in ventrem cucumis: nec sera comantem Narcissum, aut flexi tacuissem vimen acanthi, Pallentesque hederas, et amantes littora myrtos. Namque sub Œbaliæ memini me turribus altis, Quà niger humectat flaventia culta Galæsus, Corycium vidisse senem: cui pauca relicti Jugera ruris erant; nec fertilis illa juvencis, Nec pecori opportuna seges, nec commoda Baccho. Hic rarum tamen in dumis olus, albaque circum 130 Lilia verbenasque premens, vescumque papaver, Regum æquabat opes animis; serâque revertens Nocte domum, dapibus mensas onerabat inemtis. Primus vere rosam, atque autumno carpere poma; Et cum tristis hyems etiam nunc frigore saxa Rumperet, et glacie cursus frænaret aquarum. Ille comam mollis jam tondebat hyacinthi, Æstatem increpitans seram, Zephyrosque morantes. Ergò apibus fœtis idem atque examine multo Primus abundare, et spumantia cogere pressis Mella favis: illi tiliæ, atque uberrima pinus: Quotque in flore novo pomis se fertilis arbos

Induerat, totidem autumno matura tenebat. Ille etiam seras in versum distulit ulmos, Eduramque pirum, et spinos jam pruna ferentes, 145 Jamque ministrantem platanum potantibus umbras. Verum hæc ipse equidem, spatiis exclusus iniquis, Prætereo, atque aliis pòst commemoranda relinquo.

Nunc age, naturas apibus quas Jupiter ipse Addidit, expediam; pro quâ mercede, canoros Curetum sonitus crepitantiaque æra secutæ, Dictæo cœli Regem pavêre sub antro. Solæ communes natos, consortia tecta Urbis habent, magnisque agitant sub legibus ævum; Et patriam solæ, et certos novêre penates: Venturæque hyemis memores, æstate laborem Experiuntur, et in medium quæsita reponunt. Namque aliæ victu invigilant, et fædere pacto Exercentur agris: pars intra septa domorum Narcissi lacrymam, et lentum de cortice gluten, Prima favis ponunt fundamina: deinde tenaces Suspendunt ceras: aliæ, spem gentis, adultos Educunt fœtus: aliæ purissima mella Stipant, et liquido distendunt nectare cellas. Sunt, quibus ad portas cecidit custodia sorti; 165 Inque vicem speculantur aquas et nubila cœli, Aut onera accipiunt venientum, aut agmine facto Ignavum, fucos, pecus a præsepibus arcent. Fervet opus, redolentque thymo fragrantia mella. Ac veluti, lentis Cyclopes fulmina massis 170 Cum properant, alii taurinis follibus auras Accipiunt, redduntque; alii stridentia tingunt Æra lacu; gemit impositis incudibus Ætna; Illi inter sese magnâ vi brachia tollunt In numerum, versantque tenaci forcipe ferrum: Non aliter (si parva licet componere magnis) Cecropias innatus apes amor urget habendi, Munere quamque suo. Grandævis oppida curæ, Et munire favos, et dædala fingere tecta: At fessæ multå referunt se nocte minores. 180 Crura thymo plenæ; pascuntur et arbuta passim, Et glaucas salices, casiamque, crocumque rubentem Et pinguem tiliam, et ferrugineos hyacinthos. Omnibus una quies operum, labor omnibus unus. Manè ruunt portis; nusquam mora: rursus easdem Vesper ubi e pastu tandem decedere campis Admonuit, tum tecta petunt, tum corpora curant. Fit sonitus, mussantque oras et limina circum. Post, ubi jam thalamis se composuêre, siletur In noctem, fessosque sopor suus occupat artus. Nec verò a stabulis pluvià impendente recedunt Longiùs, aut credunt cœlo, adventantibus Euris; Sed circum tutæ sub mænibus urbis aquantur, Excursusque breves tentant; et sæpe lapillos, Ut cymbæ instabiles fluctu jactante saburram, Tollunt: his sese per inania nubila librant.

Illum adeo placuisse apibus mirabere morem,
Quòd nec concubitu indulgent, nec corpora segnes
In Venerem solvunt, aut fœtus nixibus edunt;
Verùm ipsæ e foliis natos et suavibus herbis
Ore legunt: ipsæ regem parvosque Quirites
Sufficiunt, aulasque et cerea regna refingunt.
Sæpe etiam duris errando in cotibus alas
Attrivêre, ultròque animam sub fasce dedère;
Tantus amor florum, et generandi gloria mellis.
Ergò ipsas quamvis angusti terminus ævi
Excipiat (neque enim plus septima ducitur æstas),
At genus immortale manet, multosque per annos
Stat fortuna domûs, et avi numerantur avorum.

Præterea regem non sic Ægyptus, et ingens 210 Lydia, nec populi Parthorum, aut Medus Hydaspes, Observant. Rege incolumi, mens omnibus una est; Amisso, rupêre fidem, constructaque mella Diripuêre ipsæ, et crates solvêre favorum. Ille operum custos; illum admirantur, et omnes 215 Circumstant fremitu denso, stipantque frequentes, Et sæpe attollunt humeris, et corpora bello Objectant, pulchramque petunt per vulnera mortem. His quidam signis, atque hæc exempla secuti,

Esse apibus partem divinæ mentis, et haustus Æthereos, dixere: Deum namque ire per omnes Terrasque, tractusque maris, cœlumque profundum. Hinc pecudes, armenta, viros, genus omne ferarum, Quemque sibi tenues nascentem arcessere vitas. Scilicet huc reddi deinde, ac resoluta referri, 225 Omnia; nec morti esse locum; sed viva volare Sideris in numerum, atque alto succedere cœlo.

Si quando sedem augustam, servataque mella
Thesauris relines, priùs haustu sparsus aquarum
Ora fove, fumosque manu prætende sequaces.
Bis gravidos cogunt fœtus; duo tempora messis:
Taygete simul os terris ostendit honestum
Pleias, et Oceani spretos pede reppulit amnes;
Aut eadem sidus fugiens ubi Piscis aquosi,
Tristior hybernas cœlo descendit in undas.
Illis ira modum supra est, læsæque venenum
Morsibus inspirant, et spicula cæca relinquunt
Affixæ venis, animasque in vulnere ponunt.

Sin duram metues hyemem, parcesque futuro,
Contusosque animos et res miserabere fractas;
At suffire thymo, cerasque recidere inanes
Quis dubitet? nam sæpe favos ignotus adedit
Stellio; et lucifugis congesta cubilia blattis;
Immunisque sedens aliena ad pabula fucus,
Aut asper crabro imparibus se immiscuit armis;
Aut dirum tineæ genus, aut invisa Minervæ
Laxos in foribus suspendit aranea casses.
Quo magis exhaustæ fuerint, hoc acriùs omnes
Incumbent generis lapsi sarcire ruinas,
Complebuntque foros, et floribus horrea texent.

Si verò (quoniam casus apibus quoque nostros Vita tulit) tristi languebunt corpora morbo; Quod jam non dubiis poteris cognoscere signis: Continuò est ægris alius color; horrida vultum Deformat macies; tum corpora luce carentum Exportant tectis, et tristia funera ducunt; Aut illæ pedibus connexæ ad limina pendent, Aut intàs clausis cunctantur in ædibus omnes;

Ignavæque fame, et contracto frigore pigræ. Tum sonus auditur gravior, tractimque susurrant: 200 Frigidus ut quondam silvis immurmurat Auster: Ut mare sollicitum stridet refluentibus undis: Æstuat ut clausis rapidus fornacibus ignis. Hic jam galbaneos suadebo incendere odores. Mellaque arundineis inferre canalibus, ultro 2Ć5 Hortantem, et fessas ad pabula nota vocantem. Proderit et tunsum gallæ admiscere saporem, Arentesque rosas, aut igni pinguia multo Defruta, vel psithiâ passos de vite racemos, Cecropiumque thymum, et grave olentia centaurea. . Est etiam flos in pratis, cui nomen amello Fecêre agricolæ, facilis quærentibus herba: Namque uno ingentem tollit de cespite silvam, Aureus ipse; sed in foliis, quæ plurima circum Funduntur, violæ sublucet purpura nigræ. : 275 Sæpe Deûm nexis ornatæ torquibus aræ: Asper in ore sapor: tonsis in vallibus illum Pastores, et curva legunt prope flumina Mellæ. Hujus odorato radices incoque Baccho, Pabulaque in foribus plenis appone canistris. 280 Sed si quem proles subitò defecerit omnis, Nec, genus unde novæ stirpis revocetur, habebit; Tempus et Arcadii memoranda inventa magistri Pandere, quoque modo cæsis jam sæpe juvencis Insincerus apes tulerit cruor. Altiùs omnem Expediam, prima repetens ab origine, famam. Nam quà Pellæi gens fortunata Canopi Accolit effuso stagnantem flumine Nilum, Et circum pictis vehitur sua rura phaselis; Quàque pharetratæ vicinia Persidis urget, 002 [Et viridem Ægyptum nigrå fæcundat arenå, Et diversa ruens septem discurrit in ora] Usque coloratis amnis devexus ab Indis: Omnis in hâc certam regio jacit arte salutem. Exiguus primum, atque ipsos contractus ad usus, Eligitur locus: hunc angustique imbrice tecti Parietibusque premunt arctis, et quatuor addunt,

Quatuor a ventis, obliqua luce fenestras. Tum vitulus, bima curvans jam cornua fronte, Quæritur: huic geminæ nares, et spiritus oris 300 Multa reluctanti obsuitur; plagisque peremto Tunsa per integram solvuntur viscera pellem. Sic positum in clauso linquunt; et ramea costis Subjiciunt fragmenta, thymum, casiasque recentes. Hoc geritur, Zephyris primum impellentibus undas, Antè novis rubeant quam prata coloribus, antè Garrula quam tignis nidum suspendat hirundo. Interea teneris tepefactus in ossibus humor Æstuat: et visenda modis animalia miris. Trunca pedum primò, mox et stridentia pennis · 310. Miscentur, tenuemque magis magis aëra carpunt : Donec, ut æstivis effusus nubibus imber, Erupère; aut ut, nervo pulsante, sagittæ, Prima leves ineunt si quando prælia Parthi.

Quis Deus hanc, Musæ, quis nobis extudit artem? Unde nova ingressus hominum experientia cepit? Pastor Aristæus, fugiens Peneïa Tempe, Amissis, ut fama, apibus morboque fameque, Tristis ad extremi sacrum caput adstitit amnis, Multa querens; atque hac affatus voce parentem:-" Mater Cyrene, mater, quæ gurgitis hujus Ima tenes, quid me præclarâ stirpe Deorum (Si modò, quem perhibes, pater est Thymbræus Apollo) Invisum fatis genuisti? aut quo tibi nostri Pulsus amor? quid me cœlum sperare jubebas? En etiam hunc ipsum vitæ mortalis honorem, Quem mihi vix frugum et pecudum custodia solers Omnia tentanti extuderat, te matre, relinguo. Quin age, et ipsa manu felices erue silvas; Fer stabulis inimicum ignem, atque interfice messes; Ure sata, et validam in vites molire bipennem: Tanta meæ si te ceperunt tædia laudis." At mater sonitum thalamo sub fluminis alti Sensit: eam circum Milesia vellera Nymphæ Carpebant, hyali saturo fucata colore; Drymoque, Xanthoque, Ligeaque, Phyllodoceque,

Cæsariem effusæ nitidam per candida colla: [ Nesæe, Spioque, Thaliaque, Cymodoceque,] Cydippeque, et flava Lycorias; altera virgo, Altera tum primos Lucinse experta labores: 340 Clioque, et Beroë soror, Oceanitides ambæ; Ambæ auro, pictis incinctæ pellibus ambæ: Atque Ephyre, atque Opis, et Asia Deïopeia; Et tandem positis velox Arethusa sagittis: Inter quas curam Clymene narrabat inanem Vulcani, Martisque dolos, et dulcia furta; Aque Chao densos Divûm numerabat amores. Carmine quo captæ, dum fusis mollia pensa Devolvunt, iterum maternas impulit aures Luctus Aristæi, vitreisque sedilibus omnes Obstupuêre; sed ante alias Arethusa sorores Prospiciens, summa flavum caput extulit unda. Et procul: "O gemitu non frustrà exterrita tanto, Cyrene soror; ipse tibi, tua maxima cura. Tristis Aristœus, Penei genitoris ad undam Stat lacrymans, et te crudelem nomine dicit." Huic perculsa novâ mentem formidine mater, " Duc age, duc ad nos; fas illi limina Divûm Tangere," ait : simul alta jubet discedere latè Flumina, qua juvenis gressus inferret; at illum Curvata in montis faciem circumstetit unda. Accepitque sinu vasto, misitque sub amnem. Jamque domum mirans genitricis et humida regna, Speluncisque lacus clausos, lucosque sonantes, Ibat; et, ingenti motu stupefactus aquarum, Omnia sub magna labentia flumina terra Spectabat diversa locis, Phasimque, Lycumque, Et caput, unde altus primum se erumpit Enipeus, Unde pater Tiberinus, et unde Aniena fluenta, Saxosumque sonans Hypanis, Mysusque Caïcus, Et gemina auratus taurino cornua vultu Eridanus, quo non alius per pinguia culta In mare purpureum violentior efluit amnis.

Postquam est in thalami pendentia pumice tecta Perventum, et nati fletus cognovit inanes

Cyrene, manibus liquidos dant ordine fontes Germanæ, tonsisque ferunt mantelia villis. Pars epulis onerant mensas, et plena reponunt Pocula; Panchæis adolescunt ignibus aræ. Et mater: "Cape Mæonii carchesia Bacchi: Oceano libemus," ait: simul ipsa precatur Oceanumque patrem rerum, Nymphasque sorores, Centum quæ silvas, centum quæ flumina servant. Ter liquido ardentem perfudit nectare Vestam: Ter flamma ad summum tecti subjecta reluxit: Omine quo firmans animum, sic incipit ipsa:-" Est in Carpathio Neptuni gurgite vates, Cœruleus Proteus, magnum qui piscibus æquor, Et juncto bipedum curru metitur equorum. Hic nunc Emathiæ portus, patriamque revisit Pallenen; hunc et nymphæ veneramur, et ipse Grandævus Nereus: novit namque omnia vates, Quæ sint, quæ fuerint, quæ mox ventura trahantur. Quippe ita Neptuno visum est; immania cujus Armenta, et turpes pascit sub gurgite phocas. Hic tibi, nate, priùs vinclis capiendus, ut omnem Expediat morbi causam, eventusque secundet. Nam sine vi non ulla dabit præcepta, neque illum Orando flectes: vim duram et vincula capto Tende: doli circum hæc demum frangentur inanes. Ipsa ego te, medios cum Sol accenderit æstus, Cùm sitiunt herbæ, et pecori jam gratior umbra est, In secreta senis ducam, quò fessus ab undis Se recipit; facilè ut somno aggrediare jacentem. Verum ubi correptum manibus, vinclisque tenebis, Tum variæ illudent species, atque ora ferarum. Fiet enim subitò sus horridus, atraque tigris, Squamosusque draco, et fulvâ cervice leæna; Aut acrem flammæ sonitum dabit, atque ita vinclis Excidet, aut in aquas tenues dilapsus abibit. Sed quantò ille magis formas se vertet in omnes, Tantò, nate, magis contende tenacia vincla; Donec talis erit, mutato corpore, qualem Videris, incepto tegeret cum lumina somno."

Hæc ait; et liquidum ambrosiæ diffudit odorem, Quo totum nati corpus perduxit; at illi Dulcis compositis spiravit crinibus aura, Atque habilis membris venit vigor. Est specus ingens Exesi latere in montis; quo plurima vento Cogitur, inque sinus scindit sese unda reductos: 420 Deprensis olim statio tutissima nautis. Intùs se vasti Proteus tegit objice saxi. Hic juvenem in latebris aversum a lumine Nympha Collocat; ipsa procul nebulis obscura resistit. Jam rapidus torrens sitientes Sirius Indos 425 Ardebat cœlo, et medium Sol igneus orbem Hauserat; arebant herbæ, et cava flumina siccis Faucibus ad limum radii tepefacta coquebant; Cum Proteus consueta petens e fluctibus antra Ibat: eum vasti circum gens humida ponti 430 Exultans, rorem latè dispergit amarum. Sternunt se somno diversæ in littore phocæ. Ipse (velut stabuli custos in montibus olim. Vesper ubi e pastu vitulos ad tecta reducit, Auditique lupos acuunt balatibus agni) 435 Considit scopulo medius, numerumque recenset. Cujus Aristæo quoniam est oblata facultas, Vix defessa senem passus componere membra, Cum clamore ruit magno, manicisque jacentem Occupat. Ille suæ contrà non immemor artis, Omnia transformat sese in miracula rerum, Ignemque, horribilemque feram, fluvium que liquentem. Verum ubi nulla fugam reperit fallacia, victus In sese redit, atque hominis tandem ore locutus:— " Nam quis te, juvenum confidentissime, nostras 415 Jussit adire domos? quidve hinc petis?" inquit.

"Scis, Proteu, scis ipse; neque est te fallere cuiquam. Sed tu desine velle: Deûm præcepta secuti Venimus huc, lapsis quæsitum oracula rebus." Tantum effatus: ad hæc vates vi denique multâ 450 Ardentes oculos intorsit lumine glauco; Et graviter frendens, sic fatis ora resolvit:—

" Non te nullius exercent numinis iræ; Magna luis commissa: tibi has miserabilis Orpheus Haudquaquam ob meritum pænas, ni fata resistant, Suscitat, et raptâ graviter pro conjuge sævit. Illa quidem, dum te fugeret per flumina præceps, Immanem ante pedes hydrum moritura puella Servantem ripas altà non vidit in herbà. At chorus æqualis Dryadum clamore supremos Implêrunt montes: flêrunt Rhodopeiæ arces, Altaque Pangæa, et Rhesi Mavortia tellus, Atque Getæ, atque Hebrus, et Actias Orithyia. Ipse, cavâ solans ægrum testudine amorem, Te, dulcis conjux, te solo in littore secum, 465 Te veniente die, te decedente canebat. Tænarias etiam fauces, alta ostia Ditis, Et caligantem nigrâ formidine lucum Ingressus, Manesque adiit, Regemque tremendum, Nesciaque humanis precibus mansuescere corda. 470 At cantu commotæ Erebi de sedibus imis Umbræ ibant tenues, simulacraque luce carentûm; Quàm multa in silvis avium se millia condunt, Vesper ubi, aut hybernus agit de montibus imber : Matres, atque viri, defunctaque corpora vitâ Magnanimum heroum, pueri, innuptæque puellæ, Impositique rogis juvenes ante ora parentum; Quos circum limus niger, et deformis arundo Cocyti, tardâque palus inamabilis undâ Alligat, et novies Styx interfusa coërcet. Quin ipsæ stupuère domus, atque intima leti Tartara, cœruleosque implexæ crinibus angues Eumenides; tenuitque inhians tria Cerberus ora; Atque Ixionii cantu rota constitit orbis.

Jamque pedem referens, casus evaserat omnes; 485 Redditaque Eurydice superas veniebat ad auras, Ponè sequens: namque nanc dederat Proserpina le-Cum subita incautum dementia cepit amantem, [gem; Ignoscenda quidem, scirent si ignoscere Manes. Restitit, Eurydicenque suam jam luce sub ipså, 400 Immemor, heu! victusque animi, respexit: ibi omnis

Effusus labor, atque immitis rupta tyranni Fœdera, terque fragor stagnis auditus Avernis. Illa, "Quis et me," inquit, "miseram, et te perdidit, Quis tantus furor? en iterum crudelia retro [Orpheu? Fata vocant, conditque natantia lumina somnus. Jamque vale: feror ingenti circumdata nocte. Invalidasque tibi tendens, heu! non tua, palmas." Dixit: et ex oculis subitò, ceu fumus in auras Commixtus tenues, fugit diversa; neque illum Prensantem nequicquam umbras, et multa volentem Dicere, præterea vidit; nec portitor Orci Ampliùs objectam passus transire paludem. Quid faceret? quò se, raptâ bis conjuge, ferret? Quo fletu Manes, quâ numina voce moveret? 505 Illa quidem Stygiâ nabat jam frigida cymbâ. Septem illum totos perhibent ex ordine menses Rupe sub aëriâ, deserti ad Strymonis undam, Flevisse, et gelidis hæc evolvisse sub antris, Mulcentem tigres, et agentem carmine quercus: Qualis populeâ mœrens Philomela sub umbrâ, Amissos queritur fœtus, quos durus arator Observans nido implumes detraxit; at illa Flet noctem, ramoque sedens miserabile carmen Integrat, et mœstis latè loca questibus implet. Nulla Venus, nullique animum flexère hymenæi: Solus Hyperboreas glacies, Tanaimque nivalem, Arvaque Rhipæis nunquam viduata pruinis, Lustrabat; raptam Eurydicen, atque irrita Ditis Dona querens: spretæ Ciconum quo munere matres, Inter sacra Deûm, nocturnique orgia Bacchi, Discerptum latos juvenem sparsêre per agros. Tum quoque, marmoreâ caput a cervice revulsum Gurgite cum medio portans Œagrius Hebrus Volveret, Eurydicen vox ipsa et frigida lingua, Ah miseram Eurydicen! animâ fugiente, vocabat: Eurydicen toto referebant flumine ripæ."

Hæc Proteus: et se jactu dedit æquor in altum; Quaque dedit, spumantem undam sub vertice torsit. At non Cyrene; namque ultro affata timentem: - 530 "Nate, licet tristes animo deponere curas: Heec omnis morbi causa; hinc miserabile Nymphe. Cum quibus illa choros lucis agitabat in altis, Exitium misère apibus. Tu munera supplex Tende petens pacem, et faciles venerare Napæas: 535 Namque dabunt veniam votis, irasque remittent. Sed, modus orandi qui sit, priùs ordine dicam. Quatuor eximios præstanti corpore tauros. Qui tibi nunc viridis depascunt summa Lycæi, Delige; et intactà totidem cervice juvencas. Quatuor his aras alta ad delubra Dearum Constitue, et sacrum jugulis demitte cruorem, Corporaque ipsa boum frondoso desere luco. Post, ubi nona suos Aurora ostenderit ortus. Inferias Orphei, Lethæa papavera, mittes, 545 Placatam Eurydicen vitulâ venerabere cæsâ, Et nigram mactabis ovem, lucumque revises."

Haud mora: continuò matris præcepta facessit;
Ad delubra venit; monstratas excitat aras;
Quatuor eximios præstanti corpore tauros
Ducit; et intactâ totidem cervice juvencas.
Pòst, ubi nona suos Aurora induxerat ortus,
Inferias Orphei mittit, lucumque revisit.
Hic verò subitum, ac dictu mirabile monstrum
Aspiciunt; liquefacta boum per viscera toto
Stridere apes utero, et ruptis effervere costis,
Immensasque trahi nubes; jamque arbore summâ
Confluere, et lentis uvam demittere ramis.

Hæc super arvorum cultu pecorumque canebam, Et super arboribus: Cæsar dum magnus ad altum 560 Fulminat Euphraten bello, victorque volentes Per populos dat jura, viamque affectat Olympo. Illo Virgilium me tempore dulcis alebat Parthenope, studiis florentem ignobilis oti; Carmina qui lusi pastorum, audaxque juventâ, Tityre, te patulæ cecini sub tegmine fagi.

## P. VIRGILII MARONIS ÆNEIDOS LIBRI DUODECIM AD AUGUSTUM.

## LIBER PRIMUS.

Ille ego, qui quondam gracili modulatus avená Carmen, et egressus silvis vicina coëgi, Ut quamvis avido parerent arva colono; Gratum opus agricolis: at nunc horrentia Martis

ARMA, virumque cano, Trojæ qui primus ab oris Italiam, fato profugus, Lavinia venit Littora: multùm ille et terris jactatus et alto, Vi superûm, sævæ memorem Junonis ob iram; Multa quoque et bello passus, dum conderet urbem, Inferretque Deos Latio: genus unde Latinum, Albanique patres, atque altæ mænia Romæ. Musa, mihi causas memora, quo numine læso, Quidve dolens regina Deûm, tot volvere casus Insignem pietate virum, tot adire labores 10 Impulerit. Tantæne animis cælestibus iræ?

Ürbs antiqua fuit, Tyrii tenuêre coloni,
Carthago, Italiam contra Tiberinaque longè
Ostia, dives opum, studiisque asperrima belli;
Quam Juno fertur terris magls omnibus unam
Posthabità coluisse Samo. Hìc illius arma,
Hìc currus fuit: hoc regnum Dea gentibus esse,
Si quà fata sinant, jam tum tenditque fovetque.
Progeniem sed enim Trojano a sanguine duci
Audierat, Tyrias olim quæ verteret arces:
Hinc populum, latè regem, belloque superbum,
Venturum excidio Libyæ: sic volvere Parcas.
Id metuens, veterisque memor Saturnia belli,
Prima quod ad Trojam pro caris gesserat Argis;

15

20

30

Necdum etiam causæ irarum, sævique dolores Exciderant animo: manet alta mente repôstum Judicium Paridis, spretæque injuria formæ, Et genus invisum, et rapti Ganymedis honores: His accensa super, jactatos æquore toto Troas, reliquias Danaum atque immitis Achilli, Arcebat longè Latio: multosque per annos Errabant acti fatis maria omnia circum. Tantæ molis erat Romanam condere gentem!

Vix e conspectu Siculæ telluris in altum Vela dabant læti, et spumas salis ære ruebant; Cùm Juno, æternum servans sub pectore vulnus, Hæc secum :-- "Mene incepto desistere victam, Nec posse Italia Teucrorum avertere regem? Quippe vetor fatis. Pallasne exurere classem Argivum, atque ipsos potuit submergere ponto, Unius ob noxam, et furias Ajacis Oilei? Ipsa, Jovis rapidum jaculata e nubibus ignem. Disjectique rates, evertitque æquora ventis: Illum exspirantem transfixo pectore flammas Turbine corripuit, scopuloque infixit acuto. Ast ego, quæ Divûm incedo regina, Jovisque Et soror et conjux, una cum gente tot annos Bella gero. Et quisquam numen Junonis adoret Præterea, aut supplex aris imponat honorem?"

Talia flammato secum Dea corde volutans,
Nimborum in patriam, loca fœta furentibus Austris,
Eoliam venit. Hic vasto rex Eolus antro
Luctantes ventos tempestatesque sonoras
Imperio premit, ac vinclis et carcere frænat.
Illi indignantes magno cum murmure montis
Circum claustra fremunt: celså sedet Eolus arce
Sceptra tenens, mollitque animos, et temperat iras.
Ni faciat, maria ac terras cœlumque profundum
Quippe ferant rapidi secum, verrantque per auras.
Sed pater omnipotens speluncis abdidit atris,
Hoc metuens; molemque et montes insuper altos
Imposuit; regemque dedit, qui fœdere certo
Et premere, et laxas sciret dare jussus habenas.

Ad quem tum Juno supplex his vocibus usa est:-"Æole, (namque tibi Divûm pater atque hominum rex Et mulcere dedit fluctus et tollere vento;) Gens inimica mihi Tyrrhenum navigat æquor, Ilium in Italiam portans, victosque Penates: Incute vim ventis, submersasque obrue puppes; Aut age diversos, et disjice corpora ponto. Sunt mihi bis septem præstanti corpore Nymphæ; Quarum, quæ formâ pulcherrima, Deïopeiam Connubio jungam stabili, propriamque dicabo: Omnes ut tecum meritis pro talibus annos Exigat, et pulchrâ faciat te prole parentem." Æolus hæc contrà:--" Tuus, ô regina, quid optes Explorare labor; mihi jussa capessere fas est. Tu mihi, quodcunque hoc regni, tu sceptra Jovemque Concilias; tu das epulis accumbere Divûm, Nimborumque facis tempestatumque potentem." Hæc ubi dicta, cavum conversâ cuspide montem Impulit in latus; ac venti, velut agmine facto, Quà data porta, ruunt, et terras turbine perflant. Incubuêre mari, totumque a sedibus imis Unà Eurusque Notusque ruunt, creberque procellis 85 Africus, et vastos volvunt ad littora fluctus. Insequitur clamorque virûm stridorque rudentum. Eripiunt subitò nubes cœlumque diemque Teucrorum ex oculis: ponto nox incubat atra. Intonuêre poli, et crebris micat ignibus æther; Præsentemque viris intentant omnia mortem:

Extemplo Æneæ solvuntur frigore membra:
Ingemit; et, duplices tendens ad sidera palmas,
Talia voce refert:—" O terque quaterque beati!
Queis ante ora patrum, Trojæ sub mænibus altis, os
Contigit oppetere! ô Danaûm fortissime gentis,
Tydide, mene Iliacis occumbere campis
Non potuisse, tuâque animam hanc effundere dextrâ!
Sævus ubi telo Æacidæ jacet Hector, ubi ingens
Sarpedon; ubi tot Simois correpta sub undis
Scuta virûm, galeasque, et fortia corpora volvit."

Talia jactanti stridens Aquilone procella

Velum adversa ferit, fluctusque ad sidera tollit. Franguntur remi: tum prora avertit, et undis Dat latus: insequitur cumulo præruptus aquæ mons. Hi summo in fluctu pendent; his unda dehiscens Terram inter fluctus aperit: furit æstus arenis. Tres Notus abreptas in saxa latentia torquet; (Saxa vocant Itali, mediis quæ in fluctibus, Aras, Dorsum immane mari summo:) tres Eurus ab alto In brevia et syrtes urget, (miserabile visu!) Illiditque vadis, atque aggere cingit arenæ. Unam, quæ Lycios fidumque vehebat Orontem, Ipsius ante oculos ingens a vertice pontus In puppim ferit: excutitur, pronusque magister Volvitur in caput: ast illam ter fluctus ibidem Torquet agens circum, et rapidus vorat æquore vortex. Apparent rari nantes in gurgite vasto; Arma virûm, tabulæque, et Troïa gaza per undas. Jam validam Ilionei navem, jam fortis Achatæ, Et quâ vectus Abas, et quâ grandævus Aletes, Vicit hyems: laxis laterum compagibus omnes Accipiunt inimicum imbrem, rimisque fatiscunt. Interea magno misceri murmure pontum, Emissamque hyemem sensit Neptunus, et imis

Stagna refusa vadis, graviter commotus; et, alto Prospiciens, summà placidum caput extulit undâ. Disjectam Æneæ toto videt æquore classem. Fluctibus oppressos Troas, cœlique ruina: Nec latuêre doli fratrem Junonis, et iræ. Eurum ad se Zephyrumque vocat; dehinc talia fatur:— "Tantane vos generis tenuit fiducia vestri? Jam cœlum terramque meo sine numine, Venti, Miscere, et tantas audetis tollere moles? Quos ego——Sed motos præstat componere fluctus: Post mihi non simili pæna commissa luetis. Maturate fugam, regique hæc dicite vestro: Non illi imperium pelagi sævumque tridentem: Sed mihi sorte datum. Tenet ille immania saxa, Vestras, Eure, domos: illå se jactet in aulâ Æolus, et clauso ventorum carcere regnet,"

Sic ait: et dicto citiùs tumida æquora placat, Collectasque fugat nubes, solemque reducit. Cymothoë, simul et Triton adnixus, acuto Detrudunt naves scopulo: levat ipse tridenti; Et vastas aperit syrtes, et temperat æquor, Atque rotis summas levibus perlabitur undas. Ac veluti magno in populo cum sæpe coorta est Seditio, sævitque animis ignobile vulgus; Jamque faces et saxa volant; furor arma ministrat: Tum, pietate gravem ac meritis si fortè virum quem Conspexère, silent, arrectisque auribus adstant; Ille regit dictis animos, et pectora mulcet: Sic cunctus pelagi cecidit fragor, æquora postquam Prospiciens genitor, cœloque invectus aperto, Flectit equos, curruque volans dat lora secundo. Defessi Æneadæ, quæ proxima, littora cursu Contendunt petere, et Libyæ vertuntur ad oras.

Est in secessu longo locus: insula portum Efficit objectu laterum; quibus omnis ab alto Frangitur, inque sinus scindit sese unda reductos. Hinc atque hinc vastæ rupes, geminique minantur In cœlum scopuli; quorum sub vertice latè Æquora tuta silent: tum silvis scena coruscis Desuper, horrentique atrum nemus imminet umbra. Fronte sub adversa scopulis pendentibus antrum; Intus aquæ dulces, vivoque sedilia saxo; Nympharum domus: hic fessas non vincula naves Ulla tenent; unco non alligat ancora morsu. Huc septem Æneas collectis navibus omni 170 Ex numero subit; ac, magno telluris amore Egressi, optatâ potiuntur Troës arenâ, Et sale tabentes artus in littore ponunt. Ac primum silici scintillam excudit Achates, Suscepitque ignem foliis, atque arida circum Nutrimenta dedit, rapuitque in fomite flammam. Tum Cererem corruptam undis, Cerealiaque arma Expediunt fessi rerum; frugesque receptas Et torrere parant flammis, et frangere saxo.

Æneas scopulum interea conscendit, et omnem 180-

Prospectum latè pelago petit; Anthea si quem Jactatum vento videat, Phrygiasque biremes, Aut Capyn, aut celsis in puppibus arma Caïci. Navem in conspectu nullam; tres littore cervos Prospicit errantes; hos tota armenta sequuntur A tergo, et longum per valles pascitur agmen. Constitit hic, arcumque manu celeresque sagittas Corripuit, fidus quæ tela gerebat Achates: Ductoresque ipsos primum, capita alta ferentes Cornibus arboreis, sternit; tum vulgus, et omnem 190 Miscet agens telis nemora inter frondea turbam: Nec priùs absistit, quam septem ingentia victor Corpora fundat humi, et numerum cum navibus æquet. Hinc portum petit, et socios partitur in omnes. Vina, bonus quæ deinde cadis onerårat Acestes Littore Trinacrio, dederatque abeuntibus heros, Dividit, et dictis mœrentia pectora mulcet:---"O socii (neque enim ignari sumus antè malorum) O passi graviora; dabit Deus his quoque finem. Vos et Scyllæam rabiem, penitusque sonantes Accêstis scopulos; vos et Cyclopia saxa Experti: revocate animos, mæstumque timorem Mittite: forsan et hæc olim meminisse juvabit. Per varios casus, per tot discrimina rerum, Tendimus in Latium; sedes ubi fata quietas 205 Ostendunt: illic fas regna resurgere Trojæ. Durate, et vosmet rebus servate secundis." Talia voce refert; curisque ingentibus æger Spem vultu simulat, premit altum corde dolorem. Illi se prædæ accingunt dapibusque futuris: Tergora deripiunt costis, et viscera nudant; Pars in frusta secant, verubusque trementia figunt; Littore aëna locant alii, flammasque ministrant. Tum victu revocant vires; fusique per herbam, Implentur veteris Bacchi, pinguisque ferinæ. Postquam exemta fames epulis, mensæque remotæ, Amissos longo socios sermone requirunt, Spemque metumque inter dubii: seu vivere credant, Sive extrema pati, nec jam exaudire vocatos.

Præcipuè pius Æneas, nunc acris Orontei, 220 Nunc Amyci casum gemit, et crudelia secum Fata Lyci, fortemque Gyan, fortemque Cloanthum.

Et jam finis erat; cum Jupiter ethere summo Despiciens mare velivolum, terrasque jacentes, Littoraque, et latos populos, sic vertice cœli 225 Constitit, et Libyæ defixit lumina regnis: Atque illum, tales jactantem pectore curas, Tristior, et lacrymis oculos suffusa nitentes, [ûmque Alloquitur Venus: - "O, qui res hominumque De-Æternis regis imperiis, et fulmine terres, Quid meus Æneas in te committere tantum, Quid Troës potuêre? quibus, tot funera passis, Cunctus ob Italiam terrarum clauditur orbis? Certè hinc Romanos olim, volventibus annis, Hinc fore ductores, revocato a sanguine Teucri, Qui mare, qui terras omni ditione tenerent, Pollicitus: quæ te, Genitor, sententia vertit? Hoc equidem occasum Trojæ tristesque ruinas Solabar, fatis contraria fata rependens. Nunc eadem fortuna viros tot casibus actos Insequitur: quem das finem, rex magne, laborum? Antenor potuit, mediis elapsus Achivis, Illyricos penetrare sinus, atque intima tutus Regna Liburnorum, et fontem superare Timavi: Unde per ora novem vasto cum murmure montis 245 It mare proruptum, et pelago premit arva sonanti. Hic tamen ille urbem Patavi sedesque locavit Teucrorum, et genti nomen dedit, armaque fixit Troia: nunc placidà compôstus pace quiescit. Nos, tua progenies, cœli quibus annuis arcem, Navibus (infandum!) amissis, unius ob iram Prodimur, atque Italis longè disjungimur oris. Hic pietatis honos? Sic nos in sceptra reponis?"

Olli subridens hominum sator atque Deorum, Vultu, quo cœlum tempestatesque serenat, ss Oscula libavit natæ; dehinc talia fatur:— "Parce metu, Cytherea: manent immota tuorum Fata tibi; cernes urbem et promissa Lavini Mœnia, sublimemque feres ad sidera cœli Magnanimum Ænean: neque me sententia vertit. Hic (tibi fabor enim, quando hæc te cura remordet; Longiùs et volvens fatorum arcana movebo:) Bellum ingens geret Italia, populosque feroces Contundet, moresque viris et mœnia ponet: Tertia dum Latio regnantem viderit æstas, 265 Ternaque transferint Rutulis hyberna subactis. At puer Ascanius, cui nunc cognomen Iülo [Additur, (Ilus erat, dum res stetit Ilia regno)] Triginta magnos, volvendis mensibus, orbes Imperio explebit, regnumque ab sede Lavini 270 Transferet, et longam multa vi muniet Albam. Hic jam ter centum totos regnabitur annos Gente sub Hectorea; donec regina sacerdos. Marte gravis, geminam partu dabit Ilia prolem. Inde lupæ fulvo nutricis tegmine lætus 275 Romulus excipiet gentem, et Mavortia condet Mœnia, Romanosque suo de nomine dicet. His ego nec metas rerum, nec tempora pono: Imperium sine fine dedi. Quin aspera Juno, Quæ mare nunc terrasque metu cœlumque fatigat, Consilia in melius referet, mecumque fovebit Romanos rerum dominos, gentemque togatam. Sic placitum. Veniet lustris labentibus ætas, Cùm domus Assaraci Phthiam clarasque Mycenas Servitio premet, ac victis dominabitur Argis. Nascetur pulchrâ Trojanus origine Cæsar, Imperium Oceano, famam qui terminet astris, Julius, a magno dimissum nomen Iülo. Hunc tu olim cœlo, spoliis Orientis onustum, Accipies secura: vocabitur hic quoque votis. **29**0 Aspera tum positis mitescent sæcula bellis: Cana Fides et Vesta, Remo cum fratre Quirinus, Jura dabunt: diræ ferro et compagibus arctis Claudentur Belli portæ: Furor impius intus, Sæva sedens super arma, et centum vinctus aënis Post tergum nodis, fremet horridus ore cruento." Hæc ait: et Maiâ genitum demittit ab alto,

Ut terræ, utque novæ pateant Carthaginis arces
Hospitio Teucris: ne fati nescia Dido
Finibus arceret. Volat ille per aëra magnum soo
Remigio alarum, ac Libyæ citus astitit oris:
Et jam jussa facit; ponuntque ferocia Pæni
Corda, volente Deo. In primis regina quietum
Accipit in Teucros animum mentemque benignam.

At pius Æneas per noctem plurima volvens, Ut primum lux alma data est, exire, locosque Explorare novos; quas vento accesserit oras, Qui teneant (nam inculta videt) hominesne feræne, Quærere constituit, sociisque exacta referre. Classem in convexo nemorum, sub rupe cavatâ, Arboribus clausam circum atque horrentibus umbris, Occulit: ipse uno graditur comitatus Achate, Bina manu lato crispans hastilia ferro. Cui mater medià sese tulit obvia silvà, Virginis os habitumque gerens, et virginis arma Spartanæ: vel qualis equos Threïssa fatigat Harpalyce, volucremque fuga prævertitur Eurum. Namque humeris de more habilem suspenderat arcum Venatrix, dederatque comam diffundere ventis; Nuda genu, nodoque sinus collecta fluentes. Ac prior, "Heus," inquit, "juvenes, monstrate mea-Vidistis si quam hic errantem fortè sororum, Succinctam pharetrâ et maculosæ tegmine lyncis, Aut spumantis apri cursum clamore prementem.' Sic Venus; at Veneris contrà sic filius orsus :-- 325 "Nulla tuarum audita mihi, neque visa sororum, O, quam te memorem? Virgo; namque haud tibi vultus

Mortalis, nec vox hominem sonat: ô Dea certè; An Phœbi soror, an Nympharum sanguinis una? Sis felix, nostrumque leves, quæcunque, laborem: Et, quo sub cœlo tandem, quibus orbis in oris Jactemur, aoceas: ignari hominumque locorumque Erramus, vento huc et vastis fluctibus acti. Multa tibi ante aras nostrâ cadet hostia dextrâ."

Tum Venus:--" Haud equidem tali me dignor honore: Virginibus Tyriis mos est gestare pharetram, Purpureoque altè suras vincire cothurno. Punica regna vides, Tyrios, et Agenoris urbem; Sed fines Libyci, genus intractabile bello. Imperium Dido Tyriâ regit urbe profecta, Germanum fugiens. Longa est injuria, longæ Ambages; sed summa sequar fastigia rerum. Huic coniux Sycheus erat, ditissimus agri Phœnicum, et magno miseræ dilectus amore; Cui pater intactam dederat, primisque jugârat 345 Ominibus: sed regna Tyri germanus habebat Pygmalion, scelere ante alios immanior omnes. Quos inter medius venit furor: ille Sychæum Impius ante aras, atque auri cœcus amore, Clam ferro incautum superat, securus amorum 350 Germanæ: factumque diu celavit; et ægram, Multa malus simulans, vanâ spe lusit amantem. Ipsa sed in somnis inhumati venit imago Conjugis, ora modis attollens pallida miris; Crudeles aras, trajectaque pectora ferro 355 Nudavit, cœcumque domûs scelus omne retexit. Tum celerare fugam, patriâque excedere suadet; Auxiliumque viæ veteres tellure recludit Thesauros, ignotum argenti pondus et auri. His commota, fugam Dido sociosque parabat: 360 Conveniunt, quibus aut odium crudele tyranni, Aut metus acer, erat: naves, quæ fortè paratæ, Corripiunt, onerantque auro. Portantur avari Pygmalionis opes pelago: dux fœmina facti. Devenère locos, ubi nunc ingentia cernes 365 Mœnia, surgentemque novæ Carthaginis arcem: Mercatique solum, facti de nomine Byrsam, Taurino quantum possent circumdare tergo. Sed vos qui tandem? quibus aut venistis ab oris? Quòve tenetis iter?" Quærenti talibus ille 370 Suspirans, imoque trahens a pectore vocem:-"O Dea, si primâ repetens ab origine pergam,

Et vacet annales nostrorum audire laborum Antè diem clauso componet vesper Olympo. Nos Troja antiqua (si vestras forte per aures Trojæ nomen iit) diversa per æquora vectos Forte sua Libycis tempestas appulit oris. Sum pius Æneas, raptos qui ex hoste Penates Classe veho mecum, famâ super æthera notus. Italiam quæro patriam, genus ab Jove summo. Bis denis Phrygium conscendi navibus æquor, Matre Deâ monstrante viam, data fata secutus; Vix septem, convulsæ undis Euroque, supersunt. Ipse ignotus, egens, Libyæ deserta peragro, Europa atque Asfa pulsus." Nec plura querentem 385 Passa Venus, medio sic interfata dolore est:— "Quisquis es, haud (credo) invisus cœlestibus auras Vitales carpis, Tyriam qui adveneris urbem. Perge modò, atque hinc te Reginæ ad limina perfer. Namque tibi reduces socios classemque relatam Nuntio, et in tutum versis Aquilonibus actam; Ni frustrà augurium vani docuère parentes. Aspice bis senos lætantes agmine cycnos, Ætherià quos lapsa plagà Jovis ales aperto Turbabat cœlo: nunc terras ordine longo Aut capere, aut captas jam despectare videntur. Ut reduces illi ludunt stridentibus alis, Et cœtu cinxère polum, cantusque dedère; Haud aliter puppesque tuæ pubesque tuorum Aut portum tenet, aut pleno subit ostia velo. Perge modò, et, quà te ducit via, dirige gressum.

Dixit: et avertens roseâ cervice refulsit,
Ambrosiæque comæ divinum vertice odorem
Spiravêre; pedes vestis defluxit ad imos;
Et vera incessu patuit Dea. Ille, ubi matrem
Agnovit, tali fugientem est voce secutus:—
"Quid natum toties crudelis tu quoque falsis
Ludis imaginibus? cur dextræ jungere dextram
Non datur, ac veras audire et reddere voces?"
Talibus incusat, gressumque ad mænia tendit.

At Venus obscuro gradientes aëre sepsit, Et multo nebulæ circum Dea fudit amictu: Cernere ne quis eos, neu quis contingere posset, Molirive moram, aut veniendi poscere causas. Ipsa Paphum sublimis abit, sedesque revisit · Læta suas; ubi templum illi, centumque Sabæo Thure calent aree, sertisque recentibus halant. Corripuère viam interea, quà semita monstrat: Jamque ascendebant collem, qui plurimus urbi Imminet, adversasque aspectat desuper arces. Miratur molem Æneas, magalia quondam; Miratur portas, strepitumque, et strata viarum. Instant ardentes Tyrii; pars ducere muros, Molirique arcem, et manibus subvolvere saxa: Pars aptare locum tecto, et concludere sulco. Jura magistratusque legunt, sanctumque senatum. Hic portus alii effodiunt; hic alta theatris Fundamenta locant alii, immanesque columnas Rupibus excidunt, scenis decora alta futuris: Qualis apes æstate novâ per florea rura 430 Exercet sub sole labor, cum gentis adultos Educunt fœtus, aut cum liquentia mella Stipant, et dulci distendunt nectare cellas; Aut onera accipiunt venientûm, aut agmine facto Ignavum fucos pecus a præsepibus arcent: Fervet opus, redolentque thymo fragrantia mella. "O fortunati, quorum jam mœnia surgunt!" Æneas ait, et fastigia suspicit urbis. Infert se septus nebulà (mirabile dictu!) Per medios, miscetque viris; neque cernitur ulli. Lucus in urbe fuit mediâ, lætissimus umbræ; Quo primum, jactati undis et turbine, Poeni Effodère loco signum, quod regia Juno Monstrarat, caput acris equi: sic nam fore bello Egregiam, et facilem victu per sæcula gentem. Hic templum Junoni ingens Sidonia Dido

Condebat, donis opulentum et numine Divæ: Ærea cui gradibus surgebant limina, nexæque

Ære trabes; foribus cardo stridebat aënis.

Hoc primum in luco nova res oblata timorem
Leniit; hic primum Æneas sperare salutem
Ausus, et afflictis melius confidere rebus.
Namque (sub ingenti lustrat dum singula templo,
Reginam opperiens; dum, quæ fortuna sit urbi,
Artificumque manus inter se operumque laborem 455
Miratur) videt Iliacas ex ordine pugnas,
Bellaque jam famâ totum vulgata per orbem;
Atridas, Priamumque, et sævum ambobus Achillem.
Constitit; et lacrymans,—"Quis jam locus," inquit,
"Achate,

Quæ regio in terris nostri non plena laboris? En Priamus! sunt hic etiam sua præmia laudi: Sunt lacrymæ rerum, et mentem mortalia tangunt. Solve metus; feret hæc aliquam tibi fama salutem." Sic ait: atque animum pictura pascit inani, Multa gemens, largoque humectat flumine vultum. Namque videbat, uti bellantes Pergama circum Hâc fugerent Graii, premeret Trojana juventus: Hâc Phryges, instaret curru cristatus Achilles. Nec procul hinc Rhesi niveis tentoria velis Agnoscit lacrymans; primo quæ prodita somno Tydides multa vastabat cæde cruentus; Ardentesque avertit equos in castra, priusquam Pabula gustâssent Trojæ, Xanthumque bibissent. Parte aliâ fugiens amissis Troïlus armis, Infelix puer, atque impar congressus Achilli, Fertur equis, curruque hæret resupinus inani, Lora tenens tamen: huic cervixque comæque tra-

huntur
Per terram, et verså pulvis inscribitur hastå.
Interea ad templum non æquæ Palladis ibant
Crinibus Iliades passis, peplumque ferebant
Suppliciter tristes, et tunsæ pectora palmis:
Diva solo fixos oculos aversa tenebat.
Ter circum Iliacos raptaverat Hectora muros,
Exanimumque auro corpus vendebat Achilles.
Tum verò ingentem gemitum dat pectore ab imo,

480

Ut spolia, ut currus, utque ipsum corpus amici, Tendentemque manus Priamum conspexit inermes. Se quoque principibus permixtum agnovit Achivis, Eoasque acies, et nigri Memnonis arma. Ducit Amazonidum lunatis agmina peltis

Penthesilea furens; mediisque in millibus ardet, Aurea subnectens exertæ cingula mammæ, Bellatrix; audetque viris concurrere virgo.

Hæc dum Dardanio Æneæ miranda videntur,
Dum stupet, obtutuque hæret defixus in uno,
Regina ad templum formå pulcherrima Dido
Incessit, magnå juvenum stipante catervå.
Qualis in Eurotæ ripis, aut per juga Cynthi,
Exercet Diana choros, quam mille secutæ
Hinc atque hinc glomerantur Oreades; illa pharetram

Fert humero, gradiensque Deas supereminet omnes: Latonæ tacitum pertentant gaudia pectus: Talis erat Dido, talem se læta ferebat Per medios, instans operi regnisque futuris. Tum foribus Divæ, mediâ testudine templi, 505 Septa armis, solioque altè subnixa, resedit; Jura dabat legesque viris; operumque laborem Partibus æquabat justis, aut sorte trahebat: Cum subito Æneas concursu accedere magno Anthea, Sergestumque videt, fortemque Cloanthum, Teucrorumque alios: ater quos æquore turbo Dispulerat, penitusque alias avexerat oras. Obstupuit simul ipse, simul perculsus Achates Letitiaque metuque: avidi conjungere dextras Ardebant; sed res animos incognita turbat. 515 Dissimulant, et nube cavâ speculantur amicti, Quæ fortuna viris; classem quo littore linquant; Quid veniant: cunctis nam lecti navibus ibant Orantes veniam, et templum clamore petebant.

Postquam introgressi, et coram data copia fandi, Maximus Ilioneus placido sic pectore cœpit:— "O regina, novam cui condere Jupiter urbem, Justitiâque dedit gentes frænare superbas,

Troës te miseri, ventis maria omnia vecti, Oramus: prohibe infandos a navibus ignes, 525 Parce pio generi, et propiùs res aspice nostras. Non nos aut ferro Libycos populare Penates Venimus, aut raptas ad littora vertere prædas: Non ea vis animo, nec tanta superbia victis. Est locus, Hesperiam Graii cognomine dicunt; Terra antiqua, potens armis atque ubere glebæ; Enotri coluere viri: nunc fama minores Italiam dixisse, ducis de nomine, gentem. Huc cursus fuit: Cùm subito assurgens fluctu nimbosus Orion In vada cæca tulit, penitusque procacibus Austris Perque undas, superante salo, perque invia saxa Dispulit: huc pauci vestris adnavimus oris. [morem. Quod genus hoc hominum? queeve hunc tam barbara Permittit patria? hospitio prohibemur arenæ: 540 Bella cient, primaque vetant consistere terra. Si genus humanum et mortalia temnitis arma: At sperate Deos memores fandi atque nefandi. Rex erat Æneas nobis, quo justior alter Nec pictate fuit, nec bello major et armis; Quem si fata virum servant, si vescitur aura Æthereâ, neque adhuc crudelibus occubat umbris; Non metus, officio ne te certâsse priorem Pœniteat. Sunt et Siculis regionibus urbes, Arvaque, Trojanoque a sanguine clarus Acestes. 550 Quassatam ventis liceat subducere classem, Et silvis aptare trabes, et stringere remos: Si datur Italiam, sociis et rege recepto, Tendere, ut Italiam læti Latiumque petamus: Sin absumta salus, et te, pater optime Teucrûm, Pontus habet Libyæ, nec spes jam restat Iüli; At freta Sicaniæ saltem sedesque paratas, Unde huc advecti, regemque petamus Acesten." Talibus llioneus: cuncti simul ore fremebant Dardanidæ. Tum breviter Dido, vultum demissa, profatur:-

"Solvite corde metum, Teucri, secludite curas. Res dura, et regni novitas me talia cogunt Moliri, et latè fines custode tueri. Quis genus Æneadûm, quis Trojæ nesciat urbem? Virtutesque, virosque, et tanti incendia belli? Non obtusa adeo gestamus pectora Pœni; Nec tam aversus equos Tyrià Sol jungit ab urbe. Seu vos Hesperiam magnam, Saturniaque arva; Sive Erycis fines, regemque optatis Acesten; 570 Auxilio tutos dimittam, opibusque juvabo. Vultis et his mecum pariter considere regnis? Urbem, quam statuo, vestra est; subducite naves: Tros Tyriusque mihi nullo discrimine agetur. Atque utinam rex ipse, Noto compulsus eodem, 575 Afforet Æneas! Equidem per littora certos Dimittam, et Libyæ lustrare extrema jubebo; Si quibus ejectus silvis aut urbibus errat."

His animum arrecti dictis, et fortis Achates, Et pater Æneas, jamdudum erumpere nubem 580 Ardebant; prior Ænean compellat Achates:-" Nate Deâ, quæ nunc animo sententia surgit? Omnia tuta vides, classem, sociosque receptos; Unus abest, medio in fluctu quem vidimus ipsi Submersum: dictis respondent cetera matris." 585 Vix ea fatus erat, cum circumfusa repentè Scindit se nubes, et in æthera purgat apertum. Restitit Æneas, clarâque in luce refulsit, Os humerosque Deo similis: namque ipsa decoram Cæsariem nato genitrix, lumenque juventæ Purpureum, et lætos oculis afflårat honores: Quale manus addunt ebori decus, aut ubi flavo Argentum Pariusve lapis circumdatur auro. Tum sic reginam alloquitur, cunctisque repentè Improvisus ait:—" Coram, quem quæritis, adsum 535 Troïus Æneas, Libycis ereptus ab undis. O sola infandos Trojæ miserata labores! Quæ nos, reliquias Danaûm, terræque marisque Omnibus exhaustos jam casibus, omnium egenos,

Urbe, domo socias; grates persolvere dignas 600 Non opis est nostræ, Dido; nec quicquid ubique est Gentis Dardaniæ, magnum quæ sparsa per orbem. Di tibi, si qua pios respectant numina, si quid Usquam justitiæ est et mens sibi conscia recti, Præmia digna ferant. Quæ te tam læta tulerunt Sæcula? qui tanti talem genuêre parentes? In freta dum fluvii current, dum montibus umbræ Lustrabunt convexa, polus dum sidera pascet; Semper honos, nomenque tuum, laudesque manebunt; Quæ me cunque vocant terræ." Sic fatus, amicum Ilionea petit dextrâ, lævâque Serestum: Post alios, fortemque Gyan, fortemque Cloanthum.

Obstupuit primo aspectu Sidonia Dido, Casu deinde viri tanto; et sic ore locuta est:-"Quis te, nate Deâ, per tanta pericula casus 615 Insequitur? quæ vis immanibus applicat oris? Tune ille Æneas, quem Dardanio Anchisæ Alma Venus Phrygii genuit Simoëntis ad undam? Atque equidem Teucrum memini Sidona venire, Finibus expulsum patriis, nova regna petentem Auxilio Beli: genitor tum Belus opimam Vastabat Cyprum, et victor ditione tenebat. Tempore jam ex illo casus mihi cognitus urbis Trojanæ, nomenque tuum, regesque Pelasgi. Ipse hostis Teucros insigni laude ferebat, Seque ortum antiquâ Teucrorum a stirpe volebat. Quare agite, o tectis, juvenes, succedite nostris! Me quoque per multos similis fortuna labores Jactatam, hác demum voluit consistere terrà: Non ignara mali, miseris succurrere disco." 630 Sic memorat: simul Ænean in regia ducit Tecta; simul Divam templis indicit honorem. Nec minus interea sociis ad littora mittit Viginti tauros, magnorum horrentia centum Terga suum, pingues centum cum matribus agnos; Munera, lætitiamque Dei. At domus interior regali splendida luxu

Digitized by Google

Instruitur, mediisque parant convivia tectis. Arte laboratæ vestes, ostroque superbo: Ingens argentum mensis, cælataque in auro Fortia facta patrum, series longissima rerum, Per tot ducta viros antiquæ ab origine gentis.

Æneas (neque enim patrius consistere mentem Passus amor) rapidum ad naves præmittit Achatem, Ascanio ferat hæc, ipsumque ad mænia ducat: 645 Omnis in Ascanio cari stat cura parentis.

Munera præterea, Iliacis erepta ruinis, Ferre jubet, pallam signis auroque rigentem; Et circumtextum croceo velamen acantho; (Ornatus Argivæ Helenæ; quos illa Mycenis, 650 Pergama cum peteret, inconcessosque Hymenæos, Extulerat, matris Ledæ mirabile donum:) Præterea sceptrum Ilione quod gesserat olim, Maxima natarum Priami; colloque monile Baccatum; et duplicem gemmis auroque coronam. Hæc celerans, iter ad naves tendebat Achates.

At Cytherea novas artes, nova pectore versat Consilia; ut, faciem mutatus et ora, Cupido Pro dulci Ascanio veniat, donisque furentem Incendat reginam, atque ossibus implicet ignem: 660 Quippe domum timet ambiguam, Tyriosque bilingues; Urit atrox Juno, et sub noctem cura recursat. Ergò his aligerum dictis affatur Amorem:-"Nate, meæ vires, mea magna potentia; solus, Nate, patris summi qui tela Typhoïa temnis; Ad te confugio, et supplex tua numina posco. Frater ut Æneas pelago tuus omnia circum Littora jactetur, odiis Junonis iniquæ, Nota tibi; et nostro doluisti sæpe dolore. Hunc Phœnissa tenet Dido, blandisque moratur Vocibus: et vereor, quò se Junonia vertant Hospitia: haud tanto cessabit cardine rerum. Quocirca capere antè dolis, et cingere flammâ Reginam meditor: ne quo se numine mutet; Sed magno Æneæ mecum teneatur amore. a s Quà facere id possis, nostram nunc accipe mentem. Regius, accitu cari genitoris, ad urbem
Sidoniam puer ire parat, mea maxima cura,
Dona ferens, pelago et flammis restantia Trojæ.
Hunc ego sopitum somno, super alta Cythera,
Aut super Idalium, sacratâ sede recondam;
Ne quà scire dolos, mediusve occurrere possit.
Tu faciem illius, noctem non ampliùs unam,
Falle dolo; et notos pueri puer indue vultus:
Ut, cùm te gremio accipiet lætissima Dido,
Regales inter mensas laticemque Lyæum,
Cùm dabit amplexus, atque oscula dulcia figet,
Occultum inspires ignem, fallasque veneno."

Paret Amor dictis caræ genitricis, et alas
Exuit, et gressu gaudens incedit Iüli. 690
At Venus Ascanio placidam per membra quietem
Irrigat; et fotum gremio Dea tollit in altos
Idaliæ lucos, ubi mollis amaracus illum
Floribus et dulci aspirans complectitur umbra.
Jamque ibat, dicto parens, et dona Cupido 695
Regia portabat Tyriis, duce lætus Achate.
Cum venit, aulæis jam se Regina superbis
Aurea composuit sponda, mediamque locavit.

Jam pater Æneas, et jam Trojana juventus Conveniunt, stratoque super discumbitur ostro. Dant famuli manibus lymphas, Cereremque canistris Expedient, tonsisque ferunt mantelia villis. Quinquaginta intus famulæ, quibus ordine longo Cura penum struere, et flammis adolere Penates: Centum aliæ, totidemque pares ætate ministri, Qui dapibus mensas onerant, et pocula ponunt: Necnon et Tyrii per limina læta frequentes Convenere, toris jussi discumbere pictis. Mirantur dona Æneæ, mirantur Iülum, Flagrantesque Dei vultus, simulataque verba, 710 Pallamque, et pictum croceo velamen acantho. Præcipuè infelix, pesti devota futuræ, Expleri mentem nequit, ardescitque tuendo,

Phœnissa; et pariter puero donisque movetur.
Ille, ubi complexu Æneæ colloque pependit,
Et magnum falsi implevit genitoris amorem,
Reginam petit: hæc oculis, hæc pectore toto
Hæret, et interdum gremio fovet; (inscia Dido,
Insideat quantus miseræ Deus!) at memor ille
Matris Acidaliæ, paulatim abolere Sychæum
Incipit, et vivo tentat prævertere amore
Jampridem resides animos desuetaque corda.

Postquam prima quies epulis, mensæque remotæ, Crateras magnos statuunt, et vina coronant: Fit strepitus tectis, vocemque per ampla volutant 725 Atria; dependent lychni laquearibus aureis Incensi; et noctem flammis funalia vincunt. Hic Regina gravem gemmis auroque poposcit, Implevitque mero, pateram; quam Belus, et omnes A Belo soliti: tum facta silentia tectis:-"Jupiter, (hospitibus nam te dare jura loquuntur) Hunc lætum Tyriisque diem Trojaque profectis Esse velis, nostrosque hujus meminisse minores. Adsit lætitiæ Bacchus dator, et bona Juno: Et vos, ô cœtum, Tyrii, celebrate faventes." 735 Dixit: et in mensam laticum libavit honorem; Primaque, libato, summo tenus attigit ore. Tum Bitiæ dedit increpitans: ille impiger hausit Spumantem pateram, et pleno se proluit auro; Post alii proceres: cithara crinitus Iopas 740 Personat auratâ, docuit quæ maximus Atlas. Hic canit errantem Lunam, Solisque labores; Unde hominum genus, et pecudes; unde imber, et ignes:

Arcturum, pluviasque Hyadas, geminosque Triones: Quid tantum Oceano properent se tingere soles 745 Hyberni, vel quæ tardis mora noctibus obstet. Ingeminant plausum Tyrii, Troësque sequuntur.

Necnon et vario noctem sermone trahebat Infelix Dido, longumque bibebat amorem; Multa super Priamo rogitans, super Hectore multa; Nunc, quibus Auroree venisset filius armis;
Nunc, quales Diomedis equi; nunc, quantus Achilles.
"Immo age, et a prima dic, hospes, origine nobis
Insidias," inquit, "Danaum, casusque tuorum,
Erroresque tuos: nam te jam septima portat
755
Omnibus errantem terris et fluctibus æstas."

## LIBER II.

CONTICUERE omnes, intentique ora tenebant. Inde toro pater Æneas sic orsus ab alto:— "Infandum, Regina, jubes renovare dolorem; Trojanas ut opes et lamentabile regnum Eruerint Danai, quæque ipse miserrima vidi, Et quorum pars magna fui. Quis talia fando Myrmidonum, Dolopumve, aut duri miles Ulixi, Temperet a lacrymis? et jam nox humida cœlo Præcipitat, suadentque cadentia sidera somnos. Sed si tantus amor casus cognoscere nostros, 10 Et breviter Trojæ supremum audire laborem, (Quanquam animus meminisse horret, luctuque re-Fracti bello, fatisque repulsi, Ductores Danaûm, tot jam labentibus annis, Instar montis equum, divina Palladis arte, 15 Ædificant; sectaque intexunt abiete costas. Votum pro reditu simulant: ea fama vagatur. Huc delecta virûm sortiti corpora furtim Includunt cœco lateri; penitusque cavernas Ingentes, uterumque armato milite complent. 20 Est in conspectu Tenedos, notissima famâ Insula, dives opum, Priami dum regna manebant; Nunc tantum sinus, et statio malefida carinis: Huc se provecti deserto in littore condunt: Nos abilise rati, et vento petiise Mycenas. 25 Ergò omnis longo solvit se Teucria luctu: Panduntur portæ: juvat ire, et Dorica castra, Desertosque videre locos, littusque relictum.

Hic Dolopum manus, hic sævus tendebat Achilles: Classibus hic locus: hic acies certare solebant. Pars stupet innuptæ donum exitiale Minervæ. Et molem mirantur equi: primusque Thymætes Duci intra muros hortatur, et arce locari; Sive dolo, seu jam Trojæ sic fata ferebant. At Capys, et quorum melior sententia menti, 35 Aut pelago Danaum insidias suspectaque dona Præcipitare jubent, subjectisque urere flammis; Aut terebrare cavas uteri et tentare latebras. Scinditur incertum studia in contraria vulgus. Primus ibi ante omnes, magnà comitante catervà, so Laocoon ardens summâ decurrit ab arce: Et procul:—"O miseri, quæ tanta insania, cives? Creditis avectos hostes? aut ulla putatis Dona carere dolis Danaûm? sic notus Ulixes? Aut hoc inclusi ligno occultantur Achivi; Aut heec in nostros fabricata est machina muros. Inspectura domos, venturaque desuper urbi; Aut aliquis latet error; equo ne credite, Teucri. Quicquid id est, timeo Danaos et dona ferentes." Sic fatus, validis ingentem viribus hastam In latus, inque feri curvam compagibus alvum Contorsit: stetit illa tremens, uteroque recusso Insonuêre cavæ gemitumque dedêre cavernæ. Et, si fata Deûm, si mens non læva fuisset, Impulerat ferro Argolicas fœdare latebras; Trojaque, nunc stares; Priamique arx alta, maneres.

Ecce manus juvenem interea post terga revinctum Pastores magno ad regem clamore trahebant Dardanidæ; qui se ignotum venientibus ultro, Hoc ipsum ut strueret, Trojamque aperiret Achivis, Obtulerat; fidens animi, atque in utrumque paratus, Seu versare dolos, seu certæ occumbere morti. Undique, visendi studio, Trojana juventus Circumfusa ruit, certantque illudere capto. Accipe nunc Danaum insidias, et crimine ab uno cs

Disce omnes.

Namque, ut conspectu in medio turbatus, inermis, Constitit, atque oculis Phrygia agmina circumspexit; "Heu, quæ nunc tellus," inquit, "quæ me æquora possunt

Accipere? aut quid jam misero mihi denique restat? Cui neque apud Danaos usquam locus; insuper ipsi Dardanidæ infensi pænas cum sanguine poscunt. Quo gemita conversi animi, compressus et omnis Impetus: hortamur fari, quo sanguine cretus, Quidve ferat; memoret, quæ sit fiducia capto. Ille hæc, depositâ tandem formidine, fatur :- [bor "Cuncta equidem tibi, Rex, fuerit quodcumque, fate-Vera," inquit : " neque me Argolica de gente negabo. Hoc primum: nec, si miserum fortuna Sinonem Finxît, vanum etiam mendacemque improba finget. Fando aliquod si fortè tuas pervenit ad aures Belidæ nomen Palamedis, et inclyta famâ Gloria; quem falsa sub proditione Pelasgi Insontem, infando indicio, quia bella vetabat, Demisère neci: nunc cassum lumine lugent: Illi me comitem, et consanguinitate propinquum, Pauper in arma pater primis huc misit ab annis. Dum stabat regno incolumis, regnumque vigebat Consiliis; et nos aliquod nomenque decusque Gessimus: invidiâ postquam pellacis Ulixi (Haud ignota loquor) superis concessit ab oris; Afflictus vitam in tenebris luctuque trahebam, Et casum insontis mecum indignabar amici: Nec tacui demens; et me, fors si qua tulisset, Si patrios unquam remeâssem victor ad Argos, Promisi ultorem, et verbis odia aspera movi. Hinc mihi prima mali labes; hinc semper Ulixes Criminibus terrere novis; hinc spargere voces In vulgum ambiguas, et quærere conscius arma: Nec requievit enim, donec Calchante ministro- 100 Sed quid ego hæc autem nequicquam ingrata revolvo? Quidve moror? Si omnes uno ordine habetis Achivos, ldque audire sat est; jamdudum sumite pænas:

Hoc Ithacus velit, et magno mercentur Atridæ." Tum verò ardemus scitari, et quærere causas, 105 Ignari scelerum tantorum artisque Pelasgee. Prosequitur pavitans, et ficto pectore fatur: "Sæpe fugam Danai Trojâ cupière relictâ Moliri, et longo fessi discedere bello. Fecissentque utinam! Sæpe illos aspera ponti 110 Interclusit hyems, et terruit Auster euntes. Præcipuè, cum jam hic trabibus contextus acernis Staret equus, toto sonuerunt æthere nimbi. Suspensi Eurypylum scitatum oracula Phæbi Mittimus; isque adytis hæc tristia dicta reportat:- "15" Sanguine placastis ventos, et virgine cæsa, Cum primum Iliacas Danai venistis ad oras; Sanguine quærendi reditus, animaque litandum Argolica. Vulgi que vox ut venit ad aures, Obstupuere animi, gelidusque per ima cucurrit Ossa tremor; cui fata parent, quem poscat Apollo. Hic Ithacus vatem magno Calchanta tumultu Protrahit in medios; quæ sint ea numina Divûm Flagitat: et mihi jam multi crudele canebant Artificis scelus, et taciti ventura videbant. 125 Bis quinos silet ille dies, tectusque recusat Prodere voce suâ quemquam, aut opponere morti. Vix tandem, magnis Ithaci clamoribus actus, Compositò rumpit vocem, et me destinat aræ. Assensere omnes; et, quæ sibi quisque timebat, 130 Unius in miseri exitium conversa tulère. Jamque dies infanda aderat; mihi sacra parari, Et salsæ fruges, et circum tempora vittæ. Eripui (fateor) leto me, et vincula rupi; Limosoque lacu per noctem obscurus in ulvâ 135 Delitui, dum vela darent, si fortè dedissent. Nec mihi jam patriam antiquam spes ulla videndi, Nec dulces natos, exoptatumque parentem; Quos illi fors ad pœnas ob nostra reposcent Effugia, et culpam hanc miserorum morte piabunt. 440. Quod te, per superos et conscia numina veri;

Per, si qua est, quæ restat adhuc mortalibus usquam, Intemerata\_fides; oro, miserere laborum Tantorum; miserere animi non digna ferentis."

His lacrymis vitam damus, et miserescimus ultrò. 145 Ipse viro primus manicas atque arcta levari Vincla jubet Priamus; dictisque ita fatur amicis:-"Quisquis es, amissos hinc jam obliviscere Graios; Noster eris; mihique hæc edissere vera roganti: Quo molem hanc immanis equi statuêre? quis auctor? 150 Quidve petunt? quæ religio? aut quæ machina belli?" Dixerat. Ille, dolis instructus et arte Pelasgâ, Sustulit exutas vinclis ad sidera palmas; "Vos, æterni ignes, et non violabile vestrum Testor numen," ait: "vos, aræ ensesque nefandi, 155 Quos fugi; vittæque Deûm, quas hostia gessi; Fas mihi Graiorum sacrata resolvere jura; Fas odisse viros, atque omnia ferre sub auras, Si qua tegunt; teneor patriæ nec legibus ullis. Tu modò promissis maneas, servataque serves Troja fidem; si vera feram, si magna rependam.— Omnis spes Danaûm, et cœpti fiducia belli Palladis auxiliis semper stetit. Impius ex quo Tydides sed enim, scelerumque inventor Ulixes, Fatale aggressi sacrato avellere templo 165 Palladium, cæsis summæ custodibus arcis, Corripuère sacram effigem; manibusque cruentis Virgineas ausi Divæ contingere vittas; Ex illo fluere ac retro sublapsa referri Spes Danaûm; fractæ vires; aversa Deæ mens. 170 Nec dubiis ea signa dedit Tritonia monstris. Vix positum castris simulacrum; arsêre coruscæ Luminibus flammæ arrectis, salsusque per artus Sudor iit, terque ipsa solo (mirabile dictu!) Emicuit, parmamque ferens hastamque trementem. 75 Extemplo tentanda fuga canit equora Calchas, Nec posse Argolicis exscindi Pergama telis; Omina ni repetant Argis, numenque reducant, Quod pelago et curvis secum avexère carinis.

Et nunc, quòd patrias vento petière Mycenas, Arma Deosque parant comites, pelagoque remenso Improvisi aderunt. Ita digerit omina Calchas. Hanc pro Palladio moniti, pro numine læso, Effigiem statuêre, nefas quæ triste piaret. Hanc tamen immensam Calchas attollere molem 185 Roboribus textis, cœloque educere jussit: Ne recipi portis, aut duci in mœnia possit; Neu populum antiquâ sub religione tueri. Nam si vestra manus violasset dona Minervæ, Tum magnum exitium (quod Dî priùs omen in ipsum Convertant!) Priami imperio Phrygibusque futurum: Sin manibus vestris vestram ascendisset in urbem, Ultrò Asiam magno Pelopea ad mœnia bello Venturam, et nostros ea fata manere nepotes." Talibus insidiis, perjurique arte Sinonis, 1:15 Credita res; captique dolis, lacrymisque coact Quos neque Tydides, nec Larissæus Achilles, Non anni domuêre decem, non mille carinæ.

Hic aliud majus miseris multòque tremendum Objicitur magls, atque improvida pectora turbat! 200 Laocoon, ductus Neptuno sorte sacerdos, Solemnes taurum ingentem mactabat ad aras. Ecce autem gemini a Tenedo tranquilla per alta (Horresco referens) immensis orbibus angues Incumbunt pelago, pariterque ad littora tendunt: cos Pectora quorum inter fluctus arrecta, jubæque Sanguineæ exsuperant undas; pars cetera pontum Ponè legit, sinuatque immensa volumine terga. Fit sonitus spumante salo: jamque arva tenebant, Ardentesque oculos suffecti sanguine et igni, 210 Sibila lambebant linguis vibrantibus ora. Diffugimus visu exsangues: illi agmine certo Laocoonta petunt: et primum parva duorum Corpora natorum serpens amplexus uterque Implicat, et miseros morsu depascitur artus. Post ipsum, auxilio subeuntem ac tela ferentem, Corripiunt, spirisque ligant ingentibus: et jam

Bis medium amplexi, bis collo squamea circum Terga dati, superant capite et cervicibus altis. Ille simul manibus tendit divellere nodos. 220 Perfusus sanie vittas atroque veneno; Clamores simul horrendos ad sidera tollit: Quales mugitus, fugit cum saucius aram Taurus, et incertam excussit cervice securim. At gemini lapsu delubra ad summa dracones 225 Effugiunt, sævæque petunt Tritonidis arcem; Sub pedibusque Deæ, clypeique sub orbe teguntur. Tum verò tremefacta novus per pectora cunctis Insinuat pavor; et scelus expendisse merentem Laocoonta ferunt, sacrum qui cuspide robur 230 Læserit, et tergo sceleratam intorserit hastam. Ducendum ad sedes simulacrum, orandaque Divæ Numina conclamant.

Dividimus muros, et mœnia pandimus urbis. Accingunt omnes operi; pedibusque rotarum 233 Subjiciunt lapsus, et stupea vincula collo Intendunt. Scandit fatalis machina muros. Fœta armis. Pueri circum innuptæque puellæ Sacra canunt, funemque manu contingere gaudent. Illa subit, mediæque minans illabitur urbi. O patria, o Divûm domus, Ilium, et inclyta bello Mœnia Dardanidum! quater ipso in limine portæ Substitit, atque utero sonitum quater arma dedere: Instamus tamen immemores, cæcique furore, Et monstrum infelix sacratâ sistimus arce. 245 Tunc etiam fatis aperit Cassandra futuris Ora, Dei jussu non unquam credita Teucris. Nos delubra Deum miseri, quibus ultimus esset Ille dies, festà velamus fronde per urbem.

Vertitur interea cœlum, et ruit Oceano nox, Involvens umbra magna terramque polumque, Myrmidonumque dolos: fusi per mœnia Teucri Conticuere: sopor fessos complectitur artus. Et jam Argiva phalanx instructis navibus ibat A Tenedo, tacitæ per amica silentis lunæ,

Digitized by Google

250

255

Littora nota petens: flammas cum regia puppis
Extulerat; fatisque Deum defensus iniquis
Inclusos utero Danaos et pinea furtim
Laxat claustra Sinon: illos patefactus ad auras
Reddit equus, lætique cavo se robore promunt
Thessandrus Sthenelusque duces, et dirus Ulysses,
Demissum lapsi per funem; Athamasque, Thoasque,
Pelidesque Neoptolemus, primusque Machaon,
Et Menelaus, et ipse doli fabricator Epeos.
Invadunt urbem somno vinoque sepultam:

265
Cæduntur vigiles; portisque patentibus omnes
Accipiunt socios, atque agmina conscia jungunt.

Tempus erat, quo prima quies mortalibus ægris Incipit, et dono Divum gratissima serpit. In somnis, ecce, ante oculos mœstissimus Hector 270 Visus adesse mihi, largosque effundere fletus: Raptatus bigis, ut quondam, aterque cruento Pulvere, perque pedes trajectus lora tumentes. Hei mihi, qualis erat! quantum mutatus ab illo Hectore, qui redit exuvias indutus Achillis, Vel Danaum Phrygios jaculatus puppibus ignes! Squalentem barbam, et concretos sanguine crines, Vulneraque illa gerens, que circum plurima muros Accepit patrios. Ultrò flens ipse videbar Compellare virum, et mœstas expromere voces:-"O lux Dardanise! spes o fidissima Teucrum! Quæ tantæ tenuêre moræ? quibus Hector ab oris Expectate venis? ut te post multa tuorum Funera, post varios hominumque urbisque labores, Defessi aspicimus? quæ causa indigna serenos Fœdavit vultus? aut cur hæc vulnera cerno?" Ille nihil; nec me quærentem vana moratur; Sed graviter gemitus imo de pectore ducens, "Heu fuge, nate Deâ, teque his," ait," eripe flammis. Hostis habet muros; ruit alto a culmine Troja. Sat patriæ Priamoque datum: si Pergama dextrâ Defendi possent, etiam hâc defensa fuissent. Sacra, suosque tibi commendat Troja Penates:

Hos cape fatorum comites; his moenia quære,
Magna pererrato statues quæ denique ponto."
Sic ait; et manibus vittas, Vestamque potentem,
Æternumque adytis effert penetralibus ignem.

Diverso interea miscentur mœnia luctu: Et magis atque magis (quanquam secreta parentis Anchisæ domus, arboribusque obtecta, recessit) Clarescunt sonitus, armorumque ingruit horror. Excutior somno, et summi fastigia tecti Ascensu supero, atque arrectis auribus asto: In segetem veluti cum flamma furentibus Austris Incidit; aut rapidus montano flumine torrens Sternit agros, sternit sata læta boumque labores, Præcipitesque trahit silvas: stupet inscius alto Accipiens sonitum saxi de vertice pastor. Tum verò manifesta fides, Danaumque patescunt Insidiæ: jam Deiphobi dedit ampla ruinam, Vulcano superante, domus: jam proximus ardet Ucalegon: Sigea igni freta lata relucent. Exoritur clamorque virûm, clangorque tubarum. Arma amens capio, nec sat rationis in armis; Sed glomerare manum bello, et concurrere in arcem Cum sociis ardent animi: furor iraque mentem Precipitant, pulchrumque mori, succurrit, in armis. Ecce autem telis Panthus elapsus Achivûm, Panthus Othryades, arcis Phœbique sacerdos, Sacra manu, victosque Deos, parvumque nepotem Ipse trahit, cursuque amens ad limina tendit. "Quo res summa loco, Panthu? quam prendimus arcem?"

Vix ea fatus eram, gemitu cum talia reddit:—
"Venit summa dies et ineluctabile tempus
Dardaniæ: fuimus Troës, fuit Ilium, et ingens
Gloria Teucrorum: ferus omnia Jupiter Argos
Transtulit: incensa Danai dominantur in urbe,
Arduus armatos mediis in mænibus astans
Fundit equus, victorque Sinon incendia miscet
Insultans: portis alii bipatentibus adsunt,
Millia quot magnis nunquam venère Mycenis.

325

330

Obsedêre alii telis angusta viarum Oppositi; stat ferri acies mucrone corusco, Stricta, parata neci: vix primi prælia tentant Portarum vigiles, et cæco Marte resistunt." 235 Talibus Othryadæ dictis, et numinė Divûm, In flammas et in arma feror; quò tristis Erinnys, Quò fremitus vocat, et sublatus ad æthera clamor. Addunt se socios Rhipeus et maximus annis Epytus, oblati per lunam, Hypanisque, Dymasque, Et lateri agglomerant nostro; juvenisque Chorœbus Mygdonides: illis ad Trojam fortè diebus Venerat, insano Cassandræ incensus amore: Et gener auxilium Priamo Phrygibusque ferebat: Infelix, qui non sponsæ præcepta furentis Audîerit. Quos ubi confertos audere in prælia vidi, Incipio super his :-- "Juvenes, fortissima frustrà Pectora, si vobis audentem extrema cupido est Certa sequi (quæ sit rebus fortuna videtis: 350 Excessère omnes adytis arisque relictis

Di, quibus imperium hoc steterat; succurritis urbi Incensæ:) moriamur, et in media arma ruamus. Una salus victis, nullam sperare salutem." Sic animis juvenum furor additus. Inde (lupi ceu Raptores, atrà in nebulà, quos improba ventris Exegit cœcos rabies, catulique relicti Faucibus expectant siccis;) per tela, per hostes Vadimus haud dubiam in mortem, mediæque tenemus Urbis iter: nox atra cavá circumvolat umbra.

Quis cladem illius noctis, quis funera fando Explicet? aut possit lacrymis æquare labores? Urbs antiqua ruit, multos dominata per annos; Plurima perque vias sternuntur inertia passim Corpora, perque domos, et religiosa deorum Limina. Nec soli pœnas dant sanguine Teucri: Quondam etiam victis redit in præcordia virtus, Victoresque cadunt Danai: crudelis ubique Luctus, ubique pavor, et plurima mortis imago. Primus se Danaûm, magnâ comitante catervâ,

360

865

Androgeus offert nobis, socia agmina credens Inscius: atque ultrò verbis compellat amicis:-" Festinate, viri; nam quæ tam sera moratur Segnities? alii rapiunt incensa feruntque Pergama: vos celsis nunc primum a navibus itis?" 375 Dixit: et extemplò (neque enim responsa dabantur Fida satis) sensit medios delapsus in hostes: Obstupuit, retròque pedem cum voce repressit. Improvisum aspris veluti qui sentibus anguem Pressit humi nitens, trepidusque repentè refugit Attollentem iras, et cœrula colla tumentem : Haud secus Androgeus visu tremefactus abibat. Irruimus, densis et circumfundimur armis; Ignarosque loci passim et formidine captos Sternimus; aspirat primo fortuna labori. Atque hic exultans successu animisque Corcebus, " O socii, quà prima," inquit, " fortuna salutis Monstrat iter, quaque ostendit se dextra, sequamur. Mutemus clypeos, Danaûmque insignia nobis Aptemus: dolus, an virtus, quis in hoste requirat? Arma dabunt ipsi." Sic fatus, deinde comantem soi Androgei galeam, clypeique insigne decorum Induitur ; laterique Argivum accommodat ensem. Hoc Rhipeus, hoc ipse Dymas, omnisque juventus Læta facit: spoliis se quisque recentibus armat. 305 Vadimus immixti Danais, haud numine nostro; Multaque per cæcam congressi prælia noctem. Conserimus, multos Danaum demittimus Orco. Diffugiunt alii ad naves, et littora cursu Fida petunt: pars ingentem formidine turpi Scandunt rursus equum, et nota conduntur in alvo. Heu, nihil invitis fas quenquam fidere Divis! Ecce, trahebatur passis Priameïa virgo Crinibus a templo Cassandra adytisque Minervæ, Ad cœlum tendens ardentia lumina frustrà: Lumina, nam teneras arcebant vincula palmas. Non tulit hanc speciem furiatâ mente Corcebus, Et sese medium injecit moriturus in agmen.

Consequimur cuncti, et densis incurrimus armis. Hic primum ex alto delubri culmine telis Nostrorum obruimur, oriturque miserrima cædes, Armorum facie, et Graiarum errore jubarum. Tum Danai, gemitu atque ereptæ virginis irâ, Undique collecti invadunt; acerrimus Ajax, Et gemini Atridæ, Dolopumque exercitus omnis: 415. Adversi rupto ceu quondam turbine venti Confligunt, Zephyrusque, Notusque, et lætus Eois Eurus equis: stridunt silvæ, sævitque tridenti Spumeus, atque imo Nereus ciet æquora fundo. Illi etiam, si quos obscurà nocte per umbram Fudimus insidiis, totâque agitavimus urbe, Apparent: primi clypeos mentitaque tela Agnoscunt, atque ora sono discordia signant. Ilicet obruimur numero: primusque Corœbus Peneleï dextrâ, Divæ armipotentis ad aram, Procumbit: cadit et Rhipeus, justissimus unus Qui fuit in Teucris, et servantissimus æqui; Dis aliter visum: pereunt Hypanisque, Dymasque, Confixi a sociis: nec te tua plurima, Panthu, Labentem pietas, nec Apollinis infula texit. Iliaci cineres, et flamma extrema meorum, Testor, in occasu vestro, nec tela, nec ullas Vitavisse vices Danaûm; et, si fata fuissent Ut caderem, meruisse manu. Divellimur inde, Iphitus et Pelias mecum; quorum Iphitus ævo Jam gravior, Pelias et vulnere tardus Ulixi; Protinus ad sedes Priami clamore vocati.

Hic verò ingentem pugnam, ceu cetera nusquam Bella forent, nulli totà morerentur in urbe; Sic Martem indomitum Danaosque ad tecta ruentes Cernimus, obsessumque actà testudine limen.

Hærent parietibus scalæ, postesque sub ipsos Nituntur gradibus, clypeosque ad tela sinistris Protecti objiciunt, prensant fastigia dextris.

Dardanidæ contrà turres ac tecta domorum

445
Culmina convellunt: his se, quando ultima cernunt,

Extremà jam in morte parant defendere telis; Auratasque trabes, veterum decora alta parentum, Devolvunt: alii strictis mucronibus imas Obsedère fores, has servant agmine denso. Instaurati animi, regis succurrere tectis, Auxilioque levare viros, vimque addere victis.

Limen erat, cœceeque fores, et pervius usus Tectorum inter se Priami, postesque relicti A tergo: infelix quà se, dum regna manebant, Sæpius Andromache ferre incomitata solebat Ad soceros, et avo puerum Astyanacta trahebat-Evado ad summi fastigia culminis, undè Tela manu miseri jactabant irrita Teucri. Turrim in præcipiti stantem, summisque sub astra 460 Eductam (tectis, undè omnis Troja videri, Et Danaûm solitæ naves, et Achaïca castra;) Aggressi ferro circum, quà summa labantes Juncturas tabulata dabant, convellimus altis Sedibus, impulimusque: ea lapsa repentè ruinam Cum sonitu trahit, et Danaûm super agmina latè Incidit: ast alii subeunt; nec saxa, neceullum Telorum interea cessat genus.

Vestibulum ante ipsum, primoque in limine, Pyrrhus Exultat, telis et luce coruscus ahenâ: Qualis ubi in lucem coluber, mala gramina pastus, Frigida sub terrâ tumidum quem bruma tegebat, Nunc positia novus exuviis, nitidusque juventâ, Lubrica convolvit sublato pectore terga Arduus ad solem, et linguis micat ore trisulcis. Unà ingens Periphas, et equorum agitator Achillis Armiger Automedon; unà omnis Seyria pubes Succedunt tecto, et flammas ad culmina jactant, Ipse inter primos correptâ dura bipenni Limina perrumpit, postesque a cardine vellit Æratos; jamque excisâ trabe firma cavavit Robora, et ingentem lato dedit ore fenestram. Apparet domus intùs, et atria longa patescunt; Apparent Priami et veterum penetralia regum;

Armatosque vident stantes in limine primo. At domus interior gemitu miseroque tumultu Miscetur; penitusque cavæ plangoribus ædes Fœmineis ululant: ferit aurea sidera clamor. Tum pavidæ tectis matres ingentibus errant, Amplexæque tenent postes, atque oscula figunt. 490 Instat vi patriâ Pyrrhus: nec claustra, neque ipsi Custodes sufferre valent: labat ariete crebro Janua, et emoti procumbunt cardine postes. Fit via vi: rumpunt aditus, primosque trucidant Immissi Danai, et latè loca milite complent. Non sic, aggeribus ruptis cum spumeus amnis Exiit, oppositasque evicit gurgite moles, Fertur in arva furens cumulo, camposque per omnes Cum stabulis armenta trahit. Vidi ipse furentem Cæde Neoptolemum, geminosque in limine Atridas; Vidi Hecubam, centumque nurus, Priamumque per

Sanguine fœdantem, quos ipse sacraverat, ignes. Quinquaginta illi thalami, spes tanta nepotum, Barbarico postes auro spoliisque superbi, Procubuêre: tenent Danai, quà deficit ignis.

Forsitan et Priami fuerint que fata, requiras. Urbis ubi captæ casum, convulsaque vidit Limina tectorum, et medium in penetralibus hostem, Arma diu senior desueta trementibus ævo Circumdat nequicquam humeris, et inutile ferrum Cingitur, ac densos fertur moriturus in hostes. Ædibus in mediis, nudoque sub ætheris axe, Ingens ara fuit, juxtàque veterrima laurus, Incumbens aræ, utque umbrâ complexa Penates. Hic Hecuba et natæ nequicquam altaria circum, 515 Præcipites atrà ceu tempestate columbæ, Condensæ, et Divûm amplexæ simulacra tenebant. Ipsum autem sumtis Priamum juvenilibus armis Ut vidit, "Quæ mens tam dira, miserrime conjux, Impulit his cingi telis? aut quò ruis?" inquit. "Non tali auxilio, nec defensoribus istis

Tempus eget: non, si ipse meus nunc afforet Hector. Huc tandem concede: hec ara tuebitur omnes: Aut moriere simul." Sic ore effata, recepit Ad sese, et sacrà longævum in sede locavit. 525 Ecce autem elapsus Pyrrhi de cæde Polites, Unus natorum Priami, per tela, per hostes Porticibus longis fugit, et vacua atria lustrat Saucius: illum ardens infesto vulnere Pyrrhus Insequitur, jam jamque manu tenet, et premit hastâ. Ut tandem ante oculos evasit et ora parentum, Concidit, ac multo vitam cum sanguine fudit. Hic Priamus, quanquam in media jam morte tenetur, Non tamen abstinuit, nec voci, iræque pepercit: "At tibi pro scelere," exclamat, "pro talibus ausis, 535 Di (si qua est cœlo pietas, quæ talia curet) Persolvant grates dignas, et præmia reddant Debita: qui nati coram me cernere letum Fecisti, et patrios fœdâsti funere vultus. At non ille, satum quo te mentiris, Achilles Talis in hoste fuit Priamo; sed jura fidemque Supplicis erubuit, corpusque exsangue sepulcro Reddidit Hectoreum, meque in mea regna remisit." Sic fatus senior; telumque imbelle sine ictu Conjecit, rauco quod protinus ære repulsum E summo clypei nequicquam umbone pependit. Cui Pyrrhus:--" Referes ergò hæc, et nuntius ibis Pelidæ genitori: illi mea tristia facta, Degeneremque Neoptolemum narrare memento. Nunc morere." Hæc dicens, altaria ad ipsa trementem Traxit, et in multo lapsantem sanguine nati; Implicuitque comam lævå; dextraque coruscum Extulit, ac lateri capulo tenus abdidit ensem. Hæc finis Priami fatorum: hic exitus illum Sorte tulit, Trojam incensam et prolapsa videntem 555 Pergama, tot quondam populis terrisque superbum Regnatorem Asiæ: jacet ingens littore truncus, Avulsumque humeris caput, et sine nomine corpus. At me tum primum sævue circumstetit horror:

Obstupui: subiit cari genitoris imago, Ut regem æquævum crudeli vulnere vidi Vitam exhalantem: subiit deserta Creüsa. Et direpta domus, et parvi casus Iüli. Respicio; et, quæ sit me circum copia, lustro. Deseruêre omnes defessi, et corpora saltu Ad terram misêre, aut ignibus ægra dedêre. Jamque adeò super unus eram, cum limina Vestæ Servantem, et tacitam secretà in sede latentem Tyndarida aspicio: dant clara incendia lucem Erranti, passimque oculos per cuncta ferenti. 570 Illa, sibi infestos eversa ob Pergama Teucros, Et pœnas Danaûm, et deserti conjugis iras Permetuens, Trojæ et patriæ communis Erinnys, Abdiderat sese, atque aris invisa sedebat. Exarsêre ignes animo: subit ira cadentem 575 Ulcisci patriam, et sceleratas sumere pœnas. "Scilicet heec Spartam incolumis patriasque Mycenas Aspiciet, partoque ibit regina triumpho? Conjugiumque, domumque, patres, natosque videbit, Iliadum turba et Phrygiis comitata ministris? Occiderit ferro Priamus? Troja arserit igni? Dardanium toties sudârit sanguine littus? Non ita: namque etsi nullum memorabile nomen Fœmineâ in pœnâ est, nec habet victoria laudem: Extinxisse nefas tamen, et sumsisse merentis 585 Laudabor pœnas: animumque explêsse juvabit Ultricis flammæ, et cineres satiasse meorum." Talia jactabam, et furiatâ mente ferebar, Cùm mihi se, non antè oculis tam clara, videndam Obtulit, et purâ per noctem in luce refulsit Alma parens, confessa Deam, quansque videri Cœlicolis et quanta solet; dextrâque prehensum Continuit, roseoque heec insuper addidit ore:-" Nate, quis indomitas tantus dolor excitat iras? Quid furis? aut quonam nostri tibi cura recessit? 595 Non priùs aspicies, ubi fessum ætate parentem Liqueris Anchisen? superet conjuxne Creüsa,

Ascaniusque puer? quos omnes undique Graiæ Circum errant acies; et, ni mea cura resistat, Jam flammæ tulerint, inimicus et hauserit ensis. 600 Non tibi Tyndaridis facies invisa Lactenee, Culpatusve Paris: Divûm inclementia, Divûm Has evertit opes, sternitque a culmine Trojam. Aspice: namque omnem, que nunc obducta tuenti Mortales hebetat visus tibi, et humida circum Caligat, nubem eripiam: tu ne qua parentis Jussa time, neu præceptis parere recusa. Hic, ubi disjectas moles, avulsaque saxis Saxa vides, mixtoque undantem pulvere fumum, Neptunus muros, magnoque emota tridenti 610 Fundamenta quatit, totamque a sedibus urbem Eruit: hic Juno Sceas seevissima portas-Prima tenet, sociumque furens a navibus agmen Ferro accincta vocat. Jam summas arces Tritonia, respice, Pallas 615 Insedit, nimbo effulgens et Gorgone sævå. Ipse Pater Danais animos viresque secundas Sufficit: ipse Deos in Dardana suscitat arma. Eripe, nate, fugam, finemque imponé labori. Nusquam abero, et tutum patrio te limine sistam." 620 Dixerat, et spissis noctis se condidit umbris. Apparent diræ facies, inimicaque Trojæ Numina magna Deum.

Tum verò omne mihi visum considere in ignes
Ilium, et ex imo verti Neptunia Troja.

Ac, veluti summis antiquam in montibus ornum
Cum ferro accisam crebrisque bipennibus instant
Eruere agricolæ certatim; illa usque minatur,
Et tremefacta comam concusso vertice nutat:
Vulneribus donec paulatim evicta, supremum
Congemuit, traxitque jugis avulsa ruinam.
Descendo, ac, ducente Deo, flammam inter et hostes
Expedior; dant tela locum, flammæque recedunt.
Ast ubi jam patriæ perventum ad limina sedis,
Antiquasque domos, genitor, quem tollere in altos

Optabam primum montes, primumque petebam, Abnegat excisâ vitam producere Trojâ, Exiliumque pati. "Vos o, quibus integer ævi Sanguis," ait, "solidæque suo stant robore vires: Vos agitate fugam. Me si cœlicolæ voluissent ducere vitam, Has mihi servåssent sedes: satis una superque Vidimus excidia, et captæ superavimus urbi. Sic o, sic positum affati discedite corpus. Ipse manu mortem inveniam: miserebitur hostis, 645 Exuviasque petet: facilis jactura sepulcri. Jampridem invisus Divis et inutilis annos Demoror: ex quo me Divûm pater atque hominum Fulminis afflavit ventis, et contigit igni." Talia perstabat memorans, fixusque manebat. 650 Nos contrà effusi lacrymis, conjuxque Creiisa, Ascaniusque, omnisque domus, ne vertere secum Cuncta pater, fatoque urgenti incumbere vellet. Abnegat, inceptoque et sedibus hæret in isdem.

Rursus in arma feror, mortemque miserrimus opto. Nam quod consilium, aut quæ jam fortuna dabatur? "Mene efferre pedem, genitor, te posse relicto Sperâsti? tantumque nefas patrio excidit ore? Si nihil ex tantà superis placet urbe relinqui, Et sedet hoc animo, perituræque addere Trojæ Teque tuosque juvat; patet isti janua leto. Jamque aderit multo Priami de sanguine Pyrrhus, Natum ante ora patris, patrem qui obtruncat ad aras. Hoc erat, alma parens, quòd me per tela, per ignes, Eripis? ut mediis hostem in penetralibus, utque Ascaniumque, patremque meum, juxtàque Creüsam, Alterum in alterius mactatos sanguine cernam? Arma, viri, ferte arma: vocat lux ultima victos. Reddite me Danais; sinite instaurata revisam Prælia: nunquam omnes hodie moriemur inulti," 670 Hic ferro accingor rursus; clypeoque sinistram Insertabam aptans, meque extra tecta ferebam. Ecce autem complexa pedes in limine conjux

Hærebat, parvumque patri tendebat Iülum: "Si periturus abis, et nos rape in omnia tecum; 675 Sin aliquam expertus sumtis spem ponis in armis, Hanc primum tutare domum. Cui parvus Iulus, Cui pater, et conjux quondam tua dicta, relinquor?" Talia vociferans, gemitu tectum omne replebat; Cum subitum, dictuque oritur mirabile monstrum: Namque manus inter, mæstorumque ora parentum, Ecce levis summo de vertice visus Iüli Fundere lumen apex, tactuque innoxia mollis Lambere flamma comas, et circum tempora pasci. Nos pavidi trepidare metu, crinemque flagrantem ces Excutere, et sanctos restinguere fontibus ignes. At pater Anchises oculos ad sidera lætus Extulit, et cœlo palmas cum voce tetendit :---"Jupiter omnipotens, precibus si flecteris ullis, Aspice nos; hoc tantum: et, si pietate meremur, Da deinde auxilium pater, atque heec omina firma." Vix ea fatus erat senior, subitoque fragore Intonuit kevùm, et de cœlo lapsa per umbras Stella facem ducens multa cum luce cucurrit. Illam, summa super labentem culmina tecti, 695 Cernimus Idæâ claram se condere silvâ, Signantemque vias; tum longo limite sulcus Dat lucem, et latè circum loca sulfure fumant. Hic verò victus genitor se tollit ad auras, Affaturque Deos, et sanctum sidus adorat:-"Jam jam nulla mora est: sequor, et, quà ducitis, ad-Di patrii, servate domum, servate nepotem. Vestrum hoc augurium, vestroque in numine Troja est. Cedo equidem, nec, nate, tibi comes ire recuso."

Dixerat ille: et jam per mænia clarior ignis 705 Auditur, propiùsque æstus incendia volvunt.

"Ergò age, care pater, cervici imponere nostræ: Ipse subibo humeris, nec me labor iste gravabit.
Quo res cunque cadent, unum et commune periclum, Una salus ambobus erit: mihi parvus Iülus 719 Sit comes, et longè servet vestigia conjux.

Vos, famuli, quæ dicam, animis advertite vestris.
Est urbe egressis tumulus, templumque vetustum
Desertæ Cereris, juxtàque antiqua cupressus,
Religione patrum multos servata per annos:
Hanc ex diverso sedem veniemus in unam.
Tu, genitor, cape sacra manu, patriosque Penates.
Me, bello e tanto digressum et cæde recenti,
Attrectare nefas; donec me flumine vivo
Abluero."

Hæc fatus, latos humeros subjectaque colla
Veste super, fulvique insternor pelle leonis,
Succedoque oneri: dextræ se parvus Iülus
Implicuit, sequiturque patrem non passibus æquis:
Ponè subit conjux. Ferimur per opaca locorum;
Et me, quem dudum non ulla injecta movebant 726
Tela, neque adverso glomerati ex agmine Graii,
Nunc omnes terrent auræ, sonus excitat omnis
Suspensum, et pariter comitique onerique timentem.

Jamque propinquabam portis, omnemque videbar Evasisse viam; subitò cum creber ad aures Visus adesse pedum sonitus: genitorque per umbram Prospiciens, "Nate," exclamat, "fuge, nate; propin-Ardentes clypeos atque æra micantia cerno." [quant: Hic mihi nescio quod trepido male numen amicum Confusam eripuit mentem: namque avia cursu Dum sequor, et notâ excedo regione viarum, Heu! misero conjux fatone erepta Creüsa Substitit, erravitne viâ, seu lassa resedit, Incertum: nec post oculis est reddita nostris. Nec priùs amissam respexi, animumque reflexi, Quam tumulum antiquæ Cereris, sedemque sacratam Venimus: hic demum collectis omnibus una Defuit, et comites natumque virumque fefellit. Quem non incusavi amens hominumque Deorumque? Aut quid in eversa vidi crudelius urbe? Ascanium, Anchisemque patrem, Teucrosque Penates Commendo sociis, et curva valle recondo: Ipse urbem repeto, et cingor fulgentibus armis.

Stat casus renovare omnes, omnemque reverti 756 Per Trojam, et rursus caput objectare periclis. Principio muros, obscuraque limina portæ, Quà gressum extuleram, repeto; et vestigia retrò Observata sequor per noctem, et lumine lustro. Horror ubique animos, simul ipsa silentia terrent. Inde domum, si fortè pedem, si fortè tulisset, Me refero: irruerant Danai, et tectum omne tene-Ilicet ignis edax summa ad fastigia vento Volvitur; exsuperant flammæ, furit æstus ad auras. Procedo ad Priami sedes, arcemque reviso, Et jam porticibus vacuis, Junonis asylo, Custodes lecti Phœnix et dirus Ulysses Prædam asservabant: huc undique Troïa gaza Incensis erepta adytis, mensæque Deorum, Crateresque auro solidi, captivaque vestis, 765 Congeritur: pueri et pavide longo ordine matres Stant circum. Ausus quinetiam voces jactare per umbram Implevi clamore vias, mæstusque Creüsam Nequicquam ingeminans, iterumque iterumque vo-Quærenti, et tectis urbis sine fine furenti, Infelix simulacrum atque ipsius umbra Creüsæ Visa mihi ante oculos, et notâ major imago. Obstupui, steteruntque comæ, et vox faucibus hæsit. Tum sic affari, et curas his demere dictis:-"Quid tantum insano juvat indulgere dolori, O dulcis conjux? non hæc sine numine Divûm Eveniunt: nec te comitem asportare Creüsam Fas, aut ille sinit superi regnator Olympi. Longa tibi exilia, et vastum maris æquor arandum: Ad terram Hesperiam venies, ubi Lydius arva Inter opima virum leni fluit agmine Tybris. Illic res lætæ, regnumque, et regia conjux Parta tibi: lacrymas dilectæ pelle Creüsæ. Non ego Myrmidonum sedes Dolopumve superbas

Aspiciam, aut Graiis servitum matribus ibo,

Dardanis, et Divæ Veneris nurus:

Sed me magna Deum genitrix his detinet oris.

Jamque vale, et nati serva communis amorem."

Hæc ubi dicta dedit, lacrymantem, et multa volentem

Dicere, deseruit, tenuesque recessit in auras.

Ter conatus ibi collo dare brachia circum;

Ter frustra comprensa manus effugit imago,

Par levibus ventis, volucrique simillima somno.

Sic demum socios consumta nocte reviso:
Atque hic ingentem comitum affluxisse novorum
Invenio admirans numerum; matresque, virosque,
Collectam exilio pubem, miserabile vulgus.
Undique convenere, animis opibusque parati,
In quascunque velim pelago deducere terras.
Jamque jugis summæ surgebat Lucifer Idæ,
Ducebatque diem; Danaique obsessa tenebant
Limina portarum, nec spes opis ulla dabatur.
Cessi, et sublato montem genitore petivi.

## LIBER III.

Postquam res Asiæ Priamique evertere gentem Immeritam visum Superis, ceciditque superbum Ilium, et omnis humo fumat Neptunia Troja; Diversa exilia, et desertas quærere terras, Auguriis agimur Divûm; classemque sub ipså s'Antandro, et Phrygiæ molimur montibus Idæ, Incerti quò fata ferant, ubi sistere detur: Contrahimusque viros. Vix prima inceperat æstas, Et pater Anchises dare fatis vela jubebat; Littora cum patriæ lacrymans, portusque relinquo, 10 Et campos ubi Troja fuit: feror exul in altum Cum sociis, natoque, Penatibus, et magnis Dis. Terra pròcul vastis colitur Mavortia campis,

Terra procul vastis colitur Mavortia campis, (Thraces arant, acri quondam regnata Lycurgo) Hospitium antiquum Trojee, sociique Penates, Dum fortuna fuit. Feror huc, et littore curvo

Mœnia prima loco, fatis ingressus iniquis; Eneadasque meo nomen de nomine fingo. Sacra Dionææ matri, Divisque ferebam Auspicibus cœptorum operum : superoque nitentem Cœlicolum regi mactabam in littore taurum. Fortè fuit juxtà tumulus, quo cornea summo Virgulta, et densis hastilibus horrida myrtus: Accessi, viridemque ab humo convellere silvam Conatus, ramis tegerem ut frondentibus aras, Horrendum, et dictu video mirabile monstrum. Nam quæ prima solo, ruptis radicibus, arbos Vellitur, huic atro liquuntur sanguine guttæ, Et terram tabo maculant: mihi frigidus horror Membra quatit, gelidusque coit formidine sanguis. 30 Rursus et alterius lentum convellere vimen Insequor, et causas penitus tentare latentes: Ater et alterius sequitur de cortice sanguis. Multa movens animo Nymphas venerabar agrestes, Gradivumque patrem, Geticis qui præsidet arvis, 35 Ritè secundarent visus, omenque levarent. Tertia sed postquam majore hastilia nixu Aggredior, genibusque adversæ obluctor arenæ, (Eloquar, an sileam?) gemitus lacrymabilis imo Auditur tumulo, et vox reddita fertur ad aures :--- 40 "Quid miserum, Ænea, laceras? jam parce sepulto; Parce pias scelerare manus; non me tibi Troja Externum tulit; haud cruor hic de stipite manat. Heu fuge crudeles terras, fuge littus avarum; Nam Polydorus ego: hle confixum ferrea texit Telorum seges, et jaculis increvit acutis." Tum verò ancipiti mentem formidine pressus Obstupui, steteruntque comæ, et vox faucibus hæsit.

Hunc Polydorum, auri quondam cum pondere Infelix Priamus furtim mandârat alendum [magno, Threicio regi: cum jam diffideret armis 51 Dardaniæ, cingique urbem obsidione videret. Ille, ut opes fractæ Teucrum, et Fortuna recessit, Res Agamemnonias victriciaque arma secutus,

Fas omne abrumpit, Polydorum obtruncat, et auro 55 Vi potitur. Quid non mortalia pectora cogis, Auri sacra fames? Postquam pavor ossa reliquit, Delectos populi ad proceres, primumque parentem, Monstra Deum refero; et, quæ sit sententia, posco. Omnibus idem animus, sceleratâ excedere terrâ, Linquere pollutum hospitium, et dare classibus Aus-Ergò instauramus Polydoro funus, et ingens Aggeritur tumulo tellus: stant manibus aræ, Cœruleis mœstæ vittis atrâque cupresso; Et circum Iliades crinem de more solutæ. 65 Inferimus tepido spumantia cymbia lacte, Sanguinis et sacri pateras; animamque sepulcro Condimus, et magna supremum voce ciemus. Inde ubi prima fides pelago, placataque venti Dant maria, et lenis crepitans vocat Auster in altum : Deducunt socii naves, et littora complent. Provehimur portu, terræque urbesque recedunt. Sacra mari colitur medio gratissima tellus Nereïdum matri et Neptuno Ægæo, Quam pius Arcitenens, oras et littora circum Errantem, Gyaro celsâ Myconoque revinxit, Immotamque coli dedit, et contemnere ventos.

75 Huc feror; hæc fessos tuto placidissima portu Accipit: egressi veneramur Apollinis urbem. Rex Anius, rex idem hominum Phæbique sacerdos, Vittis et sacrà redimitus tempora lauro, 81 Occurrit; veterem Anchisen agnoscit amicum; Jungimus hospitio dextras, et tecta subimus. Templa Dei saxo venerabar structa vetusto:-"Da propriam, Thymbræe, domum; da mænia fessis, Et genus, et mansuram urbem : serva altera Trojæ Pergama, relliquias Danaûm atque immitis Achillei. Quem sequimur? quòve ire jubes? ubi ponere sedes? Da, pater, augurium, atque animis illabere nostris." Vix ea fatus eram; tremere omnia visa repentè, Liminaque, laurusque Dei; totusque moveri Mons circum, et mugire adytis cortina reciusis.

Submissi petimus terram, et vox fertur ad aures:-" Dardanidæ duri, quæ vos a stirpe parentum Prima tulit tellus, eadem vos ubere læto Accipiet reduces: antiquam exquirite matrem. Hic domus Æneæ cunctis dominabitur oris, Et nati natorum, et qui nascentur ab illis." Hæc Phæbus: mixtoque ingens exorta tumultu Lætitia; et cuncti, quæ sint ea mænia, quærunt; 100 Quò Phœbus vocet errantes, jubeatque reverti. Tum genitor, veterum volvens monumenta virorum, "Audite, o proceres," ait, "et spes discite vestras. Creta Jovis magni medio jacet insula ponto, Mons Ideeus ubi, et gentis cunabula nostræ. Centum urbes habitant magnas, uberrima regna; Maximus undè pater, si ritè audita recordor, Teucrus Rhœteas primum est advectus in oras, Optavitque locum regno: nondum Ilium et arces Pergameæ steterant, habitabant vallibus imis. Hinc mater cultrix Cybelæ, Corybantiaque æra, Idæumque nemus: hinc fida silentia sacris, Et juncti currum dominæ subière leones. Ergò agite, et, Divûm ducunt quà jussa, sequamur: Placemus ventos, et Gnossia regna petamus. Nec longo distant cursu: modò Jupiter adsit, Tertia lux classem Cretæis sistet in oris." Sic fatus, meritos aris mactavit honores; Taurum Neptuno; taurum tibi, pulcher Apollo; Nigram Hyemi pecudem, Zephyris felicibus albam. Fama volat, pulsum regnis cessisse paternis Idomenea ducem, desertaque littora Cretæ:

Idomenea ducem, desertaque littora Cretæ;
Hoste vacare domos, sedesque astare relictas.
Linquimus Ortygiæ portus, pelagoque volamus;
Bacchatamque jugis Naxon, viridemque Donusam,
Olearon, niveamque Paron, sparsasque per æquor
Cycladas, et crebris legimus freta concita terris.
Nauticus exoritur vario certamine clamor;
Hortantur socii, Cretam proavosque petamus.
Prosequitur surgens a puppi ventus euntes,

Et tandem antiquis Curetum allabimur oris. Ergò avidus muros optatæ molior urbis, Pergameamque voco; et lætam cognomine gentem Hortor amare focos, arcemque attollere tectis. Jamque ferè sicco subductæ littore puppes; Connubiis arvisque novis operata juventus; Jura domosque dabam; subitò cùm tabida membris, Corrupto cœli tractu, miserandaque venit Arboribusque satisque lues, et letifer annus. Linquebant dulces animas, aut ægra trahebant Corpora; tum steriles exurere Sirius agros; Arebant herbæ, et victum seges ægra negabat. Rursus ad orâclum Ortygiæ Phæbumque remenso Hortatur pater ire mari, veniamque precari: Quem fessis finem rebus ferat, undè laborum Tentare auxilium jubeat, quò vertere cursus.

Nox erat, et terris animalia somnus habebat: Effigies sacræ Divûm, Phrygiique Penates, Quos mecum a Troja, mediisque ex ignibus urbis, Extuleram, visi ante oculos astare jacentis Insomnis, multo manifesti lumine; quà se Plena per insertas fundebat luna fenestras: Tum sic affari, et curas his demere dictis :--"Quod tibi delato Ortygiam dicturus Apollo est, Hic canit: et tua nos, en, ultrò ad limina mittit. 155 Nos te, Dardania incensa, tuaque arma secuti; Nos tumidum sub te permensi classibus æquor; Idem venturos tollemus in astra nepotes, Imperiumque urbi dabimus: tu mœnia magnis Magna para, longumque fugse ne linque laborem. Mutandæ sedes: non hæc tibi littora suasit Delius, aut Cretæ jussit considere Apollo. Est locus, (Hesperiam Graii cognomine dicunt) Terra antiqua, potens armis atque ubere glebæ; Œnotri coluere viri: nunc fama, minores 165 Italiam dixisse, ducis de nomine, gentem. Hæ nobis propriæ sedes; hinc Dardanus ortus, lasiusque pater, genus a quo principe nostrum.

Surge age, et hæc lætus longævo dicta parenti Haud dubitanda refer. Corythum, terrasque require Ausonias: Dictæa negat tibi Jupiter arva." 171 Talibus attonitus visis ac voce Deorum. (Nec sopor illud erat; sed coràm agnoscere vultus. Velatasque comas, præsentiaque ora videbar; Tum gelidus toto manabat corpore sudor:) 175 Corripio e stratis corpus, tendoque supinas Ad cœlum cum voce manus, et munera libo Perfecto lætus honore Intemerata focis. Anchisen facio certum, remque ordine pando. Agnovit prolem ambiguam, geminosque parentes; 180 Seque novo veterum deceptum errore locorum. Tum memorat:-" Nate, Iliacis exercite fatis, Sola mihi tales casus Cassandra canebat. Nunc repeto, hæc generi portendere debita nostro, Et sæpe Hesperiam, sæpe Itala regna vocare. Sed quis ad Hesperiæ venturos littora Teucros Crederet? aut quem tum vates Cassandra moveret? Cedamus Phœbo, et moniti meliora sequamur." Sic ait: et cuncti dicto paremus ovantes. Hanc quoque deserimus sedem, paucisque relictis 190 Vela damus, vastumque cavâ trabe currimus æquor. Postquam altum tenuêre rates, nec jam ampliùs ullæ

Apparent terræ; cœlum undique, et undique pontus; Tum mihi cœruleus supra caput astitit imber, [bris. Noctem hyememque ferens; et inhorruit unda tene-Continuò venti volvunt mare, magnaque surgunt Æquora; dispersi jactamur gurgite vasto. Involvêre diem nimbi, et nox humida cœlum Abstulit; ingeminant abruptis nubibus ignes: Excutimur cursu, et cæcis erramus in undis. 200 Ipse diem noctemque negat discernere cœlo, Nec meminisse viæ media Palinurus in unda. Tres adeò incertos cæcâ caligine soles Erramus pelago, totidem sine sidere noctes: Quarto terra die primum se attollere tandem 205 Visa, aperire procul montes, ac volvere fumum.

Vela cadunt; remis insurgimus: haud mora, nautæ Adnixi torquent spumas, et cœrula verrunt.
Servatum ex undis Strophadum me littora primum Accipiunt: Strophades Graio stant nomine dictæ, Insulæ Ionio in magno, quas dira Celæno, Harpyiæque colunt aliæ; Phineia postquam Clausa domus, mensasque metu liquêre priores. Tristius haud illis monstrum, nec sævior ulla Pestis et ira Deûm Stygiis sese extulit undis.

Virginei volucrum vultus, fœdissima ventris Proluvies, uncæque manus, et pallida semper Ora fame.

Huc ubi delati portus intravimus, ecce Læta boum passim campis armenta videmus, Caprigenumque pecus, nullo custode, per herbas. Irruimus ferro, et Divos ipsumque vocamus In partem prædamque Jovem: tum littore curvo Extruimusque toros, dapibusque epulamur opimis. At subitæ horrifico lapsu de montibus adsunt Harpyiæ, et magnis quatiunt clangoribus alas, Diripiuntque dapes, contactuque omnia fœdant Immundo: tum vox tetrum dira inter odorem. Rursum in secessu longo sub rupe cavatà, Arboribus clausi circum atque horrentibus umbris, Instruimus mensas, arisque reponimus ignem: Rursum ex diverso cœli, cæcisque latebris, Turba sonans prædam pedibus circumvolat uncis; Polluit ore dapes. Sociis tunc, arma capessant, Edico, et dirâ bellum cum gente gerendum. Haud secus ac jussi faciunt, tectosque per herbam Disponunt enses, et scuta latentia condunt. Ergò, ubi delapsæ sonitum per curva dedêre Littora, dat signum specula Misenus ab alta Ære cavo: invadunt socii, et nova prælia tentant, Obscœnas pelagi ferro fœdare volucres. Sed neque vim plumis ullam, nec vulnera tergo Accipiunt; celerique fugâ sub sidera lapsæ Semesam prædam et vestigia fæda relinquunt.

Una in præcelså consedit rupe Celæno, Infelix vates, rumpitque hanc pectore vocem :-"Bellum etiam pro cæde boum stratisque juvencis, Laomedontiadæ, bellumne inferre paratis, Et patrio insontes Harpyias pellere regno? Accipite ergò animis atque hæc mea figite dicta: 250 Quæ Phæbo pater omnipotens, mihi Phæbus Apollo Prædixit, vobis furiarum ego maxima pando. Italiam cursu petitis, ventisque vocatis Ibitis Italiam, portusque intrare licebit: Sed non antè datam cingetis mœnibus urbem, Quàm vos dira fames, nostræque injuria cædis, Ambesas subigat malis absumere mensas." Dixit: et in silvam pennis ablata refugit. At sociis subità gelidus formidine sanguis Diriguit; cecidere animi; nec jam amplius armis, Sed votis precibusque jubent exposcere pacem, Sive Deæ, seu sint diræ obscænæque volucres. At pater Anchises, passis de littore palmis, Numina magna vocat, meritosque indicit honores:-"Dî, prohibete minas; Dî, talem avertite casum, 265 Et placidi servate pios." Tum littore funem Diripere, excussosque jubet laxare rudentes.

Tendunt vela Noti: ferimur spumantibus undis, Quà cursum ventusque gubernatorque vocabant. Jam medio apparet fluctu nemorosa Zacynthos, Dulichiumque, Sameque, et Neritos ardua saxis. Effugimus scopulos Ithacæ, Laërtia regna, Et terram altricem sævi execramur Ulyssi. Mox et Leucatæ nimbosa cacumina montis, Et formidatus nautis aperitur Apollo. 275 Hunc petimus fessi, et parvæ succedimus urbi; Anchora de prorâ jacitur; stant littore puppes. Ergò, insperatà tandem tellure potiti, Lustramurque Jovi, votisque incendimus aras; Actiaque Iliacis celebramus littora ludis. Exercent patrias oleo labente palæstras Nudati socii: juvat evasisse tot urbes

Argolicas, mediosque fugam tenuisse per hostes Interea magnum sol circumvolvitur annum, Et glacialis hyems aquilonibus asperat undas. 285 Ære cavo clypeum, magni gestamen Abantis, Postibus adversis figo, et rem carmine signo: Eneas hæc de Danais victoribus arma. Linquere tum portus jubeo, et considere transtris. Certatim socii feriunt mare, et æquora verrunt. ' Protinus aërias Phæacum abscondimus arces, Littoraque Epiri legimus, portugue subimus Chaonio, et celsam Buthroti ascendimus urbem. Hic incredibilis rerum fama occupat aures, Priamiden Helenum Graias regnare per urbes, 295 Conjugio Æacidæ Pyrrhi sceptrisque potitum; Et patrio Andromachen iterum cessisse marito. Obstupui; miroque incensum pectus amore, Compellare virum, et casus cognoscere tantos. Progredior portu, classes et littora linquens. 300 Solemnes tum fortè dapes et tristia dona Ante urbem, in luco, falsi Simoëntis ad undam, Libabat cineri Andromache, Manesque vocabat Hectoreum ad tumulum; viridi quem cespite inanem. Et geminas, causam lacrymis, sacraverat aras. Ut me conspexit venientem, et Troïa circum Arma amens vidit, magnis exterrita monstris, Diriguit visu in medio; calor ossa reliquit: Labitur; et longo vix tandem tempore fatur:-"Verane te facies, verus mihi nuntius affers. Nate Deâ? vivisne? aut, si lux alma recessit, Hector ubi est?" Dixit, lacrymasque effudit, et omnem Implevit clamore locum. Vix pauca furenti Subjicio, et raris turbatus vocibus hisco:-"Vivo equidem, vitamque extrema per omnia duco: Ne dubita, nam vera vides. Heu quis te casus dejectam conjuge tanto Excipit? aut quæ digna satis fortuna revisit? Hectoris Andromache, Pyrrhin' connubia servas?" Dejecit vultum, et demissa voce locuta est:-

" O felix una ante alias Priameïa virgo, Hostilem ad tumulum Trojæ sub mænibus altis Jussa mori; quæ sortitus non pertulit ullos, Nec victoris heri tetigit captiva cubile! Nos, patrià incensà, diversa per æquora vectæ, Stirpis Achilleæ fastus, juvenemque superbum Servitio enixæ tulimus: qui deinde secutus Ledeam Hermionen, Lacedemoniosque Hymeneos. Me famulam famuloque Heleno transmisit habendam. Ast illum, ereptæ magno inflammatus amore Conjugis, et scelerum Furiis agitatus, Orestes Excipit incautum, patriasque obtruncat ad aras. Morte Neoptolemi regnorum reddita cessit Pars Heleno: qui Chaonios cognomine campos, Chaoniamque omnem Trojano a Chaone dixit; Pergamaque, Iliacamque jugis hanc addidit arcem. Sed tibi qui cursum venti, quæ fata dedêre? Aut quis te ignarum nostris Deus appulit oris? Quid puer Ascanius? superatne, et vescitur aurâ? Quem tibi jam Troja-Ecqua tamen puero est amissæ cura parentis? Ecquid in antiquam virtutem animosque viriles, Et pater Æneas, et avunculus excitat Hector?" Talia fundebat lacrymans, longosque ciebat Incassum fletus; cum sese a mænibus heros 345 Priamides multis Helenus comitantibus affert. Agnoscitque suos, lætusque ad limina ducit; Et multum lacrymas verba inter singula fundit. Procedo, et parvam Trojam, simulataque magnis Pergama, et arentem Xanthi cognomine rivum Agnosco, Sceeeque amplector limina portæ. Necnon et Teucri socià simul urbe fruuntur. Illos porticibus rex accipiebat in amplis: Aulai in medio libabant pocula Bacchi. Impositis auro dapibus, paterasque tenebant. Jamque dies alterque dies processit; et auræ Yela vocant, tumidoque inflatur carbasus Austro. His vatem aggredior dictis, ac talia queso:---

"Trojugena interpres Divûm, qui numina Phæbi, Qui tripodas, Clarii lauros, qui sidera sentis, Et volucrum linguas, et præpetis omina pennæ, Fare age (namque omnem cursum mihi prospera dixit Religio, et cuncti suaserunt numine Divi Italiam petere, et terras tentare repôstas: Sola novum dictuque nefas Harpyia Celæno 365 Prodigium canit, et tristes denuntiat iras, Obscænamque famem) quæ prima pericula vito? Quidve sequens, tantos possum superare labores?" Hic Helenus, cæsis primum de more juvencis, Exorat pacem Divûm, vittasque resolvit 370 Sacrati capitis, meque ad tua limina, Phœbe, Ipse manu multo suspensum numine ducit; Atque hæc deinde canit divino ex ore sacerdos:-" Nate Deâ (nam te majoribus ire per altum Auspiciis manifesta fides: sic fata Deûm rex 375 Sortitur, volvitque vices; is vertitur ordo:) Pauca tibi e multis, quò tutior hospita lustres Æquora, et Ausonio possis considere portu, Expediam dictis; prohibent nam cetera Parcæ Scire Helenum, farique vetat Saturnia Juno.-Principio Italiam (quam tu jam rere propinquam, Vicinosque, ignare, paras invadere portus) Longa procul longis via dividit invia terris. Antè et Trinacrià lentandus remus in undà, Et salis Ausonii lustrandum navibus æquor, 385 Infernique lacus, Æææque insula Circæ, Quàm tutà possis urbem componere terrà. Signa tibi dicam, tu condita mente teneto. Cùm tibi sollicito secreti ad fluminis undam Littoreis ingens inventa sub ilicibus sus, Triginta capitum fœtus enixa, jacebit, Alba, solo recubans, albi circum ubera nati; Is locus urbis erit : requies ea certa laborum. Nec tu mensarum morsus horresce futuros: Fata viam invenient, aderitque vocatus Apollo. Has autem terras, Italique hanc littoris oram,

Proxima quæ nostri perfunditur æquoris æstu. Effuge: cuncta malis habitantur mœnia Graiis. Hic et Narycii posuerunt mœnia Locri, Et Salentinos obsedit milite campos Lyctius Idomeneus: hic illa ducis Melibœi Parva Philoctetæ subnixa Petelia muro. Quin, ubi transmissæ steterint trans æquora classes. Et, positis aris, jam vota in littore solves, Purpureo velare comas adopertus amictu; 405 Ne qua inter sanctos ignes in honore Deorum Hostilis facies occurrat, et omina turbet: Hunc socii morem sacrorum, hunc ipse teneto; Hâc casti maneant in religione nepotes. 'Ast ubi digressum Siculæ te admoverit oræ 410 Ventus, et angusti rarescent claustra Pelori, Læva tibi tellus, et longo læva petantur Æquora circuitu: dextrum fuge littus et undas. Hæc loca, vi quondam et vasta convulsa ruina, (Tantùm ævi longinqua valet mutare vetustas) 415 Dissiluisse ferunt, cum protinus utraque tellus Una foret: venit medio vi pontus, et undis Hesperium Siculo latus abscidit, arvaque et urbes Littore diductas angusto interluit æstu. Dextrum Scylla latus, lævum implacata Charybdis Obsidet; atque imo barathri ter gurgite vastos Sorbet in abruptum fluctus, rursusque sub auras Erigit alternos, et sidera verberat undâ. At Scyllam cæcis cohibet spelunca latebris, Ora exertantem, et naves in saxa trahentem. 425 Prima hominis facies, et pulchro pectore virgo Pube tenus: postrema immani corpore pistrix, Delphinam caudas utero commissa luporum. Præstat Trinacrii metas lustrare Pachyni Cessantem, longos et circumflectere cursus, 430 Quam semel informem vasto vidisse sub antro Scyllam, et cœruleis canibus resonantia saxa. Præterea, si qua est Heleno prudentia, vati Si qua fides, animum si veris implet Apollo,

Unum illud tibi, nate Deâ, præque omnibus unum Prædicam, et repetens iterumque iterumque monebo: Junonis magnæ primum prece numen adora; Junoni cane vota libens, dominamque potentem Supplicibus supera donis: sic denique victor Trinacrià fines Italos mittère relictà. Huc ubi delatus Cumæam accesseris urbem, Divinosque lacus, et Averna sonantia silvis, Insanam vatem aspicies, quæ rupe sub imå Fata canit, foliisque notas et nomina mandat. Quæcumque in foliis descripsit carmina virgo, Digerit in numerum, atque antro seclusa relinquit; Illa manent immota locis, neque ab ordine cedunt: Verum eadem, verso tenuis cum cardine ventus Impulit, et teneras turbavit janua frondes; Nunquam deinde cavo volitantia prendere saxo, Nec revocare situs, aut jungere carmina curat: Inconsulti abeunt, sedemque odère Sibyllæ. Hìc tibi ne qua moræ fuerint dispendia tanti, Quamvis increpitent socii, et vi cursus in altum Vela vocet, possisque sinus implere secundos: Quin adeas vatem, precibusque oracula poscas. Ipsa canat, vocemque volens atque ora resolvat. Illa tibi Italize populos, venturaque bella, Et quo quemque modo fugiasque ferasque laborem, ' Expediet; cursusque dabit venerata secundos. Hæc sunt, quæ nostrå liceat te voce moneri: Vade age, et ingentem factis fer ad æthera Trojam."-Quæ postquam vates sic ore effatus amico est. Dona dehino auro gravia, sectoque elephanto, Imperat ad naves ferri, stipatque carinis Ingens argentum, Dodonæosque lebetas, Loricam consertam hamis, auroque trilicem, Et conum insignis galeæ, cristasque comantes, Arma Neoptolemi: sunt et sua dona parenti. Addit equos, additque duces : Remigium supplet; socios simul instruit armis. Interea, classem velis aptare jubebat

Anchises, fieret vento mora ne qua ferenti: Quem Phœbi interpres multo compellat honore:-" Conjugio, Anchisa, Veneris dignate superbo, Cura Deum, bis Pergameis erepte ruinis, Ecce tibi Ausoniæ tellus; hanc arripe velis. Et tamen hanc pelago præterlabare necesse est: Ausonise pars illa procul, quam pandit Apollo. Vade," ait, " o felix nati pietate: quid ultrà Provehor, et fando surgentes demoror Austros?" Nec minus Andromache, digressu mæsta supremo, Fert picturatas auri subtemine vestes, Et Phrygiam Ascanio chlamydem; nec cedit honori; Textilibusque onerat donis, ac talia fatur:-"Accipe et hæc, manuum tibi quæ monumenta mearum Sint, puer, et longum Andromachæ testentur amorem. Conjugis Hectoreæ: cape dona extrema tuorum, O mihi sola mei super Astyanactis imago! Sic oculos, sic ille manus, sic ora ferebat: 490 Et nunc æquali tecum pubesceret ævo." Hos ego digrediens lacrymis affabar obortis:--"Vivite felices, quibus est fortuna peracta Jam sua: nos alia ex aliis in fata vocamur. Vobis parta quies; nullum maris æquor arandum; Arva neque Ausoniæ semper cedentia retrò Effigiem Xanthi, Trojamque videtis, Quærenda. Quam vestræ fecêre manus; melioribus, opto, Auspiciis, et quæ fuerit minus obvia Graiis. Si quando Tybrim vicinaque Tybridis arva 500 Intraro, gentique mese data moenia cernam; Cognatasque urbes olim, populosque propinquos Epiro, Hesperiâ, (quibus idem Dardanus auctor, Atque idem casus,) unam faciemus utramque Trojam animis: maneat nostros ea cura nepotes." sos Provehimur pelago vicina Ceraunia juxta, Undè iter Italiam, cursusque brevissimus undis.

Provehimur pelago vicina Ceraunia juxta, Undè iter Italiam, cursusque brevissimus undis Sol ruit interea, et montes umbrantur opaci. Sternimur optatæ gremio telluris, ad undam, Sortiti remos, passimque in littore sicco

Digitized by Google

51)

Corpora curamus: fessos sopor irrigat artus. Necdum orbem medium Nox horis acta subibat: Haud segnis strato surgit Palinurus, et omnes Explorat ventos, atque auribus aëra captat: Sidera cuncta notat tacito labentia cœlo, Arcturum, pluviasque Hyadas, geminosque Triones, Armatumque auro circumspicit Oriona. Postquam cuncta videt coslo constare sereno. Dat clarum e puppi signum; nos castra movemus, Tentamusque viam, et velorum pandimus alas. Jamque rubescebat stellis Aurora fugatis, Cùm procul obscuros colles, humilemque videmus Italiam. Italiam primus conclamat Achates: Italiam læto socii clamore salutant. Tum pater Anchises magnum cratera coronà 525 Induit, implevitque mero, Divosque vocavit, Stans celsa in puppi:-"Di, maris et terræ tempestatumque potentes, Ferte viam vento facilem, et spirate secundi." Crebrescunt optatæ auræ, portusque patescit 530 Jam propior, templumque apparet in arce Minervæ. Vela legunt socii, et proras ad littora torquent. Portus ab Euroö fluctu curvatus in arcum; Objectæ salså spumant aspergine cautes; Ipse latet: gemino demittunt brachia muro 535 Turriti scopuli, refugitque a littore templum. Quatuor hic, primum omen, equos in gramine vidi Tondentes campum latè, candore nivali: Et pater Anchises: -- "Bellum, o terra hospita, portas: Bello armantur equi: bellum hæc armenta minantur: Sed tamen idem olim curru succedere sueti Quadrupedes, et fræna jugo concordia ferre: Spes est pacis," ait. Tum numina sancta precamur Palladis armisonæ, quæ prima accepit ovantes;

Haud mora: continuò, perfectis ordine votis,

Et capita ante aras Phrygio velamur amictu; Præceptisque Heleni, dederat quæ maxima, ritè Junoni Argivæ jussos adolemus honores,

Cornua velatarum obvertimus antennarum, Grajugenûmque domos, suspectaque linquimus arva. Hinc sinus Herculei, si vera est fama, Tarenti Cernitur. Attollit se diva Lacinia contrà, Caulonisque arces, et navifragum Scylacæum. Tum procul e fluctu Trinacria cernitur Ætna; Et gemitum ingentem pelagi, pulsataque saxa 555 Audimus longè, fractasque ad littora voces; Exultantque vada, atque æstu miscentur arenæ. Et pater Anchises:-" Nimirum hæc illa Charybdis; Hos Helenus scopulos, hæc saxa horrenda canebat: Eripite, o socii, pariterque insurgite remis." Haud minus ac jussi faciunt: primusque rudentem Contorsit lævas proram Palinurus ad undas: Lævam cuncta cohors remis ventisque petivit. Tollimur in cœlum curvato gurgite, et idem Subductà ad Manes imos desidimus undâ. 5G5 Ter scopuli clamorem inter cava saxa dedêre; Ter spumam elisam et rorantia vidimus astra. Interea fessos ventus cum sole reliquit; Ignarique viæ Cyclopum allabimur oris.

Portus ab accessu ventorum immotus, et ingens Ipse; sed horrificis juxtà tonat Ætna ruinis, Interdumque atram prorumpit ad æthera nubem, Turbine fumantem piceo et candente favillà; Attollitque globos flammarum, et sidera lambit : Interdum scopulos avulsaque viscera montis 575 Erigit eructans, liquefactaque saxa sub auras Cum gemitu glomerat, fundoque exæstuat imo. Fama est, Enceladi semiustum fulmine corpus Urgeri mole hâc, ingentemque insuper Ætnam Impositam ruptis flammam expirare caminis: Et, fessum quoties mutat latus, intremere omnem Murmure Trinacriam, et cœlum subtexere fumo. Noctem illam tecti silvis immania monstra Perferimus; nec, quæ sonitum det causa, videmus. Nam neque erant astrorum ignes, nec lucidus æthrå Siderea polus; obscuro sed nubila cœlo,

Et lunam in nimbo nox intempesta tenebat. Postera jamque dies primo surgebat Eoö, Humentemque Aurora polo dimoverat umbram: Cùm subitò e silvis, macie confecta supremâ, Ignoti nova forma viri, miserandaque cultu, Procedit, supplexque manus ad littora tendit. Respicimus. Dira illuvies, immissaque barba, Consertum tegmen spinis; at cetera Graius, Et quondam patriis ad Trojam missus in armis. Isque ubi Dardanios habitus et Troïa vidit Arma procul, paulum aspectu conterritus hæsit, Continuitque gradum: mox sese ad littora præceps Cum fletu precibusque tulit :-- " Per sidera testor. Per superos, atque hoc cœli spirabile lumen, Tollite me, Teucri; quascunque abducite terras: Hoc sat erit. Scio me Danais e classibus unum. Et bello Iliacos fateor petiisse Penates: Pro quo, si sceleris tanta est injuria nostri. Spargite me in fluctus, vastoque immergite ponto. 605 Si pereo, manibus hominum perusse juvabit." Dixerat: et genua amplexus, genibusque volutans Hærebat. Qui sit, fari, quo sanguine cretus, Hortamur : quæ deinde agitet fortuna, fateri. Ipse pater dextram Anchises, haud multa moratus, Dat juveni, atque animum præsenti pignore firmat. Ille hæc, depositâ tandem formidine, fatur:-"Sum patrià ex Ithaca, comes infelicis Ulixi; Nomen Achemenides; Trojam genitore Adamasto Paupere (mansissetque utinam fortuna!) profectus. Hic me, dum trepidi crudelia limina linquunt, Immemores socii vasto Cyclopis in antro Domus sanie dapibusque cruentis, Deseruère. Intùs opaca, ingens: ipse arduus, altaque pulsat Sidera, (Di, talem terris avertite pestem!) 690 Nec visu facilis, nec dictu affabilis ulli. Visceribus miserorum, et sanguine vescitur atro. Vidi egomet, duo de numero cum corpora nostro, Prensa manu magna, medio resupinus in antro,

Frangeret ad saxum, sanieque expersa natarent Limina: vidi, atro cum membra fluentia tabo Manderet, et tepidi tremerent sub dentibus artus: Haud impune quidem; nec talia passus Ulixes, Oblitusve sui est Ithacus discrimine tanto. Nam simul expletus dapibus, vinoque sepultus, Cervicem inflexam posuit, jacuitque per antrum Immensus, saniem eructans ac frusta cruento Per somnum commixta mero; nos, magna precati Numina, sortitique vices, unà undique circum Fundimur, et telo lumen terebramus acuto 635 Ingens, quod torvâ solum sub fronte latebat. Argolici clypei aut Phœbeæ lampadis instar; Et tandem læti sociorum ulciscimur umbras. Sed fugite, ô miseri, fugite; atque ab littore funem Rumpite: Nam qualis quantusque cavo Polyphemus in antro Lanigeras claudit pecudes, atque ubera pressat, Centum alii curva hæc habitant ad littora vulgo Infandi Cyclopes, et altis montibus errant. Tertia jam lunæ se cornua lumine complent, 645 Cùm vitam in silvis, inter deserta ferarum Lustra domosque, traho, vastosque ab rupe Cyclopas Prospicio, sonitumque pedum vocemque tremisco. Victum infelicem, baccas lapidosaque corna, Dant rami, et vulsis pascunt radicibus herbæ. Omnia collustrans, hanc primum ad littora classem Conspexi venientem: huic me, quæcunque fuisset, Addixi: satìs est gentem effugisse nefandam. Vos animam hanc potiùs quocunque absumite leto."

Vix ea fatus erat, summo cum monte videmus 655
Ipsum inter pecudes vasta se mole moventem
Pastorem Polyphemum, et littora nota petentem:
Monstrum horrendum, informe, ingens, cui lumen
ademtum.

Trunca manu pinus regit, et vestigia firmat. Lanigeræ comitantur oves; ea sola voluptas, Solamenque mali: [de collo fistula pendet.]

660

Postquam altos tetigit fluctus, et ad æquora venit, Luminis effossi fluidum lavit inde cruorem, Dentibus infrendens gemitu; graditurque per æquor Jam medium, necdum fluctus latera ardua tinxit. 666 Nos procul inde fugam trepidi celerare, recepto Supplice sic merito, tacitique incidere funem; Verrimus et proni certantibus æquora remis. Sensit, et ad sonitum vocis vestigia torsit. Verùm ubi nulla datur dextrâ affectare potestas, 670 Nec potis Ionios fluctus æquare sequendo, Clamorem immensum tollit, quo pontus et omnes Intremuêre undæ, penitùsque exterrita tellus Italiæ, curvisque immugiit Ætna cavernis. At genus e silvis Cyclopum et montibus altis 675 Excitum ruit ad portus, et littora complet. Cernimus astantes nequicquam lumine torvo Ætnæos fratres, cœlo capita alta ferentes, Concilium horrendum: quales cum vertice celso Aëriæ quercus aut coniferæ cyparissi 680 Constiterunt, silva alta Jovis, lucusve Dianæ. Præcipites metus acer agit quocunque rudentes Excutere, et ventis intendere vela secundis. Contrà jussa monent Heleni, Scyllam atque Charyb-Înter utramque viam, leti discrimine parvo, Ni teneant cursus: certum est dare lintea retro. Ecce autem Boreas angustâ a sede Pelori Missus adest: vivo prætervehor ostia saxo Pantagiæ, Megarosque sinus, Thapsumque jacentem. Talia monstrabat relegens errata retrorsum 690 Littora Achemenides, comes infelicis Ulixi.

Sicanio prætenta sinu jacet insula contra
Plemmyrium undosum: nomen dixere priores
Ortygiam. Alpheum fama est huc, Elidis amnem,
Occultas egisse vias subter mare; qui nunc
Ore, Arethusa, tuo Siculis confunditur undis.
Jussi numina magna loci veneramur: et inde
Exsupero præpingue solum stagnantis Helori.
Hinc altas cautes projectaque saxa Pachyni

Radimus, et, fatis nunquam concessa moveri, 700 Apparet Camarina procul, campique Geloï, Immanisque Gela, fluvii cognomine dicta. Arduus inde Acragas ostentat maxima longè Mœnia, magnanimûm quondam generator equorum; Teque datis linquo ventis, palmosa Selinus; Et vada dura lego saxis Lilybeïa cæcis. Hinc Drepani me portus et illætabilis ora Accipit. Hic, pelagi tot tempestatibus actus, Heu! genitorem, omnis curæ casûsque levamen, Amitto Anchisen: hic me, pater optime, fessum 710 Deseris, heu! tantis nequicquam erepte periclis. Nec vates Helenus, cum multa horrenda moneret, Hos mihi prædixit luctus; non dira Celæno. Hic labor extremus, longarum hæc meta viarum. Hinc me digressum vestris Deus appulit oris. Sic pater Æneas, intentis omnibus, unus Fata renarrabat Divûm, cursusque docebat. Conticuit tandem, factoque hic fine quievit.

## LIBER IV.

Ar regina, gravi jamdudum saucia curâ,
Vulnus alit venis, et cœco carpitur igni.
Multa viri virtus animo, multusque recursat
Gentis honos: hærent infixi pectore vultus,
Verbaque; nec placidam membris dat cura quietem. s
Postera Phæbeâ lustrabat lampade terras,

Humentemque Aurora polo dimoverat umbram,
Cum sic unanimam alloquitur malè sana sororem:—
"Anna soror, quæ me suspensam insomnia terrent?
Quis novus hic nostris successit sedibus hospes? 10
Quem sese ore ferens! quam forti pectore et armis!
Credo equidem, nec vana fides, genus esse Deorum:
Degeneres animos timor arguit. Heu quibus ille
Jactatus fatis! quæ bella exhausta canebat!

Si mihi non animo fixum immotumque sederet, Ne cui me vinclo vellem sociare jugali, Postquam primus amor deceptam morte fefellit; Si non pertæsum thalami tædæque fuisset; Huic uni forsan potui succumbere culpæ. Anna, fatebor enim, miseri post fata Sichæi Conjugis, et sparsos fraterna cæde Penates, Solus hic inflexit sensus, animumque labantem Impulit: agnosco veteris vestigia flammæ. Sed mihi vel tellus optem priùs ima dehiscat, Vel Pater omnipotens adigat me fulmine ad umbras, Pallentes umbras Erebi, noctemque profundam, Antè, Pudor, quàm te violo, aut tua jura resolvo. Ille meos, primus qui me sibi junxit, amores Abstulit: ille habeat secum, servetque sepulcro." Sic effata, sinum lacrymis implevit obortis. Anna refert :- "O luce magis dilecta sorori, Solane perpetuâ mœrens carpêre juventá? Nec dulces natos, Veneris nec præmia nôris? Id cinerem, aut manes credis curare sepultos? Esto: ægram nulli quondam flexère mariti; 35 Non Libyæ, non antè Tyro: despectus Iarbas, Ductoresque alii, quos Africa terra triumphis Dives alit: placitone etiam pugnabis amori? Nec venit in mentem, quorum consederis arvis? Hinc Getulæ urbes, genus insuperabile bello, Et Numidæ infræni cingunt, et inhospita Syrtis: Hinc deserta siti regio, latèque furentes Barcæi. Quid bella Tyro surgentia dicam. Germanique minas? Dis equidem auspicibus reor, et Junone secundâ, 45 Huc cursum Iliacas vento tenuisse carinas. Quam tu urbem, soror, hanc cernes! quæ surgere Conjugio tali! Teucrum comitantibus armis. Punica se quantis attollet gloria rebus! Tu modò posce Deos veniam, sacrisque litatis, Indulge hospitio, causasque innecte morandi: Dum pelago desævit hyems et aquosus Orion, Quassatæque rates, dum non tractabile cœlum."

His dictis incensum animum inflammavit amore, Spemque dedit dubiæ menti, solvitque pudorem. Principio delubra adeunt, pacemque per aras Exquirunt: mactant lectas de more bidentes Legiferæ Cereri, Phœboque, patrique Lyæo; Junoni ante omnes, cui vincla jugalia curæ. Ipsa tenens dextrâ pateram pulcherrima Dido, Candentis vaccæ media inter cornua fundit; Aut ante ora Deûm pingues spatiatur ad aras, Instauratque diem donis, pecudumque reclusis Pectoribus inhians spirantia consulit exta. Heu vatum ignaræ mentes! quid vota furentem. 65 Quid delubra juvant? est mollis flamma medullas Interea, et tacitum vivit sub pectore vulnus. Uritur infelix Dido, totâque vagatur Urbe furens: qualis conjectà cerva sagittà, Quam procul incautam nemora inter Cressia fixit 70 Pastor agens telis, liquitque volatile ferrum Nescius; illa fugâ silvas saltusque peragrat Dictæos; hæret lateri lethalis arundo. Nunc media Ænean secum per mænia ducit, Sidoniasque ostentat opes, urbemque paratam. Incipit effari, mediâque in voce resistit. Nunc eadem, labente die, convivia quærit, Iliacosque iterum demens audire labores Exposcit, pendetque iterum narrantis ab ore. Post, ubi digressi, lumenque obscura vicissim Luna premit, suadentque cadentia sidera somnos, Sola domo mœret vacuâ, stratisque relictis Incubat: illum absens absentem auditque videtque; Aut gremio Ascanium, genitoris imagine capta, Detinet, infandum si fallere possit amorem. Non cœptæ assurgunt turres, non arma juventus Exercet, portusve aut propugnacula bello. Tuta parant: pendent opera interrupta, minæque Murorum ingentes, sequataque machina cœlo.

Quam simul ac tali persensit peste teneri Cara Jovis conjux, nec famam obstare furori,

90.

Talibus aggreditur Venerem Saturnia dictis:-" Egregiam verò laudem et spolia ampla refertis, Tuque puerque tuus; magnum et memorabile numen. Una dolo Divûm si fæmina victa duorum est. Nec me adeò fallit, veritam te mœnia nostra Suspectas habuisse domos Carthaginis altæ. Sed quis erit modus? aut quò nunc certamina tanta? Quin potiùs pacem æternam pactosque hymenæos Exercemus? habes, tota quod mente petisti: 100 Ardet amans Dido, traxitque per ossa furorem. Communem hunc ergò populum, paribusque regamus Auspiciis: liceat Phrygio servire marito, Dotalesque tuæ Tyrios permittere dextræ." Olli (sensit enim simulatâ mente locutam, 105 Quò regnum Italiæ Libycas averteret oras) Sic contrà est ingressa Venus :-- "Quis talia demens Abnuat, aut tecum malit contendere bello, Si modò, quod memoras, factum fortuna sequatur? Sed fatis incerta feror, si Jupiter unam 110 Esse velit Tyriis urbem, Trojaque profectis; Miscerive probet populos, aut fœdera jungi. Tu conjux; tibi fas animum tentare precando: Perge, sequar." Tum sic excepit regia Juno:-" Mecum erit iste labor: nunc quâ ratione, quod in-Confieri possit, paucis (adverte) docebo. Venatum Æneas, unaque miserrima Dido In nemus ire parant, ubi primos crastinus ortus Extulerit Titan, radiisque retexerit orbem. His ego nigrantem commixtâ grandine nimbum, 190 Dum trepidant alæ, saltusque indagine cingunt, Desuper infundam, et tonitru cœlum omne ciebo. Diffugient comites, et nocte tegentur opacâ. Speluncam Dido dux et Trojanus eandem Devenient. Adero, et, tua si mihi certa voluntas, Connubio jungam stabili, propriamque dicabo. Hic Hymenseus erit." Non adversata petenti Annuit, atque dolis risit Cytherea repertis.

It portis, jubare exorto, delecta juventus: Retia rara, plagæ, lato venabula ferro, Massylique ruunt equites, et odora canum vis. Reginam thalamo cunctantem ad limina primi Pœnorum expectant; ostroque insignis et auro Stat sonipes, ac fræna ferox spumantia mandit. Tandem progreditur, magnâ stipante catervâ, Sidoniam picto chlamydem circumdata limbo: Cui pharetra ex auro, crines nodantur in aurum. Aurea purpuream subnectit fibula vestem. Necnon et Phrygii comites, et lætus Iülus, 140 Ipse ante alios pulcherrimus omnes Infert se socium Æneas, atque agmina jungit: Qualis, ubi hybernam Lyciam Xanthique fluenta Deserit, ac Delum maternam invisit Apollo, Instauratque choros, mixtique altaria circum Cretesque Dryopesque fremunt, pictique Agathyrsi; Ipse jugis Cynthi graditur, mollique fluentem Fronde premit crinem fingens, atque implicat auro; Tela sonant humeris. Haud illo segnior ibat Eneas; tantum egregio decus enitet ore.

Postquam altos ventum in montes, atque invia lus-Ecce feræ, saxi dejectæ vertice, capræ [tra, Decurrère jugis; aliâ de parte patentes Transmittunt cursu campos, atque agmina cervi Pulverulenta fugå glomerant, montesque relinquunt. At puer Ascanius mediis in vallibus acri Gaudet equo; jamque hos cursu, jam præterit illos; Spumantemque dari pecora inter inertia votis Optat aprum, aut fulvum descendere monte leonem. Interea magno misceri murmure cœlum Incipit; insequitur commixtà grandine nimbus: Et Tyrii comites passim, et Trojana juventus, Dardaniusque nepos Veneris, diversa per agros Tecta metu petière : ruunt de montibus amnes. Speluncam Dido dux et Trojanus eandem 166 Deveniunt: prima et Tellus et pronuba Juno Dant signum: fulsère ignes et conscius æther

Connubiis; summoque ulularunt vertice Nymphæ. Ille dies primus leti primusque malorum. Causa fuit: neque enim specie famâve movetur, 170 Nec jam furtivum Dido meditatur amorem; Conjugium vocat; hoc prætexit nomine culpam.

Extemplo Libyee magnas it Fama per urbes: Fama, malum quo non aliud velocius ullum; Mobilitate viget, viresque acquirit eundo. 175 Parva metu primò; mox sese attollit in auras, Ingrediturque solo, et caput inter nubila condit. Illam Terra parens, irâ irritata Deorum, Extremam (ut perhibent) Cœo Enceladoque sororem Progenuit; pedibus celerem et pernicibus alis; Monstrum horrendum, ingens: cui quot sunt corpore Tot vigiles oculi subter (mirabile dictu), Tot linguæ, totidem ora sonant, tot subrigit aures. Nocte volat cœli medio terraque per umbram, Stridens, nec dulci declinat lumina somno: 185 Luce sedet custos aut summi culmine tecti. Turribus aut altis, et magnas territat urbes; Tam ficti pravique tenax, quam nuntia veri. Hæc tum multiplici populos sermone replebat Gaudens, et pariter facta atque infecta canebat :- 190 Venisse Ænean Trojano a sanguine cretum, Cui se pulchra viro dignetur jungere Dido; Nunc hyemem inter se luzu, quam longa, fovere, Regnorum immemores, turpique cupidine captos.-Hæc passim Dea fæda virûm diffundit in ora. Protinus ad regem cursus detorquet Iarban, Incenditque animum dictis, atque aggerat iras.

Hic Ammone satus, raptâ Garamantide Nymphâ, Templa Jovi centum latis immania regnis, Centum aras posuit, vigilemque sacraverat ignem, 200 Excubias Divûm æternas, pecudumque cruore Pingue solum, et variis florentia limina sertis. Isque, amens animi et rumore accensus amaro, Dicitur ante aras, media inter numina Divûm, Multa Jovem manibus supplex orâsse supinis:— 205

"Jupiter omnipotens, cui nunc Maurusia pictis Gens epulata toris Lenæum libat honorem, Aspicis hæe? an te, genitor, cum fulmina torques, Nequicquam horremus? cæcique in nubibus ignes Terrificant animos, et inania murmura miscent? 210 Fœmina, quæ nostris errans in finibus urbem Exiguam pretio posuit; cui littus arandum, Cuique loci leges dedimus; connubia nostra Repulit, ac dominum Ænean in regna recepit. Et nunc ille Paris cum semiviro comitatu, 215 Mæonia mentum mitra crinemque madentem Subnexus, rapto potitur; nos munera templis Quippe tuis ferimus, famamque fovemus inanem."

Talibus orantem dictis, arasque tenentem, Audiit omnipotens; oculosque ad mænia torsit Regia, et oblitos famæ melioris amantes. Tum sic Mercurium alloquitur, ac talia mandat:-"Vade age, nate, voca Zephyros, et labere pennis; Dardaniumque ducem, Tyrià Carthagine qui nunc Expectat, fatisque datas non respicit urbes, Alloquere, et celeres defer mea dicta per auras. Non illum nobis genitrix pulcherrima talem Promisit, Grainmque ideo bis vindicat armis: Sed fore, qui gravidam imperiis belloque frementem Italiam regeret, genus alto a sanguine Teucri Proderet, ac totum sub leges mitteret orbem. Si nulla accendit tantarum gloria rerum, Nec super ipse suâ molitur laude laborem, Ascanione pater Romanas invidet arces? Quid struit, aut quâ spe inimicâ in gente moratur? 235 Nec prolem Ausoniam et Lavinia respicit arva? Naviget.—Heec summa est, hic nostri nuntius esto."

Dixerat. Ille patris magni parere parabat
Imperio: et primum pedibus talaria nectit
Aurea; quæ sublimem alis, sive æquora supra,
Seu terram, rapido pariter cum flamine portant.
Tum virgam capit: hâc animas ille evocat Orco
Pallentes: alias sub tristia Tartara mittit:

Dat somnos adimitque, et lumina morte resignat: Illa fretus agit ventos, et turbida tranat Nubila. Jamque volans apicem et latera ardua cernit Atlantis duri, cœlum qui vertice fulcit: Atlantis, cinctum assiduè cui nubibus atris Piniserum caput et vento pulsatur et imbri; Nix humeros infusa tegit; tum flumina mento Præcipitant senis, et glacie riget horrida barba. Hic primum paribus nitens Cyllenius alis Constitit; hinc toto præceps se corpore ad undas Misit: avi similis, quæ circum littora, circum Piscosos scopulos, humilis volat æquora juxta. Haud aliter terras inter cœlumque volabat: Littus arenosum Libyæ ventosque secabat Materno veniens ab avo Cyllenia proles. Ut primum alatis tetigit magalia plantis, Ænean fundantem arces, ac tecta novantem Conspicit: atque illi stellatus iaspide fulvâ Ensis erat, Tyrioque ardebat murice læna, Demissa ex humeris; dives quæ munera Dido Fecerat, et tenui telas discreverat auro. Continuò invadit :-- "Tu nunc Carthaginis altæ 265 Fundamenta locas, pulchramque uxorius urbem Extruis, heu regni rerumque oblite tuarum! Ipse Deûm tibi me claro demittit Olympo Regnator, cœlum et terras qui numine torquet; Ipse hec ferre jubet celeres mandata per auras:-- 270 Quid struis, aut quâ spe Libycis teris otia terris? Si te nulla movet tantarum gloria rerum, Nec super ipse tuâ moliris laude laborem, Ascanium surgentem, et spes hæredis Iüli Respice; cui regnum Italiæ Romanaque tellus Debentur." Tali Cyllenius ore locutus Mortales visus medio sermone reliquit, Et procul in tenuem ex oculis evanuit auram.

At verò Æneas aspectu obmutuit amens: Arrectæque horrore comæ, et vox faucibus hæsit. Ardet abire fugå, dulcesque relinquere terras, Attonitus tanto monitu imperioque Deorum.
Heu quid agat? quo nunc reginam ambire furentem Audeat affatu? quæ prima exordia sumat?
[Atque animum nunc huc celerem, nunc dividit illuc; In partesque rapit varias, perque omnia versat.]
Hæc alternanti potior sententia visa est. [thum: Mnesthea Sergestumque vocat, fortemque Cloan-Classem aptent taciti, sociosque ad littora cogant; Arma parent; et, quæ sit rebus causa novandis, 290 Dissimulent; sese interea, quando optima Dido Nesciat, et tantos rumpi non speret amores, Tentaturum aditus, et quæ mollissima fandi Tempora, quis rebus dexter modus. Ocius omnes Imperio læti parent, ac jussa facessunt.

At regina dolos (quis fallere possit amantem! Præsensit, motusque excepit prima futuros, Omnia tuta timens. Eadem impia fama furenti Detulit armari classem, cursumque parari. Sævit inops animi, totamque incensa per urbem soo Bacchatur: qualis commotis excita sacris Thyas, ubi audito stimulant trieterica Baccho Orgia, nocturnusque vocat clamore Cithæron. Tandem his Ænean compellat vocibus ultro:-"Dissimulare etiam sperasti, perfide, tantum 305 Posse nefas, tacitusque meâ decedere terrâ? Nec te noster amor, nec te data dextera quondam, Nec moritura tenet crudeli funere Dido? Quin etiam hyberno moliris sidere classem, Et mediis properas Aquilonibus ire per altum, Crudelis? Quid? si non arva aliena domosque Ignotas peteres, et Troja antiqua maneret, Troja per undosum peteretur classibus æquor? Mene fugis? per ego has lacrymas dextramque tuam, te, (Quando aliud mihi jam miseræ nihil ipsa reliqui) 315 Per connubia nostra, per inceptos Hymenæos: Si bene quid de te merui, fuit aut tibi quicquam Dulce meum; miserere domus labentis, et istam, Oro, si quis adhuc precibus locus, exue mentem.

Te propter Libycæ gentes, Nomadumque tyranni seo Odère, infensi Tyrii: te propter eundem Extinctus pudor, et, quâ solâ sidera adibam, Fama prior. Cui me moribundam deseris, hospes? Hoc solum nomen quoniam de conjuge restat. Quid moror? an mea Pygmalion dum mosnia frater ses Destruat? aut captam ducat Getulus Iarbas? Saltem si qua mihi de te suscepta fuisset Ante fugam soboles; si quis mihi parvulus aulâ Luderet Æneas, qui te tamen ore referret; Non equidem omnino capta aut deserta viderer." see

Dixerat. Ille Jovis monitis immota tenebat Lumina, et obnixus curam sub corde premebat. Tandem pauca refert:--" Ego te, que plurima fando Enumerare vales, nunquam, regina, negabo Promeritam; nec me meminisse pigebit Elisæ, Dum memor ipse mei, dum spiritus hos regit artus. Pro re pauca loquar. Nec ego hanc abscondere furto Speravi, ne finge, fugam; nec conjugis unquam Prætendi tædas, aut hæc in fædera veni. Me si fata meis paterentur ducere vitam 340 Auspiciis, et sponte meâ componere curas, Urbem Trojanam primum dulcesque meorum Reliquias colerem; Priami tecta alta manerent; Et recidiva manu posuissem Pergama victis. Sed nunc Italiam magnam Grynæus Apollo, Italiam Lyciæ jussêre capessere sortes. Hic amor, heec patria est. Si te Carthaginis arces Phœnissam, Libycæque aspectus detinet urbis, Quæ tandem Ausonia Teucros considere terra Invidia est? et nos fas extera quærere regna. Me patris Anchisæ, quoties humentibus umbris Nox operit terras, quoties astra ignea surgunt, Admonet in somnis et turbida terret imago: Me puer Ascanius, capitisque injuria cari, Quem regno Hesperiæ fraudo et fatalibus arvis. 365 Nunc etiam interpres Divûm, Jove missus ab ipso, (Testor utrumque caput) celeres mandata per auras

Brio

Detulit. Ipse Deum manifesto in lumine vidi Intrantem muros, vocemque his auribus hausi. Desine, meque tuis incendere, teque querelis:

Italiam non sponte sequor."

Talia dicentem jamdudum aversa tuetur,
Huc illuc volvens oculos, totumque pererset
Luminibus tacitis, et sic accensa profatur:——
"Nec tibi Diva parens, generis nec Dardasus auctor,
Perfide; sed duris genuit te cautibus horrens
Caucasus, Hyrcaneque admôrunt ubera tigres.
Nam quid dissimulo? aut quee me ad majora reservo?
Num fletu ingemuit nostro? num lumina flexit?
Num lacrymas victus dedit? aut miseratus amantem
est?

Quæ quibus anteferam? jam jam nec maxima June Nec Saturnius heec oculis pater aspicit sequis. Nusquam tuta fides. Ejectum littore, egentem Excepi, et regni demens in parte locavi; Amissam classem, socios a morte reduxi. Heu! Furiis incensa feror. Nunc augur Apollo, Nunc Lyciæ sortes, nunc et Jove missus ab ipso Interpres Divûm fert horrida jussa per auras: Scilicet is Superis labor est, ea cura quietos Neque te teneo, neque dicta refello. 380 Sollicitat. I, sequere Italiam ventis; pete regna per undaa. Spero equidem mediis, si quid pia numina possunt, Supplicia hausurum scopulis, et nomine Dido Sæpe vocaturum. Sequar atris ignibus absens; Et, cum frigida mors anima seduxerit artus, Omnibus umbra locis adero: dabis, improbe, pænas: Audiam, et hæc manes veniet mihi fama sub imos." His medium dictis sermonem abrumpit, et auras Ægra fugit, seque ex oculis avertit et aufert, Linquens multa metu cunctantem, et multa parantem Suscipiunt famulæ, collapsaque membra Marmoreo referunt thalamo, stratisque reponunt.

At pius Eneas, quanquam lenire dolentem Solando cupit, et dictis avertere curas,

Multa gemens, magnoque animum labefactus amore; Jussa tamen Divûm exsequitur, classemque revisit. Tum verò Teucri incumbunt, et littore celsas Deducunt toto naves; natat uncta carina; Frondentesque ferunt remos, et robora silvis Infabricata, fugee studio. 400 <sup>'</sup> Migrantes cernas, totâque ex urbe ruentes: Ac veluti ingentem formicæ farris acervum Cùm populant, hyemis memores, tectoque reponunt, It nigrum campis agmen, prædamque per herbas Convectant calle angusto; pars grandia trudunt 405 Obnixee frumenta humeris; pars agmina cogunt, Castigantque moras: opere omnis semita fervet. Quis tibi tunc, Dido, cernenti talia sensus? Quosve dabas gemitus, cum littora fervere latè Prospiceres arce ex summâ, totumque videres Misceri ante oculos tantis clamoribus æquor? Improbe amor, quid non mortalia pectora cogis? Ire iterum in lacrymas, iterum tentare precando Cogitur, et supplex animos submittere amori; Ne quid inexpertum, frustrà moritura, relinquat. 415 "Anna, vides toto properari littore; circum Undique convenêre; vocat jam carbasus auras; Puppibus et læti nautæ imposuére coronas. Hunc ego si potui tantum sperare dolorem, Et perferre, soror, potero: miseræ hoc tamen unum +20 Exsequere, Anna, mihi: solam nam perfidus ille Te colere, arcanos etiam tibi credere sensus; Sola viri molles aditus et tempora nôras. I, soror, atque hostem supplex affare superbum. Non ego cum Danais Trojanam exscindere gentem 425 Aulide juravi, classemve ad Pergama misi; Nec patris Anchise cineres manesve revelli: Cur mea dicta negat duras demittere in aures? Quò ruit? extremum hoc miseræ det munus amanti:

Expectet facilemque fugam, ventosque ferentes. 450 Non jam conjugium antiquum, quod prodidit, oro; Nec pulchro ut Latio careat, regnumque relinquat:

Tempus inane peto, requiem spatiumque furori; Dum mea me victam doceat fortuna dolere. Extremam hanc oro veniam, (miserere sororis!) Quam mihi cùm dederis, cumulatam morte remittam." Talibus orabat, talesque miserrima fletus Fertque refertque soror: sed nullis ille movetur Fletibus, aut voces ullas tractabilis audit. Fata obstant, placidasque viri Deus obstruit aures. 40 Ac velut, annoso validam cum robore quercum Alpini Borese nunc hinc, nunc flatibus illinc Eruere inter se certant, it stridor, et altè Consternunt terram concusso stipite frondes; Ipsa hæret scopulis; et quantum vertice ad auras Ætherias, tantum radice in Tartara tendit: Haud secus assiduis hinc atque hinc vocibus heros Tunditur, et magno persentit pectore curas: Mens immota manet; lacrymæ volvuntur inanes.

Tum verò infelix fatis exterrita Dido Mortem orat: tædet cœli convexa tueri. Quò magls inceptum peragat, lucemque relinquat, Vidit, thuricremis cum dona imponeret aris, (Horrendum dictu) latices nigrescere sacros, Fusaque in obscœnum se vertere vina cruorem, Hoc visum nulli, non ipsi effata sorori. Præterea fuit in tectis de marmore templum Conjugis antiqui, miro quod honore colebat, Velleribus niveis et festà fronde revinctum: Hinc exaudiri voces et verba vocantis Visa viri, nox cum terras obscura teneret: Solaque culminibus ferali carmine bubo Sæpe queri, et longas in fletum ducere voces; Multaque præterea vatum prædicta piorum Terribili monitu horrificant; agit ipse furentem In somnis ferus Æneas; semperque relinqui Sola sibi, semper longam incomitata videtur Ire viam, et Tyrios desertà quærere terrà: Eumenidum veluti demens videt agmina Pentheus, Et solem geminum, et duplices se ostendere Thebas; Aut Agamemnonius scenis agitatus Orestes, Armatam facibus matrem et serpentibus atris Cum fugit, ultricesque sedent in limine Diræ.

Ergò, ubi concepit Furias evicta dolore. Decrevitque mori, tempus secum ipsa modumque Exigit, et, mæstam dictis aggressa sororem, Consilium vultu tegit, ac spem fronte serenat:-" Inveni, germana, viam (gratare sorori), Quæ mihi reddat eum, vel eo me solvat amantem. Oceani finem juxta, solemque cadentem, Ultimus Æthiopum locus est; ubi maximus Atlas Axem humero torquet stellis ardentibus aptum. Hinc mihi Massylæ gentis monstrata sacerdos, Hesperidum templi custos, epulasque draconi Quæ dabat, et sacros servabat in arbore ramos. Spargens humida mella soporiferamque papaver. Hæc se carminibus promittit solvere mentes, Quas velit; ast aliis duras immittere curas, Sistere aquam fluviis, et vertere sidera retrò: Nocturnosque ciet manes. Mugire videbis Sub pedibus terram, et descendere montibus ornos. Testor, cara, Deos, et te, germana, teamque Dulce caput, magicas invitam accingier artes. Tu secreta pyram tecto interiore sub auras Erige: et arma viri, thalamo quæ fixa reliquit Impius, exuviasque omnes, lectumque jugalem. Quo perii, superimponas. Abolere nefandi Cuncta viri monumenta jubet monstratque sacerdos." Heec effata silet; pallor simul occupat ora: Non tamen Anna novis prætexere funera sacris 300 Germanam credit, nec tantos mente furores Concipit, aut graviora timet, quam morte Sichæi. Ergò jussa parat.

At Regina, pyra penetrali in sede sub auras Erecta ingenti, tædis atque ilice secta, Intenditque locum sertis, et fronde coronat Funerea: super, exuvias, ensemque relictum, Effigiemque toro locat, haud ignara futuri.

505

Stant aræ circum; et crines effusa sacerdos
Tercentum tonat ore Deos, Erebumque, Chaosque,
Tergeminamque Hecaten, tria virginis ora Dianæ.
Sparserat et latices simulatos fontis Averni;
Falcibus et messæ ad lunam quæruntur ahenis
Pubentes herbæ, nigri cum lacte veneni;
Quæritur et nascentis equi de fronte revulsus,
Et matri præreptus amor.
Ipsa mola manibusque piis, altaria juxta,
Unum exuta pedem vinclia, in veste recinctâ,
Testatur moritura Deos, et conscia fati
Sidera: tum, si quod non æquo fædere amantes sæ
Curæ numen habet justumque memorque, precatur.
Nox erat, et placidum carpebant fessa soporem
Corpora, per terras, silvæque et sæva quierant

Corpora per terras, silvæque et sæva quierant Æquora; cum medio volvuntur sidera lapsu; Cum tacet omnis ager; pecudes, pictæque volucres, Quæque lacus latè liquidos, quæque aspera dumis Rura tenent, somno positæ sub nocte silenti [Lenibant curas, et corda oblita laborum.] At non infelix animi Phœnissa; neque unquam Solvitur in somnos, oculisve aut pectore noctem Accipit: ingeminant curse, rursusque resurgens Sævit amor, magnoque irarum fluctuat æstu. Sic adeò insistit, secumque ita corde volutat:---"En! quid ago? rursusne procos irrisa priores Experiar? Nomadumque petam connubia supplex, Quos eg. sim toties jam dedignata maritos? Iliacas igitur classes atque ultima Teucrum Jussa sequar? quiane auxilio juvat antè levatos, Et bene apud memores veteris stat gratia facti? Quis me autem, fac velle, sinet? ratibusve superbis Invisam accipiet? nescis, heu, perdita, necdura Laomedontese sentis perjuria gentis? Quid tum? sola fugâ nautas comitabor ovantes? An Tyriis, omnique manu stipata meorum Inferar? et, quos Sidonia vix urbe revelli. Rursus agam pelago, et ventis dare vela jubebo?

Quin morere, ut merita es; ferroque averte dolorem. Tu lacrymis evicta meis, tu prima furentem His, germana, malis oneras, atque objicis hosti. Non licuit thalami expertem sine crimine vitam 550 Degere more feræ, tales nec tangere curas? Non servata fides cineri promissa Sichæo."

Tantos illa suo rumpebat pectore questus. Æneas celsa in puppi, jam certus eundi, Carpebat somnos, rebus jam ritè paratis. 555 Huic se forma Dei vultu redeuntis eodem Obtulit in somnis, rursusque ita visa monere est; Omnia Mercurio similis, vocemque, coloremque, Et crines flavos, et membra decora juventæ:-"Nate Dea, potes hoc sub casu ducere somnos? 500 Nec, quæ circum stent te deinde pericula, cernis? Demens! nec Zephyros audis spirare secundos? Illa dolos dirumque nefas in pectore versat, . Certa mori, varioque irarum fluctuat æstu. Non fugis hinc præceps, dum præcipitare potestas? Jam mare turbari trabibus, sævasque videbis Collucere faces, jam fervere littora flammis, Si te his attigerit terris Aurora morantem. Eia age, rumpe moras: varium et mutabile semper Fæmina." Sic fatus nocti se immiscuit atræ.

Tum verò Eneas, subitis exterritus umbris,
Corripit e somno corpus, sociosque fatigat:—
"Precipites vigilate, viri, et considite transtris:
Solvite vela citi. Deus, ethere missus ab alto,
Festinare fugam, tortosque incidere funes,
Ecce iterum stimulat. Sequimur te, sancte Deorum,
Quisquis es, imperioque iterum paremus ovantes.
Adsis o, placidusque juves, et sidera cœlo
Dextra feras." Dixit: vaginâque eripit ensem
Fulmineum, strictoque ferit retinacula ferro.

560
Idemomnes simul ardor habet; rapiuntque, ruuntque;
Littora deseruère; latet sub classibus æquor;
Adnixi torquent spumas, et cœrula verrunt.
Et jam prima novo spargebat lumine terras

Digitized by Google

Tithoni croceum linquens Aurora cubile: 585 Regina e speculis ut primum albescere lucem Vidit, et equatis classem procedere velis, Littoraque, et vacuos sensit sine remige portus, Terque quaterque manu pectus percussa decorum, Flaventesque abscissa comas:--" Proh Jupiter! ibit Hic," ait, " et nostris illuserit advena regnis? Non arma expedient, totâque ex urbe sequentur, Deripientque rates alii navalibus? ite, Ferte citi flammas, date vela, impellite remos. Quid loquor? aut ubi sum? quæ mentem insania mu-Infelix Dido! nunc te facta impia tangunt? Tum decuit, cum sceptra dabas. En dextra fidesque! Quem secum patrios aiunt portare Penates! Quem subiisse humeris confectum ætate parentem! Non potui abreptum divellere corpus, et undis Spargere? non socios, non ipsum absumere ferro Ascanium, patriisque epulandum ponere mensis? Verum anceps pugnæ fuerat fortuna! fuisset: Quem metui moritura? faces in castra tulissem, Implessemque foros flammis, natumque patremque Cum genere extinxem: memet super ipsa dedissem. Sol, qui terrarum flammis opera omnia lustras, Tuque harum interpres curarum, et conscia Juno, Nocturnisque Hecate triviis ululata per urbes, Et Diræ ultrices, et Dî morientis Elisæ, 610 Accipite hæc, meritumque malis advertite numen, Et nostras audite preces. Si tangere portus Infandum caput, ac terris adnare necesse est; Et sic fata Jovis poscunt; hic terminus hæret; At bello audacis populi vexatus et armis, 615 Finibus extorris, complexu avulsus Iüli, Auxilium imploret, videatque indigna suorum Funera: nec, cum se sub leges pacis iniquæ Tradiderit, regno aut optatâ luce fruatur; Sed cadat ante diem, mediâque inhumatus arenâ. 600 Heec precor: hanc vocem extremam cum sanguine fundo.

Tum vos, o Tyrii, stirpem et genus omne futurum Exercete odiis; cinerique hæc mittite nostro Munera. Nullus amor populis, nec fœdera sunto. Exoriare aliquis nostris ex ossibus ultor, Qui face Dardanios ferroque sequare colonos, Nunq, olim, quocunque dabunt se tempore vires. Littora littoribus contraria, fluctibus undas Imprecor, arma armis: pugnent ipsique nepotesque." Heec ait, et partes animum versabat in omnes, Invisam quærens quamprimum abrumpere lucem. Tum breviter Barcen nutricem affata Sichsei (Namque suam patriâ antiquâ cinis ater habebat) :---"Annam, cara, mihi, nutrix, huc siste sororem: Dic corpus properet fluviali spargere lymphâ, 685 Et pecudes secum et monstrata piacula ducat. Sic veniat; tuque ipsa pià tege tempora vittà. Sacra Jovi Stygio, quæ ritè incepta paravi, Perficere est animus; finemque imponere curis; Dardaniique rogum capitis permittere flammæ." 640 Sic ait. Illa gradum studio celerabat anili.

At trepida et cœptis immanibus effera Dido, Sanguineam volvens aciem, maculisque trementes Interfusa genas, et pallida morte futurâ, Interiora domûs irrumpit limina, et altos Conscendit furibunda rogos, ensemque recludit Dardanium, non hos quæsitum munus in usus. Hic, postquam Iliacas vestes notumque cubile Conspexit, paullum lacrymis et mente morata, Incubuitque toro, dixitque novissima verba:-" Dulces exuviæ, dum fata Deusque sinebant, Accipite hanc animam, meque his exsolvite curis. Vixi; et, quem dederat cursum fortuna, peregi; Et nunc magna mei sub terras ibit imago. Urbem præclaram statui : mea mænia vidi : Ulta virum, pœnas inimico a fratre recepi: Felix, heu nimiùm felix! si littora tantum Nunquam Dardaniæ tetigissent nostra carinæ." Dixit; et, os impressa toro, " Moriemur inultæ:

Sed moriamur!" ait: "sic, sic juvat ire sub umbras. Hauriat hunc oculis ignem crudelis ab alto Dardanus, et nostræ secum ferat omina mortis." Dixerat: atque illam media inter talia ferro Collapsam aspiciunt comites, ensemque cruore Spumantem, sparsasque manus. It clamor ad alta 668 Atria, concussam bacchatur fama per urbem. Lamentis gemituque et fæmineo ululatu Tecta fremunt; resonat magnis plangoribus æther: Non aliter quam si immissis ruat hostibus omnis Carthago, aut antiqua Tyros; flammæque furentes 670 Culmina perque hominum volvantur perque Deorum.

Audiit exanimis, trepidoque exterrita cursu, Unguibus ora soror fædans et pectora pugnis, Per medios ruit, ac morientem nomine clamat:-" Hoc illud, germana, fuit? me fraude petebas? 675 Hoc rogus iste mihi, hoc ignes aræque parabant? Quid primum deserta querar? comitemne sororem Sprevisti moriens? eadem me ad fata vocâsses: Idem ambas ferro dolor, atque eadem hora tulisset. His etiam struxì manibus, patriosque vocavi Voce Deos, sic te ut posità crudelis abessem? Extinxti me teque, soror, populumque, patresque Sidonios, urbemque tuam. Date, vulnera lymphis Abluam; et, extremus si quis super halitus errat, Ore legam." Sic fata, gradus evaserat altos, Semianimemque sinu germanam amplexa fovebat Cum gemitu, atque atros siccabat veste cruores. Illa, graves oculos conata attollere, rursus Deficit: infixum stridit sub pectore vulnus. Ter sese attollens, cubitoque innixa, levavit; 690 Ter revoluta toro est; oculisque errantibus alto Quæsivit cœlo lucem, ingemuitque repertâ.

Tum Juno omnipotens, longum miserata dolorem, Difficilesque obitus, Irim demisit Olympo, Quæ luctantem animam nexosque resolveret artus. Nam (quia nec fato, merita nec morte peribat; Sed misera ante diem, subitoque accensa furore;)

Nondum illi flavum Proserpina vertice crinem
Abstulerat, Stygioque caput damnaverat Orco.
Ergò Iris croceis per cœlum roscida pennis,
Mille trahens varios adverso Sole colores,
Devolat, et supra caput astitit:—" Hunc ego Diti
Sacrum jussa fero, teque isto corpore solvo."
Sic ait, et dextrâ crinem secat: omnis et una
Dilapsus calor, atque in ventos vita recessit.

## LIBER V.

INTEREA medium Æneas jam classe tenebat
Certus iter, fluctusque atros Aquilone secabat;
Monia respiciens, quæ jam infelicis Elisse
Collucent flammis. Quæ tantum accenderit ignem;
Causa latet; duri magno sed amore dolores
Polluto, notumque, furens quid fœmina possit,
Triste per augurium Teucrorum pectora ducunt.

Ut pelagus tenuêre rates, nec jam ampliùs ulla Occurrit tellus, cœlum undique et undique pontus, Olli cœruleus supra caput astitit imber, Noctem hyememque ferens; et inhorruit unda tenebris. Ipse gubernator puppi Palinurus ab altâ:-"Heu! quianam tanti cinxerunt æthera nimbi? Quidve, pater Neptune, paras?" Sic deinde locutus, Colligere arma jubet, validisque incumbere remis; Obliquatque sinus in ventum, ac talia fatur:-" Magnanime Ænea, non, si mihi Jupiter auctor Spondeat, hoc sperem Italiam contingere cœlo. Mutati transversa fremunt, et vespere ab atro Consurgunt venti; atque in nubem cogitur aër: Nec nos obniti contrà, nec tendere tantum Sufficimus: superat quoniam Fortuna, sequamur; Quòque vocat, vertamus iter. Nec littora longè Fida reor fraterna Erycis, portusque Sicanos; Si modò rite memor servata remetior astra."

Tum pius Æneas:—" Equidem sic poscere ventos-Jamdudum, et frustrà cerno te tendere contrà: Flecte viam velis. An sit mihi gratior ulla, Quòve magìs fessas optem dimittere naves, Quàm que Dardanium tellus mihi servat Acesten, Et patris Anchisse gremio complectitur ossa?" Hec ubi dicta, petunt portus, et vela secundi Intendunt Zephyri: fertur cita gurgite classis: Et tandem leti note advertuntur arenæ.

At procul excelso miratus vertice montis
Adventum, sociasque rates, occurrit Acestes,
Horridus, in jaculis et pelle Libystidis ursæ;
Troïa Crimiso conceptum flumine mater
Quem genuit. Veterum non immemor ille parentum,
Gratatur reduces, et gazâ lætus agresti
Excipit, ac fessos opibus solatur amicis.

Postera cum primo stellas oriente fugarat Clara dies, socios in cœtum littore ab omni Advocat Æneas, tumulique ex aggere fatur :-" Dardanidæ magni, genus alto a sanguine Divûm, Annuus exactis completur mensibus orbis, Ex quo reliquias divinique ossa parentis Condidimus terra, mœstasque sacravimus aras. Jamque dies, ni fallor, adest, quem semper acerbum, Semper honoratum (sic Di voluistis) habebo. Hunc ego Gætulis agerem si syrtibus exul, Argolicove mari deprensus, et urbe Mycenæ; Annua vota tamen, solemnesque ordine pompas Exequerer: strueremque suis altaria donis. Nunc ultrò ad cineres ipsius et ossa parentis, Haud equidem sine mente, reor, sine numine Divûm, Adsumus; et portus delati intramus amicos. Ergò agite, et lætum cuncti celebremus honorem; Poscamus ventos; atque hæc me sacra quotannis Urbe velit posità templis sibi ferre dicatis. Bina boum vobis Troja generatus Acestes Dat numero capita in naves: adhibete Penates Et patrios epulis, et quos colit hospes Acestes.

Præterea, si nona diem mortalibus almum Aurora extulerit, radiisque retexerit orbem, Prima citæ Teucris ponam certamina classis; Quique pedum cursu valet, et qui, viribus audax, Aut jaculo incedit melior, levibusve sagittis, Seu crudo fidit pugnam committere cæstu, Cuncti adsint, meritæque expectent præmia palmæ. Ore favete omnes, et cingite tempora ramis."

Sic fatus, velat materna tempora myrto: Hoc Helymus facit, hoc zevi maturus Acestes, Hoc puer Ascanius; sequitur quos cetera pubes. Ille e concilio multis cum millibus ibat 75 Ad tumulum, magnâ medius comitante catervâ. Hic duo ritè mero libans carchesia Baccho Fundit humi, duo lacte novo, duo sanguine sacro; Purpureosque jacit flores, ac talia fatur:-"Salve, sancte parens: iterum salvete, recepti Nequicquam cineres, animæque umbræque paternæ! Non licuit fines Italos, fataliaque arva, Nec tecum Ausonium, quicunque est, quærere Ty-Dixerat hæc; adytis cum lubricus anguis ab imis Septem ingens gyros, septena volumina traxit, Amplexus placide tumulum, lapsusque per aras; Cœruleæ cui terga notæ, maculosus et auro Squamam incendebat fulgor: ceu nubibus arcus Mille trahit varios adverso sole colores. Obstupuit visu Æneas: ille agmine longo 90 Tandem inter pateras et levia pocula serpens, Libavitque dapes, rursusque innoxius imo Successit tumulo, et depasta altaria liquit. Hoc magis inceptos genitori instaurat honores; Incertus, geniumne loci, famulumne parentis 95 Esse putet: cædi' quinas de more bidentes, Totque sues, totidem nigrantes terga juvencos; Vinaque fundebat pateris; animamque vocabat Anchisæ magni, manesque Acheronte remissos. Nec non et socii, quæ cuique est copia, læti Dona ferunt; onerantque aras, mactantque juvencos:

Ordine ahena locant alii; fusique per herbam Subjiciunt verubus prunas, et viscera torrent.

Expectata dies aderat, nonamque serenà Auroram Phaëtontis equi jam luce vehebant; 105 Famaque finitimos et clari nomen Acestæ Excierat: læto complérant littora cœtu, Visuri Æneadas; pars et certare parati. Munera principio ante oculos, circoque locantur In medio: sacri tripodes, viridesque coronæ, Et palmæ, pretium victoribus; armaque, et ostro Perfusæ vestes, argenti aurique talenta: Et tuba commissos medio canit aggere ludos. Prima pares incunt gravibus certamina remis Quatuor, ex omni delectæ classe, carinæ. 115 Velocem Mnestheus agit acri remige Pristin, Mox Italus Mnestheus, genus a quo nomine Memmî; Ingentemque Gyas ingenti mole Chimæram. Urbis opus, triplici pubes quam Dardana versu Impellunt, terno consurgunt ordine remi; Sergestusque, domus tenet a quo Sergia nomen, Centauro invehitur magnà; Scyllaque Cloanthus Cœrulea, genus unde tibi, Romane Cluenti.

Est procul in pelago saxum, spumantia contra Littora, quod tumidis submersum tunditur olim Fluctibus, hyberni condunt ubi sidera Cori: Tranquillo silet, immotâque attollitur undâ Campus, et apricis statio gratissima mergis. Hic viridem Æneas frondenti ex ilice metam Constituit, signum nautis, pater; unde reverti Scirent, et longos ubi circumflectere cursus. Tum loca sorte legunt; ipsique in puppibus auro Ductores longè effulgent ostroque decori: Cetera populea velatur fronde juventus, Nudatosque humeros oleo perfusa nitescit. 135 Considunt transtris, intentaque brachia remis; [Intenti expectant signum; exultantiaque haurit Corda pavor pulsans, laudumque arrecta cupido. Indè, ubi clara dedit sonitum tuba, finibus omnes

(Haud mora) prosiluêre suis; ferit æthera clamor 140
Nauticus; adductis spumant freta versa lacertis;
Infindunt pariter sulcos; totumque dehiscit,
Convulsum remis rostrisque tridentibus, æquor:
Non tam præcipites bijugo certamine campum
Corripuêre, ruuntque effusi carcere, currus;
145
Nec sic immissis aurigæ undantia lora
Concussêre jugis, pronique in verbera pendent.
Tum plausu fremituque virûm studiisque faventûm
Consonat omne nemus, vocemque inclusa volutant
Littora; pulsati colles clamore resultant.
150
Effugit ante alios, primusque elabitur undis
Turbam inter fremitumque Gyas: quem deinde Cloanthus

Consequitur, melior remis; sed pondere pinus Tarda tenet. Post hos æquo discrimine Pristis Centaurusque locum tendunt superare priorem: 1355 Et nunc Pristis habet; nunc victam præterit ingens Centaurus; nunc unà ambæ junctisque feruntur Frontibus, et longå sulcant vada salsa carinà.

Jamque propinquabant scopulo, metamque tenebant:

Cùm princeps medioque Gyas in gurgite victor Rectorem navis compellat voce Menceten: ---"Quò tantum mihi dexter abis? huc dirige gressum; Littus ama; et lævas stringat, sine, palmula cautes: Altum alii teneant." Dixit: sed cæca Menœtes Saxa timens, proram pelagi detorquet ad undas. 165 "Quò diversus abis? iterum, pete saxa, Menœte:" Cum clamore Gyas revocabat; et ecce! Cloanthum Respicit instantem tergo, et propiora tenentem. Ille inter navemque Gye scopulosque sonantes Radit iter lævum interior, subitusque priorem Præterit, et metis tenet æquora tuta relictis. Tum verò exarsit juveni dolor ossibus ingens, Nec lacrymis caruêre genæ; segnemque Menœten, Oblitus decorisque sui sociûmque salutis, In mare præcipitem puppi deturbat ab altå. 175.

Ipse gubernaclo rector subit, ipse magister, Hortaturque viros, clavumque ad littora torquet. At gravis ut fundo vix tandem redditus imo est Jam senior, madidâque fluens in veste, Menœtes, Summa petit scopuli, siccâque in rupe resedit: Illum et labentem Teucri, et risère natantem; [Et salsos rident revomentem pectore fluctus.] Hic læta extremis spes est accensa duobus, Sergesto Mnestheique, Gyan superare morantem Sergestus capit antè locum, scopuloque propinquat: Nec totà tamen ille prior præeunte carina; Parte prior, partem rostro premit æmula Pristis. At media socios incedens nave per ipsos Hortatur Mnestheus :-- "Nunc, nunc insurgite remis, Hectorei socii, Trojæ quos sorte supremâ 190 Delegi comites; nunc illas promite vires, Nunc animos, quibus in Gætulis syrtibus usi, Ionioque mari, Malemque sequacibus undis. Non jam prima peto Mnestheus, neque vincere certo; Quanquam o! sed superent, quibus hoc, Neptune, dedisti : 195

Extremos pudeat redifsse: hoc vincite, cives, Et prohibete nefas." Olli certamine summo Procumbunt: vastis tremit ictibus ærea puppis, Subtrahiturque solum; tum creber anhelitus artus Aridaque ora quatit; sudor fluit undique rivis. Attulit ipse viris optatum casus honorem: Namque furens animi dum proram ad saxa suburget Interior, spatioque subit Sergestus iniquo, Infelix saxis in procurrentibus hæsit. Concussæ cautes, et acuto in murice remi 205 Obnixi crepuêre, illisaque prora pependit. Consurgunt nautæ, et magno clamore morantur; Ferratasque sudes et acutà cuspide contos Expediunt, fractosque legunt in gurgite remos. At lætus Mnestheus, successuque acrior ipso, Agmine remorum celeri, ventisque vocatis, Prona petit maria, et pelago decurrit aperto.

Qualis speluncâ subitò commota columba. Cui domus et dulces latebroso in pumice nidi, Fertur in arva volans, plausumque exterrita pennis Dat tecto ingentem; mox aëre lapsa quieto, Radit iter liquidum, celeres neque commovet alas: Sic Mnestheus, sic ipsa fugă secat ultima Pristis Æquora: sic illam fert impetus ipse volantem. Et primum in scopulo luctantem deserit alto Sergestum brevibusque vadis, frustràque vocantem Auxilia, et fractis discentem currere remis: Indè Gyan, ipsamque ingenti mole Chimæram Consequitur; cedit, quoniam spoliata magistro est: Solus jamque ipso superest in fine Cloanthus; Quem petit, et summis adnixus viribus urget. Tum verò ingeminat clamor, cunctique sequentem Instigant studiis, resonatque fragoribus æther. Hi proprium decus et partum indignantur honorem, Nt teneant; vitamque volunt pro laude pacisci: 230 Hos successus alit; possunt, quia posse videntur: Et fors æquatis cepissent præmia rostris; Ni palmas ponto tendens utrasque Cloanthus Fudissetque preces, Divosque in vota vocâsset:-" Dt, quibus imperium est pelagi, quorum æquora

Vobis lectus ego hoc candentem in littore taurum Constituam ante aras voti reus, extaque salsos Porriciam in fluctus, et vina liquentia fundam."

Dixit; eumque imis sub fluctibus audiit omnis Nereidum Phorcique chorus, Panopeaque virgo; 240 Et pater ipse manu magna Portunus euntem Impulit: illa Noto citius volucrique sagittà Ad terram fugit, et portu se condidit alto.

Tum satus Anchisâ, cunctis ex more vocatis, Victorem magnâ præconis voce Cloanthum
Declarat, viridique advelat tempora lauro:
Muneraque in naves ternos optare juvencos,
Vinaque, et argenti magnum dat ferre talentum.
Ipsis præcipuos ductoribus addit honores:

Victori chlamydem auratam, quam plurima circum Purpura Mæandro duplici Melibæa cucurrit; Intextusque puer frondosà regius Ida Veloces jaculo cervos cursuque fatigat, Acer, anhelanti similis; quem præpes ab Ida Sublimem pedibus rapuit Jovis armiger uncis: Longævi palmas nequicquam ad sidera tendunt Custodes; sævitque canum latratus in auras. At, qui deinde locum tenuit virtute secundum, Levibus huic hamis consertam auroque trilicem Loricam, quam Demoleo detraxerat inse eño Victor apud rapidum Simoenta sub Ilio alto, Donat habere viro, decus et tutamen in armis. Vix illam famuli Phegeus Sagarisque ferebant Multiplicem, connixi humeris; indutus at olim Demoleus cursu palantes Troas agebat. 265 Tertia dona facit geminos ex ære lebetas, Cymbiaque argento perfecta, atque aspera signis. Jamque adeò donati omnes, opibusque superbi, Puniceis ibant evincti tempora tænîs; Cùm sævo e scopulo multa vix arte revulsus. 270 Amissis remis, atque ordine debilis uno, Irrisam sine honore ratem Sergestus agebat. Qualis sæpe viæ deprensus in aggere serpens, Erea quem obliquum rota transiit, aut gravis ictu Seminecem liquit saxo lacerumque viator; 275 Nequicquam longos fugiens dat corpore tortus; Parte ferox, ardensque oculis, et sibila colla Arduus attollens; pars vulnere clauda retentat Nexantem nodis, seque in sua membra plicantem: Tali remigio navis se tarda movebat : Vela facit tamen, et plenis subit ostia velis. Sergestum Æneas promisso munere donat, Servatam ob navem lætus sociosque reductos. Olli serva datur, operum haud ignara Minervæ, Cressa genus, Pholoë; geminique sub ubere nati. 285 Hoc pius Æneas misso certamine tendit Gramineum in campum, quem collibus undique curvis

Cingebant silvæ; mediaque in valle theatri Circus erat, quo se multis cum millibus heros Consessu medium tulit, extructoque resedit. 200 Hìc, qui fortè velint rapido contendere cursu, Invitat pretiis animos, et præmia ponit. Undique conveniunt Teucri, mixtique Sicani; Nisus et Euryalus, primi; Eurvalus forma insignis viridique juventa: Nisus amore pio pueri: quos deinde secutus Regius egregià Priami de stirpe Diores : Hunc Salius, simul et Patron; quorum alter Acarnan; Alter ab Arcadiâ, Tegezez sanguine gentis: Tum duo Trinacrii juvenes, Helymus Panopesque, 300 Assueti silvis, comites senioris Acestæ: Multi prætereà, quos fama obscura recondit. Eneas quibus in mediis sic deinde locutus :--" Accipite hæc animis, lætasque advertite mentes: Nemo ex hoc numero mihi non donatus abibit. Gnossia bina dabo lævato lucida ferro Spicula, cælatamque argento ferre bipennem; Omnibus hic erit unus honos. Tres præmia primi Accipient, flavâque caput nectentur olivâ. Primus equum phaleris insignem victor habeto: Alter Amazoniam pharetram, plenamque sagittis Threiciis: lato quam circum amplectitur auro Balteus, et tereti subnectit fibula gemmâ: Tertius Argolica hac galea contentus abito."

Hæc ubi dicta, locum capiunt, signoque repentè Corripiunt spatia audito, limenque relinquunt Effusi, nimbo similes; simul ultima signant. Primus abit, longèque ante omnia corpora Nisus Emicat, et ventis et fulminis ocyor alis: Proximus huic, longo sed proximus intervallo, 1000 Insequitur Salius: spatio pòst deinde relicto Tertius Euryalus:

Euryalumque Helymus sequitur: quo deinde sub ipso Ecce volat, calcemque terit jam calce Diores, Incumbens humero: spatia et si plura supersint, ses Transeat elapsus prior, ambiguumve relinquat. Jamque ferè spatio extremo, fessique, sub ipsam Finem adventabant; levi cum sanguine Nisus Labitur infelix; cæsis ut fortè juvencis Fusus humum viridesque super madefecerat herbas. Hic juvenis, jam victor ovans, vestigia presso Haud tenuit titubata solo; sed pronus in ipso Concidit immundoque fimo sacroque cruore. Non tamen Euryali, non ille oblitus amorum: Nam sese opposuit Salio, per lubrica surgens; 335 Ille autem spisså jacuit revolutus arenâ. Emicat Euryalus, et munere victor amici Prima tenet, plausuque volat fremituque secundo. Post Helymus subit, et nunc tertia palma Diores. Hic totum caveæ consessum ingentis, et ora Prima patrum, magnis Salius clamoribus implet; Ereptumque dolo reddi sibi poscit honorem. Tutatur favor Euryalum, lacrymæque decoræ, Gratior et pulchro veniens in corpore virtus. Adjuvat, et magnà proclamat voce Diores, Qui subiit palmæ; frustràque ad præmia venit Ultima, si primi Salio redduntur honores. Tum pater Æneas, "Vestra," inquit, "munera vobis Certa manent, pueri, et palmam movet ordine nemo: Me liceat casûs misereri insontis amici." Sic fatus, tergum Gætuli immane leonis Dat Salio, villis onerosum atque unguibus aureis. Hic Nisus, "Si tanta," inquit, "sunt præmia victis, Et te lapsorum miseret; quæ munera Niso Digna dabis, primam merui qui laude coronam; 355 Ni me, quæ Salium, fortuna inimica tulisset?" Et simul his dictis faciem ostentabat, et udo Turpia membra fimo. Risit pater optimus olli, Et clypeum efferri jussit, Didymaonis artes, Neptuni sacro Danais de poste refixum. Hoc juvenem egregium præstanti munere donat.

Post, ubi confecti cursus, et dona peregit:—
"Nunc, si cui virtus animusque in pectore præsens,

Adsit, et evinctis attollat brachia palmis." Sic ait, et geminum pugnæ proponit honorem : Victori velatum auro vittisque juvencum; Ensem atque insignem galeam, solatia victo. Nec mora: continuò vastis cum viribus effert Ora Dares, magnoque virûm se murmure tollit: Solus qui Paridem solitus contendere contra; Idemque ad tumulum, quo maximus occubat Hector. Victorem Buten immani corpore, qui se Bebrycia veniens Amyci de gente ferebat, Perculit, et fulvå moribundum extendit arenå. Talis prima Dares caput altum in prælia tollit, Ostenditque humeros latos, alternaque jactat Brachia protendens, et verberat icubus auras. Quæritur huic alius: nec quisquam ex agmine tanto Audet adire virum, manibusque inducere cæstus. Ergò alacris, cunctosque putans excedere palmâ, seo Eneæ stetit ante pedes; nec plura moratus, Tum lævå taurum cornu tenet, atque ita fatur:---" Nate Dea, si nemo audet se credere pugnæ, Quæ finis standi? quò me decet usque teneri? Ducere dona jube." Cuncti simul ore fremebant 385 Dardanidæ, reddique viro promissa jubebant. Hic gravis Entellum dictis castigat Acestes. Proximus ut viridante toro consederat herbæ:-"Entelle, heroum quondam fortissime frustrà, Tantane tam patiens nullo certamine tolli Dona sines? ubi nunc nobis Deus ille, magister Nequicquam memoratus, Eryx? ubi fama per omnem Trinacriam, et spolia illa tuis pendentia tectis?" Ille sub heec :-- " Non laudis amor, nec gloria cessit Pulsa metu; sed enim gelidus tardante senecta Sanguis hebet, frigentque effœtæ in corpore vires. Si mihi, quæ quondam fuerat, quaque improbus iste Exultat fidens, si nunc foret illa juventa, Haud equidem pretio inductus pulchroque juvenco Venissem: nec dona moror." Sic deinde locutus, 400 In medium geminos immani pondere cæstus

Projecit; quibus acer Eryx in prælia suetus Ferre manum, duroque intendere brachia tergo. Obstupuere animi: tantorum ingentia septem Terga boum plumbo insuto ferroque rigebant; Ante omnes stupet ipse Dares, longèque recusat : Magnanimusque Anchisiades et pondus et ipsa Huc illuc vinclorum immensa volumina versat. Tum senior tales referebat pectore voces:— " Quid, si quis cæstus ipsius et Herculis arma Vidisset, tristemque hoc ipso in littore pugnam? Heec germanus Eryx quondam tuus arma gerebat. Sanguine cernis adhuc sparsoque infecta cerebro. His magnum Alciden contra stetit: his ego suetus, Dum melior vires sanguis dabat, semula necdum 415 Temporibus geminis canebat sparsa senectus. Sed si nostra Dares hæc Troïus arma recusat, Idque pio sedet Æneæ, probat auctor Acestes, Æquemus pugnas: Erycis tibi terga remitto; Solve metus: et tu Trojanos exue cæstus." Hæc fatus, duplicem ex humeris dejecit amictum; Et magnos membrorum artus, magna ossa, lacertosque Exuit, atque ingens media consistit arena.

Tum satus Anchisâ cæstus pater extulit æquos, Et paribus palmas amborum innexuit armis. Constitit in digitos extemplò arrectus uterque, Brachiaque ad superas interritus extulit auras. Abduxere retrò longè capita ardua ab ictu; Immiscentque manus manibus, pugnamque lacessunt: Ille, pedum melior motu, fretusque juventa; Hic, membris et mole valens; sed tarda trementi Genua labant, vastos quatit æger anhelitus artus. Multa viri nequicquam inter se vulnera jactant; Multa cavo lateri ingeminant, et pectore vastos Dant sonitus; erratque aures et tempora circum 456 Crebra manus; duro crepitant sub vulnere malæ. Stat gravis Entellus, nisuque immotus eodem Corpore tela modò atque oculis vigilantibus exit. Ille, velut celsam oppugnat qui molibus urbem,

Aut montana sedet circum castella sub armis, Nunc hos, nunc illos aditus, omnemque pererrat Arte locum, et variis assultibus irritus urget. Ostendit dextram insurgens Entellus, et altè Extulit: ille ictum venientem a vertice velox Prævidit, celerique elapsus corpore cessit. Entellus vires in ventum effudit, et ultrò lpse gravis graviterque ad terram pondere vasto Concidit: ut quondam cava concidit, aut Erymantho, Aut Ida in magna, radicibus eruta pinus. Consurgunt studiis Teucri et Trinacria pubes; It clamor cœlo: primusque accurrit Acestes, Æquævumque ab humo miserans attollit amicum. At non tardatus casu, neque territus heros Acrior ad pugnam redit, ac vim suscitat irà: Tum pudor incendit vires, et conscia virtus; Præcipitemque Daren ardens agit æquore toto; Nunc dextra ingeminans ictus, nunc ille sinistra Nec mora, nec requies: quam multa grandine nimbi Culminibus crepitant, sic densis ictibus heros Creber utraque manu pulsat versatque Dareta. Tum pater Æneas procedere longiùs iras, Et sævire animis Entellum haud passus acerbis Sed finem imposuit pugnæ; fessumque Dareta Eripuit, mulcens dictis, ac talia fatur:-"Infelix! quæ tanta animum dementia cepit? Non vires alias, conversaque numina sentis? Cede Deo." Dixitque, et prælia voce diremit. Ast illum fidi æquales, genua ægra trahentem, Jactantemque utroque caput, crassumque cruorem Ore rejectantem mixtosque in sanguine dentes, Ducunt ad naves; galeamque ensemque vocati Accipiunt; palmam Entello taurumque relinquunt Hic victor, superans animis, tauroque superbus, "Nate Deâ, vosque, hæc," inquit, "cognoscite Teucri, Et mihi quæ fuerint juvenili in corpore vires, Et quà servetis revocatum a morte Dareta." Dixit, et adversi contra stetit ora juvenci.

Qui donum astabat pugnæ; durosque reductâ
Libravit dextrà media inter cornua cæstus
Arduus, effractoque illisit in ossa cerebro.

Sternitur, exanimisque tremens procumbit humi bos.
Ille super tales effundit pectore voces:—

"Hanc tibi, Eryx, meliorem animam pro morte Daretis
Persolvo: hic victor cæstus artemque repono."

Protinus Æneas celeri certare sagittâ Invitat, qui fortè velint, et præmia ponit: Ingentique manu malum de nave Seresti Erigit; et volucrem trajecto in fune columbam, Quò tendant ferrum, malo suspendit ab alto. Convenêre viri, dejectamque ærea sortem Accepit galea; et primus clamore secundo Hyrtacidæ ante omnes exit locus Hippocoontis: Quem modò navali Mnestheus certamine victor Consequitur, viridi Mnestheus evinctus olivâ: Tertius Eurytion, tuus, o clarissime, frater, Pandare; qui quondam, jussus confundere fœdus, In medios telum torsisti primus Achivos: Extremus galeâque imâ subsidit Acestes, Ausus et ipse manu juvenum tentare laborem. Tum validis flexos incurvant viribus arcus. Pro se quisque, viri, et depromunt tela pharetris: Primaque per cœlum nervo stridente sagitta Hyrtacidæ juvenis volucres diverberat auras; Et venit, adversique infigitur arbore mali: Intremuit malus, timuitque exterrita pennis 505 Ales, et ingenti sonuerunt omnia plausu. Post acer Mnestheus adducto constitit arcu, Alta petens, pariterque oculos telumque tetendit: Ast ipsam miserandus avem contingere ferro Non valuit; nodos et vincula linea rupit, 510 Queis innexa pedem malo pendebat ab alto: Illa Notos atque atra volans in nubila fugit. Tum rapidus jamdudum arcu contenta parato Tela tenens, fratrem Eurytion in vota vocavit; Jam vacuo lætam cœlo speculatus, et alis

Plaudentem, nigrå figit sub nube columbam. Decidit exanimis, vitamque reliquit in astris Aëriis, fixamque refert delapsa sagittam. Amisså solus palmå superabat Acestes: Qui tamen æthereas telum contorsit in auras. Ostentans artemque pater arcumque sonantem. Hic oculis subito objicitur magnoque futurum Augurio monstrum: docuit post exitus ingens, Seraque terrifici cecinerunt omina vates. Namque volans liquidis in nubibus arsit arundo. 525 Signavitque viam flammis, tenuesque recessit Consumta in ventos: cœlo ceu sæpè refixa Transcurrunt, crinemque volantia sidera ducunt. Attonitis hæsêre animis, superosque precati, Trinacrii Teucrique viri: nec maximus omen 530 Abnuit Æneas: sed lætum amplexus Acesten Muneribus cumulat magnis, ac talia fatur:-"Sume, pater; nam te voluit rex magnus Olympi Talibus auspiciis exsortem ducere honores. Ipsius Anchisæ longævi hoc munus habebis; 535 Cratera impressum signis, quem Thracius olim Anchisæ genitori in magno munere Cisseus Ferre sui dederat monumentum et pignus amoris." Sic fatus, cingit viridanti tempora lauro, Et primum ante omnes victorem appellat Acesten: Nec bonus Eurytion prælato invidit honori, Quamvis solus avem cœlo dejecit ab alto. Proximus ingreditur donis, qui vincula rupit; Extremus, volucri qui fixit arundine malum.

At pater Æneas, nondum certamine misso,
Custodem ad sese comitemque impubis Iüli
Epytiden vocat, et fidam sic fatur ad aurem:—
"Vade age; et Ascanio, si jam puerile paratum
Agmen habet secum, cursusque instruxit equorum,
Ducat avo turmas, et sese ostendat in armis,
Dic," ait. Ipse omnem longo decedere circo
Infusum populum, et campos jubet esse patentes.
Incedunt pueri, pariterque ante ora parentum

Frænatis lucent in equis; quos omnis euntes Trinacrise mirata fremit Trojæque juventus. 555 Omnibus in morem tonsâ coma pressa coronâ: Cornea bina ferunt præfixa hastilia ferro; Pars leves humero pharetras; it pectore summo Flexilis obtorti per collum circulus auri. Tres equitum numero turmæ, ternique vagantur 560 Ductores; pueri bis seni quemque secuti Agmine partito fulgent, paribusque magistris. Una acies juvenum, ducit quam parvus ovantem, Nomen avi referens, Priamus, tua clara, Polite, Progenies, auctura Italos: quem Thracius albis 565 Portat equus bicolor maculis, vestigia primi Alba pedis, frontemque ostentans arduus albam. Alter Atys, genus undè Atti duxêre Latini; Parvus Atys, pueroque puer dilectus Iülo. Extremus, formâque ante omnes pulcher, Iülus Sidonio est invectus equo, quem candida Dido Esse sui dederat monumentum et pignus amoris. Cetera Trinacriis pubes senioris Acestæ Fertur equis. Excipiunt plausu pavidos, gaudentque tuentes Dardanidæ, veterumque agnoscunt ora parentum. Postquam omnem læti consessum oculosque suorum Lustravere in equis, signum clamore paratis Epytides longè dedit, insonuitque flagello. Olli discurrêre pares, atque agmina terni 580 Diductis solvêre choris; rursusque vocati Convertere vias, infestaque tela tulere. Indè alios incunt cursus, aliosque recursus, Adversis spatiis; alternosque orbibus orbes Impediunt, pugnæque cient simulacra sub armis: 585 Et nunc terga fuga nudant, nunc spicula vertunt Infensi, factà pariter nunc pace feruntur. Ut quondam Creta fertur Labyrinthus in alta Parietibus textum cæcis iter, ancipitemque Mille viis habuisse dolum, quà signa sequendi Falleret indeprensus et irremeabilis error.

Haud aliter Teucrûm nati vestigia cursu
Impediunt, texuntque fugas et prælia ludo:
Delphinum similes, qui per maria humida nando
Carpathium Libycumque secant, [luduntque per undas.]

Hunc morem cursûs, atque hæc certamina primus
Ascanius, Longam muris cum cingeret Albam,
Retulit, et priscos docuit celebrare Latinos;
Quo puer ipse modo, secum quo Troïa pubes:
Albani docuêre suos, hinc maxima porrò
Accepit Roma, et patrium servavit honorem;
Trojaque nunc pueri Trojanum dicitur agmen.
Hac celebrata tenus sancto certamina patri.

Hic primum Fortuna fidem mutata novavit. Dum variis tumulo referunt solemnia ludis, 605 Irim de cœlo misit Saturnia Juno Iliacam ad classem, ventosque aspirat eunti; Multa movens, necdum antiquum saturata dolorem. Illa, viam celerans per mille coloribus arcum. Nulli visa cito decurrit tramite virgo: 610 Conspicit ingentem concursum; et, littora lustrans, Desertosque videt portus, classemque relictam. At procul in solâ secretæ Troades actâ Amissum Anchisen flebant, cunctæque profundum Pontum aspectabant flentes: "Heu! tot vada fessis, Et tantum superesse maris:"-vox omnibus una. Urbem orant; tædet pelagi perferre laborem. Ergò inter medias sese haud ignara nocendi Conjicit, et faciemque Dez vestemque reponit; Fit Beroë, Ismarii conjux longæva Dorycli, රිදුර Cui genus, et quondam nomen, natique fuissent: Ac sic Dardanidum mediam se matribus infert. "O miseræ, quas non manus," inquit, "Achaïca bello Traxerit ad letum, patriæ sub mænibus! o gens Infelix! cui te exitio fortuna reservat? 695 Septima post Trojæ excidium jam vertitur æstas; Cùm freta, cùm terras omnes, tot inhospita saxa Sideraque emensæ ferimur; dum per mare magnum Italiam sequimur fugientem, et volvimur undis.

Hic Erycis fines fraterni, atque hospes Acestes: 650 Quis prohibet muros jacere, et dare civibus urbem? O patria, et rapti nequicquam ex hoste Penates! Nullane jam Trojæ dicentur mænia? nusquam Hectoreos amnes, Xanthum et Simoënta, videbo? Quin agite, et mecum infaustas exurite puppes; Nam mihi Cassandræ per somnum vatis imago Ardentes dare visa faces: hic quærite Trojam; Hìc domus est, inquit, vobis: jam tempus agi res. Nec tantis mora prodigiis; en quatuor aræ Neptuno! Deus ipse faces animumque ministrat." 640 Heec memorans, prima infensum vi corripit ignem; Sublatâque procul dextrâ connixa coruscat, Et jacit. Arrectæ mentes, stupefactaque corda Hic una e multis, quæ maxima natu, Iliadum. Pyrgo, tot Priami natorum regia nutrix:-615 "Non Beroë vobis; non hæc Rhæteïa, matres, Est Dorycli conjux: divini signa decoris, Ardentesque notate oculos: qui spiritus illi, Qui vultus, vocisve sonus, vel gressus eunti. Ipsa egomet dudum Beroën digressa reliqui 650 Ægram, indignantem tali quòd sola careret Munere, nec meritos Anchisse inferret honores." Hæc effata. At matres primò ancipites, oculisque malignis Ambiguæ, spectare rates, miserum inter amorem 655 Præsentis terræ fatisque vocantia regna; Cùm Dea se paribus per cœlum sustulit alis, Ingentemque fugâ secuit sub nubibus arcum. Tum verò attonitæ monstris, actæque furore, Conclamant, rapiuntque focis penetralibus ignem: Pars spoliant aras, frondem ac virgulta facesque Conjiciunt: furit immissis Vulcanus habenis Transtra per, et remos, et pictas abiete puppes. Nuntius Anchise ad tumulum cuneosque theatri 665

Incensas perfert naves Eumelus: et ipsi Respiciunt atram in nimbo volitare favillam. Primus et Ascanius, cursus ut lætus equestres

Ducebat, sic acer equo turbata petivit Castra; nec exanimes possunt retinere magistri. "Quis furor iste novus? quò nunc, quò tenditis," inquit, "Heu miseree cives? non hostem inimicaque castra Argivûm; vestras spes uritis. En, ego vester Ascanius!" Galeam ante pedes projecit inanem, Qua ludo indutus belli simulacra ciebat. Accelerat simul Æneas, simul agmina Teucrum. 645 Ast illæ diversa metu per littora passim Diffugiunt; silvasque, et sicubi concava furtim Saxa, petunt: piget incepti, lucisque; suosque Mutatee agnoscunt; excussaque pectore Juno est. Sed non idcircò flamme atque incendia vires 600 Indomitas posuêre: udo sub robore vivit Stupa vomens tardum fumum, lentusque carinas Est vapor, et toto descendit corpore pestis: Nec vires heroum, infusaque flumina prosunt. Tum pius Æneas humeris abscindere vestem, Auxilioque vocare Deos, et tendere palmas:--"Jupiter omnipotens, si nondum exosus ad unum Trojanos, si quid pietas antiqua labores Respicit humanos; da flammam evadere classi Nunc, Pater, et tenues Teucrûm res eripe leto: Vel tu, quod superest, infesto fulmine morti, Si mereor, demitte; tuâque hic obrue dextrâ." Vix hæc ediderat, cum effusis imbribus atra Tempestas sine more furit; tonitruque tremiscunt Ardua terrarum, et campi; ruit æthere toto Turbidus imber aquâ, densisque nigerrimus Austris: Implenturque super puppes; semiusta madescunt Robora: restinctus donec vapor omnis; et omnes, Quatuor amissis, servatæ a peste carinæ.

At pater Æneas, casu concussus acerbo,
Nunc huc ingentes, nunc illue, pectore curas
Mutabat; versans, Siculisne resideret arvis
Oblitus fatorum, Italasne capesseret oras.
Tum senior Nautes, unum Tritonia Pallas
Quem docuit, multâque insignem reddidit arte,

Hæc responsa dabat; vel quæ portenderet ira Magna Deûm, vel quæ fatorum posceret ordo. Isque, his Ænean solatus vocibus, infit:—
"Nate Deâ, quò fata trahunt retrahuntque, sequamur: Quicquid erit, superanda omnis fortuna ferendo est. Est tibi Dardanius divinæ stirpis Acestes: Hunc cape consiliis socium, et conjunge volentem; Huic trade, amissis superant qui navibus, et quos Pertæsum magni incepti rerumque tuarum est, Longævosque senes, ac fessas æquore matres; 715 Et quicquid tecum invalidum, metuensque pericli est, Delige; et his habeant terris, sine, mænia fessi. Urbem appellabunt permisso nomine Acestam."

Talibus incensus dictis senioris amici. Tum verò in curas animus deducitur omnes: 720 Et Nox atra polum bigis subvecta tenebat. Visa dehino cœlo facies delapsa parentis Anchisse subitò tales effundere voces:-" Nate, mihi vitâ quondam, dum vita manebat, Care magis; nate Iliacis exercite fatis; 725 Imperio Jovis huc venio, qui classibus ignem Depulit, et cœlo tandem miseratus ab alto est. Consiliis pare, quæ nunc pulcherrima Nautes Dat senior: lectos juvenes, fortissima corda, Defer in Italiam: gens dura, atque aspera cultu, 730 Debellanda tibi Latio est. Ditis tamen antè Infernas accede domos, et Averna per alta Congressus pete, nate, meos: non me impia namque Tartara habent tristesque umbræ; sed amæna piorum Concilia Elysiumque colo. Huc casta Sibylla Nigrarum multo pecudum te sanguine ducet. Tum genus omne tuum, et quæ dentur mænia, disces. Jamque vale: torquet medios Nox humida cursus: Et me sævus equis Oriens afflavit anhelis." Dixerat; et tenues fugit, ceu fumus, in auras Æneas, " Quò deinde ruis? quò proripis?" inquit, "Quem fugis? aut quiste nostris complexibus arcet?" Hæc memorans, cinerem et sopitos suscitat ignes;

Pergameumque Larem, et canæ penetralia Vestæ Farre pio et plenâ supplex veneratur acerrâ.

Extemplò socios, primumque arcessit Acesten, Et Jovis imperium, et cari præcepta parentis Edocet; et quæ nunc animo sententia constet. Haud mora consiliis, nec jussa recusat Acestes. Transcribunt urbi matres, populumque volentem 750 Deponunt, animos nil magnæ laudis egentes. Ipsi transtra novant, flammisque ambesa reponunt Robora navigiis; aptant remosque rudentesque; Exigui numero, sed bello vivida virtus. Intereà Æneas urbem designat aratro, 755 Sortiturque domos: hoc Ilium, et hæc loca Trojam. Esse jubet: gaudet regno Trojanus Acestes, Indicitque forum, et patribus dat jura vocatis. Tum vicina astris Erycino in vertice sedes Fundatur Veneri Idaliæ; tumuloque sacerdos 760 Et lucus latè sacer additur Anchiseo. Jamque dies epulata novem gens omnis, et aris Factus honos; placidi straverunt æquora venti; Creber et aspirans rursus vocat Auster in altum. Exoritur procurva ingens per littora fletus; 765 Complexi inter se noctemque diemque morantur; Ipsæ jam matres; ipsi, quibus aspera quondam Visa maris facies et non tolerabile nomen : Ire volunt, omnemque fugæ perferre laborem: Quos bonus Æneas dictis solatur amicis, 770 Et consanguineo lacrymans commendat Acestæ. Tres Eryci vitulos, et Tempestatibus agnam Cædere deinde jubet, solvique ex ordine funem. Ipse, caput tonsæ foliis evinctus olivæ, Stans procul in prorâ, pateram tenet, extaque salsos Porricit in fluctus, ac vina liquentia fundit. Prosequitur surgens a puppi ventus euntes: Certatim socii feriunt mare, et æquora verrunt.

At Venus intereà Neptunum exercita curis Alloquitur, talesque effundit pectore questus:— 780 "Junonis gravis ira et inexsaturabile pectus

Cogunt me, Neptune, preces descendere in omnes: Quam nec longa dies, pietas nec mitigat ulla; Nec Jovis imperio fatisve infracta quiescit. Non mediâ de gente Phrygum exedisse nefandis 785 Urbem odiis satis est, nec pænam traxse per omnem Reliquias: Trojæ cineres atque ossa peremtæ Insequitur: causas tanti sciat illa furoris. Ipse mihi nuper Libycis tu testis in undis Quam molem subitò excierit: maria omnia cœlo 790 Miscuit, Æoliis nequicquam freta procellis: In regnis hoc ausa tuis. Per scelus ecce etiam Trojanis matribus actis Exussit fœdè puppes, et classe subegit Amissâ socios ignotæ linquere terræ. 795 Quod superest, oro, liceat dare tuta per undas Vela tibi; liceat Laurentem attingere Tybrim: Si concessa peto, si dant ea mœnia Parcæ." Tum Saturnius hæc domitor maris edidit alti:-" Fas omne est, Cytherea, meis te fidere regnis, 800 Undè genus ducis; merui quoque: sæpe furores Compressi, et rabiem tantam cœlique marisque. Nec minor in terris (Xanthum Simoëntaque testor) Æneæ mihi cura tui. Cùm Troïa Achilles Exanimata sequens impingeret agmina muris, Millia multa daret leto, gemerentque repleti Amnes, nec reperire viam atque evolvere posset In mare se Xanthus; Pelidæ tunc ego forti Congressum Ænean, nec Dîs nec viribus æquis, Nube cavâ rapui: cuperem cum vertere ab imo 810 Structa meis manibus perjuræ mænia Trojæ. Nunc quoque mens eadem perstat mihi: pelle timorem. Tutus, quos optas, portus accedet Averni: Unus erit tantum, amissum quem gurgite quæret; Unum pro multis dabitur caput." His ubi læta Deæ permulsit pectora dictis, Jungit equos auro genitor, spumantiaque addit Fræna feris, manibusque omnes effundit habenas. Cœruleo per summa levis volat æquora curru:

Subsidunt undæ, tumidumque sub axe tonanti
Sternitur æquor aquis; fugiunt vasto æthere nimbt.
Tum variæ comitum facies; immania cete,
Et senior Glauci chorus, Inoüsque Palæmon,
Tritonesque citi, Phorcique exercitus omnis.
Læva tenent Thetis, et Melite, Panopeaque virgo,
Nesæe, Spioque, Thaliaque, Cymodoceque.
Hic patris Æneæ suspensam blanda vicissim

Gaudia pertentant mentem: jubet ocyùs omnes Attolli malos, intendi brachia velis. Unà omnes fecère pedem; pariterque sinistros, Nunc dextros, solvère sinus; unà ardua torquent Cornua, detorquentque: ferunt sua flamina classem. Princeps ante omnes densum Palinurus agebat Agmen: ad hunc alii cursum contendere jussi. Jamque ferè mediam cœli Nox humida metam Contigerat; placida laxarant membra quiete Sub remis fusi per dura sedilia nautæ; Cùm levis æthereis delapsus Somnus ab astris Aëra dimovit tenebrosum, et dispulit umbras. Te, Palinure, petens; tibi tristia somnia portans Insonti; puppique Deus consedit in alta, Phorbanti similis, fuditque has ore loquelas:-" Iaside Palinure, ferunt ipsa æquora classem; Æquatæ spirant auræ; datur hora quieti: Pone caput, fessosque oculos furare labori. Ipse ego paulisper pro te tua munera inibo." Cui vix attollens Palinurus lumina fatur:-" Mene salis placidi vultum fluctusque quietos Ignorare jubes? mene huic confidere monstro? Enean credam quid enim fallacibus Austris. Et cœli toties deceptus fraude sereni?" Talia dicta dabat: clavumque affixus et hærens Nusquam amittebat, oculosque sub astra tenebat. Ecce Deus ramum Lethæo rore madentem, Vique soporatum Stygia, super utraque quassat 'est Tempora; cunctantique natantia lumina solvit. Vix primos inopina quies laxaverat artus;

Et super incumbens, cum puppis parte revulsâ, Cumque gubernâclo, liquidas projecit in undas Præcipitem, ac socios nequicquam sæpe vocantem. Ipse volans tenues se sustulit ales in auras. Currit iter tutum non secius æquore classis, Promissisque patris Neptuni interrita fertur. Jamque adeò scopulos Sirenum advecta subibat, Difficiles quondam, multorumque ossibus albos; sos Tum rauca assiduo longè sale saxa sonabant: Cum pater amisso fluitantem errare magistro Sensit, et ipse ratem nocturnis rexit in undis, Multa gemens, casuque animum concussus amici:—"O nimium coelo et pelago confise sereno, suo Nudus in ignotâ, Palinure, jacebis arenâ.!"

## LIBER VI.

Sic fatur lacrymans, classique immittit habenas; Et tandem Euboicis Cumarum allabitur oris. Obvertunt pelago proras: tum dente tenaci Ancora fundabat naves, et littora curvæ Prætexunt puppes: juvenum manus emicat ardens Littus in Hesperium: quærit pars semina flammæ Abstrusa in venis silicis; pars densa ferarum Tecta rapit silvas, inventaque flumina monstrat, At pius Æneas arces, quibus altus Apollo Præsidet, horrendæque procul secreta Sibyllæ, to Antrum immane, petit: magnam cui mentem ani-Delius inspirat vates, aperitque futura. [mumque Jam subeunt Triviæ lucos, atque aurea tecta.

Dædalus, ut fama est, fugiens Minoïa regna,
Præpetibus pennis ausus se credere cœlo,
Insuetum per iter gelidas enavit ad Arctos,
Chalcidicaque levis tandem superastitit arce.
Redditus his primum terris, tibi, Phæbe, sacravit

Remigium alarum, posuitque immania templa. In foribus, letum Androgei: tum pendere pænas 20 Cecropidæ jussi (miserum!) septena quotannis Corpora natorum; stat ductis sortibus urna. Contrà, elata mari, respondet Gnossia tellus. Hic crudelis amor tauri, suppostaque furto Pasiphaë, mixtumque genus, prolesque biformis Minotaurus inest. Veneris monumenta nefandæ. Hic labor ille domûs, et inextricabilis error: Magnum reginæ sed enim miseratus amorem Dædalus, ipse dolos tecti ambagesque resolvit, Cæca regens filo vestigia. Tu quoque magnam Partem opere in tanto, sineret dolor, Icare, haberes. Bis conatus erat casus effingere in auro: Ris patriæ cecidêre manus. Quin protinus omnia Perlegerent oculis, ni jam præmissus Achates Afforet : atque unà Phœbi Triviæque sacerdos, Deiphobe Glauci, fatur quæ talia regi:-" Non hoc ista sibi tempus spectacula poscit: Nunc grege de intacto septem mactare juvencos Præstiterit, totidem lectas de more bidentes." Talibus affata Ænean (nec sacra morantur Jussa viri) Teucros vocat alta in templa sacerdos, Excisum Euboicee latus ingens rupis in antrum; Quò lati ducunt aditus centum, ostia centum; Undè ruunt totidem voces, responsa Sibyllæ.

Ventum erat ad limen, cùm virgo, "Poscere fata so Tempus," ait: "Deus, ecce! Deus." Cui talia fanti Ante fores, subitò non vultus, non color unus, Non comtæ mansère comæ; sed pectus anhelum, Et rabie fera corda tument; majorque videri, Nec mortale sonans; afflata est numine quando so Jam propiore Dei. "Cessas in vota precesque, Tros," ait, "Ænea? cessas? neque enim antè dehiscent Attonitæ magna ora domús!" Et talia fata Conticuit: gelidus Teucris per dura cucurrit Ossa tremor; fuditque preces rex pectore ab imo: so "Phæbe, graves Trojæ semper miserate labores

Dardana qui Paridis dirêxti tela manusque Corpus in Æacidæ, magnas obeuntia terras Tot maria intravi, duce te, penitusque repôstas Massylûm gentes, prætentaque Syrtibus arva: Jam tandem Italiæ fugientis prendimus oras. Hac Trojana tenus fuerit fortuna secuta. Vos quoque Pergameæ jam fas est parcere genti, Dique Deæque omnes, quibus obstitit Ilium, et ingens Gloria Dardaniæ. Tuque, o sanctissima vates, Præscia venturi, da (non indebita posco Regna meis fatis) Latio considere Teucros, Errantesque Deos, agitataque numina Trojæ. Tum Phœbo et Triviæ solido de marmore templa Instituam, festosque dies de nomine Phœbi. Te quoque magna manent regnis penetralia nostris: Hic ego namque tuas sortes, arcanaque fata Dicta meæ genti, ponam; lectosque sacrabo, Alma, viros: foliis tantum ne carmina manda, Ne turbata volent rapidis ludibria ventis: Ipsa canas, oro." Finem dedit ore loquendi.

At, Phœbi nondum patiens, immanis in antro Bacchatur vates, magnum si pectore possit Excussisse Doum: tanto magis ille fatigat Os rabidum, fera corda domans, fingitque premendo. Ostia jamque domûs patuêre ingentia centum Sponte sua, vatisque ferunt responsa per auras:-"O tandem magnis pelagi defuncte periclis! Sed terrâ graviora manent. In regna Lavinî Dardanidæ venient; mitte hanc de pectore curam: Sed non et venisse volent. Bella, horrida bella, Et Tybrim multo spumantem sanguine cerno. Non Simoïs tibi, nec Xanthus, nec Dorica castra Defuerint. Alius Latio jam partus Achilles, Natus et ipse Dea: nec Teucris addita Juno Usquam aberit. Cùm tu supplex in rebus egenis Quas gentes Italûm, aut quas non oraveris urbes! Causa mali tanti conjux iterum hospita Teucris; Externique iterum thalami.

Digitized by Google

Tu ne cede malis; sed contrà audentior ito, Quà tua te fortuna sinet. Via prima salutis, Quod minimè reris, Graia pandetur ab urbe." Talibus ex adyto dictis Cumeza Sibylla Horrendas canit ambages, antroque remugit, Obscuris vera involvens : ea fræna furenti Concutit, et stimulos sub pectore vertit Apollo. Ut primum cessit furor, et rabida ora quiérunt, Incipit Eneas heros :-- " Non ulla laborum, O virgo, nova mi facies inopinave surgit; Omnia præcepi, atque animo mecum antè peregi. 105 Unum oro: quando hic inferni janua regis Dicitur, et tenebrosa palus Acheronte refuso, Ire ad conspectum cari genitoris et ora Contingat: doceas iter, et sacra ostia pandas. Illum ego per flammas et mille sequentia tela 110 Eripui his humeris, medioque ex hoste recepi: Ille meum comitatus iter, maria omnia mecum. Atque omnes pelagique minas cœlique ferebat Invalidus, vires ultra sortemque senectæ. Quin, ut te supplex peterem, et tua limina adirem. Idem orans mandata dabat. Natique patrisque, Alma, precor, miserere: potes namque omnia; nec te Nequicquam lucis Hecate præfecit Avernis. Si potuit manes arcessere conjugis Orpheus,: Threïcià fretus citharà fidibusque canoris; Si fratrem Pollux alternâ morte redemit, Itque reditque viam toties: quid Thesea, magnum Quid memorem Alciden? et mi genus ab Jove summo."

Talibus orabat dictis, arasque tenebat.
Tunc sic orsa loqui vates:—"Sate sanguine Divûm, 125
Tros Anchisiade, facilis descensus Averno;
Noctes atque dies patet atri janua Ditis;
Sed revocare gradum, superasque evadere ad auras,
Hoc opus, hic labor est. Pauci, quos æquus amavit
Jupiter, aut ardens evexit ad æthera virtus,
130
Dîs geniti, potuêre. Tenent media omnia silvæ,
Cocytusque sinu labens circumvenit atro.

Quòd si tantus amor menti, si tanta cupido est, Bis Stygios innare lacus, bis nigra videre Tartara; et insano juvat indulgere labori; Accipe que peragenda priùs. Latet arbore opacâ Aureus et foliis et lento vimine ramus, Junoni infernæ dictus sacer: hunc tegit omnis Lucus, et obscuris claudunt convallibus umbræ: Sed non antè datur telluris operta subire, Auricomos quam quis decerpserit arbore fœtus. Hoc sibi pulchra suum ferri Proserpina munus Primo avulso non deficit alter Aureus; et simili frondescit virga metallo. Ergò altè vestiga oculis, et rite repertum Carpe manu: namque ipse volens facilisque sequetur, Si te fata vocant; aliter, non viribus ullis Vincere, nec duro poteris convellere ferro. Prætereà jacet exanimum tibi corpus amici, (Heu nescis) totamque incestat funere classem; Dum consulta petis, nostroque in limine pendes. Sedibus hunc refer antè suis, et conde sepulcro. Duc nigras pecudes: ea prima piacula sunto Sic demum lucos Stygios, regna invia vivis, Aspicies." Dixit; pressoque obmutuit ore. 155 Æneas, mœsto defixus lumina vultu, Ingreditur, linquens antrum; cæcosque volutat Eventus animo secum: cui fidus Achates It comes, et paribus curis vestigia figit. Multa inter sese vario sermone serebant: Quem socium exanimem vates, quod corpus human-Diceret. Atque illi Misenum in littore sicco, [dum, Ut venêre, vident indignâ morte peremtum; Misenum Æoliden, quo non præstantior alter Ære ciere viros, Martemque accendere cantu. Hectoris hic magni fuerat comes; Hectora circum Et lituo pugnas insignis obibat et hastâ. Postquam illum victor vitâ spoliavit Achilles, Dardanio Æneæ sese fortissimus heros

Addiderat socium, non inferiora secutus.

170

Sed tum, fortè cavâ dum personat æquora conchâ Demens, et cantu vocat in certamina Divos, Æmulus exceptum Triton (si credere dignum est) Inter saxa virum spumosâ immerserat undâ. Ergò omnes magno circum clamore fremebant; r Præcipuè pius Æneas. Tum jussa Sibyllæ (Haud mora) festinant flentes; aramque sepulcri Congerere arboribus, cæloque educere certant.

Itur in antiquam silvam, stabula alta ferarum: Procumbunt piceæ; sonat icta securibus ilex, Fraxineæque trabes; cuneis et fissile robur Scinditur; advolvunt ingentes montibus ornos. Necnon Æneas opera inter talia primus Hortatur socios, paribusque accingitur armis: Atque hæc ipse suo tristi cum corde volutat, Aspectans silvam immensam, et sic voce precatur:— "Si nunc se nobis ille aureus arbore ramus Ostendat nemore in tanto! quando omnia verè Heu nimiùm de te vates, Misene, locuta est." Vix ea fatus erat, geminæ cùm fortè columbæ 190 Ipsa sub ora viri cœlo venere volantes, Et viridi sedere solo: tum maximus heros Maternas agnoscit aves, lætusque precatur:-" Este duces, o, siqua via est, cursumque per auras Dirigite in lucos, ubi pinguem dives opacat Ramus humum: tuque, o, dubiis ne defice rebus, Diva parens." Sic effatus vestigia pressit, Observans quæ signa ferant, quò tendere pergant. Pascentes illæ tantum prodire volando, Quantum acie possent oculi servare sequentûm: Inde ubi venêre ad fauces graveolentis Averni, Tollunt se celeres, liquidumque per aëra lapsæ, Sedibus optatis geminæ super arbore sidunt, Discolor unde auri per ramos aura refulsit. Quale solet silvis brumali frigore viscum 205 Fronde virere novâ, quod non sua seminat arbos, Et croceo fœtu teretes circumdare truncos: Talis erat species auri frondentis opacâ

Ilice; sic leni crepitabat bractea vento. Corripit extemplò Æneas, avidusque refringit 210 Cunctantem, et vatis portat sub tecta Sibyllæ. Nec minus intereà Misenum in littore Teucri Flebant, et cineri ingrato suprema ferebant. Principio pinguem tædis et robore secto Ingentem struxère pyram: cui frondibus atris Intexunt latera, et ferales antè cupressos Constituunt, decorantque supèr fulgentibus armis. Pars calidos latices et aëna undantia flammis Expedient; corpusque lavant frigentis et unguent. Fit gemitus. Tum membra toro defleta reponunt, Purpureasque supèr vestes, velamina nota, Pars ingenti subière feretro. Conjiciunt. (Triste ministerium!) et subjectam more parentum Aversi tenuêre facem: congesta cremantur Thurea dona, dapes, fuso crateres olivo. £25 Postquam collapsi cineres, et flamma quievit, Reliquias vino et bibulam lavere favillam Ossaque lecta cado texit Corynœus aheno. Idem ter socios purà circumtulit undâ, Spargens rore levi et ramo felicis olivæ: 230 Lustravitque viros, dixitque novissima verba. At pius Æneas ingenti mole sepulcrum Imponit, suaque arma viro, remumque, tubamque, Monte sub aerio, qui nunc Misenus ab illo Dicitur, æternumque tenet per secula nomen. 235 His actis, properè exequitur præcepta Sibyllæ.

Spelunca alta fuit, vastoque immanis hiatu,
Scrupea, tuta lacu nigro nemorumque tenebris:
Quam super haud ullæ poterant impunè volantes
Tendere iter pennis; talis sese halitus atris
Faucibus effundens supera ad convexa ferebat;
[Undè locum Graii dixerunt nomine Aornon.]
Quatuor hìc primum nigrantes terga juvencos
Constituit, frontique invergit vina sacerdos;
Et, summas carpens media inter cornua setas,
Ignibus imponit sacris libamina prima,

Voce vocans Hecaten cœloque Ereboque potentem. Supponunt alii cultros, tepidumque cruorem Suscipiunt pateris. Ipse atri velleris agnam Æneas matri Eumenidum magnæque sorori 250 Ense ferit; sterilemque tibi, Proserpina, vaccam. Tum Stygio regi nocturnas inchoat aras, Et solida imponit taurorum viscera flammis, Pingue super oleum infundens ardentibus extis. Ecce autem, primi sub lumina Solis et ortus, 255 Sub pedibus mugire solum, et juga cœpta moveri Silvarum; visæque canes ululare per umbram. Adventante Dea. "Procul o, procul este, profani," Conclamat vates, " totoque absistite luco. Tuque invade viam, vaginâque eripe ferrum: Nunc animis opus, Ænea# nunc pectore firmo." Tantum effata, furens antro se immisit aperto: Ille ducem haud timidis vadentem passibus æquat. Di, quibus imperium est animarum, Umbræque si-

Et Chaos, et Phlegethon, loca nocte silentia latè, 26s Sit mihi fas audita loqui: sit numine vestro Pandere res altâ terrâ et caligine mersas.

Ibant obscuri solå sub nocte per umbram, Perque domos Ditis vacuas, et inania regna: Quale per incertam lunam sub luce malignâ 270 Est iter in silvis; ubi cœlum condidit umbrâ Jupiter, et rebus nox abstulit atra colorem. Vestibulum ante ipsum, primisque in faucibus Orci, Luctus et ultrices posuère cubilia Curæ; Pallentesque habitant Morbi, tristisque Senectus, 273 Et Metus, et malesuada Fames, et turpis Egestas, Terribiles visu formæ; Letumque, Labosque; Tum consanguineus Leti Sopor, et mala mentis Gaudia, mortiferumque adverso in limine Bellum, Ferreique Eumenidum thalami, et Discordia demens, Vipereum crinem vittis innexa cruentis. In medio ramos annosaque brachia pandit Ulmus opaca, ingens; quam sedem Somnia vulgò

Vana tenere ferunt, foliisque sub omnibus hærent.

Multaque prætereà variarum monstra ferarum,
Centauri in foribus stabulant, Scyllæque biformes,
Et centumgeminus Briareus, ac bellua Lernæ
Horrendum stridens, flammisque armata Chimæra,
Gorgones, Harpyiæque, et forma tricorporis umbræ.
Corripit hic subitâ trepidus formidine ferrum
Æneas, strictamque aciem venientibus offert;
Et, ni docta comes tenues sine corpore vitas
Admoneat volitare cavâ sub imagine formæ,
Irruat, et frustrà ferro diverberet umbras.

Hinc via Tartarei quæ fert Acherontis ad undas. Turbidus hic cœno vastâque voragine gurges Æstuat, atque omnem Cocyto eructat arenam. Portitor has horrendus aquas et flumina servat Terribili squalore Charon: cui plurima mento Canities inculta jacet; stant lumina flammâ; 300 Sordidus ex humeris nodo dependet amictus. Ipse ratem conto subigit, velisque ministrat, Et ferrugineâ subvectat corpora cymbâ, Jam senior; sed cruda Deo viridisque senectus. Huc omnis turba ad ripas effusa ruebat; 305 Matres, atque viri, defunctaque corpora vità Magnanimum heroum, pueri innuptæque puellæ, Impositique rogis juvenes ante ora parentum. Quam multa in silvis autumni frigore primo Lapsa cadunt folia, aut ad terram gurgite ab alto su Quam multæ glomerantur aves, ubi frigidus annus Trans pontum fugat, et terris immittit apricis; Stabant orantes primi transmittere cursum, Tendebantque manus ripæ ulterioris amore: Navita sed tristis nunc hos, nunc accipit illos; 315 Ast alios longè summotos arcet arenâ. Æneas (miratus enim, motusque tumultu), "Dic," ait, "o virgo, quid vult concursus ad amnem? Quidve petunt animæ? vel quo discrimine ripas Hæ linquunt, illæ remis vada livida verrunt?" Olli sic breviter fata est longæva sacerdos:-

"Anchisâ generate, Deûm certissima proles, Cocyti stagna alta vides, Stygiamque paludem, Di cujus jurare timent et fallere numen. Hæc omnis, quam cernis, inops inhumataque turba est; Portitor ille, Charon; hi, quos vehit unda, sepulti: Nec ripas datur horrendas, nec rauca fluenta Transportare priùs, quàm sedibus ossa quièrunt. Centum errant annos, volitantque hæc littora circum: Tum demùm admissi stagna exoptata revisunt." 330 Constitit Anchisà satus, et vestigia pressit, Multa putans, sortemque animo miseratus iniquam. Cernit ibi mœstos, et mortis honore carentes, Leucaspim, et Lyciæ ductorem classis Orontem: Quos simul a Trojâ ventosa per æquora vectos 335 Obruit Auster, aquâ involvens navemque virosque.

Ecce gubernator sese Palinurus agebat: Qui Libyco nuper cursu, dum sidera servat. Exciderat puppi, mediis effusus in undis. Hunc, ubi vix multâ mœstum cognovit in umbrâ, 340 Sic prior alloquitur:—" Quis te, Palinure, Deorum Eripuit nobis, medioque sub æquore mersit? Dic, age: namque mihi, fallax haud antè repertus, Hoc uno responso animum delusit Apollo; Qui fore te ponto incolumem, finesque canebat Venturum Ausonios. En! hæc promissa fides est?" Ille autem :- " Neque te Phœbi cortina fefellit, Dux Anchisiada, nec me Deus æquore mersit : Namque gubernaclum multa vi fortè revulsum, Cui datus hærebam custos, cursusque regebam, Præcipitans traxi mecum. Maria aspera juro, Non ullum pro me tantum cepisse timorem; Quam tua ne, spoliata armis, excussa magistro, Deficeret tantis navis surgentibus undis. Tres Notus hybernas immensa per æquora noctes 355 Vexit me violentus aquâ: vix lumine quarto Prospexi Italiam, summå sublimis ab undå. Paulatim adnabam terræ; jam tuta tenebam; Ni gens crudelis madidâ cum veste gravatum,

Prensantemque uncis manibus capita aspera montis, Ferro invasisset, prædamque ignara putässet. Nunc me fluctus habet, versantque in littore venti. Quod te per cœli jucundum lumen et auras, Per genitorem oro, per spem surgentis Iüli, Eripe me his, invicte, malis: aut tu mihi terram 365 Injice (namque potes), portusque require Velinos; Aut tu, si qua via est, si quam tibi Diva creatrix Ostendit (neque enim, credo, sine numine Divûm Flumina tanta paras Stygiamque innare paludem), Da dextram misero, et tecum me tolle per undas, Sedibus ut saltem placidis in morte quiescam." Talia fatus erat, cœpit cum talia vates:-" Undè hæc, o Palinure, tibi tam dira cupido? Tu Stygias inhumatus aquas, amnemque severum Eumenidum aspicies? ripamve injussus adibis? Desine fata Deum flecti sperare precando. Sed cape dicta memor, duri solatia casus: Nam tua finitimi, longè latèque per urbes Prodigiis acti cœlestibus, ossa piabunt, Et statuent tumulum, et tumulo solemnia mittent; Æternumque locus Palinuri nomen habebit." His dictis curæ emotæ, pulsusque parumper Corde dolor tristi: gaudet cognomine terrà. [quant: Ergò iter inceptum peragunt, fluvioque propin-Navita quos jam indè ut Stygia prospexit ab unda Per tacitum nemus ire, pedemque advertere ripæ, Sic prior aggreditur dictis, atque increpat ultrò:-"Quisquis es, armatus qui nostra ad flumina tendis, Fare age, quid venias; jam istinc et comprime gressum. Umbrarum hic locus est, Somni, Noctisque soporæ: Corpora viva nefas Stygiâ vectare carinà. Nec verò Alciden me sum lætatus euntem Accepisse lacu, nec Thesea, Pirithoumque; Dis quanquam geniti, atque invicti viribus essent. Tartareum ille manu custodem in vincla petivit. 305 Ipsius a solio regis traxitque trementem: Hi dominam Ditis thalamo deducere adorti."

Quæ contra breviter fata est Amphrysia vates:--" Nullæ hic insidiæ tales, absiste moveri; Nec vim tela ferunt: licet ingens janitor antro Æternùm latrans exsangues terreat umbras; Casta licet patrui servet Proserpina limen. Troïus Æneas, pietate insignis et armis, Ad genitorem imas Erebi descendit ad umbras. Si te nulla movet tantee pietatis imago, At ramum hunc (aperit ramum qui veste latebat) Agnoscas." Tumida ex irâ tum corda residunt; Nec plura his. Ille admirans venerabile donum Fatalis virgæ, longo pòst tempore visum, Cœruleam advertit puppim, ripæque propinquat. 410 Indè alias animas, quæ per juga longa sedebant. Deturbat, laxatque foros; simul accipit alveo Ingentem Ænean: gemuit sub pondere cymba Sutilis, et multam accepit rimosa paludem. Tandem trans fluvium incolumes vatemque virumque Informi limo glaucâque exponit in ulvâ. Cerberus hæc ingens latratu regna trifauci Personat, adverso recubans immanis in antro. Cui vates, horrere videns jam colla colubris, Melle soporatam et medicatis frugibus offam Objicit: ille, fame rabidâ tria guttura pandens, Corripit objectam, atque immania terga resolvit Fusus humi, totoque ingens extenditur antro. Occupat Æneas aditum, custode sepulto, Evaditque celer ripam irremeabilis undæ. 425

Continuò auditæ voces, vagitus et ingens,
Infantumque animæ flentes in limine primo;
Quos dulcis vitæ exsortes, et ab ubere raptos
Abstulit atra dies, et funere mersit acerbo.
Hos juxta falso damnati crimine mortis.
Nec verò hæ sine sorte datæ, sine judice, sedes.
Quesitor Minos urnam movet: ille silentûm
Conciliumque vocat, vitasque et crimina discit.
Proxima deinde tenent mæsti loca, qui sibi letum
Insontes peperère manu, lucemque perosi

Quam vellent æthere in alto Projecêre animas. Nunc et pauperiem et duros perferre labores! Fas obstat, tristique palus inamabilis undâ Alligat, et novies Styx interfusa coërcet. Nec procul hinc partem fusi monstrantur in omnem Lugentes campi: sic illos nomine dicunt. Hic, quos durus amor crudeli tabe peredit, Secreti celant calles, et myrtea circum Silva tegit: curse non ipsà in morte relinquent. His Phædram Procrinque locis, mæstamque Eriphy-Crudelis nati monstrantem vulnera, cernit, Evadnenque, et Pasiphaën: his Laodamia It comes; et juvenis quondam, nunc fœmina, Cænis, Rursus et in veterem fato revoluta figuram, Inter quas Phœnissa recens a vulnere Dido Errabat silva in magna: quam Troïus heros Ut primum juxta stetit, agnovitque per umbram Obscuram, qualem primo qui surgere mense Aut videt aut vidisse putat per nubila lunam, Demisit lacrymas, dulcique affatus amore est :- 455 " Infelix Dido, verus mihi nuntius ergò Venerat extinctam, ferroque extrema secutam? Funeris heu tibi causa fui! per sidera juro, Per superos, et si qua fides tellure sub ima est, Invitus, regina, tuo de littore cessi. Sed me jussa Deûm, quæ nunc has ire per umbras, Per loca senta situ cogunt noctemque profundam, Imperiis egère suis; nec credere quivi Hunc tantum tibi me discessu ferre dolorem. Siste gradum, teque aspectu ne subtrahe nostro. 465 Quem fugis? extremum fato, quod te alloquor, hoc Talibus Æneas ardentem et torva tuentem Lenibat dictis animam, lacrymasque ciebat. Illa solo fixos oculos aversa tenebat: Nec magis incepto vultum sermone movetur, 47.7 Quàm si dura silex aut stet Marpesia cautes. Tandem corripuit sese, atque inimica refugit In nemus umbriferum; conjux ubi pristinus illi

Respondet curis, æquatque Sychæus amorem. Nec minùs Æneas, casu percussus iniquo, Prosequitur lacrymans longè, et miseratur euntem.

Indè datum molitur iter: jamque arva tenebant Ultima, quæ bello clari secreta frequentant. Hic illi occurrit Tydeus, hic inclytus armis Parthenopæus, et Adrasti pallentis imago.

Hic multùm fleti ad superos, belloque caduci, Dardanidæ: quos ille omnes longo ordine cernens, Ingemuit; Glaucumque, Medontaque, Thersilochum-

que,

Tres Antenoridas, Cererique sacrum Polyphæten, Idæumque, etiam currus, etiam arma tenentem. 485 Circumstant animæ dextrå lævåque frequentes. Nec vidisse semel satis est: juvat usque morari, Et conferre gradum, et veniendi discere causas. At Danaûm proceres, Agamemnoniæque phalanges, Ut vidêre virum fulgentiaque arma per umbras, Ingenti trepidare metu: pars vertere terga, Ceu quondam petière rates; pars tollere vocem Exiguam; inceptus clamor frustratur hiantes. Atque hic Priamiden laniatum corpore toto Deiphobum vidit, lacerum crudeliter ora; Ora, manusque ambas, populataque tempora raptis Auribus, et truncas inhonesto vulnere nares. Vix adeò agnovit pavitantem, et dira tegentem Supplicia; et notis compellat vocibus ultrò:— "Deïphobe armipotens, genus alto a sanguine Teucri, Quis tam crudeles optavit sumere pænas? Cui tantum de te licuit? Mihi fama supremâ Nocte tulit, fessum vasta te cæde Pelasgûm Procubuisse super confusæ stragis acervum. Tunc egomet tumulum Rhæteo in littore inanem Constitui, et magnà Manes ter voce vocavi. Nomen et arma locum servant : te, amice, nequivi Conspicere, et patrià decedens ponere terrà." Ad que hec Priamides:—"Nihil o tibi, amice, relic-Omnia Deiphobo solvisti, et funeris umbris. [tum est:

Sed me fata mea et scelus exitiale Lacænæ His mersère malis: illa hæc monumenta reliquit. Namque, ut supremam falsa inter gaudia noctem Egerimus, nosti; et nimium meminisse necesse est. Cùm fatalis equus saltu super ardua venit Pergama, et armatum peditem gravis attulit alvo, Illa, chorum simulans, Evantes orgia circum Ducebat Phrygias: flammam media ipsa tenebat Ingentem, et summa Danaos ex arce vocabat. Tum me confectum curis, somnoque gravatum, 520 Infelix habuit thalamus, pressitque jacentem Dulcis et alta quies, placidæque simillima morti. Egregia intereà conjux arma omnia tectis Emovet, et fidum capiti subduxerat ensem; Intra tecta vocat Menelaum, et limina pandit: Scilicet id magnum sperans fore munus amanti, Et famam extingui veterum sic posse malorum. Quid moror? irrumpunt thalamo; comes additur una Hortator scelerum Æolides. Dî, talia Graiis Instaurate, pio si pœnas ore reposco. 530 Sed te qui vivum casus, age, fare vicissim, Attulerint: pelagine venis erroribus actus? An monitu Divûm? an quæ te fortuna fatigat, Ut tristes sine sole domos, loca turbida, adires?" Hâc vice sermonum roseis Aurora quadrigis 535 Jam medium æthereo cursu trajecerat axem; Et fors omne datum traherent per talia tempus; Sed comes admonuit, breviterque affata Sibylla est:-" Nox ruit, Ænea, nos flendo ducimus horas. Hic locus est, partes ubi se via findit in ambas: Dextera, quæ Ditis magni sub mænia tendit; Hâc iter Elysium nobis: at læva malorum Exercet pœnas, et ad impia Tartara mittit." Deiphobus contrà :-- "Ne sævi, magna sacerdos: Discedam, explebo numerum, reddarque tenebris. I decus, i, nostrum: melioribus utere fatis." Tantum effatus, et in verbo vestigia torsit. Respicit Æneas subitò, et sub rupe sinistrà

Mœnia lata videt, triplici circumdata muro: Quæ rapidus flammis ambit torrentibus amnis Tartareus Phlegethon, torquetque sonantia saxa. Porta adversa ingens, solidoque adamante columnæ; Vis ut nulla virûm, non ipsi exscindere ferro Cœlicolæ valeant: stat ferrea turris ad auras: Tisiphoneque sedens, pallà succincta cruentà, Vestibulum exsomnis servat noctesque diesque. Hinc exaudiri gemitus, et sæva sonare Verbera: tum stridor ferri, tractæque catenæ. Constitit Æneas, strepitumque exterritus hausit:-"Quæ scelerum facies, o virgo, effare, quibusve 500 Urgentur pœnis? quis tantus plangor ad auras?" Tum vates sic orsa loqui:-" Dux inclyte Teucrûm, Nulli fas casto sceleratum insistere limen; Sed me, cùm lucis Hecate præfecit Avernis, Ipsa Deûm pœnas docuit, perque omnia duxit. Gnossius heec Rhadamanthus habet durissima regna. Castigatque, auditque dolos, subigitque fateri Quæ quis apud superos, furto lætatus inani, Distulit in seram commissa piacula mortem. Continuò sontes ultrix accincta flagello, 570 Tisiphone quatit insultans, torvosque sinistrâ Intentans angues, vocat agmina sæva sororum. Tum demum horrisono stridentes cardine sacræ Panduntur portæ. Cernis, custodia qualis, Vesibulo sedeat? facies que limina servet? Quinquaginta atris immanis hiatibus hydra Seevior intùs habet sedem: tum Tartarus ipse Bis patet in præceps tantum, tenditque sub umbras, Quantus ad sethereum cœli suspectus Olympum. Hic genus antiquum terræ, Titania pubes, Fulmine dejecti, fundo volvuntur in imo. Hic et Aloïdas geminos, immania vidi Corpora; qui manibus magnum rescindere cœlum Aggressi, superisque Jovem detrudere regnis. Vidi et crudeles dantem Salmonea pœnas, Dum flammas Jovis et sonitus imitatur Olympi.

Quatuor hic invectus equis, et lampada quassans, Per Graiûm populos mediæque per Elidis urbem Ibat ovans, Divûmque sibi poscebat honorem; Demens! qui nimbos et non imitabile fulmen 590 Ære et cornipedum cursu simulârat equorum. At pater omnipotens densa inter nubila telum Contorsit (non ille faces, nec fumea tædis Lumina), præcipitemque immani turbine adegit. Nec non et Tityon, Terræ omniparentis alumnum, 595 Cernere erat: per tota novem cui jugera corpus Porrigitur; rostroque immanis vultur obunco Immortale jecur tondens, fœcundaque pœnis Viscera, rimaturque epulis, habitatque sub alto Pectore: nec fibris requies datur ulla renatis. Quid memorem Lapithas, Ixiona, Pirithoumque? Quos super atra silex jamjam lapsura, cadentique Imminet assimilis. Lucent genialibus altis Aurea fulcra toris, epulæque ante ora paratæ Regifico luxu: Furiarum maxima juxtà Accubat, et manibus prohibet contingere mensas, Exsurgitque facem attollens, atque intonat ore. Hic quibus invisi fratres, dum vita manebat, Pulsatusvè parens, et fraus innexa clienti; Aut qui divitiis soli incubuêre repertis. Nec partem posuère suis, quæ maxima turba est; Quique ob adulterium cæsi, quique arma secuti Impia, nec veriti dominorum fallere dextras; Inclusi pœnam expectant. Ne quære doceri Quam pænam, aut quæ forma viros fortunavè mersit: Saxum ingens volvunt alii, radiisque rotarum Districti pendent; sedet, æternumque sedebit Infelix Theseus, Phlegyasque miserrimus omnes Admonet, et magnâ testatur voce per umbras :-"Discite justitiam moniti, et non temnere Divos." 620 Vendidit hic auro patriam, dominumque potentem Imposuit; fixit leges pretio atque refixit: Hic thalamum invasit natæ, vetitosque hymenæos: Ausi omnes immane nefas, ausoque potiti.

"Non, mihi si linguæ centum sint, oraque centum, 625 Ferrea vox, omnes scelerum comprendere formas, Omnia pænarum percurrere nomina possim."

Hæc ubi dicta dedit Phœbi longæva sacerdos, "Sed jam age, carpe viam, et susceptum perfice mu-Acceleremus," ait; "Cyclopum educta caminis [nus: Mœnia conspicio, atque adverso fornice portas, Hæc ubi nos præcepta jubent deponere dona." Dixerat: et pariter gressi per opaca viarum Corripiunt spatium medium, foribusque propinquant. Occupat Æneas aditum, corpusque recenti 635 Spargit aquâ, ramumque adverso in limine figit.

His demum exactis, perfecto munere Divæ, Devenère locos lætos, et amœna vireta Fortunatorum nemorum, sedesque beatas. Largior hic campos wether et lumine vestit 640 Purpureo; solemque suum, sua sidera nôrunt. Pars in gramineis exercent membra palæstris, Contendunt ludo, et fulvà luctantur arenà: Pars pedibus plaudunt choreas, et carmina dicunt. Nec non Threicius longâ cum veste sacerdos 645 Obloquitur numeris septem discrimina vocum: Jamque eadem digitis, jam pectine pulsat eburno. Hic genus antiquum Teucri, pulcherrima proles, Magnanimi heroës, nati melioribus annis: Ilusque, Assaracusque, et Trojæ Dardanus auctor. 650 Arma procul, currusque virûm miratur inanes. Stant terrâ defixæ hastæ, passimque soluti Per campos pascuntur equi: quæ gratia currûm Armorumque fuit vivis, quæ cura nitentes Pascere equos, eadem sequitur tellure repôstos. Conspicit, ecce, alios dextrâ lævâque per herbam Vescentes, lætumque choro pæana canentes, Inter odoratum lauri nemus; undè supernè Plurimus Eridani per silvam volvitur amnis. Hic manus ob patriam pugnando vulnera passi: 660 Quique sacerdotes casti, dum vita manebat; Quique pii vates, et Phœbo digna locuti;

Inventas aut qui vitam excoluére per artes; Quique sui memores alios fecere merendo: Omnibus his niveâ cinguntur tempora vittâ, 665 Quos circumfusos sic est affata Sibylla, Museeum ante omnes; medium nam plurima turba Hunc habet, atque humeris extantem suspicit altis:— " Dicite felices animæ, tuque, optime vates, Quæ regio Anchisen, quis habet locus? illius ergo Venimus, et magnos Erebi tranavimus amnes." Atque huic responsum paucis ita reddidit heros:— Nulli certa domus lucis habitamus opacis, Riparumque oros et arata recentia rivis Incolimus: sed vos, si lert ita corde voluntas, Hoc superate jugum, et facili jam tramite sistam." Dixit; et ante tulit gressum camposque nitentes Desupèr ostentat: dehinc summa cacumina linguunt.

At pater Anchises penitus convalle virenti Inclusas animas, superumque ad lumen ituras, Lustrabat studio recolens; omnemque suorum Fortè recensebat numerum, carosque nepotes, Fataque, fortunasque virûm, moresque, manusque. Isque ubi tendentem adversum per gramina vidit Enean, alacris palmas utrasque tetendit; Effusæque genis lacrymæ; et vox excidit ore:— "Venisti tandem, tuaque expectata parenti Vicit iter durum pietas? datur ora tueri, Nate, tua, et notas audire et reddere voces? Sic equidem ducebam animo, rebarque futurum, 690 Tempora dinumerans; nec me mea cura fefellit. Quas ego te terras et quanta per sequora vectum Accipio! quantis jactatum, nate, perîclis! Quam metui, ne quid Libyze tibi regna nocerent!" Ille autem :- "Tua me, genitor, tua tristis imago, 605 Sæpius occurrens, hæc limina tendere adegit. Stant sale Tyrrheno classes. Da jungere dextram, Da, genitor; teque amplexu ne subtrahe nostro." Sic memorans, largo fletu simul ora rigabat: Ter conatus ibi collo dare brachia circum; 700 Ter frustrà comprensa manus effugit imago, Par levibus ventis, volucrique simillima somno.

Intereà videt Æneas in valle reductâ Seclusum nemus, et virgulta sonantia silvis, Lethæumque, domos placidas qui prænatat, amnem. Hunc circum innumeræ gentes populique volabant: Ac veluti in pratis, ubi apes æstate serenâ Floribus insidunt variis, et candida circum Lilia funduntur; strepit omnis murmure campus. Horrescit visu subito, causasque requirit 710 Inscius Æneas; quæ sint ea flumina porro, Quivè viri tanto complérint agmine ripas. Tum pater Anchises :-- "Animæ, quibus altera fato Corpora debentur, Lethæi ad fluminis undam Securos latices et longa oblivia potant. Has equidem memorare tibi atque ostendere coram, Jampridem hanc prolem cupio enumerare meoruni; Quò magis Italia mecum lætere reperta." "O pater, annè aliquas ad cœlum hinc ire putandum

Sublimes animas, iterumque ad tarda reverti Corpora? que lucis miseris tam dira cupido?"
"Dicam equidem, nec te suspensum, nate, tenebo:"

Suscipit Anchises, atque ordine singula pandit.

"Principio cœlum, ac terras, camposque liquentes, Lucentemque globum Lunæ, Titaniaque astra 725 Spiritus intus alit, totamque infusa per artus Mens agitat molem, et magno se corpore miscet. Indè hominum pecudumque genus, vitæque volantûm,

Et que marmoreo fert monstra sub sequore pontus. Igneus est ollis vigor et cœlestis origo 730 Seminibus, quantum non noxia corpora tardant, Terrenique hebetant artus, moribundaque membra. Hinc metuunt, cupiuntque; dolent, gaudentque; neque auras

Dispiciunt, clausæ tenebris et carcere cæco.
Quin et supremo cùm lumine vita reliquit, 788
Non tamen omne malum miseris, nec funditus omnes

Corporeæ excedunt pestes; penitusque necesse est Multa diu concreta modis inolescere miris. Ergò exercentur pœnis, veterumque malorum Supplicia expendunt: aliæ panduntur inanes Suspensæ ad ventos; aliis sub gurgite vasto Infectum eluitur scelus, aut exuritur igni. Quisque suos patimur Manes. Exinde per amplum Mittimur Elysium, et pauci læta arva tenemus : Donec longa dies, perfecto temporis orbe, Concretam exemit labem, purumque reliquit Æthereum sensum, atque aurai simplicis ignem. Has omnes, ubi mille rotam volvêre per annos, Lethæum ad fluvium Deus evocat agmine magno: Scilicet immemores supera ut convexa revisant, 750 Rursus et incipiant in corpora velle reverti." Dixerat Anchises; natumque, unaque Sibyllam, Conventus trahit in medios turbamque sonantem; Et tumulum capit, undè omnes longo ordine possit Adversos legere, et venientûm discere vultus. " Nunc age, Dardaniam prolem quæ deinde sequatur Gloria, qui maneant Italà de gente nepotes, Illustres animas, nostrumque in nomen ituras, Expediam dictis, et te tua fata docebo:-Ille, (vides?) purâ juvenis qui nititur hastâ, 760 Proxima sorte tenet lucis loca: primus ad auras Æthereas Italo commixtus sanguine surget Silvius, Albanum nomen, tua postuma proles: Quem tibi longævo serum Lavinia conjux Educet silvis regem, regumque parentem: 765 Undè genus Longâ nostrum dominabitur Albâ. Proximus ille Procas, Trojanæ gloria gentis, Et Capys, et Numitor, et, qui te nomine reddet, Silvius Æneas; pariter pietate vel armis Egregius, si unquam regnandam acceperit Albam. Qui juvenes quantas ostentant, aspice, vires! Atque umbrata gerunt civili tempora quercu: Hi tibi Nomentum, et Gabios, urbemque Fidenam; Hi Collatinas imponent montibus arces [Laude pudicitize celebres, addentque superbos] 775

Pometios, Castrumque Inui, Bolamque, Coramque. Heec tum nomina erunt, nunc sunt sine nomine terræ. Quin et avo comitem sese Mayortius addet Romulus, Assaraci quem sanguinis Ilia mater Viden' ut geminæ stant vertice cristæ, 780 Et pater ipse suo superûm jam signat honore? En hujus, nate, auspiciis illa inclyta Roma Imperium terris, animos æquabit Olympo, Septemque una sibi muro circumdabit arces, Felix prole virûm: qualis Berecynthia mater 785 Invehitur curru Phrygias turrita per urbes. Læta Deûm partu, centum complexa nepotes, Omnes cœlicolas, omnes supera alta tenentes. Huc geminas nunc flecte acies; hanc aspice gentem, Romanosque tuos: hlc Cæsar, et omnis Iüli Progenies, magnum cœli ventura sub axem. Hic vir, hic est, tibi quem promitti sæpiùs audis, Augustus Cæsar, Divi genus; aurea condet Sæcula qui rursus Latio, regnata per arva Saturno quondam, super et Garamantas et Indos 795 Proferet imperium: jacet extra sidera tellus, Extra anni solisque vias, ubi cœlifer Atlas Axem humero torquet stellis ardentibus aptum. Hujus in adventu jam nunc et Caspia regna Responsis horrent Divûm, et Mæotia tellus, Et septemgemini turbant trepida ostia Nili. Nec verò Alcides tantum telluris obivit, Fixerit æripedem cervam licèt, aut Erymanthi Pacârit nemora, et Lernam tremefecerit arcu: Nec, qui pampineis victor juga flectit habenis, 805 Liber, agens celso Nisæ de vertice tigres. Et dubitamus adhuc virtutem extendere factis? Aut metus Ausonia prohibet consistere terra? Quis procul ille autem, ramis insignis olivæ, Sacra ferens? nosco crines incanaque menta 810 Regis Romani; primus qui legibus urbem Fundabit, Curibus parvis et paupere terra Missus in imperium magnum. Cui deinde subibit,

Otia qui rumpet patriæ, residesque movebit-Tullus in arma viros, et jam desueta triumphis Agmina. Quem juxta sequitur jactantior Ancus, Nunc quoque jam nimiùm gaudens popularibus auris. Vis et Tarquinios reges, animamque superbam Ultoris Bruti, fascesque videre receptos? Consulis imperium hic primus sævasque secures 820 Accipiet; natosque pater, nova bella moventes, Ad pænam pulchrå pro libertate vocabit: Infelix! Utcunque ferent ea facta minores, Vincet amor patriæ laudumque immensa cupido. Quin Decios, Drusosque procul, sævumque securi Aspice Torquatum, et referentem signa Camillum. Illæ autem, paribus quas fulgere cernis in armis, Concordes animæ nunc, et dum nocte premuntur, Heu quantum inter se bellum, si lumina vitæ Attigerint, quantas acies stragemque ciebunt! Aggeribus socer Alpinis atque arce Monœci Descendens; gener adversis instructus Eois. Ne, pueri, ne tanta animis assuescite bella: Neu patriæ validas in viscera vertite vires. Tuque prior, tu parce, genus qui ducis Olympo: 835 Projice tela manu, sanguis meus. Ille triumphatà Capitolia ad alta Corintho Victor aget currum, cæsis insignis Achivis: Eruet ille Argos, Agamemnoniasque Mycenas, Ipsumque Æaciden, genus armipotentis Achillei; 840 Ultus avos Trojæ, templa et temerata Minervæ.

Quis te, magne Cato, tacitum, aut te, Cosse, relinguat?

Quis Gracchi genus? aut geminos, duo fulmina belli, Scipiadas, cladem Libyæ? parvoque potentem Fabricium? vel te sulco, Serrane, serentem? 845 Quò fessum rapitis, Fabii? Tu Maximus ille es, Unus qui nobis cunctando restituis rem: Excudent alii spirantia molliùs æra, Credo equidem; vivos ducent de marmore vultus: Orabunt causas meliùs; cœlique meatus 850

Describent radio; et surgentia sidera dicent:
Tu regere imperio populos, Romane, memento:
Hæ tibi erunt artes; pacisque imponere morem,
Parcere subjectis, et debellare superbos."
Sic pater Anchises; atque hæc mirantibus addit:—
"Aspice, ut insignis spoliis Marcellus opimis
Ingreditur, victorque viros supereminet omnes!
Hic rem Romanam, magno turbante tumultu,
Sistet; eques sternet Pænos, Gallumque rebellem;
Tertiaque arma patri suspendet capta Quirino.

Atque hic Æneas (unà namque ire videbat Egregium formâ juvenem et fulgentibus armis. Sed frons læta parùm, et dejecto lumina vultu):-"Quis, pater, ille virum qui sic comitatur euntem? Filius? annè aliquis magnà de stirpe nepotum? 665 Quis strepitus circà comitum! quantum instar in ipso Sed nox atra caput tristi circumvolat umbrâ." [est! Tum pater Anchises lacrymis ingressus obortis:--"O nate, ingentem luctum ne quære tuorum; Ostendent terris hunc tantum fata, neque ultrà Esse sinent. Nimiùm vobis Romana propago Visa potens, superi, propria hæc si dona fuissent. Quantos ille virûm magnam Mavortis ad urbem Campus aget gemitus! vel quæ, Tiberine, videbis Funera, cum tumulum præterlabere recentem! Nec puer Iliacâ quisquam de gente Latinos In tantum spe tollet avos; nec Romula quondam Ullo se tantum tellus jactabit alumno. Heu pietas! heu prisca fides! invictaque bello Dextera! non illi quisquam se impunè tulisset 880 Obvius armato; seu cum pedes iret in hostem, Seu spumantis equi foderet calcaribus armos. Heu miserande puer! si quà fata aspera rumpas, Tu Marcellus eris. Manibus date lilia plenis: Purpureos spargam flores, animamque nepotis 885 His saltem accumulem donis, et fungar inani Munere." Sic tota passim regione vagantur . Aëris in campis latis, atque omnia lustrant.

Que postquam Anchises natum per singula duxit, Incenditque animum fame venientis amore, Exin bella viro memorat que deinde gerenda; Laurentesque docet populos, urbemque Latini; Et quo quemque modo fugiatque feratque laborem.

Sunt geminee Somni portee: quarum altera fertur Cornea, quâ veris facilis datur exitus umbris;
Altera, candenti perfecta nitens elephanto;
Sed falsa ad cœlum mittunt insomnia manes.
His ubi tum natum Auchises unaque Sibyliam
Prosequitur dictis, portâque emittit eburnâ,
Ille viam secat ad naves, sociosque revisit;
Tum se ad Caietse recto fert limite portum.
Ancora de prorâ jacitur; stant littore puppes.

## LIBER VII.

To quoque littoribus nostris, Æneïa nutrix, Æternam moriens famam, Caieta, dedisti; Et nunc servat honos sedem tuus; ossaque nomen Hesperià in magnà, si qua est ea gloria, signat. At pius exequiis Æneas ritè solutis, Aggere composito tumuli, postquam alta quierunt Equora, tendit iter velis, portumque relinquit. Aspirant auræ in noctem; nec candida cursum Luna negat; splendet tremulo sub lumine pontus. Proxima Circee raduntur littora terra: Dives inaccessos ubi Solis filia lucos Assiduo resonat cantu, tectisque superbis Urit odoratam nocturna in lumina cedrum, Arguto tenues percurrens pectine telas. Hinc exaudiri gemitus, iræque leonum Vincla recusantâm, et serâ sub nocte rudentâm; Setigerique sues, atque in præsepibus ursi Sævire, ac formæ magnorum ululare luporum: Quos hominum ex facie Dea sæva potentibus herbis - Induerat Circe in vultus ac terga ferarum. Quæ ne monstra pii paterentur talia Troës Delati in portus, neu littora dira subirent. Neptunus ventis implevit vela secundis, Atque fugam dedit, et præter vada fervida vexit. Jamque rubescebat radiis mare, et æthere ab alto Aurora in roseis fulgebat lutea bigis; Cùm venti posuère, omnisque repentè resedit Flatus, et in lento luctantur marmore tonsæ. Atque hic Æneas ingentem ex æquore lucum Prospicit: hunc inter fluvio Tiberinus amœno. Vorticibus rapidis, et multâ flavus arenâ, In mare prorumpit. Variæ circumque supràque Assuetæ ripis volucres et fluminis alveo Æthera mulcebant cantu, lucoque volabant. Flectere iter sociis, terræque advertere proras, Imperat: et lætus fluvio succedit opaco.

Nunc age, qui reges, Erato, quæ tempora rerum, Quis Latio antiquo fuerit status, advena classem Cùm primum Ausoniis exercitus appulit oris, Expediam, et primæ revocabo exordia pugnæ: Tu vatem, tu, Diva, mone. Dicam horrida bella; Dicam acies, actosque animis in funera reges, Tyrrhenamque manum, totamque sub arma coactam Hesperiam. Major rerum mihi nascitur ordo; Majus opus moveo. Rex arva Latinus et urbes Jam senior longâ placidas in pace regebat. Hunc Fauno et nymphâ genitum Laurente Maricâ Accipimus: Fauno Picus pater: isque parentem Te, Saturne, refert: tu sanguinis ultimus auctor. Filius huic, fato Divûm, prolesque virilis 50 Nulla fuit; primaque oriens erepta juventa est: Sola domum et tantas servabat filia sedes. Jam matura viro, jam plenis nubilis annis. Multi illam magno e Latio totâque petebant Ausonia: petit ante alios pulcherrimus omnes Turnus, avis atavisque potens: quem regia conjux Adjungi generum miro properabat amore;

Sed variis portenta Deûm terroribus obstant. Laurus erat tecti medio, in penetralibus altis, Sacra comam, multosque metu servata per annos: 60 Quam pater inventam, primas cum conderet arces, Ipse ferebatur Phœbo sacrâsse Latinus; Laurentisque ab eâ nomen posuisse colonis. Hujus apes summum densæ (mirabile dictu!), Stridore ingenti liquidum trans æthera vectæ, 65 Obsedère apicem; et, pedibus per mutua nexis, Examen subitum ramo frondente pependit. Continuò vates, "Externum cernimus," inquit, "Adventare virum, et partes petere agmen easdem Partibus ex isdem, et summa dominarier arce." Prætereà castis adolet dum altaria tædis, Et juxta genitorem adstat Lavinia virgo, Visa (nefas) longis comprendere crinibus ignem, Atque omnem ornatum flamma crepitante cremari. Regalesque accensa comas, accensa coronam Insignem gemmis; tum fumida lumine fulvo Involvi, ac totis Vulcanum spargere tectis. Id verò horrendum ac visu mirabile ferri: Namque fore illustrem famâ fatisque canebant Ipsam, sed populo magnum portendere bellum.

At rex, sollicitus monstris, oracula Fauni, Fatidici genitoris, adit, lucosque sub alta Consulit Albunea; nemorum quæ maxima sacro Fonte sonat, sævamque exhalat opaca mephitim. Hinc Italæ gentes omnisque Œnotria tellus 85 In dubiis responsa petunt: huc dona sacerdos Cum tulit, et cæsarum ovium sub nocte silenti Pellibus incubuit stratis, somnosque petivit, Multa modis simulacra videt volitantia miris, Et varias audit voces, fruiturque Deorum 90 Colloquio, atque imis Acheronta affatur Avernis. Hic et tum pater ipse, petens responsa, Latinus Centum lanigeras mactabat ritè bidentes, Atque harum effultus tergo stratisque jacebat Velleribus. Subita ex alto vox reddita luco est:---

"Ne pete connubiis natam sociare Latinis,
O mea progenies; thalamis neu crede paratis:
Externi veniunt generi, qui sanguine nostrum
Nomen in astra ferant; quorumque a stirpe nepotes
Omnia sub pedibus, quà Sol utrumque recurrens 100
Aspicit Oceanum, vertique regique videbunt."
Heec responsa patris Fauni, monitusque silenti
Nocte datos, non ipse suo premit ore Latinus;
Sed circum latè volitans jam Fama per urbes
Ausonias tulerat, cum Laomedontia pubes
Gramineo ripæ religavit ab aggere classem.

Æneas, primique duces, et pulcher lülus, Corpora sub ramis deponunt arboris altæ; Instituuntque dapes, et adorea liba per herbam Subjiciunt epulis (sic Jupiter ille monebat), 110 Et Cereale solum pomis agrestibus augent. Consumtis hic forte aliis, ut vertere morsus Exiguam in Cererem penuria adegit edendi, Et violare manu malisque audacibus orbem Fatalis crusti, patulis nec parcere quadris: 115 " Heus! etiam mensas consumimus?" inquit Iülus. Nec plura, alludens. Ea vox audita laborum Prima tulit finem; primamque loquentis ab ore Eripuit pater, ac, stupefactus numine, pressit. Continuò, "Salve, fatis mihi debita tellus: 190 Vosque," ait, " o fidi Trojæ salvete Penates. Hicdomus, hec, patria est. Genitor mihi talia (namque Nunc repeto) Anchises fatorum arcana reliquit:-'Cùm te, nate, fames, ignota ad littora vectum, Accisis coget dapibus consumere mensas, 125 Tum sperare domos defessus, ibique memento Prima locare manu, molirique aggere, tecta.'-Heec erat illa fames; heec nos suprema manebat, Exitiis positura modum. Quare agite, et primo læti cum lumine Solis, Quæ loca, quive habeant homines, ubi mœnia gentis, Vestigemus, et a portu diversa petamus. Nunc pateras libate Jovi, precibusque vocate

Anchisen genitorem, et vina reponite mensis." Sic deinde effatus, frondenti tempora ramo Implicat, et Geniumque loci, primamque Deorum Tellurem, Nymphasque, et adhuc ignota precatur Numina: tum Noctem, Noctisque orientia Signa, Idæumque Jovem, Phrygiamque ex ordine matrem, Invocat, et duplices Cœloque Ereboque parentes. 140 Hic pater omnipotens ter cœlo clarus ab alto Intonuit, radiisque ardentem lucis et auro Ipse manu quatiens ostendit ab æthere nubem. Diditur hic subitò Trojana per agmina rumor, Advenisse diem, quo debita mœnia condant. 145 Certatim instaurant epulas, atque omine magno Crateras læti statuunt, et vima coronant.

Postera cum prima lustrabat lampade terras Orta dies, urbem, et fines, et littora gentis Diversi explorant; heec fontis stagna Numici. Hunc Tybrim fluvium, hic fortes habitare Latinos. Tum satus Anchisâ delectos ordine ab omni Centum oratores augusta ad mœnia regis Ire jubet, ramis velatos Palladis omnes, Donaque ferre viro, pacemque exposcere Teucris. Haud mora: festinant jussi, rapidisque feruntur Passibus. Ipse humili designat mœnia fossâ, Moliturque locum, primasque in littore sedes, Castrorum in morem, pinnis atque aggere cingit. Jamque iter emensi, turres ac tecta Latinorum Ardua cernebant juvenes, muroque subibant. Ante urbem pueri et primævo flore juventus Exercentur equis, domitantque in pulvere currus; Aut acres tendunt arcus, aut lenta lacertis Spicula contorquent, cursuque ictuque lacessunt. 165 Cum prevectus equo longævi regis ad aures Nuncius ingentes ignotà in veste reportat Advenisse viros: ille intra tecta vocari Imperat, et solio medius consedit avito. [nis,

. Tectum augustum, ingens, centum sublime colum-Urbe fuit summâ, Laurentis regia Pici.

Horrendum silvis et religione parentum. Hic sceptra accipere, et primos attollere fasces Regibus omen erat: hoc illis curia, templum: Hæc sacris sedes epulis: hic, ariete cæso, 175 Perpetuis soliti patres considere mensis. Quin etiam veterum effigies ex ordine avorum Antiqua e cedro, Italusque, paterque Sabinus Vitisator, curvam servans sub imagine falcem, Saturnusque senex, Janique bifrontis imago, 180. Vestibulo astabant; aliique ab origine reges, Martiaque ob patriam pugnando vulnera passi. Multaque prætereà sacris in postibus arma, Captivi pendent currus, curvæque secures, Et cristæ capitum, et portarum ingentia claustra, Spiculaque, clypeique, ereptaque rostra carinis. Ipse Quirinali lituo parvâque sedebat Succinctus trabea, lævaque ancile gerebat Picus, equum domitor: quem capta cupidine conjux, Aurea percussum virga, versumque venenis, Fecit avem Circe, sparsitque coloribus alas. Tali intus templo Divûm, patriâque Latinus Sede sedens, Teucros ad sese in tecta vocavit; Atque heec ingressis placido prior edidit ore :--"Dicite, Dardanidæ (neque enim nescimus et urbem Et genus, auditique advertitis æquore cursum), Quid petitis? quæ causa rates, aut cujus egentes, Littus ad Ausonium tot per vada cœrula vexit? Sive errore viæ, sev tempestatibus acti, (Qualia multa mari nautæ patiuntur in alto) Fluminis intrastis ripas, portuque sedetis, Ne fugite hospitium; neve ignorate Latinos Saturni gentem, haud vinclo nec legibus æquam, Sponte sua veterisque Dei se more tenentem. Atque equidem memini (fama est obscurior annis) Auruncos ita ferre senes, his ortus ut agris Dardanus Idæas Phrygiæ penetravit ad urbes, Threiciamque Samum, quæ nunc Samothracia fertur. Hinc illum, Corythi Tyrrhenâ ab sede profectum,

Aurea nunc solio stellantis regia cœli Accipit, et numerum Divorum altaribus addit." Dixerat: et dicta Ilioneus sic voce secutus:-"Rex, genus egregium Fauni, nec fluctibus actos Atra subegit hyems vestris succedere terris, Nec sidus regione viæ, littusve fefellit: Consilio hanc omnes animisque volentibus urbem Afferimur, pulsi regnis, quæ maxima quondam Extremo veniens Sol aspiciebat Olympo. Ab Jove principium generis; Jove Dardana pubes Gaudet avo; rex ipse Jovis de gente supremâ Troïus Æneas tua nos ad limina misit. Quanta per Idæos sævis effusa Mycenis Tempestas ferit campos; quibus actus uterque Europæ atque Asiæ fatis concurrerit orbis; Audiit, et si quem tellus extrema refuso Submovet Oceano, et si quem extenta plagarum Quatuor in medio dirimit plaga solis iniqui. Diluvio ex illo tot vasta per æquora vecti Dis sedem exiguam patrils littusque rogamus Innocuum, et cunctis undamque auramque patentem. Non erimus regno indecores; nec vestra feretur 231 Fama levis, tantive abolescet gratia facti; Nec Trojam Ausonios gremio excepisse pigebit. Fata per Æneæ juro, dextramque potentem, Sive fide, seu quis bello est expertus et armis, 235 Multi nos populi, multæ (ne temne, quòd ultrò Præferimus manibus vittas ac verba precantia) Et petière sibi et voluère adjungere gentes: Sed nos fata Deum vestras exquirere terras Imperiis egêre suis. Hinc Dardanus ortus 240 Huc repetit, jussisque ingentibus urget Apollo Tyrrhenum ad Tybrim, et fontis vada sacra Numici. Dat tibi prætereà fortunæ parva prioris Munera, reliquias Troja ex ardente receptas. Hoc pater Anchises auro libabat ad aras; 245 Hoc Priami gestamen erat, cum jura vocatis More daret populis; sceptrumque, sacerque tiaras,

Iliadumque labor, vestes."

Talibus Ilionei dictis defixa Latinus Obtutu tenet ora, soloque immobilis hæret, Intentos volvens oculos: nec purpura regem Picta movet, nec sceptra movent Priameia tantum, Quantum in connubio natæ thalamoque moratur, Et veteris Fauni volvit sub pectore sortem :--Hunc illum fatis externa a sede profectum Portendi generum, paribusque in regna vocari Auspiciis: huic progeniem virtute futuram Egregiam, et totum quæ viribus occupet orbem. Tandem lætus ait :-- "Di nostra incepta secundent, Auguriumque suum. Dabitur, Trojane, quod optas. Munera nec sperno. Non vobis, rege Latino, Divitis uber agri Trojævè opulentia deerit. Ipse modò Æneas (nostri si tanta cupido est, Si jungi hospitio properat, sociusque vocari) Adveniat : vultus nevè exhorrescat amicos. 265 Pars mihi pacis erit dextram tetigisse tyranni. Vos contrà regi mea nunc mandata referte. Est mihi nata, viro gentis quam jungere nostræ Non patrio ex adyto sortes, non plurima cœlo Monstra, sinunt: generos externis affore ab oris, se Hoc Latio restare canunt, qui sanguine nostrum Nomen in astra ferant. Hunc illum poscere fata Et reor, et (si quid veri mens augurat) opto." Hæc effatus, equos numero pater eligit omni; (Stabant ter centum nitidi in præsepibus altis:) 275 Òmnibus extemplò Teucris jubet ordine duci Instratos ostro alipedes pictisque tapetis; Aurea pectoribus demissa monilia pendent; Tecti auro, fulvum mandunt sub dentibus aurum. Absenti Æneæ currum geminosque jugales, Semine ab ætherio, spirantes naribus iguem, Illorum de gente, patri quos Dædala Circe Supposità de matre nothos furata creavit. Talibus Æneadæ donis dictisque Latini Sublimes in equis redeunt, pacemque reportant.

Ecce autem Inachiis sese referebat ab Argis Sæva Jovis conjux, aurasque invecta tenebat: Et lætum Ænean classemque ex æthere longè Dardaniam Siculo prospexit ab usque Pachyno. Moliri jam tecta videt, jam fidere terræ, Deseruisse rates: stetit acri fixa dolore: Tum quassans caput, heec effudit pectore dicta :-"Heu stirpem invisam, et fatis contraria nostris Fata Phrygum! num Sigeïs occumbere campis, Num capti potuêre capi? num incensa cremavit 290 Troja viros? medias acies, mediosque per ignes At, credo, mea numina tandem. Invenêre **v**iam. Fessa jacent, odiis aut exsaturata quievi: Quin etiam patrià excussos infesta per undas Ausa sequi, et profugis toto me opponere ponto. son Absumtee in Teucros vires cœlique marisque. Quid Syrtes, aut Scylla mihi, quid vasta Charybdis Profuit? optato conduntur Tybridis alveo, Securi pelagi atque mei. Mars perdere gentem Immanem Lapithum valuit: concessit in iras Ipse Deum antiquam genitor Calydona Dianæ: Quod scelus aut Lapithas tantum, aut Calydona merentem?

Ast ego, magna Jovis conjux, nil linquere inausum Quæ potui infelix, quæ memet in omnia verti, Vincor ab Æneå. Quòd si mes numisa non sunt Magna satis, dubitem haud equidem implorare quod usquam est:

Flectere si nequeo superos, Acheronta movebo.
Non dabitur regnis (esto) prohibere Latinis,
Atque immota manet fatis Lavinia conjux:
At trahere, atque moras tantis licet addere rebus;
At licet amborum populos exscindere regum.

Hac gener atque socer coëant mercede suorum.
Sanguine Trojano et Rutulo dotabere, virgo;
Et Bellona manet te pronuba: nec face tantàm
Cisseïs prægnans ignes enixa jugales;
Quin idem Veneri partus suus, et Paris alter,

Funestæque iterum recidiva in Pergama tædæ." Hæc ubi dicta dedit, terras horrenda petivit: Luctificam Allecto dirarum ab sede sororum Infernisque ciet tenebris; cui tristia bella. Iræque, insidiæque, et crimina noxia, cordi. Odit et ipse pater Pluton, odêre sorores Tartareæ monstrum; tot sese vertit in ora. Tam sævæ facies, tot pullulat atra colubris. Quam Juno his acuit verbis, ac talia fatur :--"Hunc mihi da proprium, virgo sata nocte, laborem Hanc operam: ne noster honos, infractavè cedat Fama loco: neu connubiis ambire Latinum Æneadæ possint, Italosvè obsidere fines. Tu potes unanimos armare in prælia fratres, 335 Atque odiis versare domos: tu verbera tectis Funereasque inferre faces: tibi nomina mille. Mille nocendi artes. Fœcundum concute pectus, Disjice compositam pacem, sere crimina belli: Arma velit, poscatque simul, rapiatque juventus. 310 Exin Gorgoneis Allecto infecta venenis Principio Latium et Laurentis tecta tyranni Celsa petit, tacitumque obsedit limen Amatæ: Quam super adventu Teucrûm, Turnique hymenæis. Fæmineæ ardentem curæque iræque coquebant. 343 Huic Dea cœruleis unum de crinibus anguem Conjicit, inque sinum præcordia ad intima subdit:

Quam super adventu Teucrum, Turnique hymenæis. Fæmineæ ardentem curæque iræque coquebant. 548 Huic Dea cæruleis unum de crinibus anguem Conjicit, inque sinum præcordia ad intima subdit: Quo furibunda domum monstro permisceat omnem. Ille, inter vestes et levia pectora lapsus, Volvitur attactu nullo, fallitque furentem, 550 Vipeream inspirans animam: fit tortile collo Aurum ingens coluber, fit longæ tænia vittæ, Innectitque comas, et membris lubricus errat. Ac dum prima lues udo sublapsa veneno Pertentat sensus, atque ossibus implicat ignem; 555 Necdum animus toto percepit pectore flammam; Mollius, et solito matrum de more, locuta est, Multa super natâ lacrymans, Phrygiisque hymenæ"Exulibusne datur ducenda Lavinia Teucris, [is:—

O genitor? nec te miseret natæque, tuique?
Nec matris miseret, quam primo Aquilone relinquet
Perfidus, alta petens, abductà virgine prædo?
At non sic Phrygius penetrat Lacedæmona pastor,
Ledæamque Helenam Trojanas vexit ad urbes.
Quid tua sancta fides, quid cura antiqua tuorum,
Et consanguineo toties data dextera Turno?
Si gener externâ petitur de gente Latinis,
Idque sedet, Faunique premunt te jussa parentis;
Omnem equidem sceptris terram quæ libera nostris
Dissidet, externam reor; et sic dicere Divos.

570
Et Turno, si prima domûs repetatur origo,
Inachus Acrisiusque patres, mediæque Mycenæ."

His ubi nequicquam dictis experta, Latinum Contrà stare videt; penitusque in viscera lapsum Serpentis furiale malum, totamque pererrat; 375 Tum verò infelix, ingentibus excita monstris, Immensam sine more furit lymphata per urbem. Ceu quondam torto volitans sub verbere turbo. Quem pueri magno in gyro vacua atria circum Intenti ludo exercent; ille actus habenâ Curvatis fertur spatiis; stupet inscia suprà Impubesque manus, mirata volubile buxum; Dant animos plagæ: non cursu segnior illo Per medias urbes agitur, populosque feroces. Quin etiam in silvas, simulato numine Bacchi, Majus adorsa nefas, majoremque orsa furorem, Evolat, et natam frondosis montibus abdit; Quò thalamum eripiat Teucris, tædasque moretur: Evoë, Bacche! fremens; "solum te virgine dignum" Vociferans: "etenim molles tibi sumere thyrsos, 390 Te lustrare choro, sacrum tibi pascere crinem."

Fama volat; Furiisque accensas pectore matres Idem omnes simul ardor agit nova quærere tecta: Deseruère domos; ventis dant colla comasque. Ast aliæ tremulis ululatibus æthera complent, 294 Pampineasque gerunt incinctæ pellibus hastas. Ipsa inter medias flagrantem fervida pinum

Sustinet, ac natæ Turnique canit hymenæos,
Sanguineam torquens aciem; torvimque repentè
Clamat: "Io matres, audite ubi quæque, Latinæ.
Si qua piis animis manet infelicis Amatæ
Gratia, si juris materni cura remordet;
Solvite crinales vittas, capite orgia mecum."

Talem inter silvas, inter deserta ferarum, Reginam Allecto stimulis agit undique Bacchi. Postquam visa satis primos acuisse furores, Consiliumque omnemque domum vertisse Latini, Protinus hinc fuscis tristis Dea tollitur alis Audacis Rutuli ad muros: quam dicitur urbem Acrisioneis Danaë fundâsse colonis, 410 Præcipiti delata Noto. Locus Ardea quondam Dictus avis; et nunc magnum manet Ardea nomen: Sed fortuna fuit. Tectis hic Turnus in altis Jam mediam nigrâ carpebat nocte quietem. Allecto torvam faciem et furialia membra Exuit; in vultus sese transformat aniles, Et frontem obscænam rugis arat; induit albos Cum vittà crines: tum ramum innectit olivee: Fit Calybe, Junonis anus' templique sacerdos; Et juveni ante oculos his secum vocibus offert :-- 400 "Turne, tot incassum fusos patiere labores, Et tua Dardaniis transcribi sceptra colonis? Rex tibi conjugium et quæsitas sanguine dotes Abnegat, externusque in regnum quæritur hæres. I nunc, ingratis offer te, irrise, periclis; 405 Tyrrhenas, i, sterne acies; tege pace Latinos. Heec adeò tibi me, placida cum nocte jaceres, Ipsa palam fari omnipotens Saturnia jussit. Quare age, et armari pubem portisque moveri Lætus in arma para; et Phrygios, qui flumine pulchro Consedère, duces, pictasque exure carinas. Cœlestûm vis magna jubet. Rex ipse Latinus, Ni dare conjugium et dicto parere fatetur, Sentiat, et tandem Turnum experiatur in armis." Hic juvenis, vatem irridens, sic orsa vicissim

Ore refert: "Classes invectas Tybridis alveo-Non, ut rere, meas effugit nuncius aures: Ne tantos mihi finge metus; nec regia Juno Immemor est nostrî. Sed te victa situ verique effœta senectus. O mater, curis nequicquam exercet, et, arma Regum inter, falså vatem formidine ludit. Cura tibi, Divam effigies et templa tueri: Bella viri pacemque gerent, [quîs bella gerenda."] Talibus Allecto dictis exarsit in iras. At juveni oranti subitus tremor occupat artus: Diriguere oculi; tot Erinnys sibilat hydris, Tantaque se facies aperit. Tum, flammea torquens Lumina, cunctantem et quærentem dicere plura Repulit, et geminos erexit crinibus angues, Verberaque insonuit, rabidoque heec addidit ore:-"En ego victa situ, quam veri effœta senectus Arma inter regum falså formidine ludit! Respice ad hæc: adsum dirarum ab sede sororum: Bella manu, letumque gero." 455 Sic effata, facem juveni conjecit, et atro Lumine fumantes fixit sub pectore tædas. Olli somnum ingens rupit pavor; ossaque et artus Perfudit toto proruptus corpore sudor. Arma amens fremit, arma toro tectisque requirit. 460 Sævit amor ferri, et scelerata insania belli; Ira supèr: magno veluti cum flamma sonore Virgea suggeritur costis undantis aheni, Exultantque æstu latices; furit intàs aquai Fumidus atque altè spumis exuberat amnis; Nec jam se capit unda; volat vapor ater ad auras. Ergò iter ad regem, pollutâ pace, Latinum Indicit primis juvenum, et jubet arma parari, Tutari Italiam, detrudere finibus hostem: "Se satis ambobus Teucrisque venire Latinisque." 4/0 Heec ubi dicta dedit, Divosque in vota vocavit, Certatim sese Rutuli exhortantur in arma: Hunc decus egregium formæ movet, atque juventæ:

Hunc atavi reges; hunc claris dextera factis. Dum Turnus Rutulos animis audacibus implet, Allecto in Teucros Stygiis se concitat alis; Arte novâ speculata locum, quo littore pulcher Insidiis cursuque feras agitabat Iülus. Hic subitam canibus rabiem Cocytia virgo Objicit, et noto nares contingit odore, Ut cervum ardentes agerent : quæ prima laborum Causa fuit, belloque animos accendit agrestes. Cervus erat forma præstanti et cornibus ingens, Tyrrhidæ pueri quem matris ab ubere raptum Nutribant, Tyrrheusque pater; cui regia parent 485 Armenta, et latè custodia credita campi. Assuetum imperiis soror omni Silvia curâ Mollibus intexens ornabat cornua sertis. Pectebatque ferum, puroque in fonte lavabat. Ille manum patiens, mensæque assuetus herili, Errabat silvis; rursusque ad limina nota Ipse domum serâ quamvis se nocte ferebat. Hunc procul errantem rabidæ venantis Iüli Commovère canes; fluvio cùm fortè secundo Deflueret, ripâque æstus viridante levaret. 495 Ipse etiam, eximiæ laudis succensus amore, Ascanius curvo direxit spicula cornu: Nec dextræ erranti Deus afuit; actaque multo Perque uterum sonitu perque ilia venit arundo. Saucius at quadrupes nota intra tecta refugit, Successitque gemens stabulis; questuque cruentus, Atque imploranti similis, tectum omne replevit. Silvia prima soror, palmis percussa lacertos, Auxilium vocat, et duros conclamat agrestes. Olli (pestis enim tacitis latet aspera silvis) 505 Improvisi adsunt; hic torre armatus obusto, Stipitis hic gravidi nodis: quod cuique repertum Rimanti, telum ira facit. Vocat agmina Tyrrheus, Quadrifidam quercum cuneis ut fortè coactis Scindebat, rapta spirans immane securi. At sæva e speculis tempus Dea nacta nocendi

Ardua tecta petit stabuli, et de culmine summo Pastorale canit signum, cornuque recurvo Tartaream intendit vocem: quâ protinus omne Contremuit nemus, et silvæ intonuêre profundæ. 515 Audiit et Triviæ longè lacus; audiit amnis Sulfureâ Nar albus aquâ, fontesque Velini; Et trepidæ matres pressêre ad pectora natos. Tum verò ad vocem celeres, qua buccina signum Dira dedit, raptis concurrunt undique telis 520 Indomiti agricolæ: necnon et Troïa pubes Ascanio auxilium castris effundit apertis. Direxère acies: non jam, certamine agresti, Stipitibus duris agitur sudibusvė præustis; Sed ferro ancipiti decernunt; atraque latè Horrescit strictis seges ensibus, æraque fulgent Sole lacessita, et lucem sub nubila jactant: Fluctus utì primo cœpit cum albescere vento, Paulatim sese tollit mare, et altiùs undas Erigit, inde imo consurgit ad æthera fundo. Hic juvenis primam ante aciem stridente sagittà, Natorum Tyrrhi fuerat qui maximus, Almo Sternitur; hæsit enim sub gutture vulnus, et udæ Vocis iter tenuemque inclusit sanguine vitam. Corpora multa virûm circa; seniorque Galesus, Dum paci medium se offert, justissimus unus Qui fuit, Ausoniisque olim ditissimus arvis. Quinque greges illi balantûm, quina redibant Armenta, et terram centum vertebat aratris.

Atque ea per campos æquo dum Marte geruntur, Promissi Dea facta potens, ubi sanguine bellum Imbuit, et primæ commisit funera pugnæ, Deserit Hesperiam; et, cœli convexa per auras, Junonem victrix affatur voce superbâ:—
"En perfecta tibi bello discordia tristi: 546 Dic, in amicitiam coëant, et fædera jungant. Quandoquidem Ausonio respersi sanguine Teucros, Hoc etiam his addam, tua si mihi certa voluntas Finitimas in bella feram rumoribus urbes,

Accendamque animos insani Martis amore, Undique ut auxilio veniant: spargam arma per agros." Tum contrà Juno:-- "Terrorum et fraudis abundè Stant belli causæ; pugnatur cominus armis. Quæ fors prima dedit, sanguis novus imbuit, arma. Talia connubia et tales celebrent hymenæos Egregium Veneris genus et rex ipse Latinus. Te super ætherias errare licentiùs auras Haud pater ipse velit, summi regnator Olympi: Cede locis: ego, si qua super fortuna laborum est, · Ipsa regam." Tales dederat Saturnia voces. Illa autem attollit stridentes anguibus alas, Cocytique petit sedem, supera ardua linquens. Est locus, Italiæ in medio sub montibus altis. Nobilis, et fama multis memoratus in oris, Amsancti valles: densis hunc frondibus atrum Urget utrimque latus nemoris, medioque fragosus Dat sonitum saxis et torto vertice torrens. Hic specus horrendum, sævi spiracula Ditis, Monstratur, ruptoque ingens Acheronte vorago Pestiferas aperit fauces; queis condita Erinnys, Invisum numen, terras cœlumque levabat.

Nec minus interea extremam Saturnia bello Imponit regina manum. Ruit omnis in urbem Pastorum ex acie numerus, cæsosque reportant, Almonem puerum, fædatique ora Galesi; Implorantque Deos, obtestanturque Latinum. Turnus adest, medioque in crimine cædis et ignis Terrorem ingeminat: "Teucros in regna vocari, Stirpem admisceri Phrygiam, se limine pelli." Tum, quorum attonitæ Baccho nemora avia matres Insultant thiasis (neque enim leve nomen Amatæ), Undique collecti coëunt, Martemque fatigant. Ilicet infandum cuncti contra omina bellum, Contra fata Deûm, perverso numine poscunt. Certatim regis circumstant tecta Latini. Ille, velut pelagi rupes immota, resistit: [Ut pelagi rupes, magno veniente fragore,]

Quæ sese, multis circùm latrantibus undis,
Mole tenet; scopuli nequicquam et spumea circùm
Saxa fremunt, laterique illisa refunditur alga.

Verùm, ubi nulla datur cæcum exsuperare potestas
Consilium, et sævæ nutu Junonis eunt res,
Multa Deos, aurasque pater testatus inanes,

"Frangimur heu fatis," inquit, "ferimurque procellâ.
Ipsi has sacrilego pendetis sanguine pænas,
O miseri! Te, Turne, nefas, te triste manebit
Supplicium; votisque Deos venerabere seris.
Nam mihi parta quies, omnisque in limine portus:
Funere felici spolior." Nec plura locutus
Sepsit se tectis, rerumque reliquit habenas.

Mos erat Hesperio in Latio (quem protinus urbes Albanæ coluêre sacrum, nunc maxima rerum Roma colit), cùm prima movent in prælia Martem, Sive Getis inferre manu lacrymabile bellum, Hyrcanisve, Arabisve parant; seu tendere ad Indos Auroramque sequi, Parthosque reposcere signa. Sunt geminæ Belli portæ (sic nomine dicunt) Relligione sacræ et sævi formidine Martis: Centum ærei claudunt vectes, æternaque ferri Robora; nec custos absistit limine Janus. 610 Has, ubi certa sedet patribus sententia pugnæ, Ipse, Quirinali trabeâ cinctuque Gabino Insignis, reserat stridentia limina consul; Ipse vocat pugnas: sequitur tum cetera pubes, Æreaque assensu conspirant cornua rauco. 615 Hoc et tum Æneadis indicere bella Latinus More jubebatur, tristesque recludere portas. Abstinuit tactu pater, aversusque refugit Fæda ministeria, et cæcis se condidit umbris. Tum regina Deûm, cœlo delapsa, morantes 620 Impulit ipsa manu portas, et, cardine verso, Belli ferratos rupit Saturnia postes.

Ardet inexcita Ausonia atque immobilis antè: Pars pedes ire parat campis; pars arduus altis Pulverulentus equis furit: omnes arma requirunt. 645 Pars leves clypeos et spicula lucida tergunt
Arvinâ pingui, subiguntque in cote secures;
Signaque ferre juvat, sonitusque audire tubarum.
Quinque adeò magnæ positis incudibus urbes
Tela novant; Atina potens, Tiburque superbum, 650
Ardea, Crustumerique, et turrigeræ Antemnæ.
Tegmina tuta cavant capitum, flectuntque salignas
Umbonum crates; alii thoracas ahenos,
Aut leves ocreas lento ducunt argento.
Vomeris huc et falcis honos, huc omnis aratri
635
Cessit amor; recoquunt patrios fornacibus enses;
Classica jamque sonant; it bello tessera signum.
Hic galeam tectis trepidus rapit; ille frementes
Ad juga cogit equos, clypeumque auroque trilicem
Loricam induitur, fidoque accingitur ense.

Pandite nunc Helicona, Deæ, cantusque movete: Qui bello exciti reges; quæ quemque secutæ Complèrint campos acies; quibus Itala jam tum Floruerit terra alma viris, quibus arserit armis: Et meministis enim, Divæ, et memorare potestis; 645 Ad nos vix tenuis famæ perlabitur aura.

Primus init bellum Tyrrhenis asper ab oris Contemtor Divûm Mezentius, agminaque armat. Filius huic juxtà Lausus; quo pulchrior alter Non fuit, excepto Laurentis corpore Turni: Lausus equûm domitor, debellatorque ferarum, Ducit Agyllinâ nequicquam ex urbe secutos Mille viros; dignus, patriis qui lætior esset Imperiis, et cui pater haud Mezentius esset. Post hos insignem palmâ per gramina currum, Victoresque ostentat equos, satus Hercule pulchro Pulcher Aventinus; clypeoque, insigne paternum, Centum angues cinctamque gerit serpentibus hydram: Collis Aventini silva quem Rhea sacerdos Furtivum partu sub luminis edidit oras, 660 Mixta Deo mulier; postquam Laurentia victor, Geryone extincto, Tirynthius attigit arva, Tyrrhenoque boves in flumine lavit Iberas.

Pila manu, sævosque gerunt in bella dolones; Et tereti pugnant mucrone veruque Sabello. 665 Ipse pedes tegmen torquens immane leonis, Terribili impexum setâ, cum dentibus albis, Indutus capiti; sic regia tecta subibat Horridus, Herculeoque humeros innexus amictu. Tum gemini fratres Tiburtia mænia linguunt, Fratris Tiburti dictam cognomine gentem, Catillusque acerque Coras, Argiva juventus; Et primam ante aciem densa inter tela feruntur: Ceu duo nubigenæ cum vertice montis ab alto Descendunt Centauri, Homolen Othrynque nivalem Linquentes cursu rapido: dat euntibus ingens Silva locum, et magno cedunt virgulta fragore. Nec Prænestinæ fundator defuit urbis: Vulcano genitum pecora inter agrestia regem, Inventumque focis omnis quem credidit ætas, 680 Cœculus: hunc legio latè comitatur agrestis; Quique altum Præneste viri, quique arva Gabinæ Junonis, gelidumque Anienem, et roscida rivis Hernica saxa colunt; quos, dives Anagnia, pascis; Quos, Amasene pater. Non illis omnibus arma, 685 Nec clypei currusve sonant: pars maxima glandes Liventis plumbi spargit; pars spicula gestat Bina manu; fulvosque lupi de pelle galeros Tegmen habet capiti; vestigia nuda sinistri Instituêre pedis, crudus tegit altera pero.

At Messapus equûm domitor, Neptunia proles, Quem neque fas igni cuiquam nec sternere ferro, Jampridem resides populos desuetaque bello Agmina in arma vocat subitò, ferrumque retractat. Hi Fescenninas acies, Æquosque Faliscos, 695 Hi Soractis habent arces, Flaviniaque arva, Et Cimini cum monte lacum, lucosque Capenos. Ibant æquati numero, regemque canebant: Ceu quondam nivei liquida inter nubila cycni, Cûm sese e pastu referunt, et longa canoros 700 Dant per colla modos: sonat amnis, et Asia longè

Pulsa palus.

705

Nec quisquam æratas acies ex agmine tanto Misceri putet, aëriam sed gurgite ab alto Urgeri volucrum raucarum ad littora nubem.

Ecce, Sabinorum prisco de sanguine, magnum Agmen agens Clausus, magnique ipse agminis instar, Claudia nunc a quo diffunditur et tribus et gens Per Latium, postquam in partem data Roma Sabinis. Unà ingens Amiterna cohors, priscique Quirites; 710 . Ereti manus omnis, oliviferæque Mutuscæ; Qui Nomentum urbem, qui rosea rura Velini, Qui Tetricæ horrentes rupes, montemque Severum, Casperiamque colunt, Forulosque, et flumen Himellæ;

Qui Tybrim Fabarimque bibunt; quos frigida misit Nursia, et Hortinæ classes, populique Latini; Quosque secans, infaustum, interluit Allia, nomen: Quam multi Libyco volvuntur marmore fluctus, Sævus ubi Orion hybernis conditur undis; Vel quam Sole novo densæ torrentur aristæ, 720 Aut Hermi campo, aut Lyciæ flaventibus arvis. Scuta sonant, pulsuque pedum conterrita tellus. Hinc Agamemnonius, Trojani nominis hostis, Curru jungit Halesus equos, Turnoque feroces Mille rapit populos; vertunt felicia Baccho 725 Massica qui rastris; et quos de collibus altis Aurunci misêre patres, Sidicinaque juxtà Æquora; quique Cales linquunt; amnisque vadosi Accola Vulturni; pariterque Saticulus asper, Oscorumque manus. Teretes sunt aclydes illis Tela; sed hæc lento mos est aptare flagello: Lævas cætra tegit; falcati cominùs enses.

Nec tu carminibus nostris indictus abibis,
Œbale; quem generâsse Telon Sebethide Nymphâ
Fertur, Teleboum Capreas cùm regna teneret
Jam senior: patriis sed non et filius arvis
Contentus, latè jam tum ditione premebat
Sarrastes populos, et quæ rigat æquora Sarnus; [næ;
Quique Rufras, Batulumque tenent, atque arva CelenEt quos maliferæ despectant mænia Abellæ:

Teutonico ritu soliti torquere cateias; Tegmina queis capitum raptus de subere cortex; Æratæque micant peltæ; micat æreus ensis. Et te montosæ misêre in prælia Nersæ, Ufens, insignem fama et felicibus armis; 745 Horrida præcipuè cui gens, assuetaque multo Venatu nemorum, duris Æquicola glebis: Armati terram exercent, semperque recentes Convectare juvat prædas, et vivere rapto. Quin et Marrubia venit de gente sacerdos, 750 Fronde super galeam et felici comtus olivâ, Archippi regis missu, fortissimus Umbro: Vipereo generi et graviter spirantibus hydris Spargere qui somnos cantuque manuque solebat, Mulcebatque iras, et morsus arte levabat. 755 Sed non Dardaniæ medicari cuspidis ictum Evaluit; neque eum juvêre in vulnera cantus Somniferi, et Marsis quæsitæ in montibus herbæ. Te nemus Anguitiæ, vitreâ te Fucinus undâ, Te liquidi flevere lacus. 760 Ibat et Hippolyti proles pulcherrima bello, Virbius; insignem quem mater Aricia misit, Eductum Egeriæ lucis humentia circum Littora, pinguis ubi et placabilis ara Dianæ. [vercæ Namque ferunt famâ Hippolytum, postquam arte no-Occiderit, patriasque explêrit sanguine pœnas, Turbatis distractus equis, ad sidera rursus Ætherea et superas cœli venisse sub auras, Pæonîs revocatum herbis, et amore Dianæ. Tum Pater omnipotens, aliquem indignatus ab umbris Mortalem infernis ad lumina surgere vitæ. 771 Ipse repertorem medicinæ talis et artis Fulmine Phœbigenam Stygias detrusit ad undas. At Trivia Hippolytum secretis alma recondit Sedibus, et Nymphæ Ægeriæ nemorique relegat: :75 Solus ubi in silvis Italis ignobilis ævum Exigeret, versoque ubi nomine Virbius esset. Undè etiam Triviæ templo lucisque sacratis Cornipedes arcentur equi, quòd littore currum

780

Et juvenem monstris pavidi effudère marinis. Filius ardentes haud secius æquore campi Exercebat equos, curruque in bella ruebat.

Ipse inter primos præstanti corpore Turnus Vertitur, arma tenens, et toto vertice suprà est: Cui triplici crinita jubâ galea alta Chimæram 785 Sustinet, Ætnæos efflantem faucibus ignes; Tam magis illa fremens, et tristibus effera flammis, Quam magis effuso crudescunt sanguine pugnæ: At levem clypeum sublatis cornibus Io Auro insignibat, jam setis obsita, jam bos, 7.0 (Argumentum ingens) et custos virginis Argus, Cœlatâque amnem fundens pater Inachus urnâ. Insequitur nimbus peditum, clypeataque totis Agmina densantur campis, Argivaque pubes, Auruncæque manus, Rutuli, veteresque Sicani, Et Sacranæ acies, et picti scuta Labici; Qui saltus, Tiberine, tuos, sacrumque Numici Littus arant, Rutulosque exercent vomere colles, Circæumque jugum; queis Jupiter Anxurus arvis Præsidet, et viridi gaudens Feronia luco; Quà Saturæ jacet atra palus, gelidusque per imas Quærit iter valles, atque in mare conditur, Ufens.

Hos super advenit Volscâ de gente Camilla, Agmen agens equitum et florentes ære catervas, Bellatrix: non illa colo calathisve Minervæ 805 Fœmineas assueta manus; sed prælia virgo Dura pati, cursuque pedum prævertere ventos. Illa vel intactæ segetis per summa volaret Gramina, nec teneras cursu læsisset aristas: Vel mare per medium, fluctu suspensa tumenti, 810 Ferret iter, celeres nec tingeret æquore plantas. Illam omnis tectis agrisque effusa juventus Turbaque miratur matrum, et prospectat euntem, Attonitis inhians animis: ut regius ostro Velet honos leves humeros; ut fibula crinem Auro internectat: Lyciam ut gerat ipsa pharetram, Et pastoralem præfixâ cuspide myrtum.

## LIBER VIII.

UT belli signum Laurenti Turnus ab arce Extulit, et rauco strepuerunt cornua cantu; Utque acres concussit equos, utque impulit arma; Extemplò turbati animi: simul omne tumultu Conjurat trepido Latium, sævitque juventus Ductores primi, Messapus, et Ufens, Contemtorque Deûm Mezentius, undique cogunt Auxilia, et latos vastant cultoribus agros. Mittitur et magni Venulus Diomedis ad urbem, Qui petat auxilium; et, Latio consistere Teucros, 10 Advectum Ænean classi, victosque Penates Inferre, et fatis regem se dicere posci, Edoceat; multasque viro se adjungere gentes Dardanio, et latè Latio increbrescere nomen: Quid struat his coeptis; quem, si fortuna sequatur, Eventum pugnæ cupiat; manifestiùs ipsi, Quàm Turno regi, aut regi apparere Latino. Talia per Latium: quæ Laomedontius heros Cuncta videns, magno curarum fluctuat æstu; Atque animum nunc huc celerem, nunc dividit illuc, In partesque rapit varias, perque omnia versat: Sicut aquæ tremulum labris ubi lumen ahenis, Sole repercussum, aut radiantis imagine lunæ, Omnia pervolitat latè loca; jamque sub auras

Erigitur, summique ferit laquearia tecti.
Nox erat, et terras animalia fessa per omnes
Alituum pecudumque genus sopor altus habebat:
Cum pater in ripâ, gelidique sub ætheris axe,
Æneas, tristi turbatus pectora bello,
Procubuit, seramque dedit per membra quietem.
Huic Deus ipse loci, fluvio Tiberinus amœno,
Populeas inter senior se attollere frondes
Visus: eum tenuis glauco velabat amictu

Carbasus, et crines umbrosa tegebat arundo. Tum sic affari, et curas his demere dictis:-"O sate gente Deûm, Trojanam ex hostibus urbem Qui revehis nobis, æternaque Pergama servas, Expectate solo Laurenti arvisque Latinis, Hic tibi certa domus; certi, ne absiste, Penates; Neu belli terrere minis: tumor omnis et iræ Concessêre Deûm. Jamque tibi, ne vana putes hæc fingere somnum, Littoreis ingens inventa sub ilicibus sus, Triginta capitum fœtus enixa, jacebit: Alba, solo recubans, albi circum ubera nati. Hic locus urbis erit, requies ea certa laborum: Ex quo ter denis urbem redeuntibus annis Ascanius clari condet cognominis Albam. Haud incerta cano. Nunc, quâ ratione, quod instat. Expedias victor, paucis (adverte) docebo. Arcades his oris, genus a Pallante profectum, Qui regem Evandrum comites, qui signa secuti, Delegêre locum, et posuêre in montibus urbem, Pallantis proavi de nomine, Pallantëum. Hi bellum assiduè ducunt cum gente Latinâ; 55 Hos castris adhibe socios, et fœdera junge. Ipse ego te ripis et recto flumine ducam, Adversum remis superes subvectus ut amnem. Surge, age, nate Dea; primisque cadentibus astris Junoni fer ritè preces, iramque minasque Supplicibus supera votis: mihi victor honorem Persolves. Ego sum, pleno quem flumine cernis Stringentem ripas, et pinguia culta secantem, Cœruleus Tybris, cœlo gratissimus amnis. Hic mihi magna domus, celsis caput urbibus, exit." 65 Dixit: deinde lacu Fluvius se condidit alto. Ima petens. Nox Ænean somnusque reliquit. Surgit, et ætherii spectans orientia Solis Lumina, ritè cavis undam de flumine palmis Sustulit, ac tales effudit ad æthera voces:— "Nymphæ, Laurentes Nymphæ, genus amnibus undè

Tuque, o Tybri tuo genitor cum flumine sancto, Accipite Ænean, et tandem arcete perîclis. Quo te cunque lacus, miserantem incommoda nostra, Fonte tenet, quocunque solo pulcherrimus exis, Semper honore meo, semper celebrabere donis, Corniger Hesperidum fluvius regnator aquarum. Adsis o tantum, et propius tua numina firmes." Sic memorat, geminasque legit de classe biremes, Remigioque aptat: socios simul instruit armis. Ecce autem subitum atque oculis mirabile monstrum! Candida per silvam cum fœtu concolor albo Procubuit, viridique in littore conspicitur sus: Quam pius Æneas tibi enim, tibi, maxima Juno, Mactat, sacra ferens, et cum grege sistit ad aram. & Tybris eâ fluvium, quàm longa est, nocte tumentem Leniit, et tacità refluens ita substitit undà, Mitis ut, in morem stagni placidæque paludis, Sterneret æquor aquis, remo ut luctamen abesset. Ergò iter inceptum celerant rumore secundo: Labitur uncta vadis abies: mirantur et undæ, Miratur nemus insuetum, fulgentia longè Scuta virûm fluvio pictasque innare carinas. Olli remigio noctemque diemque fatigant, Et longos superant flexus, variisque teguntur Arboribus, viridesque secant placido æquore silvas.

Sol medium cœli conscenderat igneus orbem,
Cùm muros, arcemque procul, et rara domorum
Tecta vident, quæ nunc Romana potentia cœlo
Æquavit: tum res inopes Evandrus habebat.

Ocyùs advertunt proras, urbique propinquant.
Fortè die solemnem illo rex Arcas honorem
Amphitryoniadæ magno Divisque ferebat,
Ante urbem, in luco: Pallas huic filius unà,
Unà omnes juvenum primi, pauperque senatus,
Thura dabant; tepidusque cruor fumabat ad aras.
Ut celsas vidère rates, atque inter opacum
Allabi nemus, et tacitis incumbere remis,
Terrentur visu subito; cunctique relictis

Consurgunt mensis: audax quos rumpere Pallas Sacra vetat, raptoque volat telo obvius ipse, Et procul e tumulo :-- "Juvenes, quæ causa subegit Ignotas tentare vias? quò tenditis?" inquit. "Qui genus? undè domo? pacemne huc fertis, an arma?" Tum pater Æneas puppi sic fatur ab altâ; Paciferæque manu ramum prætendit olivæ:-"Trojugenas ac tela vides inimica Latinis; Quos illi bello profugos egêre superbo: Evandrum petimus: ferte hæc, et dicite lectos Dardaniæ venisse duces, socia arma rogantes." Obstupuit tanto perculsus nomine Pallas: "Egredere o, quicunque es," ait, "coramque parentem Alloquere, ac nostris succede penatibus hospes." Excepitque manu, dextramque amplexus inhæsit. Progressi subeunt luco, fluviumque relinquunt. Tum regem Æneas dictis affatur amicis:-"Optime Grajugenûm, cui me Fortuna precari, Et vittà comtos voluit prætendere ramos, Non equidem extimui, Danaûm quòd ductor et Arcas, Quòdque a stirpe fores geminis conjunctus Atridis: Sed mea me virtus, et sancta oracula Divûm, Cognatique patres, tua terris didita fama, Conjunxère tibi, et fatis egère volentem. Dardanus, Iliacæ primus pater urbis et auctor, Electrâ, ut Graii perhibent, Atlantide cretus, 135 Advehitur Teucros: Electram maximus Atlas Edidit, æthereos humero qui sustinet orbes. Vobis Mercurius pater est, quem candida Maia Cyllenæ gelido conceptum vertice fudit. At Maiam, auditis si quicquam credimus, Atlas, Idem Atlas, generat, cœli qui sidera tollit. Sic genus amborum scindit se sanguine ab uno. His fretus non legatos, neque prima per artem Tentamenta tui pepigi: me, me ipse meumque Objeci caput, et supplex ad limina veni. 145 Gens eadem, quæ te crudeli, Daunia, bello Insequitur, nos si pellant, nihil abfore credunt,

Quin omnem Hesperiam penitùs sua sub juga mittant, Et mare, quod suprà, teneant, quodque alluit infrà. Accipe, daque fidem: sunt nobis fortia bello Pectora, sunt animi, et rebus spectata juventus." Dixerat Æneas: ille os oculosque loquentis Jamdudum, et totum lustrabat lumine corpus. Tum sic pauca refert :-- "Ut te, fortissime Teucrum, Accipio agnoscoque libens! ut verba parentis 155 Et vocem Anchisæ magni vultumque recordor! Nam memini Hesionæ visentem regna sororis Laomedontiaden Priamum, Salamina petentem, Protinus Arcadiæ gelidos invisere fines. Tum mihi prima genas vestibat flore juventa; 160 Mirabarque duces Teucros, mirabar et ipsum Laomedontiaden: sed cunctis altior ibat Anchises. Mihi mens juvenali ardebat amore Compellare virum, et dextree conjungere dextram. Accessi, et cupidus Phenei sub mœnia duxi. Ille mihi insignem pharetram Lyciasque sagittas, Discedens, chlamydemoue auro dedit intertextam, Frænaque bina, meus quæ nunc habet, aurea, Pallas. Ergò et, quam petitis, juncta est mihi fædere dextra; Et, lux cum primum terris se crastina reddet, Auxilio lætos dimittam, opibusque juvabo. Intereà sacra hæc, quando huc venistis amici, Annua, quæ differre nefas, celebrate faventes Nobiscum, et jam nunc sociorum assuescite mensis." Hec ubi dicta, dapes jubet et sublata reponi 175 Pocula, gramineoque viros locat ipse sedili; Præcipuumque toro et villosi pelle leonis Accipit Ænean, solioque invitat acerno. Tum lecti juvenes certatim aræque sacerdos Viscera tosta ferunt taurorum, onerantque canistris Dona laboratæ Cereris, Bacchumque ministrant. Vescitur Æneas, simul et Trojana juventus, Perpetui tergo bovis et lustralibus extis.

Postquam exemta fames, et amor compressus edendi, Rex Evandrus ait:—" Non hæc solemnia nobis, 183 Has ex more dapes, hanc tanti numinis aram Vana superstitio veterumve ignara Deorum Imposuit: sævis, hospes Trojane, periclis Servati facimus, meritosque novamus honores. Jam primum saxis suspensam hanc aspice rupem: 190 Disjectæ procul ut moles, desertaque montis Stat domus, et scopuli ingentem traxère ruinam. Hic spelunca fuit, vasto submota recessu. Semihominis Caci facies quam dira tenebat, Solis inaccessam radiis; semperque recenti 195 Cæde tepebat humus; foribusque affixa superbis Ora virûm tristi pendebant pallida tabo. Huic monstro Vulcanus erat pater: illius atros Ore vomens ignes, magna se mole ferebat. Attulit et nobis aliquandò optantibus ætas 500 Auxilium adventumque Dei: nam maximus ultor Tergemini nece Geryonis spoliisque superbus, Alcides aderat, taurosque hac victor agebat Ingentes: vallemque boves amnemque tenebant. At furiis Caci mens effera, ne quid inausum 205 Aut intentatum scelerisve dolive fuisset. Quatuor a stabulis præstanti corpore tauros Avertit, totidem formâ superante juvencas: Atque hos, nè qua forent pedibus vestigia rectis, Caudâ in speluncam tractos, versisque viarum £10 Indiciis raptos, saxo occultabat opaco. Quærentem nulla ad speluncam signa ferebant. Intereà cùm jam stabulis saturata moveret Amphitryoniades armenta, abitumque pararet. Discessu mugire boves, atque omne querelis 215 Impleri nemus, et colles clamore relinqui. Reddidit una boum vocem, vastoque sub antro Mugiit, et Caci spem custodita fefellit. Hic verò Alcidæ furiis exarserat atro Felle dolor: rapit arma manu, nodisque gravatum Robur; et aërii cursu petit ardua montis. Tum primum nostri Cacum vidêre timentem, Turbatumque oculis: fugit ilicet ocyor Euro,

Speluncamque petit; pedibus timor addidit alas. Ut sese inclusit, ruptisque immane catenis Dejecit saxum, quod ferro et arte paternâ Pendebat, fultosque emuniit objice postes, Ecce furens animis aderat Tirynthius; omnemque Accessum lustrans, huc ora ferebat et illuc, Dentibus infrendens: ter totum fervidus irâ 230 Lustrat Aventini montem; ter saxea tentat Limina nequicquam; ter fessus valle resedit. Stabat acuta silex, præcisis undique saxis, Speluncæ dorso insurgens, altissima visu; Dirarum nidis domus opportuna volucrum: 235 Hanc, ut prona jugo lævum incumbebat ad amnem, Dexter in adversum nitens concussit, et imis Avulsam solvit radicibus; indè repentè Impulit; impulsu quo maximus insonat æther, Dissultant ripæ, refluitque exterritus amnis. 240 At specus et Caci detecta apparuit ingens Regia, et umbrosæ penitùs patuêre cavernæ: Non secus ac si qua penitus vi terra dehiscens Infernas reseret sedes, et regna recludat Pallida, Dîs invisa; superque immane barathrum 245 Cernatur, trepidentque immisso lumine Manes. Ergò insperata deprensum in luce repentè, Inclusumque cavo saxo, atque insueta rudentem, Desuper Alcides telis premit, omniaque arma Advocat, et ramis vastisque molaribus instat. Ille autem, neque enim fuga jam supèr ulla perîcli, Faucibus ingentem fumum (mirabile dictu!) Evomit; involvitque domum caligine cæcâ, Prospectum eripiens oculis: glomeratque sub antro Fumiferam noctem, commixtis igne tenebris. Non tulit Alcides animis; seque ipse per ignem Præcipiti jecit saltu, quà plurimus undam Fumus agit, nebulâque ingens specus æstuat atrâ. Hic Cacum in cenebris, incendia vana vomentem, Corripit in nodum complexus, et angit inhærens & Elisos oculos, et siccum sanguine guttur.

Panditur extemplò foribus domus atra revulsis: Abstractæque boves abjuratæque rapinæ Cœlo ostenduntur; pedibusque informe cadaver Protrahitur. Nequeunt expleri corda tuendo 265 Terribiles oculos, vultum, villosaque setis Pectora semiferi, atque extinctos faucibus ignes. Ex illo celebratus honos; lætique minores Servavêre diem: primusque Potitius auctor, Et domus Herculei custos Pinaria sacri, 270 [Hanc aram luco statuit; quæ Maxima semper Dicetur nobis, et erit quæ maxima semper.] Quare agite, o juvenes, tantarum in munere laudum Cingite fronde comas, et pocula porgite dextris, Communemque vocate Deum, et date vina volentes." Dixerat: Herculeâ bicolor cum populus umbrâ Velavitque comas, foliisque innexa pependit; Et sacer implevit dextram scyphus: ocyùs omnes In mensam læti libant, Divosque precantur.

Devexo interea propior fit vesper Olympo: 280 Jamque sacerdotes primusque Potitius ibant, Pellibus in morem cincti, flammasque ferebant; [Instaurant epulas, et mensæ grata secundæ Dona ferunt, cumulantque oneratis lancibus aras.] Tum Salii ad cantus, incensa altaria circum, 285 Populeis adsunt evincti tempora ramis: Hic juvenum chorus; ille senum; qui carmine laudes Herculeas et facta ferunt: ut prima novercee Monstra manu geminosque premens eliserit angues: Ut bello egregias idem disjecerit urbes, 290 Trojamque, Œchaliamque; ut duros mille labores Rege sub Eurystheo, fatis Junonis iniquæ, Pertulerit. Tu nubigenas, invicte, bimembres, Hylæumque, Pholumque, manu; tu Cressia mactas Prodigia; et vastum Nemeæ sub rupe leonem: Te Stygii tremuêre lacus; te janitor Orci, Ossa super recubans antro semesa cruento: Nec te ullæ facies, non terruit ipse Typhæus Arduus, arma tenens; non te rationis egentem

Lernæus turbâ capitum circumstetit anguis. sor Salve, vera Jovis proles, decus addite Divis; Et nos, et tua dexter adi pede sacra secundo.—Talia carminibus celebrant; super omnia Caci Speluncam adjiciunt, spirantemque ignibus ipsum. Consonat omne nemus strepitu, collesque resultant.

Exin se cuncti divinis rebus ad urbem Perfectis referunt: ibat rex obsitus ævo, Et comitem Ænean juxtà natumque tenebat Ingrediens, varioque viam sermone levabat. Miratur, facilesque oculos fert omnia circum 310 Æneas, capiturque locis, et singula lætus Exquiritque auditque virûm monumenta priorum. Tum rex Evandrus, Romanæ conditor arcis: - [bant, "Hæc nemora indigenæ Fauni Nymphæque tene-Gensque virûm truncis et duro robore nata: Queis neque mos, neque cultus erat; nec jungere tau-Aut componere opes norant, aut parcere parto; Sed rami, atque asper victu venatus alebat. Primus ab æthereo venit Saturnus Olympo, Arma Jovis fugiens, et regnis exul ademtis: 320 Is genus indocile ac dispersum montibus altis Composuit, legesque dedit; Latiumque vocari Maluit, his quoniam latuisset tutus in oris. Aurea, quæ perhibent, illo sub rege fuerunt Sæcula; sic placidâ populos in pace regebat: 325 Deterior donec paulatim ac decolor ætas, Et belli rabies, et amor successit habendi. Tum manus Ausoniæ, et gentes venêre Sicanæ; Sæpius et nomen posuit Saturnia tellus. Tum reges, asperque immani corpore Tybris; 330 A quo post Itali fluvium cognomine Tybrin Diximus; amisit verum vetus Albula nomen. Me pulsum patrià, pelagique extrema sequentem, Fortuna omnipotens et ineluctabile fatum His posuêre locis; matrisque egêre tremenda Carmentis Nymphæ monita, et Deus auctor Apollo." Vix ea dicta: dehinc progressus monstrat et aram,

Et Carmentalem Romano nomine portam, rem Quam memorant Nymphæ priscum Carmentis hono-Vatis fatidicæ; cecinit quæ prima futuros Æneadas magnos, et nobile Pallantëum. Hinc lucum ingentem, quem Romulus acer Asylum Rettulit, et gelida monstrat sub rupe Lupercal, Parrhasio dictum Panos de more Lycæi. Necnon et sacri monstrat nemus Argileti; 345 Testaturque locum, et letum docet hospitis Argi. Hinc ad Tarpeiam sedem et Capitolia ducit, Aurea nunc, olim silvestribus horrida dumis: Jam tum religio pavidos terrebat agrestes Dira loci, jam tum silvam saxumque tremebant. 350 "Hoc nemus, hunc," inquit, "frondoso vertice collem (Quis Deus, incertum est) habitat Deus. Arcades ipsum Credunt se vidisse Jovem; cum sæpe nigrantem Ægida concuteret dextrâ, nimbosque cieret. Hæc duo prætereà disjectis oppida muris, Reliquias veterumque vides monumenta virorum: Hanc Janus pater, hanc Saturnus condidit urbem; Janiculum huic, illi fuerat Saturnia nomen." Talibus inter se dictis ad tecta subibant Pauperis Evandri; passimque armenta videbant 360 Romanoque foro et lautis mugire Carinis. Ut ventum ad sedes:-" Hæc," inquit, "limina victor Alcides subiit; hæc illum regia cepit. Aude, hospes, contemnere opes, et te quoque dignum Finge Deo, rebusque veni non asper egenis." 365 Dixit: et angusti subter fastigia tecti Ingentem Ænean duxit, stratisque locavit, Effultum foliis et pelle Libystidis ursæ. Nox ruit, et fuscis tellurem amplectitur alis.

Nox ruit, et fuscis tellurem amplectitur alis.
At Venus, haud animo nequicquam exterrita, mater,
Laurentûmque minis et duro mota tumultu, 371
Vulcanum alloquitur; thalamoque hæc conjugis aureo
Incipit, et dictis divinum aspirat amorem:—
"Dum bello Argolici vastabant Pergama reges
Debita, casurasque inimicis ignibus arces, 375

Non ullum auxilium miseris, non arma rogavi Artis opisque tuæ; nec te, carissime conjux, Incassumve tuos volui exercere labores: Quamvis et Priami deberem plurima natis, Et durum Æneæ flevissem sæpè laborem. Nunc, Jovis imperiis, Rutulorum constitit oris: Ergò eadem supplex venio, et sanctum mihi numen Te filia Nerei, Arma rogo, genitrix nato. Te potuit lacrymis Tithonia flectere conjux. Aspice, qui coëant populi, quæ mænia clausis Ferrum acuant portis, in me excidiumque meorum." Dixerat: et niveis hinc atque hinc Diva lacertis Cunctantem amplexu molli fovet; ille repentè Accepit solitam flammam, notusque medullas Intravit calor, et labefacta per ossa cucurrit: Non secus atque olim, tonitru cum rupta corusco Ignea rima micans percurrit lumine nimbos. Sensit læta dolis et formæ conscia conjux; Tum pater æterno fatur devinctus amore: "Quid causas petis ex alto? fiducia cessit 395 Quò tibi, Diva, mei? similis si cura fuisset, Tum quoquè fas nobis Teucros armare fuisset; Nec Pater omnipotens Trojam, nec fata vetabant Stare, decemque alios Priamum superesse per annos. Et nunc, si bellare paras, atque hæc tibi mens est, Quicquid in arte mea possum promittere curse, Quod fieri ferro, liquidove potest electro, Quantum ignes animæque valent, absiste precando Viribus indubitare tuis." Ea verba locutus Optatos dedit amplexus, placidumque petivit Conjugis infusus gremio per membra soporem. Indè (ubi prima quies medio jam noctis abactæ Curriculo expulerat somnum, cum fæmina primum, Cui tolerare colo vitam tenuique Minerva Impositum, cinerem et sopitos suscitat ignes, Noctem addens operi; famulasque ad lumina longo Exercet penso; castum ut servare cubile Conjugis, et possit parvos educere natos:)

Haud secus ignipotens, nec tempore segnior illo, Mollibus e stratis opera ad fabrilia surgit. Insula Sicanium juxta latus Æoliamque Erigitur Liparen, fumantibus ardua saxis: Quam subter specus et Cyclopum exesa caminis Antra Ætnæa tonant, validique incudibus ictus Auditi referunt gemitum, striduntque cavernis Stricturæ Chalybum, et fornacibus ignis anhelat: Vulcani domus, et Vulcania nomine tellus. Huc tunc ignipotens coelo descendit ab alto. Ferrum exercebant vasto Cyclopes in antro, Brontesque, Steropesque, et nudus membra Pyracmon. His informatum manibus jam parte politâ Fulmen erat, toto genitor quæ plurima cœlo Dejicit in terras; pars imperfecta manebat; Tres imbris torti radios, tres nubis aquosæ Addiderant, rutili tres ignis et alitis Austri; Fulgores nunc terrificos, sonitumque, metumque Miscebant operi, flammisque sequacibus iras. Parte alià Marti currumque rotasque volucres Instabant, quibus ille viros, quibus excitat urbes; Ægidaque horrificam, turbatæ Palladis arma, Certatim squamis serpentum auroque polibant; Connexosque angues, ipsamque in pectore Divæ Gorgona, desecto vertentem lumina collo. "Tollite cuncta," inquit, "ceptosque auferte labores, Ætnæi Cyclopes, et huc advertite mentem. Arma acri facienda viro: nunc viribus usus, Nunc manibus rapidis, omni nunc arte magistrâ. Præcipitate moras." Nec plura effatus; at illi Ocyùs incubuêre omnes, pariterque laborem Sortiti: fluit æs rivis, aurique metallum; 415 Vulnificusque chalybs vastá fornace liquescit. Ingentem clypeum informant, unum omnia contra Tela Latinorum: septenosque orbibus orbes Impediunt. Alii ventosis follibus auras Accipiunt redduntque; alii stridentia tingunt Gemit impositis incudibus antrum: Æra lacu.

Illi inter sese multa vi brachia tollunt In numerum, versantque tenaci forcipe massam. Heec pater Æoliis properat dum Lemnius oris, Evandrum ex humili tecto lux suscitat alma. Et matutini volucrum sub culmine cantus. Consurgit senior, tunicâque inducitur artus, Et Tyrrhena pedum circumdat vincula plantis: Tum lateri atque humeris Tegeæum subligat ensem; Demissa ab lævå pantheræ terga retorquens. Nec non et gemini custodes limine ab alto Procedunt, gressumque canes comitantur herilem. Hospitis Æneæ sedem et secreta petebat, Sermonum memor et promissi muneris, heros. Nec minus Eneas se matutinus agebat. 465 Filius huic Pallas, olli comes ibat Achates. Congressi jungunt dextras, mediisque residunt Ædibus, et licito tandem sermone fruuntur. Rex prior hæc:— "Maxime Teucrorum ductor, quo sospite nunquam Res equidem Trojæ victas aut regna fatebor, Nobis ad belli auxilium pro nomine tanto Exiguæ vires: hinc Tusco claudimur amni: Hinc Rutulus premit, et murum circumsonat armis. Sed tibi ego ingentes populos opulentaque regnis 475 Jungere castra paro, quam fors inopina salutem Ostentat: fatis huc te poscentibus affers. Haud procul hine saxo colitur fundata vetusto Urbis Agyllinæ sedes; ubi Lydia quondam Gens, bello præclara, jugis insedit Etruscis. Hanc, multos florentem annos, rex deinde superbo Imperio et sævis tenuit Mezentius armis : Quid memorem infandas cædes? quid facta tyrannı Effera? Di capiti ipsius generique reservent! Mortua quin etiam jungebat corpora vivis, Componens manibusque manus atque oribus ora (Tormenti genus!), et sanie taboque fluentes, Complexu in misero, longa sic morte necabat. At fessi tandem cives infanda furentem

Armati circumsistunt ipsumque domumque: Obtruncant socios, ignem ad fastigia jactant. Ille inter cædes Rutulorum elapsus in agros Confugere, et Turni defendier hospitis armis. Ergo omnis furiis surrexit Etruria justis; Regem ad supplicium præsenti Marte reposcumt. 495 His ego te, Ænea, ductorem millibus addam. Toto namque fremunt condensee littore puppes, Signaque ferre jubent; retinet longevus aruspex. Fata canens: - O Meeoniee delecta juventus, Flos veterum virtusque virûm, quos justas in hostem Fert dolor, et merità accendit Mezentins irà, Nulli fas Italo tantam subjungere gentem: Externos optate duces.'-Tum Etrusca resedit Hoc acies campo, monitis exterrita Divûm. Ipse oratores ad me regnique coronam Cum sceptro misit, mandatque insignia Tarcho, Succedam castris, Tyrrhenaque regna capessam: Sed mihi tarda gelu sæclisque effæta senectus Invidet imperium, seræque ad fortia vires. Natum exhortarer, nt. mixtus matre Sabellâ, Hinc partem patriæ traheret. Tu, cujus et annis Et generi fatum indulget, quem numina poscunt, Ingredere, o Teucrûm atque Italûm fortissime ductor. Hunc tibi præterea, spes et solatia nostri, Pallanta adjungam: sub te tolerare magistro Militiam et grave Martis opus, tua cernère facta Assuescat; primis et te miretur ab annis. Arcadas huic equites bis centum, robora pubis Lecta, dabo: totidemque suo tibi nomine Pallas."

Vix ea fatus erat; defixique ora tenebant seb

Æneas Anchisiades et fidus Achates,

Multaque dura suo tristi cum corde putabant:

Nt signum cœlo Cytherea dedisset aperto.

Namque improviso vibratus ab æthere fulgor

Cum sonitu venit; et ruere omnia visa repente, 525

Tyrrhenusque tubes mugife per æthera clangor.

Suspiciunt: iterum atqueiterum fragorintomat ingens:

Arma inter nubem, cœli in regione serenâ, Per sudum rutilare vident, et pulsa tonare. Obstupuere animis alii; sed Troïus beros . 560 Agnovit sonitum, et Divæ promissa parentis. Tum memorat:--" Ne verò, hospes, nè quære profectò Quem casum portenta ferant; ego poscor Olympo. Hoc signum cecinit missuram Diva creatrix, Si bellum ingrueret; Vulcaniaque arma per auras Laturam auxilio. 536 Heu quantæ miseris cædes Laurentibus instant! Quas pœnas mihi, Turne, dabis! quam multa sub undas Scuta virûm, galeasque, et fortia corpora volves. Tybri pater! poscant acies, et fædera rumpant." sw Hæc ubi dicta dedit, solio se tollit ab alto; Et primum Herculeis sopitas ignibus aras Excitat hesternumque Larem, parvosque Penates Lætus adit: mactat lectas de more bidentes Evandrus pariter, pariter Trojana juventus. 545 Post hinc ad naves graditur, sociosque revisit: Quorum de numero, qui sese in bella sequantur, Præstantes virtute legit; pars cetera pronâ Fertur aquâ, segnisque secundo defluit amni, Nuntia ventura Ascanio rerumque patrisque. 550 Dantur equi Teucris Tyrrhena petentibus arva: Ducunt exsortem Enese; quem fulva leonis Pellis obit totum, præfulgens unguibus aureis. Fama volat parvam subitò vulgata per urbem,

Ocyùs ire equites Tyrrheni ad limina regis.

Sass Vota metu duplicant matres, propiùsque perîclo It timor, et major Martis jam apparet imago.

Tum pater Evandrus dextram complexus euntis Hæret, inexpletùm lacrymans, ac talia fatur:—

"O mihi præteritos referat si Jupiter annos! seo Qualis eram, cum primam aciem Præneste sub ipsa Stravi, scutorumque incendi victor acervos, Et regem hâc Herilum dextrà sub Tartara misi: Nascenti cui tres animas Feronia mater (Horrendum dictu!) dederat, terna arma movenda;

Ter leto sternendus erat : cui tunc tamen omnes Abstulit hæc animas dextra, et totidem exuit armis. Non ego nunc dulci amplexu divellerer usquam, Nate, tuo; neque finitimus Mezentius usquam, Huic capiti insultans, tot ferro sæva dedisset 570 Funera, tam multis viduâsset civibus urbem. At vos, o superi, et Divûm tu maxime rector, Jupiter, Arcadii, quæso, miserescite regis, Et patrias audite preces. Si numina vestra Incolumem Pallanta mihi, si fata reservant: 575 Si visurus eum vivo, et venturus in unum; Vitam oro: patiar quemvis durare laborem. Sin aliquem infandum casum, Fortuna, minaris, Nunc o, nunc liceat crudelem abrumpere vitam, Dum curæ ambiguæ, dum spes incerta futuri; Dum te, care puer, mea sera et sola voluptas, Complexu teneo; gravior nè nuntius aures Vulneret." Hæc genitor digressu dicta supremo Fundebat: famuli collapsum in tecta ferebant.

Jamque adeò exierat portis equitatus apertis: Æneas inter primos et fidus Achates; Indè alii Trojæ proceres; ipse agmine Pallas In medio, chlamyde et pictis conspectus in armis: Qualis ubi Oceani perfusus Lucifer undâ, Quem Venus ante alios astrorum diligit ignes, Extulit os sacrum cœlo, tenebrasque resolvit. Stant pavidee in muris matres, oculisque sequentur Pulveream nubem, et fulgentes ære catervas. Olli per dumos, quà proxima meta viarum, Armati tendunt. It clamor; et, agmine facto, Quadrupedante putrem sonitu quatit ungula campum. Est ingens gelidum lucus prope Cæritis amnem, Religione patrum latè sacer; undique colles Inclusère cavi, et nigrâ nemus abiete cingit. Silvano fama est veteres sacrâsse Pelasgos, 600 Arvorum pecorisque Deo, lucumque diemque, Qui primi fines aliquando habuêre Latinos. Haud procul hinc Tarcho et Tyrrheni tuta tenebant

Castra locis; celsoque omnis de colle videri Jam poterat legio, et latis tendebat in arvis. 605 Huc pater Æneas et bello lecta juventus Succedunt, fessique et equos et corpora curant. At Venus æthereos inter Dea candida nimbos Dona ferens aderat: natumque in valle reductà Ut procul egelido secretum flumine vidit, 61C Talibus affata est dictis, seque obtulit ultrò:--"En perfecta mei promissà conjugis arte Munera; nè mox aut Laurentes, nate, superbos, Aut acrem dubites in prælia poscere Turnum." Dixit, et amplexus nati Cytherea petivit; 615 Arma sub adversà posuit radiantia quercu. Ille. Deze donis et tanto lætus honore, Expleri nequit, atque oculos per singula volvit, Miraturque, interque manus et brachia versat Terribilem cristis galeam flammasque vomentem, 600 Fatiferumque ensem, loricam ex ære rigentem, Sanguineam, ingentem: qualis cum cœrula nubes Solis inardescit radiis, longèque refulget. Tum leves ocreas electro auroque recocto, Hastamque, et clypei non enarrabile textum. 625 Illic res Italas, Romanorumque triumphos, Haud fatûm ignarus venturique inscius ævi, Fecerat ignipotens: illic genus omne futuræ Stirpis ab Ascanio, pugnataque in ordine bella. Fecerat et viridi fœtam Mayortis in antro Procubuisse lupam: geminos huic ubera circum Ludere pendentes pueros, et lambere matrem Impavidos; illam, tereti cervice reflexam, Mulcere alternos, et corpora fingere linguâ. Nec procul hinc Romam, et raptas sine more Sabinas Concessu caveæ, magnis Circensibus actis, Addiderat ; subitòque novum consurgere bellum Romulidis, Tatioque seni, Curibusque severis. Post idem, inter se posito certamine, reges Armati Jovis ante aram, paterasque tenentes **640** Stabant, et cæså jungebant fædera porcå.

Haud procul indè citæ Metium in diversa quadrigæ Distulerant (at tu dictis, Albane, maneres!). Raptabatque viri mendacis viscera Tullus Per silvam, et sparsi rorabant sanguine vepres. Nec non Tarquinium ejectum Porsena jubebat Accipere, ingentique urpem obsidione premebat: Æneadæ in ferrum pro libertate ruebant: Illum indignanti similem, similemque minanti Aspiceres: pontem auderet quod veilere Cocles, 650 Et fluvium vinclis innaret Clœlia ruptis. In summo custos Tarpeise Manlius arcis Stabat pro templo, et Capitolia celsa tenebat; [Romuleoque recens horrebat regia culmo.] Atque hic auratis volitans argenteus anser 655 Porticibus, Gallos in limine adesse canebat; Galli per dumos aderant, arcemque tenebant, Defensi tenebris et dono noctis opacæ: Aurea cæsaries ollis, atque aurea vestis; Virgatis lucent sagulis; tum lactea colla Auro innectuntur; duo quisque Alpina coruscant Gæsa manu, scutis protecti corpora longis. Hic exultantes Salios, nudosque Lupercos, Lanigerosque apices, et lapsa ancilia cœlo Extuderat: castæ ducebant sacra per urbem Pilentis matres in mollibus. Hinc procul addit Tartareas etiam sedes, alta ostia Ditis; Et scelerum pœnas; et te, Catilina, minaci Pendentem scopulo, Furiarumque ora trementem: Secretosque pios; his dantem jura Cantonem. Heec inter tumidi latè maris ibat imago Aurea: sed fluctu spumabant cœrula cano: Et circum argento clari delphines in orbem Æquora verrebant caudis, æstumque secabant. In medio classes æratas, Actia bella, 675 Cernere erat; totumque instructo Marte videres Fervere Leucaten, auroque effulgere fluctus. Hinc Augustus agens Italos in prælia Cæsar Cum patribus, populoque, Penatibus, et magnis Dis. Stans celsa in puppi; geminas cui tempora flammas Læta vomunt, patriumque aperitur vertice sidus. Parte aliâ, ventis et Dîs Agrippa secundis Arduus, agmen agens: cui, belli insigne superbum, Tempora navali fulgent rostrata coronà. Hinc ope barbarica variisque Antonius armis 683 Victor ab Auroræ populis et littore rubro Ægyptum, viresque Orientis, et ultima secum Bactra vehit; sequiturque (nefas!) Ægyptia conjux. Unà omnes ruere, ac totum spumare, reductis Convulsum remis rostrisque tridentibus, æquor. 690 Alta petunt; pelago credas innare revulsas Cycladas, aut montes concurrere montibus altos: Tanta mole viri turritis puppibus instant. Stupea flamma manu, telisque volatile ferrum Spargitur; arva novâ Neptunia cæde rubescunt. 695 Regina in mediis patrio vocat agmina sistro; Necdum etiam geminos a tergo respicit angues. Omnigenûmque Deûm monstra, et latrator Anubis, Contra Neptunum et Venerem, contraque Mineryani Tela tenent: sævit medio in certamine Mayors Cælatus ferro, tristesque ex æthere Diræ: Et scissà gaudens vadit Discordia pallà; Quam cum sanguineo sequitur Bellona flagello. Actius, heec cernens, arcum intendebat Apollo Desuper: omnis eo terrore Ægyptus, et Indi, Omnis Arabs, omnes vertebant terga Sabæi. Ipsa videbatur ventis regina vocatis Vela dare, et laxos jam jamque immittere funes. Illam inter cædes, pallentem morte futurâ, Fecerat ignipotens undis et lapyge ferri; 710 Contrà autem magno mœrentem corpore Nilum, Pandentemque sinus, et totà veste vocantem Cœruleum in gremium latebrosaque flumina victos. At Cæsar, triplici invectus Romana triumpho Mœnia, Dis Italis votum immortale sacrabat, Maxima ter centum totam delubra per urbem. Lætitiå ludisque viæ plausuque fremebant:

Omnibus in templis matrum chorus, omnibus aræ; Ante aras terram cæsi stravère juvenci.
Ipse, sedens niveo candentis limine Phæbi, 720 Dona recognoscit populorum, aptatque superbis Postibus: incedunt victæ longo ordine gentes, Quam variæ linguis, habitu tam vestis et armis. Hic Nomadum genus, et discinctos Mulciber Afros, Hic Lelegas, Carasque, sagittiferosque Gelonos 725 Finxerat: Euphrates ibat jam mollior undis, Extremique hominum Morini, Rhenusque bicornis, Indomitique Dahæ, et pontem indignatus Araxes.

Talia, per clypeum Vulcani, dona parentis Miratur, rerumque ignarus imagine gaudet, Attollens humero famamque et fata nepotum.

## LIBER IX.

Rumpe moras omnes, et turbata arripe castra."
Dixit: et in cœlum paribus se sustulit alis;
Ingentemque fugâ secuit sub nubibus arcum.
Agnovit juvenis, duplicesque ad sidera palmas
Sustulit, ac tali fugientem est voce secutus:—
"Iri, decus cœli, quis te mihi nubibus actam

730

15

Detulit in terras? unde hæc tam clara repentè
Tempestas? medium video discedere cœlum,
Palantesque polo stellas. Sequor omina tanta,
Quisquis in arma vocas." Et, sic effatus, ad undam
Processit, summoque hausit de gurgite lymphas,
Multa Deos orans; oneravitque æthera votis.

Jamque omnis campis exercitus ibat apertis, Dives equûm, dives pictaï vestis et auri. Messapus primas acies, postrema coërcent Tyrrhidæ juvenes; medio dux agmine Turnus [Vertitur arma tenens, et toto vertice suprà est:] Ceu septem surgens sedatis amnibus altus Per tacitum Ganges; aut pingui flumine Nilus, Cùm refluit campis, et jam se condidit alveo. Hic subitam nigro glomerari pulvere nubem Prospiciunt Teucri, ac tenebras insurgere campis. Primus ab adversa conclamat mole Caïcus: 35 "Quis globus, o cives, caligine volvitur atrâ? Ferte citi ferrum, date tela, scandite muros:. Hostis adest, eja!" Ingenti clamore per omnes Condunt se Teucri portas, et mœnia complent. Namque ita discedens præceperat optimus armis 40 Æneas: si qua intereà fortuna fuisset, Nè struere auderent aciem, neu credere campo; Castra modò et tutos servarent aggere muros. Ergò, etsi conferre manum pudor iraque monstrat, Objiciunt portas tamen, et præcepta facessunt, Armatique cavis expectant turribus hostem.

Turnus, ut antevolans tardum præcesserat agmen, Viginti lectis equitum comitatus, et urbi Improvisus adest; maculis quem Thracius albis Portat equus, cristâque tegit galea aurea rubrâ:—50 "Ecquis erit mecum, juvenes? qui primus in hostem? En!" ait: et jaculum attorquens emittit in auras, Principium pugnæ; et campo sese arduus infert. Clamore excipiunt socii, fremituque sequuntur Horrisono: Teucrûm mirantur inertia corda; 55 Non æquo dare se campo, non obvia ferre

Arma viros; sed castra fovere. Huc turbidus atque

Lustrat equo muros, aditumque per avia querit: Ac (veluti pleno lupus insidiatus ovili, Cum fremit ad caulas, ventos perpessus et imbres. Nocte super media; tuti sub matribus agni Balatum exercent; ille asper et improbus irâ Sævit in absentes: collecta fatigat edendi Ex longo rabies, et siccæ sanguine fauces:) Haud aliter Rutulo muros et castra tuenti Ignescunt iræ, et duris dolor ossibus ardet; Quâ tentet ratione aditus, et que via clausos Excutiat Teucros vallo, atque effundat in æquor. Classem, quæ lateri castrorum adjuncta latebat. Aggeribus septam circum et fluvialibus undis, 70 Invadit; sociosque incendia poscit ovantes; Atque manum pinu flagranti fervidus implet. Tum verò incumbent; urget præsentia Turni; Atque omnis facibus pubes accingitur atris: Diripuère focos: piceum fert fumida lumen Tæda, et commixtam Vulcanus ad astra favillam.

Quis Deus, o Musæ, tam sæva incendia Teucris Avertit? tantos ratibus quis depulit ignes? Dicite. Prisca fides facto, sed fama perennis.

Tempore quo primum Phrygia formabat in Ida Eneas classem, et pelagi petere alta parabat, su Ipsa Deum fertur genitrix Berecynthia magnum Vocibus his affata Jovem:—"Da, nate, petenti, Quod tua cara parens domito te poscit Olympo. Pinea silva mihi, multos dilecta per annos, [Lucus in arce fuit summa, quò sacra ferebant, Nigranti picea trabibusque obscurus acernis:] Has ego Dardanio juveni, cum classis egeret, Læta dedi; nunc sollicitam timor anxius urget: solve metus, atque hoc precibus sine posse parentem; Nè cursu quassatæ ullo, neu turbine venti Vincantur: prosit nostris in montibus ortas." Filius huic contra, torquet qui sidera mundi:—

"O genitrix, quò fata vocas? aut quid petis istis? Mortaline manu factie immortale carinæ Fas habeant? certusque incerta pericula lustret Æneas? cui tanta Deo permissa potestas? Immo, ubi defuncte finem portusque tenebunt Ausonios, olim quecanque evaserit undis, Dardaniumque ducem Laurentia vexerit arva, 100 Mortalem eripiam formam, magnique jubebo Æquoris esse Deas: quales Nereïa Doto Et Galatea secant spumantem pectore pontum." Dixerat; idque ratum, Stygii per flumina fratris, Per pice torrentes atraque voragine ripas, 105 Annuit; et totum nutu tremefecit Olympum. Ergò aderat promissa dies, et tempora Parcæ Debita complérant; cum Turni injuria Matrem Admonuit sacris ratibus depellere tædas. Hic primum nova lux oculis effulsit, et ingens 110 Visus ab Aurora cœlum transcurrere nimbus. Idæique chori: tum vox horrenda per auras Excidit, et Troum Rutulorumque agmina complet:-"Nè trepidate meas, Teucri, defendere naves, Nevè armate manus: maria antè exurere Turno 115 Quam sacras dabitur pinus. Vos ite solutæ, Ite, Deze pelagi: Genitrix jubet." Et sua quæque Continuò puppes abrumpunt vincula ripis, Delphinumque modo demersis æquora rostris Ima petunt. Hinc virgineæ (mirabile monstrum!), [Quot priùs æratæ steterant ad littora proræ,] Reddunt se totidem facies, pontoque feruntur. Obstupuêre animis Rutuli: conterritus ipse Turbatis Messapus equis: cunctatur et amnis Rauca sonans, revocatque pedem Tiberinus ab alto. At non audaci cessit fiducia Turno: Ultrò animos tollit dictis, atque increpat ultrò:---"Trojanos heec monstra petunt; his Jupiter ipse Auxilium solitum eripuit: non tela, nec ignes Expectant Rutulos. Ergò maria invia Teucris, 130 Nec spes ulla fugæ; rerum pars altera ademta est:

Terra autem in manibus nostris; tot millia gentes Arma ferunt Italæ. Nil me fatalia terrent, Si qua Phryges præ se jactant, responsa Deorum. Sat fatis Venerique datum, tetigêre quòd arva Fertilis Ausoniæ Troës: sunt et mea contrà Fata mihi, ferro sceleratam exscindere gentem. Conjuge præreptå: nec solos tangit Atridas Iste dolor, solisque licet capere arma Mycenis. Sed periisse semel satis est: peccare fuisset Antè satis, penitùs modò non genus omne perosos Fæmineum: quibus hæc medii fiducia valli. Fossarumque moræ, leti discrimina parva, Dant animos. At non viderunt mænia Trojæ, Neptuni fabricata manu, considere in ignes? Sed vos, o lecti! ferro quis scindere vallum Apparat, et mecum invadit trepidantia castra? Non armis mihi Vulcani, non mille carinis Est opus in Teucros: addant se protinus omnes Etrusci socios; tenebras et inertia furta 150 [Palladii, cæsis summæ custodibus arcis,] Nè timeant; nec equi cæcâ condemur in alvo: Luce palàm certum est igni circumdare muros. Haud sibi cum Danais rem faxo et pube Pelasgâ Esse putent, decimum quos distulit Hector in annum. Nunc adeò melior quoniam pars acta diei, Quod superest, læti bene gestis corpora rebus Procurate, viri; et pugnam sperate parati." Intereà vigilum excubiis obsidere portas Cura datur Messapo, et mœnia cingere flammis. Bis septem, Rutulo muros qui milite servent, Delecti: ast illos centeni quemque sequuntur Purpurei cristis juvenes auroque corusci. Discurrunt, variantque vices, fusique per herbam Indulgent vino, et vertunt crateras ahenos. 165 Collucent ignes: noctem custodia ducit Insomnem ludo.

Hæc supèr e vallo prospectant Troës et armis Alta tenent: necnon trepidi formidine portas Explorant, pontesque et propugnacula jungunt; 170 Tela gerunt: instant Mnestheus acerque Serestus; Quos pater Æneas, si quando adversa vocarent, Rectores juvenum et rerum dedit esse magistros. Omnis per muros legio, sortita periclum, Excubat, exercetque vices, quod cuique tenendum est.

Nisus erat portæ custos, acerrimus armis, Hyrtacides; comitem Æneæ quem miserat Ida Venatrix, jaculo celerem levibusque sagittis: Et juxtà comes Euryalus, quo pulchrior alter Non fuit Æneadum, Trojana neque induit arma; 180 Ora puer primâ signans intonsa juventâ. His amor unus erat, pariterque in bella ruebant; Tunc quoque communi portam statione tenebant. Nisus ait:-" Dîne hunc ardorem mentibus addunt, Euryale? an sua cuique Deus fit dira cupido? [num Aut pugnam, aut aliquid jamdudum invadere mag-Mens agitat mihi; nec placida contenta quiete est. Cernis, quæ Rutulos habeat fiducia rerum; Lumina rara micant; somno vinoque soluti Procubuêre; silent latè loca: percipe porrò, Quid dubitem, et quæ nunc animo sententia surgat. Ænean acciri omnes, populusque patresque, Exposcunt; mittique viros, qui certa reportent... Si tibi, quæ posco, promittunt (nam mihi facti Fama sat est), tumulo videor reperire sub illo 195 Posse viam ad muros et mœnia Pallantëa." Obstupuit magno laudum perculsus amore Euryalus; simul his ardentem affatur amicum:— " Mene igitur socium summis adjungere rebus, Nise, fugis? solum te in tanta pericula mittam? 200 Non ita me genitor, bellis assuetus, Opheltes, Argolicum terrorem inter Trojæque labores Sublatum, erudiit; nec tecum talia gessi, Magnanimum Ænean et fata extrema secutus. Est hic, est animus lucis contemtor; et istum Qui vitâ bene credat emi, quo tendis, honorem." Nisus ad hæc:-" Equidem de te nil tale verebar;

Nec fas; non: ita me referat tibi magnus ovantem Jupiter, aut quicunque oculis hæc aspicit æquis. Sed si quis (que multa vides discrimine tali), 210 Si quis in adversum rapiat casusve Deusve, Te superesse velim: tua vità dignior ætas. Sit, qui me raptum pugna, pretiove redemtum, Mandet humo solità; aut, si qua id fortuna vetabit, Absenti ferat inferias, decoretque sepulcro. 215 Neu matri miseræ tanti sim causa doloris: Quæ te sola, puer, multis e matribus ausa, Persequitur; magni nec mœnia curat Acestæ." Ille autem :- "Causas nequicquam nectis inanes, Nec mea jam mutata loco sententia cedit. 220 Acceleremus," ait. Vigiles simul excitat : illi Succedunt, servantque vices: statione relictà, Ipse comes Niso graditur, regemque requirunt. Cetera per terras omnes animalia somno Laxabant curas, et corda oblita laborum: 225 Ductores Teucrûm primi, et delecta juventus, Consilium summis regni de rebus habebant: Quid facerent, quisve Æneæ jam nuncius esset. Stant longis adnixi hastis, et scuta tenentes, Castrorum et campi medio. Tum Nisus, et unà cao Eurvalus, confestim alacres admittier orant: Rem magnam, pretiumque moræ fore. Primus Iülus Accepit trepidos, ac Nisum dicere jussit. Tum sic Hyrtacides:--" Audite o mentibus æquis. Æneadæ: nevè hæc nostris spectentur ab annis, 235 Quæ ferimus. Rutuli somno vinoque sepulti Conticuêre: locum insidiis conspeximus ipsi, Qui patet in bivio portæ, quæ proxima ponto; Interrupti ignes, aterque ad sidera fumus Erigitur: si fortuna permittitis uti, 240 Quæsitum Ænean ad mænia Pallantëa Mox hic cum spoliis, ingenti cæde peractâ, Affore cernetis. Nec nos via fallit euntes: Vidimus obscuris primam sub vallibus urbem

Venatu assiduo, et totum cognovimus amnem."

Hic annis gravis atque animi maturus Aletes:-"Di patrii, quorum semper sub numine Troja est, Non tamen omnino Teucros delere paratis, Cum tales animos juvenum et tam certa tulistis Pectora." Sic memorans, humeros dextrasque tenebat Amborum, et vultum lacrymis atque ora rigabat:-"Quæ vobis, quæ digna, viri, pro laudibus istis, Præmia posse rear solvi? pulcherrima primum Di moresque dabunt vestri; tum cetera reddet Actutum pius Æneas, atque integer ævi 255 Ascanius, meriti tanti non immemor unquam." "Immò ego vos, cui sola salus genitore reducto," Excipit Ascanius, " per magnos, Nise, Penates, Assaracique Larem, et canæ penetralia Vestæ, Obtestor (quæcunque mihi fortuna fidesque est, In vestris pono gremiis), revocate parentem; Reddite conspectum: nihil illo triste recepto. Bina dabo argento perfecta atque aspera signis Pocula, devictà genitor quæ cepit Arisbà; Et tripodas geminos; auri duo magna talenta; 265 Cratera antiquum, quem dat Sidonia Dido. Si verò capere Italiam sceptrisque potiri Contigerit victori, et prædæ ducere sortem : Vidisti, quo Turnus equo, quibus ibat in armis, Aureus? ipsum illum clypeum cristasque rubentes Excipiam sorti, jam nunc tua præmia, Nise. Prætereà bis sex genitor lectissima matrum Corpora, captivosque dabit, suaque omnibus arma: Insuper his, campi quod rex habet ipse Latinus. Te verò, mea quem spatiis propioribus ætas 275 Insequitur, venerande puer, jam pectore toto Accipio, et comitem casus complector in omnes: Nulla meis sine te quæretur gloria rebus, Seu pacem, seu bella geram: tibi maxima rerum Verborumque fides." Contra quem talia fatur Euryalus: -- "Me nulla dies tam fortibus ausis Dissimilem arguerit: tantum; fortuna secunda Aut adversa cadat. Sed te super omnia dona

Unum oro: genitrix Priami de gente vetustâ Est mihi, quam miseram tenuit non Ilia tellus Mecum excedentem, non mœnia regis Acestæ. [est, Hanc ego nunc, ignaram hujus quodcunque pericli Inque salutatam linquo: Nox et tua testis Dextera, quòd nequeam lacrymas perferre parentis. At tu, oro, solare inopem, et succurre relictæ; Hanc sine me spem ferre tui: audentior ibo In casus omnes." Perculsa mente dederunt Dardanidæ lacrymas: ante omnes pulcher Iülus: Atque animum patriæ strinxit pietatis imago. Tum sic effatur:---295 "Spondeo digna tuis ingentibus omnia cœptis: Namque erit ista mihi genitrix, nomenque Creüsæ Solum defuerit; nec partum gratia talem Parva manet. Casus factum quicunque sequuntur, Per caput hoc juro, per quod pater antè solebat, 3.0 Quæ tibi polliceor reduci, rebusque secundis, Hæc eadem matrique tuæ generique manebunt." Sic ait illacrymans: humero simul exuit ensem Auratum, mirâ quem fecerat arte Lycaon Gnossius, atque habilem vaginà aptarat eburnà. Dat Niso Mnestheus pellem, horrentisque leonis Exuvias: galeam fidus permutat Aletes. Protinus armati incedunt: quos omnis euntes Primorum manus ad portas juvenumque senumque Prosequitur votis; necnon et pulcher lülus, Ante annos animumque gerens curamque virilem, Multa patri portanda dabat mandata: sed auræ Omnia discerpunt, et nubibus irrita donant.

Egressi superant fossas, noctisque per umbram Castra inimica petunt, multis tamen antè futuri Exitio. Passim vino somnoque per herbam Corpora fusa vident; arrectos littore currus; Inter lora rotasque, viros; simul arma jacere, Vina simul. Prior Hyrtacides sic ore locutus:—
"Euryale, audendum dextrà: nunc ipsa vocat res: 220 Hâc iter est: tu, ne qua manas se attollere nobis

A tergo possit, custodi, et consule longè : Hæc ego vasta dabo, et lato te limite ducam." Sic memorat, vocemque premit: simul ense superbum Rhamnetem aggreditur, qui, fortè tapetibus altis 325 Extructus, toto proflabat pectore somnum; Rex idem, et regi Turno gratissimus augur: Sed non augurio potuit depellere pestem. Tres juxtà famulos temerè inter tela jacentes, Armigerumque Remi premit, aurigamque sub ipsis Nactus equis, ferroque secat pendentia colla; Tum caput ipsi aufert domino, truncumque relinquit Sanguine singultantem: atro tepefacta cruore [que, Terra torique madent. Necnon Lamyrumque Lamum-Et juvenem Sarranum, illâ qui plurima nocte Luserat, insignis facie, multoque jacebat Membra Deo victus: felix, si protinus illum Æquâsset nocti ludum, in lucemque tulisset. Impastus ceu plena leo per ovilia turbans (Suadet enim vesana fames) manditque trahitque 340 Molle pecus, mutumque metu; fremit ore cruento: Nec minor Euryali cædes; incensus et ipse Perfurit; ac multam in medio sine nomine plebem, Fadumque, Herbesumque subit, Rhætumque, Abarimque,

Ignaros; Rhœtum vigilantem et cuncta videntem; Sed magnum metuens se post cratera tegebat; Pectore in adverso totum cui cominùs ensem Condidit assurgenti, et multà morte recepit. Purpuream vomit ille animam, et cum sanguine mista Vina refert moriens: hic furto fervidus instat.

Jamque ad Messapi socios tendebat, ubi ignem Deficere extremum, et religatos ritè videbat Carpere gramen equos: breviter cùm talia Nisus (Sensit enim nimià cæde atque cupidine ferri), "Absistamus," ait; "nam lux inimica propinquat: 355 Pœnarum exhaustum satis est: via facta per hostes." Multa virûm solido argento perfecta relinquunt Armaque, craterasque simul, pulchrosque tapetas.

Euryalus phaleras Rhamnetis et aurea bullis Cingula; (Tiburti Remulo ditissimus olim Quæ mittit dona, hospitio cum jungeret absens, Cædicus; ille suo moriens dat habere nepoti; Post mortem bello Rutuli pugnaque potiti;) Hæc rapit, atque humeris nequicquam fortibus aptat. Tum galeam Messapi habilem cristisque decoram 365 Induit. Excedunt castris, et tuta capessunt.

Intereà præmissi equites ex urbe Latinà,
Cetera dum legio campis instructa moratur,
Ibant, et Turno regis responsa ferebant,
Tercentum, scutati omnes, Volscente magistro.
Jamque propinquabant castris, murosque subibant,
Cum procul hos lævo flectentes limite cernunt;
Et galea Euryalum sublustri noctis in umbra
Prodidit immemorem, radiisque adversa refulsit.
Haud temerè est visum: conclamat ab agmine Vol-

"State, viri: quæ causa viæ? quive estis in armis? Quòve tenetis iter?" Nihil illi tendere contrà; Sed celerare fugam in silvas, et fidere nocti. Objiciunt equites sese ad divortia nota [nant. Hinc atque hinc, omnemque aditum custode coro-

Silva fuit latè dumis atque ilice nigrâ Horrida, quam densi complérant undique sentes; Rara per occultos ducebat semita calles. Euryalum tenebræ ramorum onerosaque præda Impediunt, fallitque timor regione viarum: 385 Nisus abit; jamque imprudens evaserat hostes, Atque lacus, qui post Albæ de nomine dicti Albani; tum rex stabula alta Latinus habebat. Ut stetit, et frustrà absentem respexit amicum :-"Euryale, infelix quâ te regione reliqui? Quâve sequar ?"Rursus perplexum iter omne revolvens Fallacis silvæ, simul et vestigia retrò Observata legit, dumisque silentibus errat. Audit equos, audit strepitus, et signa sequentum. Nec longum in medio tempus, cum clamor ad aures

Pervenit, ac videt Euryalum; quem jam manus omnis Fraude loci et noctis, subito turbante tumultu, Oppressum rapit, et conantem plurima frustrà. Quid faciat? quâ vi juvenem, quibus audeat armis Eripere? an sese medios moriturus in hostes Inferat, et pulchram properet per vulnera mortem? Ocyùs adducto torquens hastile lacerto, Suspiciens altam Lunam, sic voce precatur:-"Tu Dea, tu præsens nostro succurre labori, Astrorum decus, et nemorum Latonia custos: Si qua tuis unquam pro me pater Hyrtacus aris Dona tulit; si qua ipse meis venatibus auxi, Suspendive tholo, aut sacra ad fastigia fixi; Hunc sine me turbare globum, et rege tela per auras." Dixerat; et, toto connixus corpore, ferrum Conjicit: hasta volans noctis diverberat umbras, Et venit aversi in tergum Sulmonis, ibique Frangitur, ac fisso transit præcordia ligno. Volvitur ille, vomens calidum de pectore flumen, Frigidus, et longis singultibus ilia pulsat. Diversi circumspiciunt. Hoc acrior idem Ecce aliud summâ telum librabat ab aure: Dum trepidant, iit hasta Tago per tempus utrumque Stridens, trajectoque hæsit tepefacta cerebro. Sævit atrox Volscens, nec teli conspicit usquam 420 Auctorem, nec quo se ardens immittere possit; "Tu tamen intereà calido mihi sanguine pœnas Persolves amborum," inquit: simul ense recluso Tum verò exterritus, amens Ibat in Eurvalum. Conclamat Nisus; nec se celare tenebris 425 Amplius, aut tantum potuit perferre dolorem :-"Me, me (adsum qui feci), in me convertite ferrum, O Rutuli, mea fraus omnis: nihil iste nec ausus. Nec potuit : cœlum hoc et conscia sidera testor : Tantum infelicem nimium dilexit amicum." Talia dicta dabat: sed viribus ensis adactus Transabiit costas, et candida pectora rumpit. Volvitur Euryalus leto, pulchrosque per artus

It cruor, inque humeros cervix collapsa recumbit:
Purpureus veluti cum flos succisus aratro
Languescit moriens; lassove papavera collo
Demisère caput, pluvià cum fortè gravantur.
At Nisus ruit in medios, solumque per omnes

Volscentem petit; in solo Volscente moratur:

Quem circum glomerati hostes hinc cominùs atque
hinc

Proturbant. Instat non segniùs, ac rotat ensem Fulmineum; donec Rutuli clamantis in ore Condidit adverso, et moriens animam abstulit hosti. Tum super exanimem sese projecit amicum Confossus, placidâque ibi demùm morte quievit. 415 Fortunati ambo! si quid mea carmina possunt, Nulla dies unquam memori vos eximet ævo: Dum domus Æneæ Capitoli immobile saxum Accolet, imperiumque pater Romanus habebit.

Victores prædå Rutuli spoliisque potiti,
Volscentem exanimum flentes in castra ferebant.
Nec minor in castris luctus, Rhamnete reperto
Exsangui, et primis unå tot cæde peremtis,
Sarranoque, Numåque. Ingens concursus ad ipsa
Corpora, seminecesque viros, tepidåque recentem 455
Cæde locum, et plenos spumanti sanguine rivos.
Agnoscunt spolia inter se, galeamque nitentem
Messapi, et multo phaleras sudore receptas.

Et jam prima novo spargebat lumine terras Tithoni croceum linquens Aurora cubile: Jam sole infuso, jam rebus luce retectis, Turnus in arma viros, armis circumdatus ipse, Suscitat; æratasque acies in prælia cogit Quisque suas, variisque acuunt rumoribus iras. Quin ipsa arrectis (visu miserabile!) in hastis Præfigunt capita, et multo clamore sequuntur, Euryali et Nisi.

Æneadæ duri murorum in parte sinistrå Opposuêre aciem (nam dextera cingitur amni); Ingentesque tenent fossas, et turribus altis 460

465

Stant mœsti: simul ora virúm præfixa movebant, Nota nimìs miseris, atroque fluentia tabo.

Intereà pavidam volitans pennata per urbem Nuntia Fama ruit, matrisque allabitur aures Euryali: at subitus miseræ calor ossa reliquit; Excussi manibus radii, revolutaque pensa. Evolat infelix, et, fæmineo ululatu, Scissa comam, muros amens atque agmina cursu Prima petit; non illa virûm, non illa pericli Telorumque memor; cœlum dehinc questibus implet:-"Hunc ego te, Euryale, aspicio? tune, illa senectæ Sera meæ requies, potuisti linquere solam, Crudelis? nec te sub tanta pericula missum Affari extremum miseree data copia matri? Heu! terra ignota, canibus data præda Latinis Alitibusque, jaces! nec te tua funera mater Produxi, pressive oculos, aut vulnera lavi, Veste tegens; tibi quam noctes festina diesque Urgebam, et telà curas solabar aniles. Quò sequar? aut quæ nunc artus, avulsaque membra, Et funus lacerum tellus habet? hoc mihi de te, Nate, refers? hoc sum terraque marique secuta? Figite me, si qua est pietas; in me omnia tela Conjicite, o Rutuli; me primam absumite ferro. Aut tu, magne pater Divûm, miserere, tuoque Invisum hoc detrude caput sub Tartara telo: Quando aliter nequeo crudelem abrumpere vitam." Hoc fletu concussi animi; mœstusque per omnes It gemitus: torpent infractæ ad prælia vires. Illam incendentem luctus Idæus et Actor. 500 Hionei monitu et multum lacrymantis Iüli, Corripiunt, interque manus sub tecta reponunt.

At tuba terribilem sonitum procul ære canoro Increpuit: sequitur clamor, cœlumque remugit.
Accelerant actà pariter testudine Volsci, 505
Et fossas implere parant, ac vellere vallum.
Quærunt pars aditum, et scalis ascendere muros;
Qua rara est acies, interlucetque corona

Non tam spissa viris. Telorum effundere contra Omne genus Teueri, ac duris detrudere contis, 550 Assueti longo muros defendere bello.

Saxa quoque infesto volvebant pondere, si qua Possent tectam aciem perrumpere: cum tamen omnes Ferre juvat subter densa testudine casus.

Nec jam sufficiunt: nam, qua globus imminet ingens, Immanem Teucri molem volvuntque ruuntque; 516 Quæ stravit Rutulos latè, armorumque resolvit Tegmina: nec curant cæco contendere Marte Amplius audaces Rutuli; sed pellere vallo Missilibus certant.

Parte alia horrendus visu quassabat Etruscam

At Messapus, equûm domitor, Neptunia proles, Rescindit vallum, et scalas in mœnia poscit.

Vos, o Calliope, precor, aspirate canenti; Quas ibi tum ferro strages, quæ funera Turnus Ediderit; quem quisque virum demiserit Orco;

Pinum, et fumiferos infert Mezentius ignes:

Et mecum ingentes oras evolvite belli: [Et meministis enim, Divæ, et memorare potestis.]

Turris erat vasto suspectu et pontibus altis. Opportuna loco; summis quam viribus omnes Expugnare Itali, summaque evertere opum vi-Certabant: Troës contrà defendere saxis. Perque cavas densi tela intorquere fenestras. Princeps ardentem conjecit lampada Turnus, Et flammam affixit lateri; quæ plurima vento Corripuit tabulas, et postibus hæsit adesis. Turbati trepidare intùs, frustràque malorum Dum se glomerant, retròque residunt Velle fugam. In partem, que peste caret; tum pondere turris 540 Procubuit subito, et cœlum tonat omne fragore. Semineces ad terram, immani mole secuta, Confixique suis telis, et pectora duro Transfossi ligno, veniunt: vix unus Helenor, Et Lycus elapsi; quorum primævus Helenor, Mæonio regi quem serva Licymnia furtim

525

Sustulerat, vetitisque ad Trojam miserat armis, Ense levis nudo, parmâque inglorius albâ. Isque, ubi se Turni media inter millia vidit, Hinc acies, atque hinc acies astare Latinas, 550 Ut fera, quæ denså venantům septa coronâ Contra tela furit, seseque haud nescia morti Injicit, et saltu supra venabula fertur: Haud aliter juvenis medios moriturus in hostes Irruit; et, quà tela videt densissima, tendit. 555 At pedibus longè melior Lycus inter et hostes, Inter et arma, fugâ muros tenet : altaque certat Prêndere tecta manu, sociûmque attingere dextras: Quem Turnus, pariter cursu teloque secutus, Increpat his victor :- "Nostrasne evadere, demens, Sperâsti te posse manus?" simul arripit ipsum Pendentem, et magna muri cum parte revellit: Qualis, ubi aut leporem, aut candenti corpore cycnum, Sustulit alta petens pedibus Jovis armiger uncis: Quæsitum aut matri multis balatibus agnum Martius a stabulis rapuit lupus. Undique clamor Tollitur: invadunt, et fossas aggere complent: Ardentes tædas alii ad fastigia jactant. Ilioneus saxo atque ingenti fragmine montis Lucetium, portæ subeuntem, ignesque ferentem; 570 Emathiona Liger; Corynæum sternit Asylas; Hic jaculo bonus, hic longè fallente sagittà: Ortygium Cæneus; victorem Cænea Turnus; Turnus Ityn, Cloniumque, Dioxippum, Promolumque, Et Sagarim, et summis stantem pro turribus Idan; Privernum Capys: hunc primò levis hasta Temillæ Strinxerat; ille manum projecto tegmine demens 'Ad vulnus tulit : ergò alis allapsa sagitta, Et lævo infixa est lateri manus, abditaque intùs Spiramenta animæ letali vulnere rumpit. Stabat in egregiis Arcentis filius armis. Pictus acu chlamydem, et ferrugine clarus Iberâ, Insignis facie; genitor quem miserat Arcens, Eductum Matris luco, Symæthia circum

585

Flumina, pınguis ubi et placabilis ara Palici. Stridentem fundam positis Mezentius armis Ipse ter adductâ circum caput egit habenâ; Et media adversi liquefacto tempora plumbo Diffidit, ac multâ porrectum extendit arenâ.

Tum primum bello celerem intendisse sagittam 590 Dicitur (antè feras solitus terrere fugaces) Ascanius, fortemque manu fudisse Numanum: Cui Remulo cognomen erat; Turnique minorem Germanam, nuper thalamo sociatus, habebat. Is primam ante aciem digna atque indigna relatu 595 Vociferans, tumidusque novo præcordia regno. Ibat, et ingenti sese clamore ferebat:-"Non pudet obsidione iterum valloque teneri, Bis capti Phryges, et morti prætendere muros? En, qui nostra sibi bello connubia poscunt! 600 Quis Deus Italiam, quæ vos dementia adegit? Non hic Atridæ, nec fandi fictor Ulysses: Durum a stirpe genus, natos ad flumina primùm Deferimus, sævoque gelu duramus et undis: Venatu invigilant pueri, silvasque fatigant: 605 Flectere ludus equos, et spicula tendere cornu: At patiens operum, parvoque assueta, juventus Aut rastris terram domat, aut quatit oppida bello. Omne ævum ferro teritur, versâque juvencûm Terga fatigamus hastà: nec tarda senectus 610 Debilitat vires animi, mutatque vigorem: Canitiem galeâ premimus; semperque recentes Convectare juvat prædas, et vivere rapto. Vobis picta croco et fulgenti murice vestis; Desidiæ cordi; juvat indulgere choreis; 615 Et tunicæ manicas, et habent redimicula mitræ. O verè Phrygiæ (neque enim Phryges!) ite per alta Dindyma, ubi assuetis biforem dat tibia cantum: Tympana vos buxusque vocant Berecynthia matris Sinite arma viris, et cedite ferro." 620 Talia jactantem dictis, ac dira canentem, Non tulit Ascanius; nervoque obversus equino

Contendit telum, diversaque brachia ducens Constitit, ante Jovem supplex per vota precatus:-"Jupiter omnipotens, audacibus annue cœptis: Ipse tibi ad tua templa feram solennia dona, Et statuam ante aras auratâ fronte juvencum Candentem, pariterque caput cum matre ferentem; Jam cornu petat, et pedibus qui spargat arenam." Audit; et cœli genitor de parte serenâ Intonuit lævùm: sonat unà letifer arcus; Et fugit horrendùm stridens elapsa sagitta, Perque caput Remuli venit, et cava tempora ferro Trajicit. "I, verbis virtutem illude superbis: Bis capti Phryges hæc Rutulis responsa remittunt!" Hæc tantùm Ascanius: Teucri clamore sequentur. Lætitiâque fremunt, animosque ad sidera tollunt. Ætheriâ tum fortè plagâ crinitus Apollo Desupèr Ausonias acies urbemque videbat.

Nube sedens; atque his victorem affatur lülum:—640 " Macte novâ virtute, puer; sic itur ad astra, Dîs genite, et geniture Deos. Jure omnia bella Gente sub Assaraci fato ventura resident: Nec te Troja capit." Simul heec effatus, ab alto Æthere se mittit, spirantes dimovet auras, 645 Ascaniumque petit: formâ tum vertitur oris Antiquum in Buten. Hic Dardanio Anchisee Armiger antè fuit, fidusque ad limina custos; Tum comitem Ascanio pater addidit. Ibat Apollo Omnia longævo similis, vocemque, coloremque, 650 Et crines albos, et sæva sonoribus arma; Atque his ardentem dictis affatur Iülum:— "Sit satis, Æneada, telis impunè Numanum Oppetiisse tuis; primam hanc tibi magnus Apollo Concedit laudem, et paribus non invidet armis: 655 Cetera parce, puer, bello." Sic orsus Apollo Mortales medio aspectus sermone reliquit, Et procul in tenuem ex oculis evanuit auram Agnovêre Deum proceres divinaque tela Dardanidæ, pharetramque fugâ sensêre sonantem.

Ergò avidum pugnæ dictis ac numine Phœbi
Ascanium prohibent: ipsi in certamina rursus
Succedunt, animasque in aperta pericula mittunt.
It clamor totis per propugnacula muris:
Intendunt acres arcus, amentaque torquent.

668
Sternitur omne solum telis; tum scuta cavæque
Dant sonitum flictu galeæ; pugna aspera surgit:
Quantus ab occasu veniens pluvialibus Hædis
Verberat imber humum; quam multa grandine nimbi
In vada præcipitant, cum Jupiter horridus Austris
Torquet aquosam hyemem, et cælo cava nubila rumpit.

Pandarus et Bitias, Ideo Alcanore creti, (Quos Jovis eduxit luco silvestris Iæra, Abietibus juvenes patriis et montibus æquos), Portam, quæ ducis imperio commissa, recludunt 675 Freti armis, ultròque invitant mœnibus hostem. Ipsi intùs, dextrâ ac lævâ, pro turribus astant, Armati ferro, et cristis capita alta corusci: Quales aëriæ liquentia flumina circum, Sive Padi ripis, Athesin seu propter amœnum, Consurgunt geminæ quercus, intonsaque cœlo Attollunt capita, et sublimi vertice nutant. Irrumpunt, aditus Rutuli ut vidère patentes. Continuò Quercens, et pulcher Aquicolus armis, Et præceps animi Tmarus, et Mavortius Hæmon, Agminibus totis aut versi terga dedère, Aut ipso portæ posuêre in limine vitam. Tum magis increscunt animis discordibus iræ; Et jam collecti Troës glomerantur eòdem, Et conferre manum, et procurrere longiùs audent. 600

Ductori Turno, diversà in parte furenti,
Turbantique viros, perfertur nuntius, hostem
Fervere cæde novâ, et portas præbere patentes.
Deserit inceptum, atque immani concitus irà
Dardaniam ruit ad portam, fratresque superbos: es
Et primum Antiphaten (is enim se primus agebat),
Thebanà de matre nothum Sarpedonis alti,
Conjecto sternit jaculo: volat Itala cornus

Aëra per tenuem, stomachoque infixa sub altum Pectus abit; reddit specus atri vulneris undam 700 Spumantem, et fixo ferrum in pulmone tepescit. Tum Meropem atque Erymanta manu, tum sternit

Aphidnum;

Tum Bitian ardentem oculis animisque frementem, Non jaculo; neque enim jaculo vitam ille dedisset; Sed magnum stridens contorta falarica venit, 705 Fulminis acta modo, quam nec duo taurea terga, Nec duplici squama lorica fidelis et auro Sustinuit: collapsa ruunt immania membra. Dat tellus gemitum, et clypeum super intonat ingens: Qualis in Euboico Baiarum littore quondam 710 Saxea pila cadit; magnis quam molibus antè Constructam, ponto jaciunt: sic illa ruinam Prona trahit, penitusque vadis illisa recumbit: Miscent se maria, et nigræ attolluntur arenæ: Tum sonitu Prochyta alta tremit, durumque cubile Inarime Jovis imperiis impôsta Typhœo. 716

Hic Mars armipotens animum viresque Latinis Addidit, et stimulos acres sub pectore vertit; Immisitque Fugam Teucris atrumque Timorem Undique conveniunt; quoniam data copia pugnæ, 720 Bellatorque animo Deus incidit. Pandarus, ut fuso germanum corpore cernit, Et quo sit fortuna loco, qui casus agat res, Portam vi multà converso cardine torquet, Obnixus latis humeris; multosque suorum, 725 Mœnibus exclusos, duro in certamine linquit: Ast alios secum includit, recipitque ruentes. Demens! qui Rutulum in medio non agmine regem Viderit irrumpentem, ultròque incluserit urbi: Immanem veluti pecora inter inertia tigrim. 730 Continuò nova lux oculis effulsit, et arma Horrendum sonuère: tremunt in vertice cristæ Sanguineæ, clypeoque micantia fulgura mittunt. Agnoscunt faciem invisam atque immania membra Turbati subitò Æneadæ: tum Pandarus ingens 735

Emicat, et, mortis fraternæ fervidus ira, Effatur:-" Non hæc dotalis regia Amatæ; Nec muris cohibet patriis media Ardea Turnum. Castra inimica vides: nulla hinc exire potestas." Olli subridens sedato pectore Turnus: "Incipe, siqua animo virtus, et consere dextram; Hic etiam inventum Priamo narrabis Achillem." Dixerat: ille rudem nodis et cortice crudo Intorquet, summis adnixus viribus, hastam: Excepêre auræ vulnus; Saturnia Juno 745 Detorsit veniens, portæque infigitur hasta. "At non hoc telum, mea quod vi dextera versat, Effugies: neque enim is teli nec vulneris auctor." Sic ait; et sublatum altè consurgit in ensem, Et mediam ferro gemina inter tempora frontem Dividit, impubesque immani vulnere malas. Fit sonus; ingenti concussa est pondere tellus: Collapsos artus atque arma cruenta cerebro Sternit humi moriens; atque illi partibus æquis Huc caput atque illuc humero ex utroque pependit. Diffugiunt versi trepidâ formidine Troës; 756 Et si continuò victorem ea cura subisset, Rumpere claust a manu, sociosque immittere portis, Ultimus ille dies bello gentique fuisset: Sed furor ardentem cædisque insana cupido 760 Egit in adversos. Principio Phalarim, et, succiso poplite, Gygen Excipit: hinc raptas fugientibus ingerit hastas In tergum: Juno vires animumque ministrat. Addit Halyn comitem, et confixa Phegea parma; 765 Ignaros deinde in muris, Martemque cientes, [que; Alcandrumque, Haliumque, Noëmonaque, Prytanin-Lyncea tendentem contrà, sociosque vocantem, Vibranti gladio connixus ab aggere dexter Occupat; huic uno dejectum cominùs ictu 770 Cum galeà longè jacuit caput: indè ferarum Vastatorem Amycum, quo non felicior alter . Ungere tela manu, ferrumque armare veneno:

Et Clytium Æoliden, et amicum Crethea Musis; Crethea Musarum comitem, cui carmina semper 775 Et citharæ cordi, numerosque intendere nervis: Semper equos, atque arma virûm, pugnasque canebat.

Tandem ductores, auditâ cæde suorum, Conveniunt Teucri, Mnestheus acerque Serestus; Palantesque vident socios, hostemque receptum. 760 Et Mnestheus:—"Quò deinde fugam? quò tenditis?" inquit:

"Quos alios muros, quæ jam ultrà mænia habetis? Unus homo, et vestris, o cives, undique septus Aggeribus, tantas strages impunè per urbem Ediderit? juvenum primos tot miserit Orco? Non infelicis patriæ, veterumque Deorum, Et magni Æneæ segnes miseretque pudetque?" Talibus accensi firmantur, et agmine denso Consistunt. Turnus paulatim excedere pugnâ, Et fluvium petere, ac partem quæ cingitur amni. 790 Acriùs hoc Teucri clamore incumbere magno. Et glomerare manum. Ceu sævum turba leonem Còm telis premit infensis; at territus ille Asper, acerba tuens, retrò redit; et neque terga Ira dare aut virtus patitur, nec tendere contrà (Ille quidem hoc cupiens) potis est per tela virosque: Haud aliter retrò dubius vestigia Turnus Improperata refert; et mens exæstuat irâ. Quin etiam bis tum medios invaserat hostes; Bis confusa fugâ per muros agmina vertit: Sed manus e castris properè coit omnis in unum. Nec contrà vires audet Saturnia Juno Sufficere; aëriam cœlo nam Jupiter Irim Demisit, germanæ haud mollia jussa ferentem; Ni Turnus cedat Teucrorum mænibus altis. 805 Ergò nec clypeo juvenis subsistere tantum, Nec dextrâ valet: injectis sic undique telis Obruitur. Strepit assiduo cava tempora circum Tinnitu galea, et saxis solida æra fatiscunt; Discussæque jubæ capiti; nec sufficit umbo 810 Ictibus; ingeminant hastis et Troës et ipse
Fulmineus Mnestheus. Tum toto corpore sudor
Liquitur et piceum (nec respirare potestas)
Flumen agit; fessos quatit æger anhelitus artus.
Tum demum præceps saltu sese omnibus armis
In fluvium dedit: ille suo cum gurgite flavo
Accepit venientem, ac mollibus extulit undis,
Et lætum sociis, ablutâ cæde, remisit.

## LIBER X.

PANDITUR intereà domus omnipotentis Olympi, Conciliumque vocat Divûm pater atque hominum rex Sideream in sedem: terras undè arduus omnes, Castraque Dardanidum aspectat, populosque Latinos. Considunt tectis bipatentibus; incipit ipse:-" Cœlicolæ magni, quianam sententia vobis Versa retro? tantumque animis certatis iniquis? Abnueram bello Italiam concurrere Teucris: Quæ contra vetitum discordia? quis metus aut hos Aut hos arma sequi, ferrumque lacessere suasit? Adveniet justum pugnæ (ne arcessite) tempus, Cùm fera Carthago Romanis arcibus olim Exitium magnum atque Alpes immittet apertas: Tum certare odiis, tum res rapuisse licebit; Nunc sinite, et placitum læti componite fœdus." Jupiter hæc paucis; at non Venus aurea contrà Pauca refert :-"O pater, o hominum Divûmque æterna potestas, (Namque aliud quid sit, quod jam implorare queamus?) Cernis, ut insultent Rutuli; Turnusque feratur Per medios insignis equis, tumidusque secundo Marte, ruat? Non clausa tegunt jam mœnia Teucros,

Quin intra portas atque ipsis prælia miscent Aggeribus mærorum, et mundant sanguine fossæ.

Æneas ignarus abest. Nunquamnè levari 25 Obsidione sines? muris iterum imminet hostis Nascentis Trojæ, nec non exercitus alter, Atque iterum in Teucros Ætolis surgit ab Arpis Tydides. Equidem, credo, mea vulnera restant, Et tua progenies mortalia demoror arma. Si sine pace tuâ, atque invito numine, Troës Italiam petière, luant peccata, neque illos Juveris auxilio: sin tot responsa secuti, Quæ superi manesque dabant, cur nunc tua quisquam Vertere jussa potest? aut cur nova condere fata? 35 Quid repetam exustas Erycino in littore classes? Quid tempestatum regem, ventosque furentes Æoliâ excitos, aut actam nubibus Irim? Nunc etiam Manes (heec intentata manebat Sors rerum) movet, et superis immissa repentè Allecto, medias Italûm bacchata per urbes. Nil super imperio moveor: speravimus ista, Dum fortuna fuit: vincant, quos vincere mavis. Si nulla est regio Teucris quam det tua conjux Dura, (per eversæ, genitor, fumantia Trojæ Excidia obtestor;) liceat dimittere ab armis Incolumem Ascanium, liceat superesse nepotem. Æneas sanè ignotis jactetur in undis; Et, quamcunque viam dederit fortuna, sequatur: Hunc tegere, et diræ valeam subducere pugnæ. Est Amathus, est celsa mihi Paphos, atque Cythera, Idaliæque domus: positis inglorius armis Exigat hic ævum. Magnâ ditione jubeto Carthago premat Ausoniam: nihil urbibus indè Obstabit Tyriis. Quid pestem evadere belli 55 Juvit, et Argolicos medium fugisse per ignes, Totque maris vastæque exhausta pericula terræ, Dum Latium Teucri recidivaque Pergama quærunt? Non satius cineres patriæ insedisse supremos, Atque solum, quo Troja fuit? Xanthum et Simoënta Redde, oro, miseris: iterùmque revolvere casus Da, pater, Iliacos Teucris." Tum regia Juno

Acta furore gravi:--" Quìd me alta silentia cogis Rumpere, et obductum verbis vulgare dolorem? Ænean hominum quisquam Divûmve subegit 65 Bella sequi, aut hostem regi se inferre Latino? Italiam fatis petiit auctoribus (esto) Cassandræ impulsus furiis: num linquere castra Hortati sumus, aut vitam committere ventis? Num puero summam belli, num credere muros? Tyrrhenamve fidem, aut gentes agitare quietas? Quis Deus in fraudem, quæ dura potentia nostra Egit? ubi hic Juno, demissave nubibus Iris? Indignum est, Italos Trojam circumdare flammis Nascentem, et patrià Turnum consistere terrà; Cui Pilumnus avus, cui diva Venilia mater: Quìd, face Trojanos atrâ vim ferre Latinis? Arva aliena jugo premere, atque avertere prædas? Quid, soceros legere, et gremiis abducere pactas? Pacem orare manu, præfigere puppibus arma? Tu potes Ænean manibus subducere Graiûm, Proque viro nebulam et ventos obtendere inanes; Et potes in totidem classem convertere Nymphas: Nos aliquid Rutulos contrà juvisse, nefandum est? Æneas ignarus abest: ignarus et absit. Est Paphos, Idaliumque tibi, sunt alta Cythera. Quid gravidam bellis urbem et corda aspera tentas? Nosne tibi fluxas Phrygiæ res vertere fundo Conamur? nos? an miseros qui Troas Achivis Objecit? quæ causa fuit consurgere in arma Europamque Asiamque, et fœdera solvere furto? Me duce Dardanius Spartam expugnavit adulter? Aut ego tela dedi, fovique cupidine bella? Tum decuit metuisse tuis: nunc sera querelis Haud justis assurgis, et irrita jurgia jactas." 95 Talibus orabat Juno; cunctique fremebant Cœlicolæ assensu vario: ceu flamina prima Cùm deprênsa fremunt silvis, et cæca volutant Murmura, venturos nautis prodentia ventos. Tum pater omnipotens, rerum cui summa potestas,

Infit: eo dicente, Deûm domus alta silescit, Et tremefacta solo tellus; silet arduus æther; Tum Zephyriposuêre,premit placida æquora pontus:— "Accipite ergò animis, atque hæc mea figite dicta-Quandoquidem Ausonios conjungi fædere Teucris Haud licitum est, nec vestra capit discordia finem, Quæ cuique est fortuna hodiè, quam quisque secat

spem,

Tros Rutulusve fuat, nullo discrimine habebo:
Seu fatis Italûm castra obsidione tenentur,
Sive errore malo Trojæ, monitisque sinistris.
Nec Rutulos solvo: sua cuique exorsa laborem
Fortunamque ferent: rex Jupiter omnibus idem.
Fata viam invenient." Stygii per flumina fratris,
Per pice torrentes atràque voragine ripas,
Annuit, et nutu totum tremefecit Olympum.

115
Hìc finis fandi: solio tum Jupiter aureo
Surgit, cœlicolæ medium quem ad limina ducunt.

Intereà Rutuli portis circum omnibus instant Sternere cæde viros, et mænia cingere flammis. Ast legiq Æneadûm vallis obsessa tenetur; 120 Nec spes ulla fugæ: miseri stant turribus altis Nequicquam, et rarâ muros cinxêre coronâ. Asius Imbrasides, Hicetaoniusque Thymætes, Assaracique duo, et senior cum Castore Thymbris, Prima acies: hos germani Sarpedonis ambo, Et Clarus et Themon, Lyciâ comitantur ab altâ. Fert ingens toto connixus corpore saxum, Haud partem exiguam montis, Lyrnessius Acmon, Nec Clytio genitore minor, nec fratre Menestheo. Hi jaculis, illi certant defendere saxis, Molirique ignem, nervoque aptare sagittas. Ipse inter medios, Veneris justissima cura, Dardanius caput, ecce, puer detectus honestum, Qualis gemma, micat, fulvum que dividit aurum, Aut collo decus, aut capiti; vel quale per artem 135 Inclusum buxo, aut Oricia terebintho, Lucet ebur: fusos cervix cui lactea crines

Accipit, et molli subnectit circulus auro.
Te quoque magnanime viderunt, Ismare, gentes
Vulnera dirigere, et calamos armare veneno,
Mæoniâ generose domo: ubi pinguia culta
Exercentque viri, Pactolusque irrigat auro.
Affuit et Mnestheus, quem pulsi pristina Turni
Aggere mœrorum sublimem gloria tollit;
Et Capys: hinc nomen Campanæ ducitur urbi.

Illi inter sese duri certamina belli Contulerant; media Æneas freta nocte secabat. Namque, ut ab Evandro castris ingressus Etruscis, Regem adit, et regi memorat nomenque genusque; Quidve petat, quidve ipse ferat; Mezentius arma 130 Quæ sibi conciliet, violentaque pectora Turni, Edocet; humanis quæ sit fiducia rebus ſcho Admonet, immiscetque preces. Haud fit mora; Tar-Jungit opes, fædusque ferit: tum libera fati Classem conscendit jussis gens Lydia Divûm 155 Externo commissa duci. Æneïa puppis Prima tenet, rostro Phrygios subjuncta leones; Imminet Ida supèr, profugis gratissima Teucris. Hic magnus sedet Æneas, secumque volutat Eventus belli varios: Pallasque, sinistro 160 Affixus lateri, jam quærit sidera, opacæ Noctis iter; jam quæ passus terraque marique.

Pandite nunc Helicona, Deze, cantusque movete; Quæ manus intereà Tuscis comitetur ab oris Ænean, armetque rates, pelagoque vehatur.

Massicus æratâ princeps secat æquora Tigri; Sub quo mille manus juvenum, qui mœnia Clusî, Quique urbem liquêre Cosas; queîs tela, sagittæ, Corytique leves humeris, et letifer arcus. Unà torvus Abas: huic totum insignibus armis 170 Agmen, et aurato fulgebat Apolline puppis. Sexcentos illi dederat Populonia mater Expertos belli juvenes: ast Ilva trecentos Insula, inexhaustis Chalybum generosa metallis. 174 Tertius, ille hominum Divûmque interpres Asylas (Cui pecudum fibræ, cœli cui sidera parent Et linguæ volucrum, et præsagi fulminis ignes;) Mille rapit densos acie, atque horrentibus hastis: Hos parere jubent Alpheæ ab origine Pisæ, Urbs Etrusca solo. Sequitur pulcherrimus Astur, Astur equo fidens et versicoloribus armis. Tercentum adjiciunt (mens omnibus una sequendi) Qui Cærete domo, qui sunt Minionis in arvis, Et Pyrgi veteres, intempestæque Graviscæ.

Non ego te, Ligurum ductor fortissime bello, Transierim, Cinyra; et paucis comitate Cupavo; Cujus olorinæ surgunt de vertice pennæ. Crimen amor vestrum, formæque insigne paternæ. Namque ferunt, luctu Cycnum Phaëthontis amati, Populeas inter frondes umbramque sororum Dum canit, et mæstum muså solatur amorem, Canentem molli plumâ duxisse senectam, Linquentem terras, et sidera voce sequentem. Filius, æquales comitatus classe catervas, Ingentem remis Centaurum promovet: ille 195 Instat aquæ, saxumque undis immane minatur Arduus, et longâ sulcat maria alta carinâ.

Ille etiam patriis agmen ciet Ocnus ab oris, Fatidicæ Mantûs et Tusci filius amnis, Qui muros matrisque dedit tibi, Mantua, nomen; 200 Mantua, dives avis; sed non genus omnibus unum: Gens illi triplex, populi sub gente quaterni; Ipsa caput populis; Tusco de sanguine vires. Hinc quoque quingentos in se Mezentius armat, Quos patre Benaco velatus arundine glaucâ 205 Mincius infestà ducebat in æquora pinu.

· It gravis Aulestes, centenâque arbore fluctus Verberat assurgens: spumant vada marmore verso. Hunc vehit immanis Triton et cærula concha Exterrens freta; cui laterum tenus hispida nanti 210 Frons hominem præfert, in pristin desinit alvus: Spumea semifero sub pectore murmurat unda. Tot lecti proceres ter denis navibus ibant

Subsidio Trojæ, et campos salis ære secabant. Jamque dies cœlo concesserat, almaque curru 215 Noctivago Phœbe medium pulsabat Olympum. Æneas (neque enim membris dat cura quietem) Ipse sedens clavumque regit velisque ministrat; Atque illi medio in spatio chorus, ecce, suarum Occurrit comitum: Nymphæ, quas alma Cybebe 200 Numen habere maris, Nymphasque e navibus esse. Jusserat, innabant pariter, fluctusque secabant, Quot priùs æratæ steterant ad littora proræ: Agnoscunt longè regem, lustrantque choreis: Quarum, quæ fandi doctissima, Cymodocea 225 Ponè sequens dextrâ puppim tenet, ipsaque dorso Eminet, ac lævå tacitis subremigat undis: Tum sic ignarum alloquitur:--"Vigilasne, deûm gens, Ænea? vigila, et velis immitte rudentes. Nos sumus Idææ sacro de vertice pinus. Nunc pelagi Nymphæ, classis tua. Perfidus ut nos Præcipites ferro Rutulus flammâque premebat, Rupimus invitæ tua vincula, teque per æquor Hanc genetrix faciem miserata refecit. Quærimus. Et dedit esse deas, ævumque agitare sub undis. 235 At puer Ascanius muro fossisque tenetur Tela inter media atque horrentes Marte Latinos. Jam loca jussa tenent forti permixtus Etrusco Arcas eques: medias illis opponere turmas, Nè castris jungant, certa est sententia Turno. Surge age, et Aurorâ socios veniente vocari Primus in arma jube, et clipeum cape, quem dedit ipse Invictum ignipotens, atque oras ambiit auro. Crastina lux, mea si non irrita dicta putâris, Ingentes Rutulæ spectabit cædis acervos." Dixerat; et dextrâ discedens impulit altam, Haud ignara modi, puppim: fugit illa per undas Ocyor et jaculo et ventos æquante sagittà. Indè aliæ celerant cursus. Stupet inscius ipse Tros Anchisiades: animos tamen omine tollit; Tum brevitèr, supera adspectans convexa, precatur:-

"Alma parens Idea deum, (cui Dindyma cordi, Turrigeræque urbes, bijugique ad frena leones;)
Tu mihi nunc pugnæ princeps, tu ritè propinques
Augurium, Phrygibusque adsis pede, diva, secundo."
Tantum effatus: et intereà revoluta ruebat
Matura jam luce dies, noctemque fugarat.

Principio sociis edicit, signa sequantur, Atque animos aptent armis, pugnæque parent se. Jamque in conspectu Teucros habet et sua castra,260 Stans celsa in puppi: clipeum cum deinde sinistra Extulit ardentem. Clamorem ad sidera tollunt Dardanidæ e muris: spes addita suscitat iras: Tela manu jaciunt: quales sub nubibus atris. Strymoniæ dant signa grues, atque æthera tranant Cum sonitu, fugiuntque notos clamore secundo. 2016 At Rutulo regi ducibusque ea mira videri Ausoniis, donec versas ad littora puppes Respiciunt, totumque allabi classibus æquor. Ardet apex capiti, cristisque a vertice flamma Funditur, et vastos umbo vomit aureus ignes: Non secus, ac liquidâ si quando nocte cometæ Sanguinei lugubre rubent; aut Sirius ardor: Ille, sitim morbosque ferens mortalibus ægris, Nascitur, et lævo contristat lumine cœlum. 275 Haud tamen audaci Turno fiducia cessit Littora præripere, et venientes pellere terra; [Ultrò animos tollit dictis, atque increpat ultrò:—] "Quod votis optâstis, adest, perfringere dextrâ: In manibus Mars ipse, viri: nunc conjugis esto 280 Quisque suæ tectique memor; nunc magna referto Facta, patrum laudes. Ultrò occurramus ad undam, Dum trepidi, egressisque labant vestigia prima. Audentes fortuna juvat."

Hæc ait; et secum versat, quos ducere contrà, 245 Vel quibus obsessos possit concredere muros.

Intereà Æneas socios de puppibus altis Pontibus exponit: multi servare recursus Languentis pelagi, et brevibus se credere saltu;

Per remos alii. Speculatus littora Tarcho, Quà vada non spirant, nec fracta remurmurat unda, Sed mare inoffensum crescenti allabitur æstu, Advertit subitò proras; sociosque precatur:-"Nunc. o lecta manus, validis incumbite remis: Tollite, ferte rates: inimicam findite rostris Hanc terram, sulcumque sibi premat ipsa carina: Frangere nec tali puppim statione recuso. Arreptà tellure semel." Quæ talia postquam Effatus Tarcho, socii consurgere tonsis, Spumantesque rates arvis inferre Latinis; 300 Donec rostra tenent siccum, et sedère carinæ Omnes innocuæ; sed non puppis tua, Tarcho: Namque, inflicta vadis, dorso dum pendet iniquo, Anceps sustentata diu, fluctusque fatigat, Solvitur, atque viros mediis exponit in undis: 305 Fragmina remorum quos et fluitantia transtra Impediunt, retrahitque pedem simul unda relabens.

Nec Turnum segnis retinet mora, sed rapit acer Totam aciem in Teucros, et contrà in littore sistit. Signa canunt: primus turmas invasit agrestes Æneas, omen pugnæ, stravitque Latinos, Occiso Therone, virûm qui maximus ultrò Ænean petit: huic gladio, perque ærea suta, Per tunicam squalentem auro, latus haurit apertum. Indè Lichan ferit, exsectum jam matre peremtâ, 315 Et tibi, Phœbe, sacrum, casus evadere ferri Quòd licuit parvo. Nec longè Cissea durum, Immanemque Gyan, sternentes agmina clavâ, Deiecit leto: nihil illos Herculis arma. Nil valide juvêre manus, genitorque Melampus, 320 Alcidæ comes, usque graves dum terra labores Præbuit. Ecce Pharo, voces dum jactat inertes, Intorquens jaculum, clamanti sistit in ore. Tu quoque, flaventem primâ lanugine malas Dum sequeris Clytium infelix, nova gaudia, Cydon, Dardania stratus dextra, securus amorum, Qui juvenum tibi semper erant, miserande, jaceres;

Nì fratrum stipata cohors foret obvia, Phorci Progenies; septem numero, septenaque tela Conjiciunt: partim galeâ clypeoque resultant 330 Irrita, deflexit partim stringentia corpus Fidum Æneas affatur Achaten:-Alma Venus. "Suggere tela mihi (non ullum dextera frustrà Torserit in Rutulos), steterunt quæ in corpore Graiûm Iliacis campis." Tum magnam corripit hastam, sss Et jacit: illa volans clypei transverberat æra Mæonis, et thoraca simul cum pectore rumpit. Huic frater subit Alcanor, fratremque ruentem Sustentat dextrà: trajecto missa lacerto 339 Protinus hasta fugit, servatque cruenta tenorem; Dexteraque ex humero nervis moribunda pependit. Tum Numitor, jaculo fratris de corpore rapto, Ænean petiit; sed non et figere contrà Est licitum, magnique femur perstrinxit Achatæ. Hic Curibus, fidens primævo corpore, Clausus Advenit, et rigidâ Dryopen ferit eminus hastâ Sub mentum gravitèr pressâ, paritèrque loquentis Vocem animamque rapit trajecto gutture; at ille Fronte ferit terram, et crassum vomit ore cruorem. Tres quoque Threïcios, Boreæ de gente supremâ, seo Et tres, quos Idas pater et patria Ismara mittit, Per varios sternit casus. Accurrit Halesus, Auruncæque manus; subit et Neptunia proles, Insignis Messapus equis; expellere tendunt Nunc hi, nunc illi: certatur limine in ipso 355 Magno discordes æthere venti Prælia ceu tollunt, animis et viribus æquis; Non ipsi inter se, non nubila, non mare cedit; Anceps pugna diu; stant obnixi; omnia contrà: Haud alitèr Trojanæ acies, aciesque Latinæ Concurrunt: hæret pede pes, densusque viro vir.

At parte ex aliâ, quà saxa rotantia latè Intulerat torrens, arbustaque diruta ripis, Arcadas, insuetos acies inferre pedestres, Ut vidit Pallas Latio dare terga sequaci;

Aspera queis natura loci dimittere quando Suasit equos; (unum quod rebus restat egenis) Nunc prece, nunc dictis virtutem accendit amaris:-"Quò fugitis, socii? per vos, et fortia facta, Per ducis Evandri nomen, devictaque bella, Spemque meam, patriæ quæ nunc subit æmula laudis. Fidite ne pedibus: ferro rumpenda per hostes Quà globus ille virûm densissimus urget. Hac vos et Pallanta ducem patria alta reposcit. Numina nulla premunt: mortali urgemur ab hoste Mortales: totidem nobis animæque manusque. Ecce, maris magno claudit nos objice pontus; Deest jam terra fugæ: pelagus, Trojamne petemus?" Hæc ait; et medius densos prorumpit in hostes. Obvius huic primum, fatis adductus iniquis, Fit Lagus: hunc, magno vellit dum pondere saxum. Intorto figit telo, discrimina costis Per medium qua spina dabat, hastamque receptat Ossibus hærentem. Quem non super occupat Hisbo, Ille quidem hoc sperans: nam Pallas antè ruentem, Dum furit, incautum, crudeli morte sodalis, Excipit, atque ensem tumido in pulmone recondit. Hinc Sthenelum petit, et Rhœti de gente vetustà Anchemolum, thalamos ausum incestare novercæ. Vos etiam gemini Rutulis cecidistis in arvis, Daucia, Laride Thymberque, simillima proles, Indiscreta suis, gratusque parentibus error; At nunc dura dedit vobis discrimina Pallas: Nam tibi, Thymbre, caput Evandrius abstulit ensis; Te decisa suum, Laride, dextera quærit; Semianimesque micant digiti, ferrumque retractant. Arcadas accensos monitu, et præclara tuentes Facta viri, mistus dolor et pudor armat in hostes. Tum Pallas bijugis fugientem Rhætea prætèr Trajicit: hoc spatium, tantumque moree fuit Ilo: 400 Ilo namque procul validam direxerat hastam, Quam medius Rhœteus intercipit; optime Teuthra, Te fugiens, fratremque Tyren: curruque volutus

Cædit semianimis Rutulorum calcibus arva. Ac velut, optato ventis æstate coortis, Dispersa immittit silvis incendia pastor: Correptis subitò mediis, extenditur unà Horrida per latos acies Vulcania campos; Ille sedens victor flammas despectat ovantes: Non alitèr socium virtus coit omnis in unum, 410 Teque juvat, Palla. Sed bellis acer Halesus Tendit in adversos, seque in sua colligit arma. Hic mactat Ladona, Pheretaque, Demodocumque; Strymonio dextram fulgenti diripit ense, Elatam in jugulum; saxo ferit ora Thoantis, Ossaque dispergit cerebro permixta cruento. Fata canens silvis genitor celârat Halesum; Ut senior leto canentia lumina solvit, Injecêre manum Parcæ, telisque sacrârunt Evandri; quem sic Pallas petit antè precatus: -- 420 " Da nunc, Tybri pater, ferro, quod missile libro, Fortunam atque viam duri per pectus Halesi: Hæc arma exuviasque viri tua quercus habebit." Audiit illa Deus: dum texit Imaona Halesus, Arcadio infelix telo dat pectus inermum. At non cæde viri tanta perterrita Lausus, Pars ingens belli, sinit agmina: primus Abantem Oppositum interimit, pugnæ nodumque moramque. Sternitur Arcadiæ proles, sternuntur Etrusci; Et vos, o Graiis imperdita corpora, Teucri. Agmina concurrunt, ducibusque et viribus æquis; Extremi addensent acies: nec turba moveri Tela manusque sinit: hinc Pallas instat et urget; Hinc contrà Lausus; nec multum discrepat ætas; Egregii formâ; sed queis fortuna negârat In patriam reditus. Ipsos concurrere passus Haud tamen inter se magni regnator Olympi: Mox illos sua fata manent majore sub hoste. Intereà soror alma monet succurrere Lauso Turnum, qui volucri curru medium secat agmen. 440 Ut vidit socios:-" Tempus desistere pugnæ:

Solus ego in Pallanta feror: soli mihi Pallas Debetur: cuperem, ipse parens spectator adesset." Hæc ait; et socii cesserunt æquore jusso. At, Rutulûm abscessu, juvenis, tum jussa superba 445 Miratus, stupet in Turno; corpusque per ingens Lumina volvit, obitque truci procul omnia visu: Talibus et dictis it contra dicta tyranni:-"Aut spoliis ego jam raptis laudabor opimis, Aut leto insigni: sorti pater æquus utrique est: 450 Tolle minas." Fatus medium procedit in æquor: Frigidus Arcadibus coit in præcordia sanguis. Desiluit Turnus bijugis; pedes apparat ire Cominùs: utque leo, specula cum vidit ab alta Stare procul campis meditantem prælia taurum, 455 Advolat; haud alia est Turni venientis imago. Hunc ubi contiguum missee fore credidit hastee.

Ire prior Pallas, si quà fors adjuvet ausum Viribus imparibus; magnumque ita ad æthera fatur:--"Per patris hospitium, et mensas quas advena adisti, Te precor, Alcide, coeptis ingentibus adsis: - Cernant semineci sibi me rapere arma cruenta, Victoremque ferant morientia lumina Turni." Audiit Alcides juvenem, magnumque sub imo Corde premit gemitum, lacrymasque effudit inanes. Tum genitor natum dictis affatur amicis:-"Stat sua cuique dies; breve et irreparabile tempus Omnibus est vitæ; sed famam extendere factis, Hoc virtutis opus. Trojæ sub mænibus altis Tot nati cecidere Deum; quin occidit unà 470 Sarpedon, mea progenies: etiam sua Turnum Fata vocant, metasque dati pervenit ad ævi." Sic ait; atque oculos Rutulorum rejicit arvis. At Pallas magnis emittit viribus hastam, Vaginâque cavâ fulgentem diripit ensem. Illa volans, humeris surgunt quà tegmina summa, Incidit; atque, viam clypei molita per oras, Tandem etiam magno strinxit de corpore Turni. Hic Turnus ferro præfixum robur acuto

In Pallanta diu librans jacit, atque ita fatur: -- 480 "Aspice, num magè sit nostrum penetrabile telum." Dixerat; at clypeum, tot ferri terga, tot æris, Cùm pellis totiens obeat circumdata tauri, Vibranti medium cuspis transverberat ictu. Loricæque moras et pectus perforat ingens. Ille rapit calidum frustrà de vulnere telum: Unâ eâdemque viâ sanguis animusque sequuntur. Corruit in vulnus: sonitum supèr arma dedère: Et terram hostilem moriens petit ore cruento. Quem Turnus super assistens:— "Arcades, heec," inquit, "memores mea dicta referte Evandro: qualem meruit, Pallanta remitto. Quisquis honos tumuli, quicquid solamen humandi Largior: haud illi stabunt Æneïa parvo Hospitia." Et lævo pressit pede, talia fatus, 495 Exanimem, rapiens immania pondera baltei, Impressumque nefas (una sub nocte jugali Cæsa manus juvenum fædè, thalamique cruenti); Quæ Clonus Eurytides multo cælaverat auro; Quo nunc Turnus ovat spolio gaudetque potitus. 500 Nescia mens hominum fati sortisque futuræ, Et servare modum, rebus sublata secundis! Turno tempus erit, magno cum optaverit emtum Intactum Pallanta; et cum spolia ista diemque At socii multo gemitu lacrymisque Impositum scuto referent Pallanta frequentes. O dolor, atque decus magnum rediture parenti! Hæc te prima dies bello dedit, hæc eadem aufert; Cum tamen ingentes Rutulorum linquis acervos.

Nec jam fama mali tanti, sed certior auctor
Advolat Æneæ, tenui discrimine leti
Esse suos; tempus versis succurrere Teucris.
Proxima quæque metit gladio, latumque per agmen
Ardens limitem agit ferro; te, Turne, superbum
Cæde nova quærens. Pallas, Evander, in ipsis sis
Omnia sunt oculis: mensæ, quas advena primas
Tunc adiit, dextræque datæ. Sulmone creatos

Quatuor hic juvenes, totidem, quos educat Ufens, Viventes rapit; inferias quos immolet umbris, Captivoque rogi perfundat sanguine flammas. Indè Mago procul infensam contenderat hastam; Ille astu subit, at tremebunda supervolat hasta; Et genua amplectens effatur talia supplex:-" Per patrios manes, et spes surgentis lüli, Te precor, hanc animam serves natoque patrique. 525 Est domus alta; jacent penitùs defossa talenta Cælati argenti; sunt auri pondera facti Infectique mihi: non hic victoria Teucrum Vertitur: aut anima una dabit discrimina tanta." Dixerat: Æneas contrà cui talia reddit:-" Argenti atque auri memoras quæ multa talenta, Gnatis parce tuis: belli commercia Turnus Sustulit ista prior, jam tum Pallante peremto. Hoc patris Anchisæ manes, hoc sentit Iülus." Sic fatus, galeam lævå tenet, atque reflexå Cervice orantis capulo tenus applicat ensem. Nec procul Hæmonides, Phæbi Triviæque sacerdos, Infula cui sacrâ redimibat tempora vittà, Totus collucens veste atque insignibus armis; Quem congressus agit campo, lapsumque superstans Immolat, ingentique umbra tegit: arma Serestus Lecta refert humeris, tibi, rex Gradive, tropæum. Instaurant acies Vulcani stirpe creatus Cæculus, et veniens Marsorum montibus Umbro. Dardanides contrà furit. Anxuris ense sinistram, 545 Et totum clypei ferro dejecerat orbem. Dixerat ille aliquid magnum, vimque affore verbo Crediderat, coeloque animum fortasse ferebat, Canitiemque sibi et longos promiserat annos. Tarquitus exultans contrà fulgentibus armis, Silvicolæ Fauno Dryope quem Nympha crearat, Obvius ardenti sese obtulit: ille reducta Loricam clypeique ingens onus impedit hastå. Tum caput orantis nequicquam, et multa parantis Dicere, deturbat terræ; truncumque tepentem

Provolvens, super hæc inimico pectore fatur:—
"Istic nunc, metuende, jace: non te optima mater
Condet humi, patriove onerabit membra sepulcro:
Alitibus linquère feris, aut gurgite mersum
Unda feret, piscesque impasti vulnera lambent." 560
Protinus Antæum et Lucam, prima agmina Turni,
Persequitur, fortemque Numam, fulvumque Camertem.

Magnanimo Volscente satum; ditissimus agri Qui fuit Ausonidum, et tacitis regnavit Amyclis Ægæon qualis, centum cui brachia dicunt Centenasque manus, quinquaginta oribus ignem Pectoribusque arsisse, Jovis cum fulmina contra Tot paribus streperet clypeis, tot stringeret enses: Sic toto Æneas desævit in æquore victor, Ut semel intepuit mucro. Quin ecce Niphæi Quadrijuges in equos adversaque pectora tendit; Atque illi, longè gradientem et dira frementem Ut vidêre, metu versi, retròque ruentes, Effunduntque ducem, rapiuntque ad littora currus. Intereà bijugis infert se Lucagus albis 575 In medios, fraterque Liger: sed frater habenis Flectit equos; strictum rotat acer Lucagus ensem. Haud tulit Æneas tanto fervore furentes: Irruit, adversâque ingens apparuit hastâ; Cui Liger :-" Non Diomedis equos, nec currum cernis Achillis, Aut Phrygiæ campos: nunc belli finis et ævi His dabitur terris." Vesano talia latè Dicta volant Ligeri: sed non et Troïus heros Dicta parat contrà; jaculum nam torquet in hostem. Lucagus, ut pronus pendens in verbera telo Admonuit bijugos, projecto dum pede lævo Aptat se pugnæ; subit oras hasta per imas Fulgentis clypei, tum lævum perforat inguen. Excussus curru moribundus volvitur arvis; 590 Quem pius Æneas dictis affatur amaris:-" Lucage, nulla tuos currus fuga segnis equorum

Prodidit, aut vanæ vertère ex hostibus umbræ:
Ipse rotis saliens juga deseris." Hæc ita fatus,
Arripuit bijugos: frater tendebat inermes

195
Infelix palmas, curru delapsus eodem:—
"Per te, per qui te talem genuêre parentes,
Vir Trojane, sine hanc animam, et miserere precantis."
Pluribus oranti Æneas:—"Haud talia dudum
Dicta dabas: morere; et fratrem nè desere frater." 600
Tum latebras animæ pectus mucrone recludit.

Talia per campos edebat funera ductor Dardanius; torrentis aquæ vel turbinis atri More furens. Tandem erumpunt, et castra relinquunt Ascanius puer, et nequicquam obsessa juventus. 605 Junonem intereà compellat Jupiter ultrò:-"O germana mihi atque eadem gratissima conjux Ut rebare, Venus (nec te sententia fallit) Trojanas sustentat opes: non vivida bello Dextra viris, animusque ferox, patiensque pericli." Cui Juno submissa: - "Quìd, o pulcherrime conjux, Sollicitas ægram, et tua tristia dicta timentem? Si mihi, quæ quondam fuerat, quamque esse decebat, Vis in amore foret; non hoc mihi namque negares, Omnipotens, quin et pugnæ subducere Turnum, 615 Et Dauno possem incolumem servare parenti. Nunc pereat, Teucrisque pio det sanguine pœnas. Ille tamen nostrâ deducit origine nomen: Pilumnusque illi quartus pater; et tua largâ Sæpè manu multisque oneravit limina donis." 600 Cui rex ætherei breviter sic fatur Olympi:-"Si mora præsentis leti tempusque caduco Oratur juveni, meque hoc ita ponere sentis; Tolle fugâ Turnum, atque instantibus eripe fatis. Hactenus indulsisse vacat: sin altior istis 625 Sub precibus venia ulla latet, totumque moveri Mutarive putas bellum, spes pascis inanes." Et Juno allacrymans:-"Quìd si, quod voce gravaris, Mente dares; atque hec Turno rata vita maneret? Nunc manet insontem gravis exitus; aut ego veri 630

Vana feror: quod ut o potius formidine falsa Ludar; et in melius tua, qui potes, orsa reflectas." Hæc ubi dicta dedit, cœlo se protinus alto Misit, agens hyemem, nimbo succincta, per auras; Iliacamque aciem et Laurentia castra petivit. Tum Dea nube cavâ tenuem sine viribus umbram In faciem Æneæ (visu mirabile monstrum!) Dardaniis ornat telis; clypeumque jubasque Divini assimulat capitis; dat inania verba; Dat sine mente sonum, gressusque effingit euntis: 640 Morte obità quales fama est volitare figuras, Aut quæ sopitos deludunt somnia sensus. At primas læta ante acies exultat imago, Irritatque virum telis, et voce lacessit: Instat cui Turnus, stridentemque eminus hastam 645 Conjicit: illa dato vertit vestigia tergo. Tum verò Ænean aversum ut cedere Turnus Credidit, atque animo spem turbidus hausit inanem:--" Quo fugis, Ænea? thalamos nè desere pactos: Hâc dabitur dextrâ tellus quæsita per undas." Talia vociferans sequitur, strictumque coruscat Mucronem; nec ferre videt sua gaudia ventos.

Fortè ratis, celsi conjuncta crepidine saxi, Expositis stabat scalis et ponte parato; Quâ rex Clusinis advectus Osinius oris. 655 Hùc sese trepida Æneæ fugientis imago Conjicit in latebras: nec Turnus segnior instat, Exsuperatque moras, et pontes transilit altos. Vix proram attigerat: rumpit Saturnia funem, Avulsamque rapit revoluta per æquora navem. Illum autem Æneas absentem in prælia poscit: Obvia multa virûm demittit corpora morti. Tunc levis haud ultrà latebras jam quærit imago, Sed sublime volans nubi se immiscuit atræ: Cùm Turnum medio intereà fert æquore turbo. Respicit ignarus rerum, ingratusque salutis; Et duplices cum voce manus ad sidera tendit:-'Omnipotens genitor, tanton' me crimine dignum

Duxisti? et tales voluisti expendere pœnas?

Quò feror? undè abii? quæ me fuga, quemve reducet?

670

Laurentesne iterùm muros aut castra videbo? Quid manus illa virûm, qui me meaque arma secuti: Quosque (nefas!) omnes infandâ in morte reliqui? Et nunc palantes video, gemitumque cadentûm Accipio. Quid agam? aut quæ jam satis ima dehiscat Terra mihi? vos o potiùs miserescite, venti: In rupes, in saxa (volens vos Turnus adoro) Ferte ratem, sævisque vadis immittite Syrtis, Quò neque me Rutuli, neque consciafama sequatur." Hæc memorans, animo nunc huc, nunc fluctuat illuc: An sese mucrone ob tantum dedecus amens Induat, et crudum per costas exigat ensem; Fluctibus an jaciat mediis, et littora nando Curva petat, Teucrûmque iterûm se reddat in arma. Ter conatus utramque viam: ter maxima Juno Continuit, juvenemque animi miserata repressit. Labitur, alta secans, fluctuque æstuque secundo: Et patris antiquam Dauni defertur ad urbem.

At Jovis intereà monitis Mezentius ardens
Succedit pugnæ, Teucrosque invadit ovantes.
Concurrunt Tyrrhenæ acies, atque omnibus uni,
Uni odiisque viro telisque frequentibus instant.
Ille (velut rupes, vastum quæ prodit in æquor,
Obvia ventorum furiis, expôstaque ponto,
Vim cunctam atque minas perfert cælique marisque,
Ipsa immota manens) prolem Dolichaonis Hebrum
Sternit humi, cum quo Latagum, Palmumque fu-

Sed Latagum saxo atque ingenti fragmine montis Occupat os faciemque adversam; poplite Palmum Succiso volvi segnem sinit, armaque Lauso 700 Donat habere humeris, et vertice figere cristas. Nec non Euanthen Phrygium; Paridisque Mimanta Æqualem comitemque; unå quem nocte Theano In lucem genitori Amyco dedit, et face prægnans Cisseïs regina Parin: Paris urbe paternâ 705 Occubat: ignarum Laurens habet ora Mimanta. Ac velut ille canum morsu de montibus altis Actus aper (multos Vesulus quem pinifer annos Defendit, multosque palus Laurentia), silvâ 709 Pastus arundineâ, postquam inter retia ventum est, Substitit, infremuitque ferox, et inhorruit armos; Nec cuiquam irasci propiùsve accedere virtus, Sed jaculis tutisque procul clamoribus instant; Ille autem impavidus partes cunctatur in omnes, Dentibus infrendens, et tergo decutit hastas: 715 Haud aliter, justee quibus est Mezentius iræ, Non ulli est animus stricto concurrere ferro: Missilibus longè et vasto clamore lacessunt.

Venerat antiquis Corythi de finibus Acron, 719
Graius homo, infectos linquens profugus hymenæos:
Hunc ubi miscentem longè media agmina vidit,
Purpureum pennis et pactæ conjugis ostro;
Impastus stabula alta leo ceu sæpè peragrans
(Suadet enim vesana fames) si fortè fugacem 724
Conspexit capream, aut surgentem in cornua cervum,
Gaudet hians immanè, comasque arrexit, et hæret
Visceribus super incumbens; lavit improba teter
Ora cruor:

Sic ruit in densos alacer Mezentius hostes.
Sternitur infelix Acron, et calcibus atram
Tundit humum expirans, infractaque tela cruentat.
Atque idem fugientem haud est dignatus Oroden
Sternere, nec jactà cæcum dare cuspide vulnus:
Obvius adversoque occurrit, seque viro vir
Contulit, haud furto melior, sed fortibus armis.
Tum super abjectum posito pede, nixus et hastà:—
"Pars belli haud temnenda, viri, jacet altus Orodes."
Conclamant socii, lætum Pæana secuti:
Ille autem expirans:—"Non me, quicunque es, inulto,
Victor, nec longum lætabere: te quoque fata
740
Prospectant paria, atque eadem mox arva tenebis."
Ad quem subridens mixtà Mezentius irà:—

'Nunc morere: ast de me Divûm pater atque hominum rex

Viderit." Hoc dicens, eduxit corpore telum. Olli dura quies oculos et ferreus urget 745 Somnus; in æternam clauduntur lumina noctem. Cædicus Alcathoum obtruncat, Sacrator Hydaspen; Partheniumque Rapo, et prædurum viribus Orsen; Messapus Cloniumque, Lycaoniumque Ericeten: Illum, infrænis equi lapsu tellure jacentem; Hunc, peditem pedes. Et Lycius processerat Agis; Quem tamen haud expers Valerus virtutis avitæ Dejicit; at Thronium Salius; Saliumque Nealces,

Insignis jaculo et longè fallente saggittà.

Jam gravis æquabat luctus et mutua Mavors 755 Funera: cædebant paritèr, paritèrque ruebant Victores victique; neque his fuga nota, neque illis. Di Jovis in tectis iram miserantur inanem Amborum, et tantos mortalibus esse labores: Hinc Venus, hinc contrà spectat Saturnia Juno: 760 Pallida Tisiphone media inter millia sævit. At verò ingentem quatiens Mezentius hastam Turbidus ingreditur campo. Quam magnus Orion, Cum pedes incedit medii per maxima Nerei Stagna viam scindens, humero supereminet undas; Aut, summis referens annosam montibus ornum, Ingrediturque solo, et caput inter nubila condit: Talis se vastis infert Mezentius armis. Huic contrà Æneas, speculatus in agmine longo, Obvius ire parat. Manet imperterritus ille, Hostem magnanimum opperiens, et mole suâ stat; Atque, oculis spatium emensus quantum satis hastæ:-

"Dextra mihi Deus, et telum, quod missile libro. Nunc adsint: voveo prædonis corpore raptis Indutum spoliis ipsum te, Lause, tropæum Æneæ." Dixit; stridentemque eminus hastam Injicit: illa volans clypeo est excussa, proculque Egregium Antoren latus inter et ilia figit;

Herculis Antoren comitem, qui missus ab Argis Hæserat Evandro, atque Italâ consederat urbe. Sternitur infelix alieno vulnere, cœlumque Aspicit, et dulces moriens reminiscitur Argos. Tum pius Æneas hastam jacit: illa per orbem Ære cavum triplici, per linea terga, tribusque Transiit intextum tauris opus, imaque sedit 785 Inguine; sed vires haud pertulit. Ocyùs ensem Æneas, viso Tyrrheni sanguine lætus, Eripit a femore, et trepidanti fervidus instat. Ingemuit cari gravitèr genitoris amore, Ut vidit, Lausus; lacrymæque per ora volutæ. 790 Hic mortis duræ casum, tuaque optima facta, Si qua fidem tanto est operi latura vetustas, Non equidem, nec te, juvenis memorande, silebo. Ille pedem referens, et inutilis, inque ligatus Cedebat, clypeoque inimicum hastile trahebat. Prorupit juvenis, seseque immiscuit armis; Jamque assurgentis dextrâ, plagamque ferentis, Æneæ subiit mucronem; ipsumque morando Sustinuit; socii magno clamore sequuntur, Dum genitor nati parma protectus abiret; 800 Telaque conjiciunt, proturbantque eminùs hostem Missilibus: furit Æneas, tectusque tenet se. Ac velut, effusă si quando grandine nimbi Præcipitant, omnis campis diffugit arator, Omnis et agricola; et tutà latet arce viator, 805 Aut amnis ripis, aut alti fornice saxi, Dum pluit in terris; ut possint, sole reducto, Exercere diem: sic obrutus undique telis Æneas nubem belli, dum detonet, omnem Sustinet; et Lausum increpitat, Lausoque minatur:-" Quò, moriture, ruis? majoraque viribus audes? Fallit te incautum pietas tua." Nec minùs ille Exultat demens; sævæ jamque altiùs iræ Dardanio surgunt ductori, extremaque Lauso Parcæ fila legunt; validum namque exigit ensem 815 Per medium Æneas juvenem, totumque recondit:

Transiit et parmam mucro, levia arma minacis, Et tunicam, molli mater quam neverat auro; Implevitque sinum sanguis: tum vita per auras Concessit mæsta ad Manes, corpusque reliquit. At verò ut vultum vidit morientis et ora, Ora modis Anchisiades pallentia miris, Ingemuit miserans gravitèr, dextramque tetendit: Et mentem patriæ subiit pietatis imago:-"Quid tibi nunc, miserande puer, pro laudibus istis, Quid pius Æneas tantâ dabit indole dignum? Arma, quibus lætatus, habe tua: teque parentum Manibus et cineri, si qua est ea cura, remitto. Hoc tamen, infelix, miseram solabere mortem; Æneæ magni dextrâ cadis." Increpat ultrò 830 Cunctantes socios, et terrà sublevat ipsum, Sanguine turpantem comtos de more capillos. Intereà genitor Tiberini ad fluminis undam

Vulnera siccabat lymphis, corpusque levabat, Arboris acclinis trunco: procul ærea ramis Dependet galea, et prato gravia arma quiescunt. Stant lecti circum juvenes; ipse æger, anhelans, Colla fovet, fusus propexam in pectore barbam: Multa super Lauso rogitat; multosque remittit, Qui revocent, mœstique ferant mandata parentis. 846 At Lausum socii exanimem super arma ferebant Flentes; ingentem, atque ingenti vulnere victum. Agnovit longè gemitum præsaga mali mens. Canitiem immundo deformat pulvere, et ambas Ad cœlum tendit palmas, et corpore inhæret:- 845 "Tantane me tenuit vivendi, nate, voluptas, Ut pro me hostili paterer succedere dextræ Quem genui? tuane hæc genitor per vulnera servor, Morte tuâ vivens? heu! nunc misero mihi demùm Exilium infelix, nunc altè vulnus adactum! Idem ego, nate, tuum maculavi crimine nomen, Pulsus ob invidiam solio sceptrisque paternis. Debueram patriæ pænas, odiisque meorum: Omnes per mortes animam sontem ipse dedissem.

Nunc vivo, neque adhuc homines lucemque relinquo: Sed linguam." Simul hæc dicens, attollit in ægrum Se femur; et, quanquam vis alto vulnere tardat, Haud dejectus equum duci jubet: hoc decus illi, Hoc solamen erat; bellis hoc victor abibat Omnibus. Alloquitur mærentem, et talibus infit:-" Rhœbe, diu (res si qua diu mortalibus ulla est) Viximus: aut hodiè victor spolia illa cruenta, Et caput Æneæ referes, Lausique dolorum Ultor eris mecum; aut, aperit si nulla viam vis, Occumbes pariter: neque enim, fortissime, (credo) acs Jussa aliena pati et dominos dignabere Teucros." Dixit; et exceptus tergo consueta locavit Membra, manusque ambas jaculis oneravit acutis; Ære caput fulgens, cristâque hirsutus equinà. Sic cursum in medios rapidus dedit: æstuat ingens Uno in corde pudor, mixtoque insania luctu, [Et furiis agitatus amor, et conscia virtus.] Atque hic Ænean magnâ ter voce vocavit : Æneas agnovit eum, lætusque precatur:-"Sic pater ille Deûm faciat, sic altus Apollo, 875 Incipias conferre manum." Tantum effatus, et infesta subit obvius hasta. Ille autem :- "Quid me erepto, sævissime, nato Terres? hæc via sola fuit, quâ perdere posses. Nec mortem horremus, nec Divûm parcimus ulli. 880 Desine: jam venio moriturus, et hæc tibi porto Dona priùs." Dixit; telumque intorsit in hostem: Indè aliud super atque aliud figitque, volatque Ingenti gyro; sed sustinet aureus umbo. Ter circum astantem lævos equitavit in orbes, 885 Tela manu jaciens; ter secum Troïus heros Immanem ærato circumfert tegmine silvam. Indè ubi tot traxisse moras, tot spicula tædet Vellere; et urgetur pugnâ congressus iniquâ; Multa movens animo, jam tandem erumpit, et inter Bellatoris equi cava tempora conjicit hastam. Tollit se arrectum quadrupes, et calcibus auras

Verberat, effusumque equitem super ipse secutus Implicat, ejectoque incumbit cernuus armo. Clamore incendunt cœlum Troësque Latinique. Advolat Æneas, vaginâque eripit ensem ; Et super heec:-" Ubi nunc Mezentius acer, et illa Effera vis animi?" Contrà Tyrrhenus, ut auras Suspiciens hausit cœlum, mentemque recepit :--" Hostis amare, quid increpitas, mortemque minaris? Nullum in cæde nefas, nec sic ad prælia veni : Nec tecum meus hec pepigit mihi fœdera Lausus. Unum hoc, per, si qua est victis venia hostibus, oro: Corpus humo patiare tegi. Scio acerba meorum Circumstare odia: hunc, oro, defende furorem. Et me consortem nati concede sepulcro." Hæc loquitur, juguloque haud inscius accipit ensem, Undantique animam diffundit in arma cruore.

## LIBER XI.

OCEANUM intereà surgens Aurora reliquit. Æneas (quamquam et sociis dare tempus humandis Pæcipitant curæ, turbataque funere mens est) Vota Deûm primo victor solvebat Eoö. Ingentem quercum, decisis undique ramis, Constituit tumulo, fulgentiaque induit arma, Mezenti ducis exuvias; tibi, magne, tropæum, Bellipotens: aptat rorantes sanguine cristas, Telaque trunca viri, et bis sex thoraca petitum Perfossumque locis; clypeumque ex ære sinistræ 10 Subligat, atque ensem collo suspendit eburnum. Tum socios (namque omnis eum stipata tegebat Turba ducum) sic incipiens hortatur ovantes:-" Maxima res effecta, viri : timor omnis abesto, Quod superest : hæc sunt spolia, et de rege superbo Primitiæ; manibusque meis Mezentius hic est.

Nunc iter ad regem nobis murosque Latinos. Arma parate, animis et spe præsumite bellum; Nè qua mora ignaros, ubi primum vellere signa Annuerint Superi, pubemque educere castris, 80 Impediat, segnesque metu sententia tardet. Intereà socios inhumataque corpora terræ Mandemus; qui solus honos Acheronte sub imo est. Ite (ait); egregias animas, quæ sanguine nobis Hanc patriam peperêre suo, decorate supremis Muneribus: mœstamque Evandri primus ad urbem Mittatur Pallas, quem non virtutis egentem Abstulit atra dies, et funere mersit acerbo." Sic ait illacrymans; recipitque ad limina gressum: Corpus ubi exanimi positum Pallantis Acœtes Servabat senior, qui Parrhasio Evandro Armiger antè fuit : sed non felicibus æquè Tum comes auspiciis caro datus ibat alumno. Circum omnis famulumque manus, Trojanaque turba, Et mœstum Iliades crinem de more solutæ.

Ut verò Æneas foribus sese intulit altis. Ingentem gemitum tunsis ad sidera tollunt Pectoribus; mœstoque immugit regia luctu. Ipse, caput nivei fultum Pallantis et ora Ut vidit, levique patens in pectore vulnus Cuspidis Ausoniæ, lacrymis ita fatur obortis:-"Tene," inquit, "miserande puer, cum læta veniret, Invidit Fortuna mihi, nè regna videres Nostra, neque ad sedes victor veherere paternas? Non hæc Evandro de te promissa parenti Discedens dederam, cum me complexus euntem Mitteret in magnum imperium, metuensque moneret Acres esse viros, cum durâ prælia gente. Et nunc ille quidem, spe multum captus inani, Fors et vota facit, cumulatque altaria donis: Nos juvenem exanimum, et nil jam cœlestibus ullis Debentem, vano mœsti comitamur honore. Infelix! nati funus crudele videbis. Hi nostri reditus, expectatique triumphi?

Hæc mea magna fides? At non, Evandre, pudendis Vulneribus pulsum aspicies: nec sospite dirum 66 Optabis nato funus pater. Hei mihi, quantum Præsidium, Ausonia, et quantum tu perdis, Iüle!"

Hæc ubi deflevit, tolli miserabile corpus Imperat, et toto lectos ex agmine mittit 60 Mille viros, qui supremum comitentur honorem. Intersintque patris lacrymis; solatia luctûs Exigua ingentis, misero sed debita patri. Haud segnes alii crates et molle feretrum Arbuteis texunt virgis et vimine querno, 65 Extructosque toros obtentu frondis inumbrant. Hic juvenem agresti sublimem stramine ponunt: Qualem virgineo demessum pollice florem, Seu mollis violæ, seu languentis hyacinthi; Cui neque fulgor adhuc, necdum sua forma recessit: Non jam mater alit tellus, viresque ministrat. Tum geminas vestes, auroque ostroque rigentes, Extulit Æneas: quas illi læta laborum Ipsa suis quondam manibus Sidonia Dido Fecerat, et tenui telas discreverat auro. 75 Harum unam juveni supremum mæstus honorem Induit, arsurasque comas obnubit amictu: Multaque prætereà Laurentis præmia pugnæ Aggerat, et longo prædam jubet ordine duci: Addit equos et tela, quibus spoliaverat hostem. Vinxerat et post terga manus, quos mitteret umbris Inferias, cæso sparsuros sanguine flammam; Indutosque jubet truncos hostilibus armis Ipsos ferre duces, inimicaque nomina figi. Ducitur infelix ævo confectus Acœtes, Pectora nunc fœdans pugnis, nunc unguibus ora; Sternitur et toto projectus corpore terræ. Ducunt et Rutulo perfusos sanguine currus. Post bellator equus, positis insignibus, Æthon It lacrymans, guttisque humectat grandibus ora. 90 Hastam alii galeamque ferunt : nam cetera Turnus Victor habet. Tum mæsta phalanx, Teucrique sequun-Tyrrhenique duces, et versis Arcades armis.

Postquam omnis longè comitum processerat ordo, Substitit Æneas, gemituque hæc addidit alto:— 95 "Nos alias hinc ad lacrymas eadem horrida belli Fata vocant. Salve æternùm mihi, maxime Palla, Æternùmque vale." Nec plura effatus, ad altos Tendebat muros, gressumque in castra ferebat.

Jamque oratores aderant ex urbe Latina, 100 Velati ramis oleæ, veniamque rogantes: Corpora, per campos ferro quæ fusa jacebant, Redderet, ac tumulo sineret succedere terræ: Nullum cum victis certamen et æthere cassis; Parceret hospitibus quondam socerisque vocatis. 105 Quos bonus Æneas, haud aspernanda precantes, Prosequitur venia, et verbis hæc insuper addit:-" Quænam vos tanto Fortuna indigna, Latini, Implicuit bello, qui nos fugiatis amicos? Pacem me exanimis et Martis sorte peremtis 110 Oratis? equidem et vivis concedere vellem: Nec veni, nisi fata locum sedemque dedissent: Nec bellum cum gente gero: rex nostra reliquit Hospitia, et Turni potius se credidit armis. Æquiùs huic Turnum fuerat se opponere morti. Si bellum finire manu, si pellere Teucros Apparat, his mecum decuit concurrere telis: Vixet, cui vitam Deus aut sua dextra dedisset. Nunc ite, et miseris supponite civibus ignem." Dixerat Æneas: olli obstupuêre silentes, Conversique oculos inter se atque ora tenebant. Tum senior, semperque odiis et crimine Drances Infensus juveni Turno, sic ore vicissim Orsa refert :- "O famâ ingens, ingentior armis, Vir Trojane, quibus cœlo te laudibus æquem? Justitiæne priùs mirer, belline laborum? Nos verò hæc patriam grati referemus ad urbem, Et te, si qua viam dederit fortuna, Latino Jungemus regi: quærat sibi fædera Turnus. Quin et fatales murorum attollere moles. 130 Saxaque subvectare humeris Trojana juvabit."

Dixerat hæc; unoque omnes eadem ore fremebant. Bis senos pepigère dies; et pace sequestrà Per silvas Teucri, mixtique impunè Latini, Erravère jugis: ferro sonat icta bipenni 135 Fraxinus; evertunt actas ad sidera pinus; Robora nec cuneis, et olentem scindere cedrum, Nec plaustris cessant vectare gementibus ornos.

Et jam Fama volans, tanti prænuntia luctûs, Evandrum Evandrique domos et mœnia complet: Quæ modò victorem Latio Pallanta ferebat. Arcades ad portas ruere, et de more vetusto Funereas rapuêre faces: lucet via longo Ordine flammarum, et latè discriminat agros. Contrà turba Phrygum veniens plangentia jungunt Agmina: que postquam matres succedere tectis Viderunt, mæstam incendunt clamoribus urbem. At non Evandrum potis est vis ulla tenere; Sed venit in medios: feretro Pallanta repôsto Procubuit super, atque hæret lacrymansque gemens-Et via vix tandem voci laxata dolore est:-" Non hæc, o Palla, dederas promissa parenti, Cautiùs ut sævo velles te credere Marti! Haud ignarus eram, quantum nova gloria in armis, Et prædulce decus primo certamine posset. 155 Primitiæ juvenis miseræ! bellique propinqui Dura rudimenta! et nulli exaudita Deorum Vota, precesque meæ! tuque, o sanctissima conjux, Felix morte tuâ, neque in hunc servata dolorem! Contrà ego vivendo vici mea fata, superstes Restarem ut genitor. Troûm socia arma secutum Obruerent Rutuli telis! animam ipse dedissem, Atque heec pompa domum me, non Pallanta, referret! Nec vos arguerim, Teucri, nec fœdera, nec quas Junximus hospitio dextras: sors ista senectse Debita erat nostræ. Quòd si immatura manebat Mors natum; cæsis Volscorum millibus antè, Ducentem in Latium Teucros cecidisse juvabit. Quin ego non alio digner te funere, Palla,

Quàm pius Æneas, et quàm magni Phryges, et quàm Tyrrhenique duces, Tyrrhenûm exercitus omnis. 171 Magna tropæa ferunt, quos dat tua dextera leto: Tu quoque nunc stares immanis truncus in armis, Esset par ætas, et idem si robur ab annis, Turne. Sed infelix Teucros quid demoror armis? Vadite, et hæc memores regi mandata referte:— 176 'Quòd vitam moror invisam, Pallante peremto, Dextera causa tua est; Turnum gnatoque patrique Quam debere vides: meritis vacat hic tibi solus Fortunæque locus. Non vitæ gaudia quæro; 180 Nec fas: sed nato Manes perferre sub imos.'"

Aurora interea miseris mortalibus almam Extulerat lucem, referens opera atque labores. Jam pater Æneas, jam curvo in littore Tarcho Constituêre pyras: huc corpora quisque suorum 185 More tulêre patrum; subjectisque ignibus atris Conditur in tenebras altum caligine cœlum. Ter circum accensos, cincti fulgentibus armis, Decurrère rogos; ter mæstum funeris ignem Lustravère in equis, ululatusque ore dedère : 190 Spargitur et tellus lacrymis, sparguntur et arma. It cœlo clamorque virûm, clangorque tubarum. Hinc alii spolia occisis derepta Latinis Conjiciunt igni; galeas, ensesque decoros, Frænaque, ferventesque rotas: pars, munera nota, Ipsorum clypeos, et non felicia tela. 196 Multa boum circà mactantur corpora Morti; Setigerosque sues, raptasque ex omnibus agris In flammam jugulant pecudes. Tum littore toto Ardentes spectant socios, semiustaque servant Busta; neque avelli possunt, nox humida donec Invertit cœlum stellis fulgentibus aptum.

Nec minus et miseri diversa in parte Latini Innumeras struxère pyras; et corpora partim Multa virûm terræ infodiunt; avectaque partim Finitimos tollunt in agros, urbique remittunt: Cetera, confusæque ingentem cædis acervum, Nec numero nec honore cremant. Tunc undique vasti Certatim crebris collucent ignibus agri. Tertia lux gelidam cœlo dimoverat umbram; 210 Mœrentes altum cinerem et confusa ruebant Ossa focis, tepidoque onerabant aggere terræ.

Jam verò in tectis prædivitis urbe Latini Præcipuus fragor, et longè pars maxima luctûs. Hic matres miseræque nurus, hic cara sororum Pectora mœrentûm, puerique parentibus orbi, Dirum execrantur bellum, Turnique hymenæos; Ipsum armis, ipsumque jubent decernere ferro; Qui regnum Italiæ et primos sibi poscat honores. Ingravat hæc sævus Drances, solumque vocari Testatur, solum posci in certamina Turnum. Multa simul contrà variis sententia dictis Pro Turno; et magnum reginæ nomen obumbrat; Multa virum meritis sustentat fama tropæis. Hos inter motus, medio in flagrante tumultu, 225 Ecce supèr mœsti magna Diomedis ab urbe Legati responsa ferunt: nihil omnibus actum Tantorum impensis operum; nil dona, neque aurum, Nec magnas valuisse preces; alia arma Latinis Quærenda, aut pacem Trojano ab rege petendam. Deficit ingenti luctu rex ipse Latinus: 231 Fatalem Ænean manifesto numine ferri Admonet ira Deûm, tumulique ante ora recentes. Ergò concilium magnum, primosque suorum Imperio accitos, alta intra limina cogit. 235 Olli convenere, fluuntque ad regia plenis Tecta viis: sedet in mediis et maximus ævo, Et primus sceptris, haud lætå fronte, Latinus: Atque hic legatos Ætolâ ex urbe remissos, Quæ referant, fari jubet; et responsa reposcit Ordine cuncta suo. Tum facta silentia linguis: Et Venulus, dicto parens, ita farier infit:-" Vidimus, o cives, Diomedem Argivaque castra; Atque iter emensi casus superavimus omnes; Contigimusque manum, qua concidit Ilia tellus. 😘 Ille urbem Argyripam, patriæ cognomine gentis, Victor Gargani condebat Iapygis agris. Postquam introgressi, et coram data copia fandi, Munera præferimus; nomen patriamque docemus; Qui bellum intulerint, quæ causa attraxerit Arpos. Auditis ille hæc placido sic reddidit ore:— O fortunatæ gentes, Saturnia regna, Antiqui Ausonii, quæ vos fortuna quietos Sollicitat, suadetque ignota lacessere bella? Quicunque Iliacos ferro violavimus agros (Mitto ea, quæ muris bellando exhausta sub altis, Quos Simois premat ille viros), infanda per orbem Supplicia, et scelerum pænas expendimus omnes, Vel Priamo miseranda manus: scit triste Minervæ Sidus, et Euboïcæ cautes, ultorque Caphereus. Militià ex illà diversum ad littus adacti, Atrides Protei Menelaus ad usque columnas Exulat; Ætnæos vidit Cyclopas Ulysses. Regna Neoptolemi referam, versosque Penates Idomenei? Libycone habitantes littore Locros? Ipse Mycenæus magnorum ductor Achivûm Conjugis infandæ prima intra limina dextrâ Oppetiit: devictam Asiam subsedit adulter. Invidisse Deos, patriis ut redditus oris Conjugium optatum et pulchram Calydona viderem! Nunc etiam horribili visu portenta sequuntur, Et socii amissi petierunt æthera pennis, Fluminibusque vagantur aves (heu dira meorum Supplicia!), et scopulos lacrymosis vocibus implent. Hæc adeò ex illo mihi jam speranda fuerunt Tempore, cum ferro cœlestia corpora demens Appetii, et Veneris violavi vulnere dextram. Nè verò, nè me ad tales impellite pugnas: Nec mihi cum Teucris ullum post eruta bellum Pergama; nec veterum memini lætorve malorum. Munera, quæ patriis ad me portatis ab oris, Vertite ad Ænean: stetimus tela aspera contra, Contulimusque manus: experto credite, quantus

In clypeum assurgat, quo turbine torqueat hastam. Si duo prætereà tales Idea tulisset 285 Terra viros, ultrò Inachias venisset ad urbes Dardanus, et versis lugeret Græcia fatis. Quicquid apud duræ cessatum est mænia Trojæ, Hectoris Æneæque manu victoria Graiûm Hæsit, et in decimum vestigia retulit annum: Ambo animis, ambo insignes præstantibus armis; Hic pietate prior. Coëant in fœdera dextræ, Quà datur; ast, armis concurrant arma, cavete.' Et responsa simul quæ sint, rex optime, regis Audisti, et quæ sit magno sententia bello." Vix ea legati; variusque per ora cucurrit Ausonidum turbata fremor: ceu, saxa morantur Cùm rapidos amnes, clauso fit gurgite murmur, Vicinæque fremunt ripæ crepitantibus undis. Ut primum placati animi, et trepida ora quierunt, Præfatus Divos solio rex infit ab alto:-"Antè equidem summâ de re statuisse, Latini, Et vellem, et fuerat melius; non tempore tali Cogere concilium, cum muros obsidet hostis. Bellum importunum, cives, cum gente Deorum Invictisque viris gerimus; quos nulla fatigant Prælia, nec victi possunt absistere ferro. Spem si quam accitis Ætolûm habuistis in armis. Ponite: spes sibi quisque; sed, hæc quam angusta, vi-Cetera quâ rerum jaceant perculsa ruinâ, Ante oculos interque manus sunt omnia vestras. 311 Nec quemquam incuso: potuit quæ plurima virtus Esse, fuit: toto certatum est corpore regni. Nunc adeò, quæ sit dubiæ sententia menti, Expediam, et paucis (animos adhibete) docebo. Est antiquus ager, Tusco mihi proximus amni, Longus in occasum, fines super usque Sicanos: Aurunci Rutulique serunt, et vomere duros Exercent colles, atque horum asperrima pascunt. Hæc omnis regio, et celsi plaga pinea montis, Cedat amicitiæ Teucrorum: et fæderis æquas

Dicamus leges, sociosque in regna vocemus: Considant, si tantus amor, et mœnia condant: Sin alios fines aliamque capessere gentem Est animus, poscuntque solo decedere nostro, 325 Bis denas Italo texamus robore naves, Seu plures complere valent: jacet omnis ad undam Materies: ipsi numerumque modumque carinis Præcipiant: nos æra, manus, navalia demus. Prætereà, qui dicta ferant et fædera firment, 330 Centum oratores primâ de gente Latinos Ire placet, pacisque manu prætendere ramos; Munera portantes aurique eborisque talenta, Et sellam regni trabeamque insignia nostri. Consulite in medium, et rebus succurrite fessis." 335

Tum Drances idem infensus (quem gloria Turni Obliquâ invidiâ stimulisque agitabat amaris; Largus opum, et linguâ melior, sed frigida bello Dextera, consiliis habitus non futilis auctor, Seditione potens; genus huic materna superbum 340 Nobilitas dabat, incertum de patre ferebat;) Surgit, et his onerat dictis, atque aggerat iras: "Rem nulli obscuram, nostræ nec vocis egentem, Consulis, o bone rex: cuncti se scire fatentur, Quid fortuna ferat populi; sed dicere mussant. Det libertatem fandi, flatusque remittat, Cujus ob auspicium infaustum moresque sinistros (Dicam equidem, licèt arma mihi mortemque minetur) Lumina tot cecidisse ducum, totamque videmus Consedisse urbem luctu; dum Troïa tentat 330 Castra, fugæ fidens, et cælum territat armis. Unum etiam donis istis, quæ plurima mitti Dardanidis dicique jubes, unum, optime regum, Adjicias; nec te ullius violentia vincat, Quin natam egregio genero dignisque hymenæis. 355 Des pater, et pacem hanc æterno fædere jungas. Quòd si tantus habet mentes et pectora terror, Ipsum obtestemur, veniamque oremus ab ipso; Cedat, jus proprium regi patriæque remittat.

Quid miseros toties in aperta pericula cives Projicis, o Latio caput horum et causa malorum? Nulla salus bello: pacem te poscimus omnes, Turne, simul pacis solum inviolabile pignus. Primus ego, invisum quem tu tibi fingis, et esse Nil moror; en, supplex venio: miserere tuorum, s65 Pone animos, et pulsus abi: sat funera fusi Vidimus, ingentes et desolavimus agros. Aut, si fama movet, si tantum pectore robur Concipis, et si adeò dotalis regia cordi est, Aude, atque adversum fidens fer pectus in hostem. Scilicet, ut Turno contingat regia conjux, Nos, animæ viles, inhumata infletaque turba, Sternamur campis? Et jam tu, si qua tibi vis, Si patrii quid Martis habes, illum aspice contrà, Qui vocat." 375 Talibus exarsit dictis violentia Turni: Dat gemitum, rumpitque has imo pectore voces:-" Larga quidem, Drance, semper tibi copia fandi, Tunc cùm bella manus poscunt; patribusque vocatis Primus ades: sed non replenda est curia verbis, 380 Quæ tuto tibi magna volant, dum distinet hostem Agger mœrorum, nec inundant sanguine fossæ. Proindè tona eloquio, solitum tibi; meque timoris Argue tu, Drance; quando tot stragis acervos Teucrorum tua dextra dedit, passimque tropæis Insignis agros. Possit quid vivida virtus, Experiare licet; nec longè scilicet hostes Quærendi nobis: circumstant undique muros. Imus in adversos? quid cessas? an tibi Mavors Ventosâ in linguâ pedibusque fugacibus istis Semper erit? Pulsus ego? aut quisquam meritò, fœdissime, pulsum Arguet, Iliaco tumidum qui crescere Tybrim Sanguine, et Evandri totam cum stirpe videbit Procubuisse domum, atque exutos Arcadas armis? Haud ita me experti Bitias et Pandarus ingens, Et quos mille die victor sub Tartara misi,

Inclusus muris, hostilique aggere septus.

Nulla salus bello! capiti cane talia demens

Dardanio, rebusque tuis: proindè omnia magno

Nè cessa turbare metu, atque extollere vires

Gentis bis victæ, contrà premere arma Latini.

Nunc et Myrmidonum proceres Phrygia arma tremiscunt:

Nunc et Tydides, et Larissæus Achilles: Amnis et Hadriacas retro fugit Aufidus undas: Vel cum se pavidum contra mea jurgia fingit Artificis scelus, et formidine crimen acerbat. Nunquam animam talem dextrâ hâc (absiste moveri) Amittes: habitet tecum, et sit pectore in isto.— Nunc ad te et tua magna, pater, consulta revertor. Si nullam nostris ultrà spem ponis in armis; Si tam deserti sumus, et semel agmine verso Funditus occidimus, neque habet Fortuna regressum; Oremus pacem, et dextras tendamus inermes. Quanquam o! si solitæ quicquam virtutis adesset, Ille mihi ante alios fortunatusque laborum, Egregiusque animi, qui, nè quid tale videret, Procubuit moriens, et humum semel ore momordit. Sin et opes nobis, et adhuc intacta juventus, Auxilioque urbes Italæ populique supersunt: 420 Sin et Trojanis cum multo gloria venit Sanguine; sunt illis sua funera, parque per omnes Tempestas: cur indecores in limine primo Deficimus? cur ante tubam tremor occupat artus? Multa dies variusque labor mutabilis ævi Retulit in melius: multos alterna revisens Lusit, et in solido rursus Fortuna locavit. Non erit auxilio nobis Ætolus, et Arpi: At Messapus erit, felixque Tolumnius, et quos Tot populi misêre duces; nec parva sequetur Gloria delectos Latio et Laurentibus agris. Est et Volscorum egregià de gente Camilla, Agmen agens equitum et florentes ære catervas. Quòd si me solum Teucri in certamina poscunt,

Idque placet, tantùmque bonis communibus obsto, Non adeò has exosa manus victoria fugit. Ut tantà quicquam pro spe tentare recusem. Ibo animis contrà; vel magnum præstet Achillem, Factaque Vulcani manibus paria induat arma Ille licet: vobis animam hanc soceroque Latino Turnus ego, haud ulli veterum virtute secundus. 441 Devovi. Solum Æneas vocat: et vocet, oro. Nec Drances potius, sive est heec ira Deorum, Morte luat; sive est virtus et gloria, tollat." Illi hæc inter se dubiis de rebus agebant 445 Certantes: castra Æneas aciemque movebat. Nuntius ingenti per regia tecta tumultu Ecce ruit, magnisque urbem terroribus implet: Instructos acie Tiberino a flumine Teucros Tyrrhenamque manum totis descendere campis. Extemplò turbati animi, concussaque vulgi Pectora, et arrectæ stimulis haud mollibus iræ. Arma manu trepidi poscunt; fremit arma juventus; Flent mœsti mussantque patres; hic undique clamor Dissensu vario magnus se tollit in auras: Haud secus atque alto in luco cum forte catervæ Consedère avium; piscosove amne Padusæ Dant sonitum rauci per stagna loquacia cycni. "Immo," ait, "o cives, arrepto tempore," Turnus, "Cogite concilium, et pacem laudate sedentes: Illi armis in regna ruant." Nec plura locutus Corripuit sese, et tectis citus extulit altis. "Tu, Voluse, armari Volscorum edice maniplis; Duc," ait, "et Rutulos: equitem, Messapus, in armis, Et cum fratre Coras, latis diffundite campis: Pars aditus urbis firment, turresque capessant: Cetera, quà jussô, mecum manus inferat arma." Ilicèt in muros totà discurritur urbe. Concilium ipse pater et magna incepta Latinus Descrit, ac tristi turbatus tempore differt; 470 Multaque se incusat, qui non acceperit ultrò

Dardanium Ænean, generumque adsciverit urbi.

Præfodiunt alii portas, aut saxa sudesque Subvectant: bello dat signum rauca cruentum Buccina: tum muros variâ cinxêre coronâ Matronæ puerique: vocat labor ultimus omnes. Nec non ad templum summasque ad Palladis arces Subvehitur magnâ matrum regina catervâ, Dona ferens; juxtàque comes Lavinia virgo, Causa mali tanti, atque oculos dejecta decoros. Succedunt matres, et templum thure vaporant, Et mœstas alto fundunt de limine voces :-" Armipotens belli præses, Tritonia virgo, Frange manu telum Phrygii prædonis, et ipsum Pronum sterne solo, portisque effunde sub altis." 485 Cingitur ipse furens certatim in prælia Turnus: Jamque adeò, Rutulum thoraca indutus, ahenis Horrebat squamis; surasque incluserat auro, Tempora nudus adhuc; laterique accinxerat ensem; Fulgebatque altâ decurrens aureus arce; Exultatque animis, et spe jam præcipit hostem: Qualis ubi abruptis fugit præsepia vinclis Tandem liber equus, campoque potitus aperto, Aut ille in pastus armentaque tendit equarum, Aut, assuetus aquæ perfundi flumine noto, 495 Emicat, arrectisque fremit cervicibus altè Luxurians; luduntque jubæ per colla, per armos Obvia cui, Volscorum acie comitante, Camilla Occurrit, portisque ab equo regina sub ipsis Desiluit; quam tota cohors imitata relictis Ad terram defluxit equis: tum talia fatur:-"Turne, sui meritò si qua est fiducia forti, Audeo, et Æneadum promitto occurrere turmæ, Solaque Tyrrhenos equites ire obvia contra. Me sine prima manu tentare pericula belli: 505 Tu pedes ad muros subsiste, et mœnia serva." Turnus ad hæc, oculos horrendâ in virgine fixus:-"O, decus Italiæ, virgo, quas dicere grates, Quasve referre parem? sed nunc, est omnia quando Iste animus supra, mecum partire laborem.

510

Eneas, ut fama fidem missique reportant
Exploratores, equitum levia improbus arma
Præmisit, quaterent campos: ipse, ardua montis
Per deserta jugo superans, adventat ad urbem.
Furta paro belli convexo in tramite silvæ,
Ut bivias armato obsidam milite fauces:
Tu Tyrrhenum equitem collatis excipe signis;
Tecum acer Messapus erit, turmæque Latinæ,
Tiburtique manus: ducis et tu concipe curam."
Sic ait; et paribus Messapum in prælia dictis
Hortatur, sociosque duces; et pergit in hostem.

Est curvo anfractu vallis, accommoda fraudi Armorumque dolis, quam densis frondibus atrum Urget utrinque latus; tenuis quò semita ducit, Angustæque ferunt fauces aditusque maligni. 525 Hanc super, in speculis summoque in vertice montis, Planities ignota jacet, tutique receptus: Seu dextra lævâque velis occurrere pugnæ, Sive instare jugis, et grandia volvere saxa. Huc juvenis notâ fertur regione viarum, 550 Arripuitque locum, et silvis insedit iniquis.

Velocem intereà superis in sedibus Opim, Unam ex virginibus sociis sacrâque catervâ, Compellabat, et has tristi Latonia voces Ore dabat :-- "Graditur bellum ad crudele Camilla, O virgo, et nostris nequicquam cingitur armis. Cara mihi ante alias: neque enim novus iste Dianse Venit amor, subitâque animum dulcedine movit. Pulsus ob invidiam regno viresque superbas Priverno antiquâ Metabus cùm excederet urbe, Infantem, fugiens media inter prælia belli, Sustulit exilio comitem, matrisque vocavit Nomine Casmilla, mutatâ parte, Camillam. Ipse, sinu præ se portans, juga longa petebat Solorum nemorum: tela undique sæva premebant; Et circumfuso volitabant milite Volsci. Ecce, fugæ medio, summis Amasenus abundans Spumabat ripis, tantus se nubibus imber

Ruperat: ille, innare parans, infantis amore Tardatur, caroque oneri timet: omnia secum 550 Versanti subitò vix hæc sententia sedit. Telum immane, manu validâ quod fortè gerebat Bellator, solidum nodis et robore cocto; Huic natam, libro et silvestri subere clausam, Implicat, atque habilem mediæ circumligat hastæ; Quam dextra ingenti librans ita ad æthera fatur:-'Alma, tibi hanc, nemorum cultrix Latonia virgo, Ipse pater famulam voveo; tua prima per auras Tela tenens supplex hostem fugit: accipe, testor, Diva, tuam, quæ nunc dubiis committitur auris'. 560 Dixit; et adducto contortum hastile lacerto Immittit: sonuêre undæ; rapidum super amnem Infelix fugit in jaculo stridente Camilla. At Metabus, magnâ propiùs jam urgente catervâ, Dat sese fluvio, atque hastam cum virgine victor 565 Gramineo, donum Triviæ, de cespite vellit. Non illum tectis ullæ, non mænibus urbes Accepère; neque ipse manus feritate dedisset; Pastorum et solis exegit montibus ævum. Hic natam in dumis, interque horrentia lustra, Armentalis equæ mammis et lacte ferino Nutrîbat, teneris immulgens ubera labris. Utque pedum primis infans vestigia plantis Institerat, jaculo palmas oneravit acuto: Spiculaque ex humero parvæ suspendit et arcum; Pro crinali auro, pro longæ tegmine pallæ, Tigridis exuviæ per dorsum a vertice pendent: Tela manu jam tum tenerâ puerilia torsit, Et fundam tereti circum caput egit habenâ, Strymoniamque gruem aut album dejecit olorem. Multæ illam frustrà Tyrrhena per oppida matres Optavere nurum: sola contenta Diana, Æternum telorum et virginitatis amorem Intemerata colit: vellem haud correpta fuisset Militià tali, conata lacessere Teucros; Cara mihi comitumque foret nunc una mearum.

Verum age, quandoquidem fatis urgetur acerbis, Labere, Nympha, polo, finesque invise Latines, Tristis ubi infausto committitur omine pugna.

Hæc cape, et ultricem pharetrå deprome sagittam: Håc, quicunque sacrum violårit vulnere corpus, Tros Italusve, mihi paritèr det sanguine pænas. Pòst ego nube cavà miserandæ corpus et arma Inspoliata feram tumulo, patriæque reponam."

Dixit: at illa, leves cœli delapsa per auras, 1951 Insonuit, nigro circumdata turbine corpus.

At manus interea muris Trojana propinquat, Etruscique duces, equitumque exercitus omnis, Compositi numero in turmas: fremit æquore toto Insultans sonipes, et pressis pugnat habenis, Huc obversus et huc: tum late ferreus hastis Horret ager, campique armis sublimibus ardent. Nec non Messapus contrà, celeresque Latini, Et cum fratre Coras, et virginis ala Camillæ, Adversi campo apparent, hastasque reductis 605 Protendunt longè dextris, et spicula vibrant: Adventusque virûm, fremitusque ardescit equorum. Jamque intra jactum teli progressus uterque Substiterat: subito erumpunt clamore, frementesque Exhortantur equos: fundunt simul undique tela 610 Crebra, nivis ritu: cœlumque obtexitur umbra. Continuò adversis Tyrrhenus et acer Aconteus Connixi incurrent hastis, primique ruinam Dant sonitu ingenti, perfractaque quadrupedantum Pectora pectoribus rumpunt: excussus Aconteus Fulminis in morem, aut tormento ponderis acti, 616 Præcipitat longè, et vitam dispergit in auras. Extemplo turbatæ acies, versique Latini Rejiciunt parmas, et equos ad mœnia vertunt; Troës agunt: princeps turmas inducit Asylas. 630 Jamque propinquabant portis, rursusque Latini Clamorem tollunt, et mollia colla reflectunt : Hi fugiunt, penitùsque datis referuntur habenis: Qualis ubi alterno procurrens gurgite pont is

Nunc ruit ad terras, scopulosque superjacit undam Spumeus, extremamque sinu perfundit arenam: 626 Nunc rapidus retrò, atque æstu revoluta resorbens Saxa, fugit, littusque vado labente relinquit. Bis Tusci Rutulos egêre ad mœnia versos; Bis rejecti armis respectant terga tegentes: 630 Tertia sed postquam congressi in prælia, totas Implicuêre inter se acies, legitque virum vir, Tum verò et gemitus morientûm, et sanguine in alto Armaque, corporaque, et permisti cæde virorum Semianimes volvuntur equi: pugna aspera surgit. 6:5 Orsilochus Remuli, quando ipsum horrebat adire, Hastam intorsit equo, ferrumque sub aure reliquit; Quo sonipes ictu furit arduus, altaque jactat, Vulneris impatiens, arrecto pectore crura: Volvitur ille excussus humi. Catillus Iolan. Ingentemque animis, ingentem corpore et armis, Dejicit Herminium; nudo cui vertice fulva Cæsaries, nudique humeri: nec vulnera terrent; Tantus in arma patet: latos huic hasta per armos Acta tremit, duplicatque virum transfixa dolore. 645 Funditur ater ubique cruor: dant funera ferro Certantes, pulchramque petunt per vulnera mortem.

At medias inter cædes exultat Amazon, Unum exerta latus pugnæ, pharetrata Camilla: Et nunc lenta manu spargens hastilia denset; Nunc validam dextrâ rapit indefessa bipennem: Aureus ex humero sonat arcus, et arma Dianæ. Illa etiam, si quando in tergum pulsa recessit, Spicula converso fugientia dirigit arcu. At circum lectæ comites, Larinaque virgo, 655 Tullaque, et æratam quatiens Tarpeia securim, Italides: quas ipsa decus sibi dia Camilla Delegit, pacisque bonas bellique ministras: Quales Threiciæ, cum flumina Thermodontis Pulsant, et pictis bellantur Amazones armis; Seu circum Hippolyten, seu cum se Martia curru Penthesilea refert, magnoque ululante tumultu

Fœminea exultant lunatis agmina peltis.

Quem telo primum, quem postremum, aspera virgo,
Dejicis? aut quot humi morientia corpora fundis?

Eunæum Clytio primum patre; cujus apertum 666
Adversi longa transverberat abiete pectus:
Sanguinis ille vomens rivos cadit, atque cruentam
Mandit humum, moriensque suo se in vulnere versat.

Tum Lirin, Pagasumque supèr; quorum alter, habenas
Suffosso revolutus equo dum colligit, alter, 671
Dum subit, ac dextram labenti tendit inermem,
Præcipites paritèrque ruunt. His addit Amastrum
Hippotaden; sequiturque incumbens eminus hasta
Tereaque, Harpalycumque, et Demophoönta, Chromimque:

Quotque emissa manu contorsit spicula virgo, Tot Phrygii cecidere viri. Procul Ornytus armis Ignotis et equo venator lapyge fertur; Cui pellis latos humeros erepta juvenco Pugnatori operit; caput ingens oris hiatus, 680 Et malæ texère lupi cum dentibus albis; Agrestisque manus armat sparus: ipse catervis Vertitur in mediis, et toto vertice suprà est : Hunc illa exceptum (neque enim labor agmine verso) Trajicit, et super hæc inimico pectore fatur :-685 "Silvis te, Tyrrhene, feras agitare putâsti? Advenit qui vestra dies muliebribus armis Verba redarguerit: nomen tamen haud leve patrum Manibus hoc referes, telo cecidisse Camillæ." Protinus Orsilochum et Buten, duo maxima Teucrûm Corpora: sed Buten adversum cuspide fixit Loricam galeamque inter, quà colla sedentis Lucent, et lævo dependet parma lacerto; Orsilochum, fugiens magnumque agitata per orbem. Eludit gyro interior, sequiturque sequentem: Tum validam perque arma viro perque ossa securim, Altior insurgens, oranti et multa precanti Congeminat; vulnus calido rigat ora cerebro. Incidit huic, subitoque aspectu territus hæsit,

Appenninicolæ bellator filius Auni, 700 Haud Ligurum extremus, dum fallere fata sinebant: Isque, ubi se nullo jam cursu evadere pugnâ Posse, neque instantem reginam avertere, cernit, Consilio versare dolos ingressus et astu, Incipit hec: - "Quid tam egregium, si fæmina forti 708 Fidis equo? dimitte fugam, et te cominus æquo Mecum crede solo, pugnæque accinge pedestri: Jam nosces, ventosa ferat cui gloria laudem." Dixit: at illa furens, acrique accensa dolore, Tradit equum comiti, paribusque resistit in armis, Ense pedes nudo, purâque interrita parmâ. At juvenis, vicisse dolo ratus, avolat ipse; Haud mora; conversisque fugax aufertur habenis, Quadrupedemque citum ferratà calce fatigat. " Vane Ligur, frustràque animis elate superbis, Nequicquam patrias tentâsti lubricus artes; Nec fraus te incolumem fallaci perferet Auno." Hec fatur virgo; et pernicibus ignea plantis Transit equum cursu, frænisque adversa prehensis Congreditur, pænasque inimico a sanguine sumit: Quam facile accipiter saxo sacer ales ab alto Consequitur pennis sublimem in nube columbam. Comprensamque tenet, pedibusque eviscerat uncis; Tum cruor et vulsæ labuntur ab æthere plumæ.

At, non hæc nullis hominum sator atque Deorum Observans oculis, summo sedet altus Olympo: 726 Tyrrhenum genitor Tarchontem in prælia sæva Suscitat, et stimulis haud mollibus injicit iras. Ergò inter cædes cedentiaque agmina Tarcho Fertur equo, variisque instigat vocibus alas, 730 Nomine quemque vocans; reficitque in prælia pulsos:--" Quis metus, o nunquam dolituri, o semper inertes Tyrrheni, quæ tanta animis ignavia venit? Fæmina palantes agit, atque hæc agmina vertit? Quò ferrum? quidve hæc gerimus tela irrita dextris? At non in Venerem segnes nocturnaque bella, 736 Aut, ubi curva choros indixit tibia Bacchi,

Expectare dapes, et plenæ pocula mensæ: Hic amor, hoc studium; dum sacra secundus aruspex Nuntiet, ac lucos vocet hostia pinguis in altos." 740 Heec effatus, equum in medios moriturus et ipse Concitat, et Venulo adversum se turbidus infert; Dereptumque ab equo dextra complectitur hostem, Et gremium ante suum multa vi concitus aufert. Tollitur in cœlum clamor, cunctique Latini Convertêre oculos: volat igneus æquore Tarcho, Arma virumque ferens; tum summa ipsius ab hasta Defringit ferrum, et partes rimatur apertas. Quà vulnus letale ferat : contrà ille repugnans Sustinet a jugulo dextram, et vim viribus exit. 750 Utque volans altè raptum cum fulva draconem Fert aquila, implicuitque pedes, atque unguibus hæsit; Saucius at serpens sinuosa volumina versat. Arrectisque horret squamis, et sibilat ore, Arduus insurgens; illa haud minus urget adunco 755 Luctantem rostro, simul æthera verberat alis: Haud alitèr prædam Tiburtum ex agmine Tarcho Portat ovans. Ducis exemplum eventumque secuti Mæonidæ incurrunt. Tum fatis debitus Arruns Velocem jaculo et multâ prior arte Camillam 760 Circuit, et, quæ sit fortuna facillima, tentat. Quà se cunque furens medio tulit agmine virgo, Hâc Arruns subit, et tacitus vestigia lustrat; Quà victrix redit illa, pedemque ex hoste reportat, Hâc juvenis furtim celeres detorquet habenas: Hos aditus, jamque hos aditus, omnemque pererrat Undique circuitum, et certam quatit improbus hastam.

Fortè sacer Cybelæ Chloreus, olimque sacerdos, Insignis longè Phrygiis fulgebat in armis;
Spumantemque agitabat equum, quem pellis ahenis
In plumam squamis auro conserta tegebat.
771
Ipse, peregrinâ ferrugine clarus et ostro,
Spicula torquebat Lycio Gortynia cornu;
Aureus ex humeris sonat arcus, et aurea vati
774
Cassida; tum croceam chlamydemque sinusque creCarbaseos fulvo in nodum collegerat auro, [pantes

Pictus acu tunicas, et barbara tegmina crurum. Hunc virgo, sive ut templis præfigeret arma Troïa, captivo sive ut se ferret in auro Venatrix, unum ex omni certamine pugnæ 780 Cæca sequebatur; totumque incauta per agmen Fæmineo prædæ et spoliorum ardebat amore; Telum ex insidiis cum tandem, tempore capto, Concitat, et superos Arruns sic voce precatur :-"Summe Deûm, sancti custos Soractis Apollo, Quem primi colimus, cui pineus ardor acervo Pascitur, et medium freti pietate per ignem Cultores multà premimus vestigia pruna; Da, pater, hoc nostris aboleri dedecus armis, Omnipotens. Non exuvias, pulsæve tropæum Virginis, aut spolia ulla peto; mihi cetera laudem Facta ferent: hæc dira meo dum vulnere pestis Pulsa cadat, patriam remeabo inglorius urbem." Audiit; et voti Phœbus succedere partem Mente dedit, partem volucres dispersit in auras: 795 Sterneret ut subitâ turbatam morte Camillam, Annuit oranti; reducem ut patria alta videret, Non dedit; inque Notos vocem vertêre procellæ. Ergò, ut missa manu sonitum dedit hasta per auras, Convertère animos acres, oculosque tulêre Cuncti ad reginam Volsci: nihil ipsa neque auræ Nec sonitûs memor, aut venientis ab æthere teli, Hasta sub exertam donec perlata papillam Hæsit, virgineumque altè bibit acta cruorem. Concurrunt trepidæ comites, dominamque ruentem Suscipiunt: fugit ante omnes exterritus Arruns, Lætitia mixtoque metu; nec jam ampliùs hastæ Credere, nec telis occurrere virginis audet. Ac velut ille, priùs quam tela inimica sequantur, Continuò in montes sese avius abdidit altos, 810 Occiso pastore, lupus, magnove juvenco, Conscius audacis facti; caudamque remulcens Subjecit pavitantem utero, silvasque petivit: Haud secus ex oculis se turbidus abstulit Arruns,

Contentusque fugă mediis se immiscuit armis. Illa manu moriens telum trahit; ossa sed inter Ferreus ad costas alto stat vulnere mucro: Labitur exsanguis; labuntur frigida leto Lumina; purpureus quondam color ora reliquit; Tum sic expirans Accam, ex æqualibus unam, Alloquitur, fida ante alias que sola Camille, Quicum partiri curas; atque hæc ita fatur:-"Hactenus, Acca soror, potui: nunc vulnus acerbum Conficit, et tenebris nigrescunt omnia circum: Effuge, et hæc Turno mandata novissima perfer: 825 Succedat pugnæ, Trojanosque arceat urbe. Jamque vale." Simul his dictis linguebat habenas, Ad terram non sponte fluens: tum frigida toto Paulatim exsolvit se corpore, lentaque colla Et captum leto posuit caput, arma relinquens: Vitaque cum gemitu fugit indignata sub umbras.

Tum verò immensus surgens ferit aurea clamor Sidera; dejectà crudescit pugna Camillà: Incurrunt densi simul omnis copia Teucrûm, Tyrrhenique duces, Evandrique Arcades alæ. 835 At Trivize custos jamdudum in montibus Opis Alta sedet summis, spectatque interrita pugnas: Utque procul, medio juvenum in clamore furentûm. Prospexit tristi multatam morte Camillam. Ingemuitque, deditque has imo pectore voces:- 840 "Heu! nimiùm, virgo, nimiùm crudele luisti Supplicium, Teucros conata lacessere bello: Nec tibi desertee in dumis coluisse Dianam Profuit, aut nostras humero gessisse pharetras. Non tamen indecorem tua te regina relinquet Extremâ jam in morte; neque hoc sine nomine letum Per gentes erit, aut famam patieris inultæ: Nam quicunque tuum violavit vulnere corpus, Morte luet meritâ." Fuit ingens monte sub alto Regis Dercenni terreno ex aggere bustum 850 Antiqui Laurentis, opacâque ilice tectum: Hic Dea se primum rapido pulcherrima nisu

Sistit, et Arruntem tumulo speculatur ab alto. Ut vidit fulgentem armis, ac vana tumentem,— "Cur," inquit, "diversus abis? huc dirige gressum; 855 Huc, periture, veni; capias ut digna Camillæ Præmia: tunc etiam telis moriere Dianæ?" Dixit; et auratâ volucrem Threïssa sagittam Depromsit pharetra, cornuque infensa tetendit, Et duxit longè, donec curvata coirent Inter se capita, et manibus jam tangeret æquis, Lævå aciem ferri, dextrå nervoque papillam. Extemplò teli stridorem aurasque sonantes Audiit unà Arruns, hæsitque in corpore ferrum. Illum expirantem socii atque extrema gementem sos Obliti ignoto camporum in pulvere linquunt: Opis ad æthereum pennis aufertur Olympum. Prima fugit, dominâ amissâ, levis ala Camillæ; Turbati fugiunt Rutuli; fugit acer Atinas; Disjectique duces desolatique manipli 870 Tuta petunt, et equis aversi ad mœnia tendunt. Nec quisquam instantes Teucros letumque ferentes Sustentare valet telis, aut sistere contrà; Sed laxos referent humeris languentibus arcus; 874 Quadrupedumque putrem cursu quatit ungula cam-Volvitur ad muros caligine turbidus atrâ Pulvis; et e speculis percussæ pectora matres Fæmineum clamorem ad cæli sidera tollunt. Qui cursu portas primi irrupêre patentes, Hos inimica super mixto premit agmine turba, Nec miseram effugiunt mortem; sed limine in ipso, Mœnibus in patriis, atque inter tuta domorum, Confixi expirant animas. Pars claudere portas; Nec sociis aperire viam, nec mœnibus audent Accipere orantes; oriturque miserrima cædes Defendentûm armis aditus, inque arma ruentûm. Exclusi, ante oculos lacrymantûmque ora parentum, Pars in præcipites fossas, urgente ruinâ, Volvitur; immissis pars cæca et concita frænis

Arietat in portas et duros objice postes.

Ipsæ, de muris summo certamine matres (Monstrat amor verus patriæ) ut vidêre Camillam, Tela manu trepidæ jaciunt; ac robore duro, Stipitibus, ferrum sudibusque imitantur obustis Præcipites, primæque mori pro mænibus ardent. 295

Intereà Turnum in silvis sævissimus implet Nuntius, et juveni ingentem fert Acca tumultum: Deletas Volscorum acies, cecidisse Camillam, Ingruere infensos hostes, et Marte secundo Omnia corripuisse: metum jam ad mænia ferri. 900 Ille furens (nam sæva Jovis sic numina poscunt) Descrit obsessos colles, nemora aspera linquit Vix e conspectu exierat, campumque tenebat, Cum pater Æneas, saltus ingressus apertos, Exsuperatque jugum, silvâque evadit opacâ. 905 Sic ambo ad muros rapidi totoque feruntur Agmine, nec longis inter se passibus absunt. Ac simul Æneas fumantes pulvere campos Prospexit longè, Laurentiaque agmina vidit; Et sævum Ænean agnovit Turnus in armis, 910 Adventumque pedum flatusque audivit equorum: Continuò pugnas ineant, et prælia tentent: Nt roseus fessos jam gurgite Phœbus Ibero Tingat equos, noctemque die labente reducat. Considunt castris ante urbem, et mœnia vallant. 915

### LIBER XII.

Turnus ut infractos adverso Marte Latinos
Defecisse videt, sua nunc promissa reposci,
Se signari oculis; ultrò implacabilis ardet,
Attollitque animos. Pœnorum qualis in arvis,
Saucius ille gravi venantûm vulnere pectus,
Tum demùm movet arma leo; gaudetque comantes
Excutiens cervice toros, fixumque latronis

Impavidus frangit telum, et fremit ore cruento: Haud secus accenso gliscit violentia Turno. Tum sic affatur regem, atque ita turbidus infit:- 10 "Nulla mora in Turno; nihil est quòd dicta retractent Ignavi Æneadæ, nec, quæ pepigêre, recusent: Congredior: fer sacra, pater, et concipe fœdus: Aut hac Dardanium dextra sub Tartara mittam Desertorem Asiæ (sedeant, spectentque Latini), Et solus ferro crimen commune refellam; Aut habeat victos: cedat Lavinia conjux." Olli sedato respondit corde Latinus:-"O præstans animi juvenis, quantum ipse feroci Virtute exsuperas, tantò me impensiùs æquum est 20 Consulere, atque omnes metuentem expendere casus. Sunt tibi regna patris Dauni, sunt oppida capta Multa manu; nec non aurumque animusque Latino Sunt aliæ innuptæ Latio et Laurentibus agris, [est: Nec genus indecores. Sine me heec haud mollia fatu Sublatis aperire dolis; simul hæc animo hauri: Me natam nulli veterum sociare procorum Fas erat, idque omnes Divique hominesque canebant. Victus amore tui, cognato sanguine victus, Conjugis et mœstæ lacrymis, vincla omnia rupi, Promissam eripui genero, arma impia sumsi. Ex illo qui me casus, quæ, Turne, sequantur Bella, vides; quantos primus patiare labores. Bis magnâ victi pugnâ vix urbe tuemur Spes Italas: recalent nostro Tiberina fluenta Sanguine adhuc, campique ingentes ossibus albent. Quò referor toties? que mentem insania mutat? Si, Turno extincto, socios sum accire paratus, Cur non incolumi potius certamina tollo? Quid consanguinei Rutuli, quid cetera dicet Italia, ad mortem si te (Fors dicta refutet!) ... Prodiderim, natam et connubia nostra petentein? Respice res bello varias; miserere parentis Longævi, quem nunc mæstum patria Ardea longè Dividit." - Haudquaquam dictis violentia Turni . 45 Flectitur; exsuperat magès, ægrescitque medendo. Ut primum fari potuit, sic institit ore:— [me "Quam pro me curam geris, hanc precor, optime, pro Deponas, letumque sinas pro laude pacisci: Et nos tela, pater, ferrumque haud debile dextrâ so Spargimus, et nostro sequitur de vulnere sanguis: Longè illi Dea mater erit, quæ nube fugacem Fœmineâ tegat, et vanis sese occulat umbris."

At regina, novâ pugnæ conterrita sorte, Flebat, et ardentem generum moritura tenebat :- 56 "Turne, per has ego te lacrymas, per si quis Amatæ Tangit honos animum (spes tu nunc una senectæ, Tu requies, miseræ; decus imperiumque Latini Te penes; in te omnis domus inclinata recumbit), Unum oro: desiste manum committere Teucris. Qui te cunque manent isto certamine casus, Et me, Turne, manent: simul hæc invisa relinquam Lumina, nec generum Ænean captiva videbo." Accepit vocem lacrymis Lavinia matris, Flagrantes perfusa genas: cui plurimus ignem 65 Subjecit rubor, et calefacta per ora cucurrit. Indum sanguineo veluti violaverit ostro Si quis ebur; vel mixta rubent ubi lilia multâ Alba rosà: tales virgo dabat ore colores. Illum turbat amor, figitque in virgine vultus; Ardet in arma magis; paucisque affatur Amatam:— "Nè, quæso, nè me lacrymis, neve omine tanto Prosequere, in duri certamina Martis euntem, O mater; neque enim Turno mora libera mortis. Nuntius hæc, Idmon, Phrygio mea dicta tyranno 75 Haud placitura refer: Cum primum crastina coelo Puniceis invecta rotis Aurora rubebit, Non Teucros agat in Rutulos; Teucrûm arma quies-Et Rutulûm; nostro dirimamus sanguine bellum: Illo quæratur conjux Lavinia campo." Hæc ubi dicta dedit, rapidusque in tecta recessit, Poscit equos, gaudetque tuens ante ora frementes. Pilumno quos ipsa decus dedit Orithyia;

Qui candore nives anteirent, cursibus auras. Circumstant properi aurigæ, manibusque lacessunt as Pectora plausa cavis, et colla comantia pectunt. Ipse dehinc auro squalentem alboque orichalco Circumdat loricam humeris, simul aptat habendo Ensemque, clypeumque, et rubræ cornua cristæ: Ensem, quem Dauno ignipotens Deus ipse parenti 90 Fecerat, et Stygià candentem tinxerat undà. Exin, quæ in mediis ingenti adnixa columnæ Ædibus astabat, validam vi corripit hastam, Actoris Aurunci spolium; quassatque trementem, 94 Vociferans:--" Nunc, o nunquam frustrata vocatus Hasta meos, nunc tempus adest: te maximus Actor, Te Turni nunc dextra gerit: da sternere corpus, Loricamque manu validà lacerare revulsam Semiviri Phrygis, et fædare in pulvere crines, Vibratos calido ferro, myrrhâque madentes." 100 His agitur furiis; totoque ardentis ab ore Scintillæ absistunt; oculis micat acribus ignis: Mugitus veluti cum prima in prælia taurus Terrificos ciet, atque irasci in cornua tentat, Arboris obnixus trunco, ventosque lacessit 105 Ictibus, et sparsâ ad pugnam proludit arenâ.

Nec minùs intereà, maternis sævus in armis, Æneas acuit Martem, et se suscitat irâ, Oblato gaudens componi fædere bellum.
Tum socios mæstique metum solatur Iüli, Fata docens; regique jubet responsa Latino Certa referre viros, et pacis dicere leges.

Postera vix summos spargebat lumine montes
Orta dies, cùm primùm alto se gurgite tollunt
Solis equi, lucemque elatis naribus efflant:
Campum ad certamen, magnæ sub mœnibus urbis,
Dimensi Rutulique viri Teucrique parabant,
In medioque focos, et Dis communibus aras
Gramineas; alii fontemque ignemque ferebant
Velati lino, et verbenâ tempora vincti.

120
Procedit legio Ausonidum, pilataque plenis

110

Agmina se fundunt portis: hinc Troïus omnis,
Tyrrhenusque ruit variis exercitus armis;
Haud secùs instructi ferro, quam si aspera Martis
Pugna vocet. Nec non mediis in millibus ipsi
Ductores auro volitant ostroque decori;
Et genus Assaraci Mnestheus, et fortis Asylas,
Et Messapus equam domitor, Neptunia proles.
Utque, dato signo, spatia in sua quisque recessit,
Defigunt tellure hastas, et scuta reclinant.
Tum studio effusæ matres, et vulgus inermum,
Invalidique senes, turres et tecta domorum
Obsedère: alii portis sublimibus astant.

At Juno, e summo, qui nunc Albanus habetur, 134 (Tum neque nomen erat, nec honos, aut gloria monti) Prospiciens tumulo, campum spectabat, et ambas Laurentûm Troûmque acies, urbemque Latini. Extemplò Turni sic est affata sororem, Diva Deam, stagnis que fluminibusque sonoris Præsidet; (hunc illi rex ætheris altus honorem Jupiter ereptâ pro virginitate sacravit :)-"Nympha, decus fluviorum, animo gratissima nostro, Scis, ut te cunctis unam, quæcunque Latinæ Magnanimi Jovis ingratum ascendêre cubile, Prætulerim, cœlique lubens in parte locârim: 145 Disce tuum (nè me incuses), Juturna, dolorem. Quà visa est fortuna pati, Parceque sinebant Cedere res Latio, Turnum et tua moenia texi: Nunc juvenem imparibus video concurrere fatis, Parcarumque dies et vis inimica propinquat. . . . 150 Non pugnam aspicere hanc oculis, non fædera pos-Tu, pro germano si quid præsentius andes, fsum: Perge; decet; forsan miseros meliora sequentur." Vix ea, cùm lacrymas oculis Juturna profudit. .... Terque quaterque manu pectus percussit honestum. "Non lacrymis hoc tempus;" ait Saturnia Juno: 156 "Accelera, et fratrem, si quis modus, eripe morti: Aut tu bella cie, conceptumque excute fœdus. Auctor ego audendi." Sic exhortata reliquit Incertam, et tristi turbatam vulnere mentis. 160

Intereà reges, ingenti mole Latinus Quadrijugo vehitur curru, cui tempora circum Aurati bis sex radii fulgentia cingunt, Solis avi specimen; bigis it Turnus in albis, Bina manu lato crispans hastilia ferro. 165 Hinc pater Æneas, Romanæ stirpis origo, Sidereo flagrans clypeo et cœlestibus armis, Et juxtà Ascanius, magnæ spes altera Romæ, Procedunt castris: purâque in veste sacerdos Setigeri fœtum suis, intonsamque bidentem 170 Attulit, admovitque pecus flagrantibus aris. Illi ad surgentem conversi lumina Solem, Dant fruges manibus salsas, et tempora ferro Summa notant pecudum, paterisque altaria libant. Tum pius Æneas stricto sic ense precatur:-"Esto nunc Sol testis, et hæc mihi Terra vocanti, Quam propter tantos potui perferre labores; Et Pater omnipotens; et tu, Saturnia Juno, Jam melior, jam, Diva, precor; tuque, inclyte Mayors, Cuncta tuo qui bella, pater, sub numine torques; 180 Fontesque, Fluviosque voco; queque Ætheris alti Relligio, et que cœruleo sunt numina ponto; Cesserit Ausonio si fòrs victoria Turno, Convenit Evandri victos discedere ad urbem: Cedet Iülus agris; nec post arma ulla rebelles 185 Eneadæ referent, ferrove hæc regna lacessent: Sin nostrum annuerit nobis Victoria Martem Ut potius reor, et potius Dî numine firment), Non ego nec Teucris Italos parere jubebo, Nec mihi regna peto: paribus se legibus ambæ 190 Invictæ gentes æterna in fædera mittant. Sacra Deosque dabo: socer arma Latinus habeto, Imperium solemne socer: mihi mœnia Teucri Constituent, urbique dabit Lavinia nomen." Sic prior Æneas: sequitur sic deinde Latinus, Suspiciens cœlum, tenditque ad sidera dextram:-"Hæc eadem, Ænea, Terram, Mare, Sidera juro, Latonæque genus duplex, Janumque bifrontem, Vimque Deûm infernam, et duri sacraria Ditis;

Audiat hæc Genitor, qui fædera fulmine sancit; 200 Tango aras; mediosque ignes, et numina testor; Nulla dies pacem hanc Italis nec fædera rumpet. Quò res cunque cadent; nec me vis ulla volentem Avertet: non, si tellurem effundat in undas Diluvio miscens, cœlumve in Tartara solvat : Ut sceptrum hoc (dextrâ sceptrum nam fortè gerebat) Nunquam fronde levi fundet virgulta nec umbras. Cùm semel in silvis imo de stirpe recisum Matre caret, posuitque comas et brachia ferro; Olim arbos: nunc artificis manus ære decoro Inclusit, patribusque dedit gestare Latinis." Talibus inter se firmabant fœdera dictis. Conspectu in medio procerum: tum ritè sacratas In flammam jugulant pecudes, et viscera vivis Eripiunt, cumulantque oneratis lancibus aras.

At verò Rutulis impar ea pugna videri Jamdudum, et vario misceri pectora motu; Tum magis, ut propiùs cernunt, non viribus æquis. Adjuvat, incessu tacito progressus, et aram Supplicitèr venerans, demisso lumine, Turnus; Tabentesque genæ, et juvenili in corpore pallor. Quem simul ac Juturna soror crebrescere vidit Sermonem, et vulgi variare labantia corda, In medias acies, formam assimulata Camerti (Cui genus a proavis ingens, clarumque paternæ 225 Nomen erat virtutis, et ipse acerrimus armis), In medias dat sese acies, haud nescia rerum, Rumoresque serit varios, ac talia fatur:-"Non pudet, o Rutuli, cunctis pro talibus unam Objectare animam? numerone, an viribus, æqui 239 Non sumus? En omnes et Troës et Arcades hi sunt. [Fatalisque manus, infensa Etruria Turno:] Vix hostem, alterni si congrediamur, habemus. Ille quidem ad superos, quorum se devovet aris, Succedet famâ, vivusque per ora feretur: 235 Nos, patriâ amissâ, dominis parere superbis Cogemur, qui nunc lenti consedimus arvis."

Talibus incensa est juvenum sententia dictis Jam magis atque magis; serpitque per agmina murmur. Ipsi Laurentes mutati, ipsique Latini: 24) Qui sibi jam requiem pugnæ rebusque salutem Sperabant, nunc arma volunt, fœdusque precantur Infectum, et Turni sortem miserantur iniquam. His aliud majus Juturna adjungit, et alto Dat signum cœlo; quo non præsentius ullum 215 Turbavit mentes Italas, monstroque fefellit. Namque volans rubrâ fulvus Jovis ales in æthrâ Littoreas agitabat aves, turbamque sonantem Agminis aligeri; subitò cùm lapsus ad undas Cycnum excellentem pedibus rapit improbus uncis. Arrexère animos Itali, cunctæque volucres Convertunt clamore fugam (mirabile visu!) Ætheraque obscurant pennis, hostemque per auras Factà nube premunt: donec vi victus et ipso Pondere defecit, prædamque ex unguibus ales Projecit fluvio, penitùsque in nubila fugit. Tum verò augurium Rutuli clamore salutant, Expediuntque manus: primusque Tolumnius augur, "Hoc erat, hoc votis," inquit, "quod sæpe petivi; Accipio, agnoscoque Deos: me, me duce, ferrum Corripite, o miseri, quos improbus advena bello 261 Territat, invalidas ut aves, et littora vestra Vi populat. Petet ille fugam, penitùsque profundo Vela dabit: vos unanimi densate catervas, Et regem vobis pugnâ defendite raptum." 265 Dixit: et adversos telum contorsit in hostes Procurrens: sonitum dat stridula cornus, et auras Certa secat. Simul hoc; simul ingens clamor, et Turbati cunei, calefactaque corda tumultu. Hasta volans, ut fortè novem pulcherrima fratrum 270 Corpora constiterant contrà, quos fida crearat Una tot Arcadio conjux Tyrrhena Gylippo; Horum unum ad medium, teritur quà sutilis alvo Balteus, et laterum juncturas fibula mordet, Egregium formâ juvenem et fulgentibus armis,

Transadigit costas, fulvâque effundit arenâ.
At fratres, animosa phalanx, accensaque luctu,
Pars gladios stringunt manibus, pars missile ferrum
Corripiunt, cæcique ruunt: quos agmina contra
Procurrunt Laurentum; hinc densi rursus inundant
Troës, Agyllinique, et pictis Arcades armis.

Sic omnes amor unus habet decernere ferro. Diripuêre aras; it toto turbida cœlo Tempestas telorum, ac ferreus ingruit imber: Craterasque focosque ferunt : fugit ipse Latinus, Pulsatos referens infecto fœdere Divos. 286 Infrænant alii currus, aut corpora saltu Subjiciunt in equos, et strictis ensibus adsunt. Messapus regem, regisque insigne gerentem, Tyrrhenum Aulesten, avidus confundere fædus. Adverso proterret equo: ruit ille recedens, Et miser oppositis a tergo involvitur aris. In caput, inque humeros: at fervidus advolat hastâ Messapus, teloque orantem multa trabali Desupèr altus equo gravitèr ferit, atque ita fatur :--"Hoc habet; hee melior magnis data victima Divis." Concurrunt Itali, spoliantque calentia membra. Obvius ambustum torrem Corynæus ab arâ Corripit, et venienti Ebuso plagamque ferenti Occupat os flammis: olli ingens barba reluxit, Nidoremque ambusta dedit: supèr ipse secutus Cæsariem lævå turbati corripit hostis, Impressoque genu nitens terræ applicat ipsum: Sic rigido latus ense ferit. Podalirius Alsum Pastorem, primâque acie per tela ruentem, Ense sequens nudo superimminet; ille securi Adversi frontem mediam mentumque reductâ Disjicit, et sparso latè rigat arma cruore. Olli dura quies oculos et ferreus urget Somnus: in æternam clauduntur lumina noctem.

At pius Æneas dextram tendebat inermem Nudato capite, atque suos clamore vocabat:— "Quò ruitis? quæve ista repens discordia surgit? O cohibete iras! ictum jam fœdus, et omnes Compositæ leges; mihi jus concurrere soli; 315 Me sinite, atque auferte metus: ego fœdera faxo Firma manu: Turnum jam debent hæc mihi sacra." Has inter voces, media inter talia verba, Ecce, viro stridens alis allapsa sagitta est; Incertum quâ pulsa manu, quo turbine adacta; 320 Quis tantam Rutulis laudem, casusne, Deusne, Attulerit: pressa est insignis gloria facti, Nec sese Æneæ jactavit vulnere quisquam.

Turnus, ut Ænean cedentem ex agmine vidit, Turbatosque duces, subità spe fervidus ardet; Poscit equos atque arma simul, saltuque superbus Emicat in currum, et manibus molitur habenas: Multa virûm volitans dat fortia corpora leto: Semineces volvit multos, aut agmina curru Proterit, aut raptas fugientibus ingerit hastas. Qualis apud gelidi cum flumina concitus Hebri Sanguineus Mavors clypeo increpat, atque furentes Bella movens immittit equos; illi æquore aperto Ante Notos Zephyrumque volant; gemit ultima pulsu Thraca pedum; circumque atræ Formidinis ora, 335 Iræque, Insidiæque, Dei comitatus, aguntur: Talis equos alacer media inter prælia Turnus Fumantes sudore quatit, miserabile cæsis Hostibus insultans; spargit rapida ungula rores Sanguineos, mixtâque cruor calcatur arenâ. Jamque neci Sthenelumque dedit, Thamyrimque,

Pholumque, [ambo Hunc congressus, et hunc; illum eminùs: eminùs Imbrasidas, Glaucum atque Laden, quos Imbrasus Nutrierat Lyciâ, paribusque ornaverat armis, [ipse Vel conferre manum, vel equo prævertere ventos. 845 Parte aliâ, media Eumedes in prælia fertur, Antiqui proles bello præclara Dolonis, Nomine avum referens, animo manibusque parentem; Qui quondam, castra ut Danaûm speculator adiret, usus Pelidæ pretium sihi poscere currus:

Illum Tydides alio pro talibus ausis Affecit pretio; nec equis aspirat Achillis. Hunc procul ut campo Turnus conspexit aperto, Antè levi jaculo longum per inane secutus, Sistit equos bijuges, et curru desilit, atque 355 Semianimi lapsoque supervenit, et, pede collo Impresso, dextræ mucronem extorquet, et alto Pulgentem tinxit jugulo; atque hæc insuper addit :--"En, agros, et, quam bello, Trojane, petisti, Hesperiam metire jacens: hæc præmia, qui me 360 Perro ausi tentare, ferunt; sic mœnia condunt." Huic comitem Asbuten, conjectà cuspide, mittit; Chloreaque, Sybarimque, Daretaque, Thersilochum-Et sternacis equi lapsum cervice Thymæten. Ac velut Edoni Boreæ cum spiritus alto Insonat Ægæo, sequiturque ad littora fluctus, Quà venti incubuêre; fugam dant nubila cœlo: Sic Turno, quâcunque viam secat, agmina cedunt, Conversæque ruunt acies; fert impetus ipsum, Et cristam adverso curru quatit aura volantem. Non tulit instantem Phegeus, animisque frementem: Objecit sese ad currum, et spumantia frænis Ora citatorum dextrâ detorsit equorum. Dum trahitur, pendetque jugis, hunc lata retectum Lancea consequitur, rumpitque infixa bilicem 375 Loricam, et summum degustat vulnere corpus. Ille tamen, clypeo objecto, conversus in hostem Ibat, et auxilium ducto mucrone petebat; Cùm rota præcipitem et procursu consitus axis Impulit, effunditque solo; Turnusque secutus, Imam inter galeam summi thoracis et oras, Abstulit ense caput, truncumque reliquit arenâ.

Atque ea dum campis victor dat funera Turnus, Interea Ænean Mnestheus, et fidus Achates, Ascaniusque comes, castris statuêre cruentum, Alternos longâ nitentem cuspide gressus.

Sævit, et infractâ luctatur arundine telum Eripere, auxilioque viam, quæ proxima, poscit;

Ense secent lato vulnus, telique latebram Rescindant penitùs, seseque in bella remittant. Jamque aderat Phœbo ante alios dilectus Iapis Iasides; acri quondam cui captus amore Ipse suas artes, sua munera, lætus Apollo, Augurium citharamque, dabat, celeresque sagittas: Ille, ut depositi proferret fata parentis, Scire potestates herbarum usumque medendi Maluit, et mutas agitare inglorius artes. Stabat, acerba fremens, ingentem nixus in hastam Æneas, magno juvenum et mærentis Iüli Concursu, lacrymis immobilis: ille, retorto 400 Pæonium in morem senior succinctus amictu. Multa manu medicâ Phœbique potentibus herbis Nequicquam trepidat; nequicquam spicula dextrâ Sollicitat, prensatque tenaci forcipe ferrum. Nulla viam Fortuna regit, nihil auctor Apollo Subvenit; et sævus campis magis ac magis horror Crebrescit, propiusque malum est: jam pulvere cœlum

Stare vident; subeunt equites, et spicula castris Densa cadunt mediis: it tristis ad æthera clamor Bellantûm juvenum, et duro sub Marte cadentûm. Hic Venus, indigno nati concussa dolore, Dictamnum genitrix Cretæå carpit ab Idå, Puberibus caulem foliis, et flore comantem Purpureo: non illa feris incognita capris Gramina, cum tergo volucres hæsêre sagittæ. Hoc Venus, obscuro faciem circumdata nimbo. Detulit: hoc fusum labris splendentibus annem Inficit, occultè medicans; spargitque salubris Ambrosiæ succos, et odoriferam panacëam. Fovit eâ vulnus lymphâ longævus Iapis, 420 Ignorans; subitòque omnis de corpore fugit Quippe dolor; omnis stetit imo vulnere sanguis: Jamque secuta manum, nullo cogente, sagitta Excidit, atque novæ redière in pristina vires. "Arma citi properate viro! quid statis?" Iapis

Conclamat, primusque animos accendit in hostes:— "Non hæc humanis opibus, non arte magistrå Proveniunt; neque te, Ænea, mea dextera servat: Major agit Deus, atque opera ad majora remittit." Ille, avidus pugnæ, suras incluserat auro Hinc atque hinc, oditque moras, hastamque coruscat. Postquam habilis lateri clypeus, loricaque tergo est, Ascanium fusis circum complectitur armis, Summaque per galeam delibans oscula fatur:-"Disce, puer, virtutem ex me, verumque laborem; 435 Fortunam ex aliis: nunc te mea dextera bello Defensum dabit, et magna inter præmia ducet; Tu facito, mox cum matura adoleverit ætas, Sis memor; et te, animo repetentem exempla tuorum, Et pater Æneas, et avunculus excitet Hector." Hec ubi dicta dedit, portis sese extulit ingens, Telum immane manu quatiens: simul agmine denso Antheusque Muestheusque ruunt; omnisque relictis Turba fluit castris: tum cæco pulvere campus Miscetur, pulsuque pedum tremit excita tellus. Vidit ab adverso venientes aggere Turnus. Vidère Ausonii, gelidusque per ima cucurrit Ossa tremor: prima ante omnes Juturna Latinos Audiit, agnovitque sonum, et tremefacta refugit. Ille volat, campoque atrum rapit agmen aperto. Qualis, ubi ad terras abrupto sidere nimbus It mare per medium, miseris heu! præscia longè Horrescunt corda agricolis; dabit ille ruinas Arboribus stragemque satis, ruet omnia latè; Antevolant, sonitumque ferunt ad littora venti: Talis in adversos ductor Rhæteïus hostes Agmen agit; densi cuneis se quisque coactis Agglomerant: ferit ense gravem Thymbræus Osirim; Archetium Mnestheus, Epulonem obtruncat Achates, Ufentemque Gyas; cadit ipse Tolumnius augur, Primus in adversos telum qui torserat hostes. Tollitur in cœlum clamor; versique vicissim Pulverulenta fuga Rutuli dant terga per agros;

Ipse neque aversos dignatur sternere morti, Nec pede congressos æquo, nec tela ferentes 465 Insequitur: solum densâ in caligine Turnum Vestigat lustrans, solum in certamina poscit. Hoc concussa metu mentem, Juturna virago Aurigam Turni media inter lora Metiscum Excutit, et longé lapsum temone relinquit: Ipsa subit, manibusque undantes flectit habenas, Cuncta gerens, vocemque, et corpus, et arma, Metisci. Nigra velut magnas domini cum divitis ædes Pervolat, et pennis alta atria lustrat, hirundo, Pabula parva legens nidisque loquacibus escas; 475 Et nunc porticibus vacuis, nunc humida circum: Stagna sonat: similis medios Juturna per hostes Fertur equis, rapidoque volans obit omnia curru; Jamque hic germanum, jamque hic, ostendit ovantem, Nec conferre manum patitur; volat avia longè. Haud minus Æneas tortos legit obvius orbes. Vestigatque virum, et disjecta per agmina magnâ Voce vocat. Quoties oculos conjecit in hostem, Alipedumque fugam cursu tentavit equorum; Aversos toties currus Juturna retorsit. Heu! quid agat? vario nequicquam fluctuat æstu; Diversæque vocant animum in contraria curæ. Huic Messapus, utì lævå duo fortè gerebat Lenta, levis cursu, præfixa hastilia ferro, Horum unum certo contorquens dirigit ictu. 490 Substitit Æneas, et se collegit in arma, Poplite subsidens; apicem tamen incita summum Hasta tulit, summasque excussit vertice cristas. Tum verò assurgunt iræ; insidiisque subactus, Diversos ubi sensit equos currumque referri, Multa Jovem et hesi testatur fæderis aras: Jam tandem invadit medios, et, Marte secundo Terribilis, sævam nullo discrimine cædem Suscitat, irarumque omnes effundit habenas. Quis mihi nunc totacerba Deus, quis carmine cædes Diversas, obitumque ducum, quos æquore toto

Digitized by Google

Inque vicem nunc Turnus agit, nunc Troïus heros, Expediat? tanton' placuit concurrere motu, Jupiter, æternâ gentes in pace futuras? Eneas Rutulum Sucronem (ea prima ruentes Pugna loco statuit Teucros) haud multa moratus Excipit in latus, et, quà fata celerrima, crudum Transadigit costas et crates pectoris ensem. Turnus equo dejectum Amycum, fratremque Diorem, Congressus pedes, hunc venientem cuspide longa, 510 Hunc mucrone ferit; curruque abscissa duorum Suspendit capita, et rorantia sanguine portat. Ille Talon Tanaimque neci, fortemque Cethegum, Tres uno congressu, et mæstum mittit Onyten, Nomen Echionium, matrisque genus Peridiæ: Hic fratres Lycia missos et Apollinis agris, Et juvenem exosum nequicquam bella Menœten Arcada: piscosæ cui circum flumina Lernæ Ars fuerat, pauperque domus; nec nota potentum Munera; conductaque pater tellure serebat. Ac velut immissi diversis partibus ignes Arentem in silvam, et virgulta sonantia lauro; Aut ubi decursu rapido de montibus altis Dant sonitum spumosi amnes, et in æquora currunt, Quisque suum populatus iter: non segniùs ambo Æneas Turnusque ruunt per prælia; nunc, nunc Fluctuat ira intùs: rumpuntur nescia vinci Pectora: nunc totis in vulnera viribus itur. Murranum hic, atavos et avorum antiqua sonantem Nomina, per regesque actum genus omne Latinos, Præcipitem scopulo atque ingentis turbine saxi Excutit, effunditque solo; hunc lora et juga subter Provolvêre rotæ, crebro super ungula pulsu Incita nec domini memorum proculcat equorum Ille ruenti Hyllo, animisque immane frementi, Occurrit, telumque aurata ad tempora torquet: Olli per galeam fixo stetit hasta cerebro. Dextera uec tua te, Graiûm fortissime Creteu. Eripuit Turno; nec Di texère Cupencum, -

Eneâ veniente, sui: dedit obvia ferro
Pectora; nec misero clypei mora profuit ærei.
Te quoque Laurentes viderunt, Æole, campi
Oppetere, et latè terram consternere tergo;
Occidis, Argivæ quem non potuêre phalanges
Sternere, nec Priami regnorum eversor Achilles.
Hic tibi mortis erant metæ; domus alta sub Idâ,
Lyrnessi domus alta; solo Laurente sepulcrum.
Totæ adeò conversæ acies, omnesque Latini,
Omnes Dardanidæ; Mnestheus, acerque Serestus,
Et Messapus, equûm domitor, et fortis Asylas,
Tuscorumque phalanx, Evandrique Arcadis alæ.
Pro se quisque viri summà nituntur opum vi:
Nec mora, nec requies: vasto certamine tendunt.

Hic mentem Æneæ genitrix pulcherrima misit, Iret ut ad muros, urbique adverteret agmen Ocvùs, et subitâ turbaret clade Latinos. Ille ut, vestigans diversa per agmina Turnum, Huc atque huc acies circumtulit, aspicit urbem Immunem tanti belli, atque impunè quietam. Continuò pugnæ accendit majoris imago: Mnesthea, Sergestumque vocat, fortemque Serestum, Ductores, tumulumque capit, quò cetera Teucrûm Concurrit legio, nec scuta aut spicula densi "Nè qua meis esto dictis mora; Jupiter hâc stat: Neu quis ob inceptum subitum mihi segnior ito. Urbem hodiè, causam belli, regna ipsa Latini, Nî frænum accipere et victi parere fatentur, Eruam, et æqua solo fumantia culmina ponam. Scilicet expectem, libeat dum prælia Turno Nostra pati, rursusque velit concurrere victus? Hoc caput, o cives, hec belli summa nefandi: Ferte faces properè, fœdusque reposcite flammis." Dixerat; atque animis paritèr certantibus omnes Dant cuneum, densâque ad muros mole feruntur. Scalæ improvisò, subitusque apparuit ignis: Discurrent alii ad portas, primosque trucidant;

Ferrum alii torquent, et obumbrant æthera telis. Ipse inter primos dextram sub mænia tendit Æneas, magnâque incusat voce Latinum; 5400 Testaturque Deos, iterûm se ad prælia cogi; Bis jam Italos hostes; hæc altera fædera rumpi. Exoritur trepidos inter discordia cives: Urbem alii reserare jubent, et pandere portas Dardanidis, ipsumque trahunt in mænia regem; 585 Arma ferunt alii, et pergunt defendere muros: Inclusas ut cûm latebroso in pumice pastor Vestigavit apes, fumoque implevit amaro; Illæ intûs trepidæ rerum per cerea castra Discurrunt, magnisque acuunt stridoribus iras; 590 Volvitur ater odor tectis; tum murmure cæco Intûs saxa sonant; vacuas it fumus ad auras.

Accidit heec fessis etiam fortuna Latinis. Quæ totam luctu concussit funditùs urbem. Regina ut tectis venientem prospicit hostem, Incessi muros, ignes ad tecta volare; Nusquam acies contrà Rutulas, nulla agmina Turni; Infelix pugnæ juvenem in certamine credit Extinctum; et, subito mentem turbata dolore. Se causam clamat, crimenque caputque malorum; Multaque per mæstum demens effata furorem. 601 Purpureos moritura manu discindit amictus. Et nodum informis leti trabe nectit ab altâ. Quam cladem miseræ postquam accepère Latinæ, Filia prima manu flavos Lavinia crines 605 Et roseas laniata genas, tum cetera circum Turba furit: resonant latè plangoribus ædes. Hinc totam infelix vulgatur fama per urbem: Demittunt mentes: it scissa veste Latinus, Conjugis attonitus fatis urbisque ruinâ, 610 Canitiem immundo perfusam pulvere turpans: [Multaque se incusat, qui non acceperit antè Dardanium Ænean, generumque asciverit ultrò.] Intereà extremo bellator in æquore Turnus

Palantes sequitur paucos, jam segnior, atque

Digitized by Google

615

Jam minus atque minus successu lætus equorum. Attulit hunc illi cæcis terroribus aura Commixtum clamorem, arrectasque impulit aures Confusæ sonus urbis, et illætabile murmur. " Hei mihi! quìd tanto turbantur mœnia luctu? 620 Quisve ruit tantus diversâ clamor ab urbe?" Sic ait; adductisque amens subsistit habenis: Atque huic, in faciem soror ut conversa Metisci Aurigæ currumque et equos et lora regebat, ... Talibus occurrit dictis :-- " Hac, Turne, sequamur 625 Trojugenas, quà prima viam victoria pandit: Sunt alii, qui tecta manu defendere possint. Ingruit Æneas Italis, et prælia miscet; Et nos sæva manu mittamus funera Teucris: Nec numero inferior, pugnæ nec honore recedes." 630 Turnus ad hæc:---"O soror, et dudum agnovi, cum prima per artem Fædera turbâsti, teque hæc in bella dedisti; Et nunc nequicquam fallis, Dea: sed quis Olympo Demissam tantos voluit te ferre labores? An fratris miseri letum ut crudele videres? Nam quid ago? aut quæ jam spondet Fortuna salu-Vidi oculos ante ipse meos, me voce vocantem, Murranum, quo non superat mihi carior alter, Oppetere ingentem, atque ingenti vulnere victum. Occidit infelix, nè nostrum dedecus Ufens Aspiceret: Teucri potiuntur corpore et armis. Exscindine domos (id rebus defuit unum) Perpetiar? dextrâ nec Drancis dicta refellam? Terga dabo; et Turnum fugientem hæc terra videbit? Usque adeonè mori miserum est? vos, o mihi Manes Este boni; quoniam Superis aversa voluntas: Sancta ad vos anima, atque istius inscia culpæ,

avorum."

Vix ea fatus erat, medios volat ecce per hostes, 650

Vectus equo spumante, Saces, adversa sagittâ

Saucius ora; ruitque, implorans nomine Turnum:—

Descendam, magnorum haud unquam indignus

"Turne, in te suprema salus; miserere tuorum. Fulminat Æneas armis, summasque minatur 651 Dejecturum arces Italûm, excidioque daturum; Jamque faces ad tecta volant: in te ora Latini, In te oculos referunt: mussat rex ipse Latinus, Quos generos vocet, aut quæ sese ad fædera flectat. Prætereà regina, tui fidissima, dextrâ Occidit ipsa suâ, lucemque exterrita fugit. 660 Soli pro portis Messapus et acer Atinas Sustentant aciem: circum hos utrinque phalanges Stant densæ; strictisque seges mucronibus horret Ferrea: tu currum deserto in gramine versas." Obstupuit, varià confusus imagine rerum, 665 Turnus, et obtutu tacito stetit: æstuat ingens Imo in corde pudor, mixtoque insania luctu, Et furiis agitatus amor, et conscia virtus. Ut primum discusse umbree, et lux reddita menti. Ardentes oculorum orbes ad mœnia torsit Turbidus, eque rotis magnam respexit ad urbem. Ecce autem flammis inter tabulata volutus. Ad cœlum undabat vortex, turrimque tenebat; Turrim, compactis trabibus quam eduxerat ipse, Subdideratque rotas, pontesque instraverat altos. 675 " Jam jam fata, soror, superant; absiste morari; Quò Deus, et quò dura vocat Fortuna, sequamur: Stat conferre manum Æneæ; stat, quicquid acerb est.

Morte pati; nec me indecorem, germana, videbis Ampliùs: hunc, oro, sine me furere antè furorem."
Dixit; et e curru saltum dedit ocyùs arvis; 682
Perque hostes, per tela ruit, mœstamque sororem
Deserit, ac rapido cursu media agmina rumpit.
Ac veluti montis saxum de vertice præceps
Cùm ruit, avulsum vento; seu turbidus imber
Proluit, aut annis solvit sublapsa vetustas;
Fertur in abruptum magno mons improbus actu,
Exultatque solo, silvas, armenta, virosque
Involvens secum: disjecta per agmina Turnus

Sic urbis ruit ad muros, ubi plurima fuso 690 Sanguine terra madet, stridentque hastilibus auræ; Significatque manu, et magno simul incipit ore:— "Parcite jam, Rutuli, et vos tela inhibete, Latini: Quæcunque est fortuna, mea est; me verius unum Pro vobis fædus luere, et decernere ferro." 695 Discessêre omnes medii, spatiumque dedêre.

At pater Æneas, audito nomine Turni, Descrit et muros, et summas descrit arces; Præcipitatque moras omnes; opera omnia rumpit, Lætitiå exultans; horrendùmque intonat armis: 700 Quantus Athos, aut quantus Eryx, aut ipse, coruscis Chm fremit ilicibus, quantus, gaudetque nivali Vertice se attollens pater Apenninus ad auras. Jam verò et Rutuli certatim, et Troës, et omnes Convertère oculos Itali, quique alta tenebant 705 Mœnia, quique imos pulsabant ariete muros; Armaque deposuêre humeris: stupet ipse Latinus Ingentes, genitos diversis partibus orbis, Inter se coiïsse viros, et cernere ferro. Atque illi, ut vacuo patuerunt æquore campi, Procursu rapido conjectis eminus hastis, Invadunt Martem clypeis atque ære sonoro. Dat gemitum tellus; tum crebros ensibus ictus Congeminant: fors et virtus miscentur in unum. Ac velut, ingenti Silâ summove Taburno, 715 Cùm duo conversis inimica in prælia tauri Frontibus incurrunt, pavidi cessêre magistri; Stat pecus omne metu mutum; mussantque juvencæ, Quis nemori imperitet, quem tota armenta sequantur; Illi inter sese multà vi vulnera miscent. Cornuaque obnixi infigunt, et sauguine largo Colla armosque lavant; gemitu nemus omne remugit: Haud alitèr Tros Ænæas et Daunius heros Concurrent clypeis; ingens fragor æthera complet. Jupiter ipse duas æquato examine lances 725

Jupiter ipse duas æquato examine lances
Sustinet, et fata imponit diversa duorum;
Quem damnet labor, et quo vergat pondere letum.

Emicat hic, impunè putans, et corpore toto Altè sublatum consurgit Turnus in ensem, Et ferit: exclamant Troës, trepidique Latini, 730 Arrectæque amborum acies: at perfidus ensis Frangitur, in medioque ardentem deserit ictu. Ni fuga subsidio subeat ---: fugit ocyor Euro, Ut capulum ignotum dextramque aspexit inermem. Fama est, præcipitem, cum prima in prælia junctos Conscendebat equos, patrio mucrone relicto, Dum trepidat, ferrum aurigee rapuisse Metisci; Idque diu, dum terga dabant palantia Teucri. Suffecit; postquam arma Dei ad Vulcania ventum, Mortalis mucro, glacies ceu futilis, ictu 740 Dissiluit; fulvâ resplendent fragmina arenâ. Ergò amens diversa fuga petit æquora Turnus, Et nunc huc, indè huc incertos implicat orbes: Undique enim densâ Teucri inclusere coronâ; Atque hinc vasta palus, hinc ardua mœnia cingunt. Nec minus Æneas, quanquam tardata sagittå Interdum genua impediunt, cursumque recusant, Insequitur, trepidique pedem pede fervidus urget: Inclusum veluti si quando in flumine nactus Cervum, aut puniceæ septum formidine pennæ, Venator cursu canis et latratibus instat; Ille autem, insidiis et ripâ territus altâ, Mille fugit refugitque vias; at vividus Umber Hæret hians, jam jamque tenet, similisque tenenti Increpuit malis, morsuque elusus inani est. 755 Tum verò exoritur clamor; ripæque lacusque Responsant circà, et cœlum tonat omne tumultu. Ille simul fugiens, Rutulos simul increpat omnes, Nomine quemque vocans: notumque efflagitat ensem: Æneas mortem contrà præsensque minatur Exitium, si quisquam adeat; terretque trementes, Excisurum urbem minitans, et saucius instat. Quinque orbes explent cursu, totidemque retexunt Huc, illuc: nec enim levia aut ludicra petuntur Præmia: sed Turni de vitâ et sanguine certant. 765

Fortè sacer Fauno foliis oleaster amaris Hic steterat, nautis olim venerabile lignum; Servati ex undis ubi figere dona solebant Laurenti Divo, et votas suspendere vestes: Sed stirpem Teucri nullo discrimine sacrum 770 Sustulerant, puro ut possent concurrere campo. Hic hasta Æneæ stabat; huc impetus illam Detulerat, fixam et lentà in radice tenebat. Incubuit, voluitque manu convellere ferrum Dardanides; teloque sequi, quem prendere cursu 775 Non poterat. Tum verò amens formidine Turnus,— "Faune, precor, miserere," inquit; "tuque optima Terra tene: colui vestros si semper honores, [ferrum Quos contra Æneadæ bello fecère profanos." Dixit; opemque Dei non cassa in vota vocavit; 780 Namque diu luctans, lentoque in stirpe moratus, Viribus haud ullis valuit discludere morsus Roboris Æneas: dum nititur acer, et instat, Rursus in aurigæ faciem mutata Metisci Procurrit, fratrique ensem Dea Daunia reddit. 785 Quod Venus audaci Nymphæ indignata licere, Accessit, telumque alta ab radice revellit. Olli sublimes, armis animisque refecti, Hic gladio fidens, hic acer et arduus hastâ, Assistunt contrà, certamine Martis anheli. 790 Junonem intereà rex omnipotentis Olympi Alloquitur, fulvâ pugnas de nube tuentem :-"Que jam finis erit, conjux? quid denique restat?

"Quæ jam finis erit, conjux? quid denique restat? Indigetem Ænean scis ipsa, et scire fateris, Deberi cœlo, fatisque ad sidera tolli: 795 Quid struis? aut quâ spe gelidis in nubibus hæres? Mortalin' decuit violari vulnere Divum? Aut ensem (quid enim sine te Juturna valeret?) Ereptum reddi Turno, et vim crescere victis? Desine jam tandem, precibusque inflectere nostris; Nec te tantus edat tacitam dolor; et mihi curæ 801 Sæpe tuo dulci tristes ex ore recursent.

Trojanos potuisti; infandum accendere bellum; Deformare domum; et luctu miscere hymenæos: ses Ulteriùs tentare veto." Sic Jupiter orsus; Sic Dea submisso contrà Saturnia vultu:-" Ista quidem quia nota mihi tua, magne, voluntas, Jupiter, et Turnum et terras invita reliqui: Nec tu me aëriâ solam nunc sede videres Digna indigna pati; sed flammis cincta sub ipsâ Starem acie, traheremque inimica in prælia Teucros. Juturnam misero, fateor, succurrere fratri Suasi, et pro vitâ majora audere probavi: Non ut tela tamen, non ut contenderet arcum: Adjuro Stygii caput implacabile fontis; Una superstitio superis quæ reddita divis. Et nunc cedo equidem, pugnasque exosa relinquo. Illud te, nullâ fati quod lege tenetur, Pro Latio obtestor, pro majestate tuorum: Cùm jam connubis pacem felicibus (esto!) Component; cum jam leges et fœdera jungent; Nè vetus indigenas nomen mutare Latinos, Neu Troas fieri jubeas, Teucrosque vocari, Aut vocem mutare viros, aut vertere vestes: Sit Latium, sint Albani per secula reges; Sit Romana potens Itala virtute propago; Occidit, occideritque, sinas, cum nomine Troja." Olli subridens hominum rerumque repertor:— " Et germana Jovis, Saturnique altera proles, Irarum tantos volvis sub pectore fluctus? Verum age, et inceptum frustrà submitte furorem : Do quod vis; et me victusque volensque remitto. Sermonem Ausonii patrium moresque tenebunt; Utque est, nomen erit; commixti corpore tantum 835 Subsident Teucri: morem ritusque sacrorum Adjiciam, faciamque omnes uno ore Latinos. Hinc genus, Ausonio mixtum quod sanguine surget, Supra homines, supra ire Deos pietate videbis; Nec gens ulla tuos æquè celebrabit honores." Annuit his Juno, et mentem lætata retorsit: Intereà excedit cœlo, nubemque reliquit.

His actis, aliud Genitor secum ipse volutat, Juturnamque parat fratris dimittere ab armis. Dicuntur geminæ pestes, cognomine Diræ, Quas, et Tartaream Nox intempesta Megæram, Uno eodemque tulit partu, paribusque revinxit Serpentum spiris, ventosasque addidit alas: Hæ Jovis ad solium sævique in limine regis Apparent, acuuntque metum mortalibus ægris. Si quando letum horrificum morbosque Deûm rex Molitur, meritas aut bello territat urbes. Harum unam celerem demittit ab æthere summo Jupiter, inque omen Juturnæ occurrere jussit: Illa volat, celerique ad terram turbine fertur. Non secùs ac nervo per nubem impulsa sagitta, Armatam sævi Parthus quam felle veneni, (Parthus sive Cydon,) telum immedicabile torsit Stridens, et celeres incognita transilit umbras: Talis se sata Nocte tulit, terrasque petivit. Postquam acies videt Iliacas, atque agmina Turni, Alitis in parvæ subitò collecta figuram, Quæ quondam, in bustis aut culminibus desertis Nocte sedens, serum canit importuna per umbras: Hanc versa in faciem, Turni se pestis ad ora Fertque refertque sonans, clypeumque everberat alis. Illi membra novus solvit formidine torpor; Arrectæque horrore comæ, et vox faucibus hæsit. At, procul ut Diræ stridorem agnovit et alas, Infelix crines scindit Juturna solutos, 870 Unguibus ora soror fædans, et pectora pugnis:--" Quid nunc te tua, Turne, potest germana juvare? Aut quid jam miseræ superat mihi? quâ tibi lucem Arte morer? talin' possum me opponere monstro? Jam jam linquo acies: nè me terrete timentem, 875 Obscœnæ volucres; alarum verbera nosco, Letalemque sonum; nec fallunt jussa superba Magnanimi Jovis. Heec pro virginitate reponit? Quò vitam dedit æternam? cur mortis ademta est Conditio? possem tantos finire dolores Nunc certè, et misero fratri comes ire per umbras!

Immortalis ego? Aut quicquam mihi dulce meorum Te sine, frater, erit? O quæ satis ima dehiscat Terra mihi, Manesque deam demittat ad imos!" Tantum effata, caput glauco contexit amictu, sss Multa gemens, et se fluvio dea condidit alto.

Æneas instat contrà, telumque coruscat Ingens arboreum, et sævo sic pectore fatur:— Quæ nunc deinde mora est? aut quid jam, Turne, retractas?

Non cursu, sævis certandum est cominùs armis: 890 Verte omnes tete in facies, et contrahe quicquid Sive animis, sive arte, vales; opta ardua pennis Astra sequi, clausumque cavâ te condere terrâ. Ille, caput quassans:-" Non me tua fervida terrent Dicta, ferox: Di me terrent, et Jupiter hostis." Nec plura effatus, saxum circumspicit ingens, (Saxum antiquum, ingens, campo quod fortè jacebat Limes agro positus, litem ut discerneret arvis): Vix illud lecti bis sex cervice subirent, Qualia nunc hominum producit corpora tellus: Ille manu raptum trepidâ torquebat in hostem Altior insurgens, et cursu concitus heros. Sed neque currentem se, nec cognoscit euntem, Tollentemve manu saxumque immane moventem: Genua labant, gelidus concrevit frigore sanguis: 905 Tum lapis ipse viri, vacuum per inane volutus. Nec spatium evasit totum, nec pertulit ictum. Ac velut in somnis, oculos ubi languida pressit Nocte quies, nequicquam avidos extendere cursus Velle videmur, et in mediis conatibus ægri Succidimus; non lingua valet, non corpore notæ Sufficient vires, nec vox nec verba sequentur: Sic Turno, quâcunque viam virtute petivit, Successum dea Dira negat. Tum pectore sensus Vertuntur varii: Rutulos aspectat et urbem, Cunctaturque metu, telumque instare tremiscit: Nec quò se eripiat, nec qua vi tendat in hostem, Nec currus usquam videt, aurigamque sororem.

Cunctanti telum Æneas fatale coruscat. Sortitus fortunam oculis; et corpore toto 920 Eminus intorquet: murali concita nunquam Tormento sic saxa fremunt, nec fulmine tanti Dissultant crepitus. Volat, atri turbinis instar, Exitium dirum hasta ferens; orasque recludit Loricæ, et clypei extremos septemplicis orbes: Per medium stridens transit femur. Incidit ictus Ingens ad terram duplicato poplite Turnus. Consurgunt gemitu Rutuli; totusque remugit Mons circum, et vocem latè nemora alta remittunt. Ille, humilis supplexque, oculos dextramque precantem Protendens,—" Equidem merui, nec deprecor," "Utere sorte tuâ: miseri te si qua parentis [quit: Tangere cura potest, oro (fuit et tibi talis Anchises genitor) Dauni miserere senectæ; Et me, seu corpus spoliatum lumine mavis, 935 Redde meis. Vicisti; et victum tendere palmas Ausonii vidêre; tua est Lavinia conjux: Ulterius ne tende odiis." Stetit acer in armis Æneas, volvens oculos, dextramque repressit: Et jam jamque magis cunctantem flectere sermo Cœperat, infelix humero cum apparuit alto .941 Balteus, et notis fulserunt cingula bullis Pallantis pueri; victum quem vulnere Turnus Straverat, atque humeris inimicum insigne gerebat. Ille, oculis postquam sævi monumenta doloris Exuviasque hausit, furiis accensus et irâ Terribilis,—Tune hinc spoliis indute meorum Eripiare mihi? Pallas te hoc vulnere, Pallas Immolat, et pænam scelerato ex sanguine sumit." Hoc dicens, ferrum adverso sub pectore condit Fervidus: ast illi solvuntur frigore membra; Vitaque cum gemitu fugit indignata sub umbras.

FINIS.



CHARLES WHITTINGHAM, CHISWICK.

## WORKS

## PUBLISHED BY WILLIAM PICKERING. 177, PICCADILLY.

PICKERING'S DIAMOND CLASSICS, beautifully printed, the smallest editions ever published.

#### GREEK.

NOVUM TESTAMENTUM GRÆCUM, with a beautiful frontispiece of Da Vinci's Last Supper, engraved by Worthington, 48mo. 10s. 6d.

The first specimen of a Greek Testament executed

in diamond type, cast expressly for this edition.

HOMERI ILIAS ET ODYSSEA, portrait, 2 vols. 48mo. 12s. A few copies taken off on Large Paper, 2 vols. 32mo.

#### LATIN.

Horatius, 48mo. cloth boards, 6s. | Terentius, 48mo. cloth boards. Virgilius, 48mo. cloth boards, 8s. CATULLUS, TIBULLUS, et PROPER-TIUS, 48mo. 6s.

CICERO DE OFFICIIS, &c. 48mo.

cloth boards, 5s.

#### ITALIAN.

Dante, 2 vols. 48mo. 10s. Tasso, 2 vols. 48mo. 10s.

Petrarca, 48mo. 6s.

#### ENGLISH.

SHAKESPEARE, with 38 Engravings after Stothard, &c. 9 vols. 48mo. 2l. 2s.

Walton's Lives of Donne, Wot-TON, HOOKER, HERBERT, and Sanderson, portraits, 48mo.

Walton and Cotton's Complete Angler, with Cuts, 48mo. 6s. MILTON'S PARADISE LOST, 48mo.

'OMHPOΥ FIAIAΣ Littera Digamma restituta ad Metri Leges redegit et Notatione brevi illustravit Thomas Shaw Brandreth, A.M. S.R.S. SS. T.C. olim S. 2 vols. 8vo. 1l. 1s.

JUVENAL et PERSIUS, ex Recensione et cum Notis Ruperti et Kœnig, 8vo. new edition, boards, 14s.

LUCRETIUS, ex Recensione et cum Notis Creech et Bentleii, 8vo. just published, 12s.

#### WORKS PUBLISHED BY WILLIAM PICKERING.

#### RICHARDSON'S

# NEW ETYMOLOGICAL DICTIONARIES OF THE ENGLISH LANGUAGE.

- I.—In Two large Quarto Volumes, price Five Guineas, cloth. This work consists of two large quarto volumes, upon the composition of which the author has been employed for more than 20 years: and though the expense of publication has exceeded the sum of 6000l. it is published at the moderate price of 5 guineas. The two volumes contain nearly 2300 pages of 3 columns each, closely, yet clearly and beautifully printed. In this Dictionary equal care has been bestowed upon the Etymologies and Explanation; and also upon the copious selection of quotations in illustration of both:—these are arranged in Chronological series from Wiclif and Chaucer to Burke and Cowper.
- II.—Abridged in One large Volume Octavo, price Eighteen Shillings, cloth. This Dictionary comprises, as equally essential, the two departments of Etymology and Explanation: the former most carefully and elaborately investigated, and the latter founded, with equal care and labour, upon such results as investigation may discover. This combination, unattempted in all other English dictionaries, will, it is hoped, entitle the book to the character of a Scholar's Manual: and at the same time pre-eminently distinguish it as a book of common reference.
- JOHNSON and WALKER'S DICTIONARY of the ENGLISH LANGUAGE combined, with the Pronunciation greatly simplified, revised, corrected, and enlarg d, with the addition of several thousand words, by R. S. J. MESON, Esq. 8vb. third edition, 12s.
- THE POETICAL WORKS of VINCENT BOURNE, Latin and English. A New Edition, with a Life of the Author, edited by the Rev. John Mitters, in foolscap, 8vo. 5s.
- BACON'S ESSAYS and WISDOM of the ANCIENTS. Edited by Basil Montagu. Foolscap 8vo. 5s.
- BACON'S ADVANCEMENT of LEARNING, Edited by Basil Montagu. Foolscap 8vo. 5s.
- BACON'S NOVUM ORGANUM, or True Suggestions for the Interpretation of Nature. Foolscap 8vo. 5s.

Ī